

**ЎЗБЕКИСТОН РЕСПУБЛИКАСИ ОЛИЙ ВА ЎРТА МАХСУС  
ТАЪЛИМ ВАЗИРЛИГИ  
ТОШКЕНТ ПЕДИАТРИЯ ТИББИЁТ ИНСТИТУТИ**

**Э.А.Шомансурова, Ш.Т.Акбарова, А.И.Улугов, Ш.А.Агзамова,  
М.Б.Деворова, Г.Т.Махкамова**

**ПОЛИКЛИНИК ПЕДИАТРИЯ ВА РЕАБИЛИТОЛОГИЯ**

**Тиббиёт олий ўқув юртларининг 6-7 курс талабалари учун дарслик**

**Тошкент 2010**

Дарсликда оилавий поликлиника ва қишлоқ шифокорлик пунктларида ишлаш жараёни хамда болалардаги энг кўп тарқалган касалликларни ташҳисоти, давоси ва профилактикаси кўрсатилган.

Бобларда ҳар бир кассаликларга тегишли таснифлар, ташҳисот мезонлари, даволаш усуллари, диспансер кузатув схемаси ва реабилитацияси берилган.

Дарслик тиббиёт олий ўқув юртлари талабалари учун тавсия қилинган.

*Тақризчилар:*

Тиббиёт фанлари доктори, профессор ТВМОИ педиатрия кафедраси  
мудири **Ф.С. ШАМСИЕВ**

Тиббиёт фанлари доктори, ТТА болалар юқумли касалликлари ва  
педиатрия кафедраси профессори **Б.Т. ХАЛМАТОВА**

## **СҮЗ БОШИ**

Поликлиник педиатрия ва реабилитология - тиббиёт институтида педиатрия таълимини яқунловчи фандир. У талабадан болалар касалликлари пропедевтикаси, факултет ва госпитал педиатрия шуниндек тиббий–биологик мутахассислиги кафедраларида олган билимларни ишлатишни талаб қиласди.

Педиатрия институтлари ва факултетларнинг 7 босқич талабаларига мўлжалланган мазкур дарсликда улар аввалги босқичларда ўзлаштирган мавзуулар эътиборга олинган. Дарсликга Ўзбекистон Республикаси Соғликни сақлаш тизимини ислоҳ қилиш борасида поликлиника ишини ташкиллаштириш ҳақида маълумотлар, шуниндек ёш болаларда энг кўп учрайдиган касалликларни тафсифловчи педиатрияning асосий бўлимлари тақдим этилган. Касалликларни тавсифлаш, ташхислаш, даволаш ва профилактика мезонларига тўхталаган ҳолда муаллифлар мавзууни бир ҳил шаклини сақлаб қолишиган. Касалликни замонавий даво ва реабилитация тамоилларига кўра, касалликдан сўнг поликлиника назоратида бўлиш ва босқичма-босқич даволаш шартлари хисобга олинган ва муаллифлар томонидан диспансеризация ва реабилитация масалалари ёритилган.

Умид қиласмизки, мазкур дарслик битирувчи босқич талабаларига ўзларининг олийжаноб шифокор касблари сифатида мустақил фаолият кўрсатиш учун тайёрлашда ёрдам беради.

## **1 КИСМ**

### **БИРЛАМЧИ ТИББИЙ ЁРДАМНИ ТАШКИЛ ҚИЛИШ**

**1.1 Оила тиббиёти асослари.** Оилавий поликлиника ва қишлоқ врачлик пунктида ишни ташкил қилиш. **Қўлланиладиган ҳужжатлар. Касаллик варақаси.**

Оилавий поликлиника ва қишлоқ врачлик пункти (ҚВП) ўзига бириктирилган ҳудуддаги ахолига бирламчи тиббий ёрдам кўрсатишга асосланган. Поликлиниканинг иш фаолияти, мутахассисларнинг иш ўринлари шу поликлиника хизмат кўрсатадиган аҳолининг сони, жинси, ҳар хил касалликларнинг қайд этилиш даражаси билан аниқланади.

Замонавий оилавий поликлиника ва ҚВП лари даволаш ва профилактика муассасалари бўлиб, ахолига тиббий ёрдам кўрсатиш, касалликнинг олдини олиш ва аҳолини соғломлаштириш тадбирларини ўтказиш учун мўлжалланган шифо маскани ҳисобланади.

Унинг вазифасига қўйидагилар киради:

- ўткир кечувчи касаллиги ва жароҳати бўлган беморларга бирламчи тез тиббий ёрдам кўрсатиш;
- bemorlarни uy sharoitiida va poliklinikada davolash;
- aholini dospanser nazoratidan utkazish;
- bemorning vaqtinchalik ishga lae'qatsizligini aniklash;
- bemorlarning ishga lae'qatsizligini aniklash komissiyasiga shifokorlar mehnat-expert komissiyasi (ШМЭК) йўлланма bérish;
- sanatoriya-kurortga davolaniš учун йўлланма bérish;
- stacionar давога муҳтоҷ bemorlarni ўз vaqtida stacionariga ётқизиш.

Поликлиникада қўйидаги ишлар олиб борилади:

- касалликнинг олдини олишга йўналтирилган профилактик тадбирлар;
- эпидемияга қарши тадбирлар;
- санитария-оқартув ишлари;
- аҳолининг саломатлик даражасини ўрганиш;

- касалликни эрта аниқлаш ва даволаш;
- диспансеризация ва реабилитация.

## ҚИШЛОҚ ВРАЧЛИК ПУНКТИ ҲАҚИДАГИ НИЗОМ

1. ҚВП маълум бир бириктирилган ҳудуд аҳолисига малакали тиббий ёрдам кўрсатадиган муассасадир.
2. ҚВП аҳолининг жойлашиши, аҳоли пунктларининг бир-бири билан ўзаро боғлиқлигини, қишлоқ хўжалик ва бошқа турдаги ишлаб чиқариш хусусиятларини ҳисобга олган ҳолда, аҳоли сони 1500 ва ундан кўп бўлган жойларда ташкил этилади.
3. ҚВПлари хизмат кўрсатиладиган аҳоли сонига кўра
  - биринчи типдаги – аҳоли сони 1500гача
  - иккинчи типдаги – аҳоли сони 1500дан 3500гача
  - учинчи типдаги – аҳоли сони 3500дан 6000гача
  - тўртинчи типдаги – аҳоли сони 6000дан кўп бўлган ҚВПларига бўлинади.
4. ҚВПни ташкил қилиш ва тугатиш туман марказий шифохона бош шифокори ва туман ҳокими томонидан амалга оширилади.
5. ҚВП ишчиларининг вазифалари ва ҳуқуқлари Соғлиқни сақлаш вазирлиги томонидан белгилаб берилади.
6. ҚВПнинг таъминланиши Соғлиқни сақлаш вазирлиги томонидан тасдиқланган рўйхат асосида маҳаллий маблағ ҳисобидан амалга оширилади.
7. ҚВП ўзининг вазифасини тўлиқ бажариши учун дори дармонлар ва санитария-гигиена жиҳозлари билан таъминланиши керак.
8. ҚВП бош шифокори туман бош шифокори томонидан тайинланади ва лавозимидан бўшатилади.
9. Аҳолига тез тиббий ёрдам кўрсатиш мақсадида ҚВПлар техника билан таъминланади.
10. ҚВПларида иш ўринлари, қанча аҳолига хизмат кўрсатиш сони, чегараси, қишлоқ хўжалик ва бошқа турдаги ишлаб чиқариш турларига қараб ажратилади.
11. ҚВПда врачлар иш ўринларининг сони ҚВПнинг турига, бириктирилган ҳудуд аҳоли сонига, 1 врачлик иш ўрнига 1500 аҳоли тўғри келишини ҳисобга олган ҳолда ажратилади.
12. ҚВПлари қуйидагича бўлинниши мумкин:

- кундузи ётиб даволанишга мўлжалланган ҚВП;
  - кечаси ва кундузи ётиб даволанишга мўлжалланган ҚВП.
- 13.** ҚВПлари газ, марказлашган сув таъминоти, телефон билан таъминланиши керак.
- 14.** ҚВПларида олиб бориладиган ҳисоб-китоб ишлари туман марказий шифохонасига тақдим этилади.
- 15.** ҚВПлари Ўзбекистон Республикаси Вазирлар маҳкамаси томонидан тасдиқланган ва ЎзДавлойиха томонидан ишлаб чиқилган намунавий дастур асосида қурилади.
- 16.** ҚВП 2 хил кўринишда - туман марказий шифохонаси таркибида ва ўзи алоҳида юридик боғлик бўлмаган муассаса сифатида иш юритиши мумкин.

### ҚВПнинг АСОСИЙ ВАЗИФАЛАРИ:

- Ўзига тегишли ҳудуд аҳолисига малакали тиббий ёрдам кўрсатиш, касалликлар ва шикастланишнинг олдини олиш учун профилактик тадбирлар ўтказиш, ногиронлик ва ўлим кўрсаткичини камайтириш.
- Аҳолининг санитария-гигиена онгини ошириш бўйича тадбирлар ўтказиш ва ташкиллаштириш.
- Аҳоли ўртасида соғлом турмуш тарзи, тўғри овқатланиш, чекиш, ичиш ва бошқа заарли одатлар билан шуғулланмаслик, жисмоний тарбия ва спорт билан шуғулланиш тўғрисида ташвиқот ўтказиш.
- Аҳолига тез тиббий ёрдам кўрсатиш.
- Профилактик текширув ва диспансер кузатуви ишларини ташкиллаштириш ва ўтказиш.
- Болалар ва катталар ўртасида кўп учрайдиган касалликлар (сил, тери-таносил ва б.)нинг олдини олиш, даволаш тадбирларини ўтказиш.
- Касаллик сабабларини, ногиронликка олиб келувчи сабабларни ўрганиш ва камайтириш чора-тадбирларини кўриш.
- ҚВПда фаолият кўрсатаётган шифокор ва ҳамширалар малакасини ошириб бориш.
- Касалликни эрта аниқлаш, керак бўлса туман марказий шифохонасидан мутахассисларни жалб этиш.

- Кўрсатма бўйича bemорларни ўз вақтида туман марказий шифохонасига ётқизиш.
- Кўрсатма бўйича вақтинчалик ишга лаёқатсизликни аниқлаш.
- ҚВПга бириктирилган ҳудудда юқумли ва бошқа касалликлар пайдо бўлганда туман марказий шифохонасига ва СЭСга билдириш.

## ҚВП ШИФОКОРИ ТЎҒРИСИДА НИЗОМ

1. ҚВП шифокори лавозимига юқори малакали умумий амалиёт шифокори ёки даволаш иши, педиатрия иши йўналиши бўйича тиббиёт институтини тамомлаган юқори малакали шифокор тавсия этилади.
2. ҚВП шифокори лавозимига тавсия этиш ёки лавозимдан олиш туман марказий шифохонаси бош шифокори томонидан амалга оширилади.
3. ҚВП шифокори умумий амалиёт шифокори тамойиллари асосида ишлайди.
4. Агар ҚВПда 1та шифокор ишласа, унга қўшимча ҚВП бош шифокори лавозими вазифаси юқлатилади.
5. ҚВП бош шифокори туман марказий шифохонаси бош шифокори ёки унинг ўринбосарига тўғридан-тўғри бўйсунади.

## ҚВП ШИФОКОРИНИНГ ВАЗИФАСИ:

- ҚВПга бириктирилган ҳудуддаги bemорларга тез тиббий ёрдам кўрсатиш.
- Беморларга туман марказий шифохонаси ёки даволаш-профилактика муассасалари шифокорлари кўрувини ташкиллаштириш.
- Беморларни ўз вақтида кўрсатмага биноан даволаш муассасасига ётқизиш.
- Туғиши ёшидаги аёлларни, ўспирин ёшларни соғломлаштиришга қаратилган ишларни ташкиллаштириш.
- Мактаб ёшидаги болаларни, фертил ёшдаги қиз болаларни кўриш мақсадида йилда 1 марта туман марказий шифохонаси мутахассислари қўригини амалга ошириш.
- Хомиладорликни режалаштириш, туғилиш ўртасидаги оралиқ мутаносиблигини таъминлаш.

- Болалар ўртасида мавсумий касалликлар қўпайишининг олдини олишга қаратилган тадбирлар ўтказиш.
- Профилактик эмлашлар ўтказилишини кузатиб, текшириб бориш.
- Беморларнинг вақтинчалик ишга лаёқатсизлигини аниқлаш.
- Беморларни керак бўлган хужжатлар билан ШМЭКга йўлланма бериш.
- Эпидемияга қарши тадбирларни ташкиллаштириш ва ўтказиш, эпидкўрсатма бўйича уйга бориб кўришни таъминлаш.
- Қуйидаги касалликлар (сил, тери, жинсий йўл билан ўтадиган ва б.)ни вақтида аниқлаш ва даволаш.
- Соғлом турмуш тарзи, тўғри овқатланиш, жисмоний тарбия, спорт, она сути ва иммунопрофилактиканинг аҳамияти тўғрисида аҳоли ўртасида санитария-оқартув ишларини ўтказиш.
- Кўрсатмага биноан bemorlarни уйда ёки ҚВПда даволаш.

### ҚВП шифокорининг ҳуқуқлари:

- ҳамшира, фельдшер, акушерка ишларини назорат қилиш.
- bemorни парвариш қилиш учун касаллик варақасини бериш;
- қисқа муддатли ўқув курс ва семинарларида ўзини касбий билим ва кўникмаларини ошириш.

Ҳисобга олиш ёки ҳисоб бериш хужжатлари маҳсус мутахассис-бош шифокорга бўйсинувчи тиббий статист томонидан амалга оширилади.

### Тиббий статист мутахассисига қуйидаги вазифалар юклатилади:

1. Даволаш муассасасининг ўз вақтида узлуксиз ҳисобга олиш ва ҳисоб бериш хужжатлари қофозлари билан таъминлаш.
- Ҳисобга олиш ва ҳисоб бериш хужжатлари тўғри тўлдирилганлигини ва тўлиқлигини ҳамда маълумотлар аниқлигини текшириб туриш.

### ҚВПда З хил турдаги ҳисобга олиш ва ҳисоб бериш хужжатлари мавжуд:

- 1) ҳар бир тиббий хизматга келган bemorlar учун тўлдириладиган хужжатлар.

2) маълум бир вақтда (даврда) қилинган ишлар қайд этиладиган хужжатлар.

3) фақат тиббий тадбирлар қайд этиладиган хужжатлар.

Клиник ташҳис қайд этиладиган **025-2у** талони шифокор томонидан аниқланган ҳар бир ўткир касаллик ва ҳаёти давомида биринчи марта сурункали касаллиги аниқланганда тўлдирилади.

№	Хужжатлар номи	Хужжатлар рақами
1	Боланинг ривожланиш тарихи	112/у
2	Диспансер назорати картаси	030/у
3	Эмлашни қайд этиш картаси	063/у
4	Клиник ташҳисни қайд этиш стат талони	025-2/у
5	Шифокор қабули учун талон	25-4/у
6	БЦЖ вакцинациясининг ножӯя таъсирини қайд этиш картаси	076/у
7	Боланинг ногиронлиги ҳақидаги тиббий хулоса	080/у
8	Инфекцион касаллик, овқат ва ишга боғлиқ бўлган заҳарланишда шошилинч хабарнома	058/у
9	Талабалар ва ўқувчиларнинг вақтинчалик ишга лаёқатсизлиги ҳақидаги маълумотнома	095/у
10	Инфекцион касалликларни қайд қилиш журнали	060/у
11	Профилактик эмлашни қайд қилиш журнали	064/у
12	Поликлиника изоляторидаги bemorlarни қайд қилиш журнали	059/у
13	Амбулатор bemornинг тиббий картаси	025/у

Соғлиқни сақлашни бирламчи тизимини қайта ислоҳ қилиш даврида бир қатор тиббий муассасалар, яъни туман шифохонаси, қишлоқ шифохонаси, қишлоқ шифокорлик амбулаторияси, фельдшерлик-акушерлик пунктлари йўқотилиб, улар ўрнига ҚВП ва туман Марказий шифохонаси ташкил этилди.

## **БЕМОР БОЛАНИ ПАРВАРИШ ҚИЛИШ УЧУН БЕРИЛАДИГАН КАСАЛЛИК ВАРАҚАСИ ВА МАЪЛУМОТНОМАНИНГ БЕРИЛИШ ТАРТИБИ**

**1.** Ташкилот, муассаса, фермер, дехқон хўжалиги, якка тартибда иш юритувчи, буюртма асосида ишловчи ишчиларни вақтинчалик ишга лаёқатсизлиги маълумотнома ёки ишга лаёқатсизлик варақаси билан тасдиқланади.

**2.** Бирор ташкилотдан (вақтингча) ишдан бўшатилган ишчига ишга лаёқатсизлик варақаси берилмайди.

**3.** Ишга лаёқатсизлик варақаси ишдан озод қилинганлар учун ҳужжат бўлиб ҳисобланади ва вақтингчалик ишга лаёқатсизлик даврида ёрдам пулини олиш ҳуқуқини беради; ишга лаёқатсизлик варақаси бўйича вақтингчалик ишга лаёқатсизликка олиб келган касалликлар назорати олиб борилади.

**4.** Маълумотнома ҳужжат бўлиб ёрдам пулини олиш ҳуқуқини бермайди.

**5.** Даволаш-профилактика муассасалари, илмий текшириш институтлари, тиббиёт институтлари ходимлари даволаш ишлари билан шуғулланганларида bemorni kўргандан сўнг тиббий ҳужжатларда кўрсатган ҳолда касаллик варақасини узайтириши ва бериши мумкин.

**6.** Қуйидаги тиббий муассасалар: тез ёрдам, қабул бўлими, қон қўйиш бўлими, суд-тиббиёт, мактабчага болалар муассасалари, дам олиш уйлари, санатория-курорт муассасалари (сил касалликлари санаторийисидан ташқари) ва хусусий шифохона шифокорлари касаллик варақасини бериш ҳуқуқига эга эмаслар.

**7.** Ишга лаёқатсизлик варақаси шахснинг яшаб турган ва ишлаш жойига қарашли тиббий муассасадан берилади.

**8.** Ишга лаёқатсизлик варақаси қуйидаги ҳолатларда берилади:

- туғиши ва ҳомиладорлик таътилида;
- bemorni parvariш қилиш учун оила аъзоларига;
- санатория ва курортда даволаганда;
- иш билан боғлиқ ва сил касаллиги бўйича бошқа ишга ўтказилганда.

**9.** Беморлар поликлиникада даволанганда даволовчи шифокор ишга лаёқатсизлик варақасини узлуксиз 5 қунга очиш ҳуқуқига эга, даволовчи шифокор бўлим бошлиғи билан келишган ҳолда ишга лаёқатсизлик варақасини 5 қунга узайтиради.

**10.** Ишга лаёқатсизлик варақасини 10 кундан кейинги кунлари шифокорлар маслаҳат комиссияси (ШМК-ВКК) узайтиради, агар у бўлмаса, даволаш профилактика муассасаси бош шифокори bemorni soғайиб ketgунча ёки ногиронлик аниқлангунга қадар ШМК шифокорлари маслаҳати билан 1 ойга узайтиради ва беради.

**11.** Вақтингчалик ишга лаёқатсизликни аниқлаш мақсадида текширув комиссиясига куйидаги bemорлар юборилади:

- узлуксиз 4 ой ёки 5 ой давомида, ҳаммаси бўлиб 12 ой давомида бир турдаги касаллик билан оғриган беморлар.

**12.** Ишга лаёқатсизлик варақаси ишга лаёқатсизлик белгиланган қундан бошлаб берилади; ишга лаёқатсизлик аниқлангунгача бўлган кунларга бериш тавсия этилмайди.

**13.** Бемор стационарда даволангандан ишга лаёқатсизлик варақаси даволовчи шифокор, бўлим бошлиғи билан биргаликда bemor даволангандан давринг ҳамма куни учун берилади.

**14.** Ишлаб чиқаришга, қурилиш, қишлоқ хўжалик ишларига сафарбар қилинган институт талабаларига, коллеж, лицей, мактаб ўқувчиларига ишга лаёқатсизлик варақаси иш даврида вақтинчалик ишга лаёқатсизлик даврига берилади, қолган кунларга, яъни ишлаб чиқаришнинг охирги кунларига қадар берилмайди.

**15.** Қамоқда, ички ишлар ходимлари, прокуратура томонидан вақтинчалик ушлаб турилган шахсларга ишга лаёқатсизлик варақаси берилмайди.

**16.** Спиртли ичимлик ичиб шикастланган ва касалланган шахсларга (тегишли орган ходимлари хулосасисиз ёки баённомасисиз) ишга лаёқатсизлик варақаси берилмайди.

## **ҲОМИЛАДОРЛИК ДАВРИДА, ТУҚҚАНДАН СЎНГ БЕРИЛАДИГАН ИШГА ЛАЁҚАТСИЗЛИК ВАРАҚАСИННИНГ БЕРИЛИШ ТАРТИБИ**

**1.** Ишга лаёқатсизлик варақаси хомиладорликнинг 30-ҳафтасидан бошлаб узлуксиз 126 кунга акушер-гинеколог ва умумий амалиёт шифокори томонидан берилади.

**2.** Туғилиш асорат билан кечса, бирданига 2 ёки ундан ортиқ бола туғилса, ишга лаёқатсизлик варақаси туғилиш кузатилган муассаса томонидан 14 кунга узайтирилади.

**3.** Ҳомиладорликнинг 30-ҳафтасигача бўлган даврда туғилиш юзага келса, бола тирик туғилса, ишга лаёқатсизлик варақаси 126 кунга, бола ўлик туғилса ёки 168 соатдан сўнг ўлса, ишга лаёқатсизлик варақаси 70 кунга берилади.

**4.** Ёши 3 ойгача бўлган болалар асраб олинса, ишга лаёқатсизлик варақаси бола туғилган шифохона шифокори томонидан, бола туғилган қундан бошлаб 126 кунга берилади.

## **БЕМОР ПАРВАРИШИ УЧУН БЕРИЛАДИГАН ИШГА ЛАЁҚАТСИЗЛИК ВАРАҚАСИНИ ВА МАЪЛУМОТНОМАНИ БЕРИШ ТАРТИБИ**

**1.** 14 ёшдан катта бўлган болаларга поликлиника шароитида ишга лаёқатсизлик варақаси оғир шикастланиш, касалликнинг оғир кечиши билан даволангандага даволовчи шифокор ва бўлим бошлиги томонидан 7 кунгача берилади.

**2.** 14 ёшгача бўлган болалар амбулатор шароитда даволанса, bemor парвариши учун ишга лаёқатсизлик варақаси 14 кунгача берилади. Агар bemor шу давр ичида тузалмаса, bemорни парвариш қилган шахсга қолган кунларига маълумотнома берилади.

**3.** Агар оилада иккита ва ундан ортиқ бола бир вақтда касалланса, бундай ҳолларда иккаласи учун 1та ишга лаёқатсизлик вараваси ёки маълумотнома берилади. Агар болалар бирин-кетин касал бўлса, ишга лаёқатсизлик вараваси ёки маълумотнома ҳар иккаласи учун берилади.

Агар иккинчи бола 1-бемор тузалмасдан касалланса, у ҳолда ишга лаёқатсизлик вараваси биринчи бола учун ёпилиб, унга берилган кунлар ҳисобланиб, сўнгра иккинчи bemor парвариши учун ишга лаёқатсизлик вараваси берилади.

**4.** Маълумотнома бўйича ишдан озод қилинган даврда иккинчи бола касалланса ёки янги бошқа касаллик пайдо бўлса (биринчи касаллик билан боғлик бўлмаган), маълумотнома ёпилади ва ишга лаёқатсизлик вараваси очилади.

**5.** Она касаллиги ёки bemor боласини парвариши сабабли стационарда бўлса, ишга лаёқатсизлик вараваси 3 ёшгача бўлган соғлом ёки bemor бола, 16 ёшгача ногирон парвариши учун оиланинг бошқа бир аъзосига касаллик даврининг ҳамма кунига берилади.

**6.** Bемор стационарда даволангандага ишга лаёқатсизлик вараваси 6 ёшгача бўлган болалар парвариши учун берилади. 6 ёшдан катта бўлган bemor болани парвариши учун ишга лаёқатсизлик вараваси очилмайди (қўшимча парвариш талаб қилинадиган ҳоллар бундан мустасно.)

**7.** Мехнат, қўшимча мехнат таътилида, 3 ёшгача бола парвариши, иш ҳақи сакланган, ҳомиладорлик, туғишдан сўнги таътилларда бўлган жисмоний шахсларга ишга лаёқатсизлик вараваси берилмайди.

## **ИШГА ЛАЁҚАТСИЗЛИК ВАРАҚАСИННИНГ ТҮЛДИРИЛИШ ТАРТИБИ**

- 1.** Даволовчи шифокор ва бўлим бошлиғи томонидан узайтирилган (қўшиб берилган) 5 кун ШМК раиси имзоси билан тасдиқланади.
- 2.** Ишга лаёқатсизлик варақаси (маълумотнома) ҳар бир шахснинг паспорти асосида тўлдирилади.
- 3.** Ишга лаёқатсизлик варақаси тўлиқ, қисқартмаларсиз кўк ёки қора сиёҳ билан тўлдирилади.
- 4.** Варақа очилганда ўнг томонининг юқори бурчагига, ёпилганда ўнг томонининг пастки бурчагига даволаш муассасаси мухри қўйилади.
- 5.** Ишга лаёқатсизлик варақаси йўқолганда иш жойидан ёрдам пули тўланмаганлиги ҳақида берилган маълумотнома асосида варақани берган даволаш муассасаси томонидан варақанинг юқори ўнг қисмига нусха сўзи ёзилади.
- 6.** Нотўғри тўлдирилган, тўғри тўлдирилган, лекин олиб кетилмаган ишга лаёқатсизлик варақаси шифокор томонидан варақага + (крест) белгиси чизиш билан “бузилган” ёки тўхтатилган деб ёзиш ва тегишли жавобгар шахсга топшириш йўли билан бериш тўхтатилади.
- 7.** Нотўғри тўлдирилган ва олиб кетилмаган ишга лаёқатсизлик варақалари даволаш муассасасида 2 йил, муассаса бошлиғи буйруғига асосан яна 10 йил сақланади.

### **1.2. ПРОФИЛАКТИКА. ПРОФИЛАКТИКА ТУРЛАРИ. СОҒЛОМ БОЛАЛАРНИ ДИСПАНСЕР КУЗАТУВИ. САЛОМАТЛИК ГУРУҲЛАРИ. САЛОМАТЛИК ҲОЛАТИНИ БАҲОЛАШ**

**Диспансер назорати** – тиббиёт ходимларининг соғлом болаларни ҳар хил касалликлардан сақлаш, касалликни эрта аниқлаш, касаллик асоратларини тўлиқ даволаш тадбирлари мажмуаси.

Диспансер кузатувининг вазифаси: соғлом болани тарбиялаш, жисмоний, асаб-рухий ривожланишини тўлиқ таъминлаш, касалликни аниқлаш, даволаш, болалар ўртасида касалликни ва ўлимни камайтиришдан иборат.

Диспансер кузатуви икки босқичдан:

- 1) кўп тармоқли шифокор кўригини ташкиллаштириш;
- 2) болаларда учрайдиган касалликларни даволаш ва соғломлаштиришдан иборат.

Диспансер кузатувининг асосий мақсади кўп тармоқли тадбирлар ўтказиш йўли билан болалар соғлигини сақлаш ва тиклаш, ҳар хил касалликларнинг олдини олиш, касаллик ва болалар ўлимини камайтиришга қаратилган тадбирларни ўтказишидан иборат.

## ДИСПАНСЕР КУЗАТУВИ ҚУЙИДАГИЛАРНИ ЎЗ ИЧИГА ОЛАДИ

- Ўрнатилган тартибда кўрсатилган инструментал ва лаборатор текширишлар асосида ҳар йили болаларни тиббий кўрикдан ўтказиш.
- Кўшимча текшириш усуллари керак бўлганда, янги замонавий текшириш усулларини қўллаш.
- Хавфли гуруҳ болаларини аниқлаш.
- Касалликни бошланғич даврида аниқлаш.
- Ҳар бир боланинг саломатлигини баҳолаш, болалар саломатлигини узлуксиз кузатиш.

Соғлиқни сақлаш вазирлиги буйруғига асосан поликлиника бош шифокори тиббий кўрик режасини тузади. Тиббий кўрик диспансер кузатувининг бир қисми бўлиб, унинг биринчи босқичи ҳисобланади. Энг масъулиятли муҳим босқичи болаларни даволаш, соғломлаштиришга йўналтирилган болалардаги ҳар хил патологик ҳолатларни аниқлаш тадбирлари дидир. Шунинг учун бу босқичда қўпчилик хатоликлар, қилинмаган ишлар қайд этилади. Эрта ёшдаги болалар қуидаги касалликлар билан диспансер назоратида бўладилар: экссудатив катарал диатез (ЭКД), рахит, овқатланишининг бузилиши, қон-томир тизими, нафас йўллари, жигар, ўт йўллари, меъда, ўн икки бармоқ ичак, қон, эндокрин касалликлари, асаб-руҳий, кўз, қулок-томоқ-бурун касалликлари ва бошқа касалликлар.

Диспансер назоратида ҳисобда турган ҳамма болаларга 030у формаси тўлдирилади. Диспансер кузатувининг асосий мезони касалликларни келтириб чиқарувчи омилларни, болалар ўлимини ва умуман, касалликларни камайтиришдир.

## САЛОМАТЛИК ҲОЛАТИНИ БАҲОЛАШ

*Янги туғилган чақалоқлар:*

Чақалоқлар саломатлигини баҳолаш чақалоқ тұғруқхонадан ёки чақалоқлар касалліктери бўлимидан чиқарилгандан сўнг умумий амалиёт шифокори уйга биринчи марта бориб кўриш даврида амалга оширилади.

Чақалоқларнинг саломатлик гуруҳини баҳолашда ота-онасининг саломатлиги, ҳомиланинг қандай ривожланганлиги, туғилиш жараёнининг қандай кечганлиги, болада туғма нуқсонлар бор-йўқлиги ҳисобга олинади.

Янги туғилган чақалоқлар соғломлик даражаси қўйидаги гуруҳларга бўлинади:

**IА** гуруҳга соғлом болалар, маълум вақтдан сўнг вақт ўтиб

кетадиган физиологик ҳолатлари (транзитор иситма, сариқлик) бўлган ёки бола организмининг функционал ҳолатига таъсир кўрсатмайдиган кам нуқсонли (қулоқ супраси нуқсони) чақалоқлар киради.

**IБ** гуруҳга соғлом ота ва онадан туғилган, ҳомиладорлик даври, туғилиш жараёни яхши кечган онадан туғилган, Апгар шкаласи бўйича 8–10 балл деб баҳоланган, тұғруқхонада бўлган вақтида касал бўлмаган болалар киради.

**IIА** гуруҳга Апгар шкаласи бўйича 7–10 баллга эга бўлган, кўп туққан онадан чала туғилган, акушерлик анамнези яхши бўлмаган болалар киради.

**IIБ** гуруҳга туғилишда Апгар шкаласи бўйича 6–9 балл деб баҳоланган, акушерлик анамнези ёмон (оғир) (нефропатиянинг 2–3-даражаси), туғилиш турли хил асоратлар билан кечган, онасида сурункали касалліклари бўлган, чала туғилган, тұғруқхонада бир ёки бир нечта касаллікларни бошидан кечирган чақалоқлар киради.

**IIIА** гуруҳга Апгар шкаласи бўйича 4 баллгача баҳоланган, оғир кечувчи орттирилган касалліклар билан касалланган чақалоқлар киради. Чақалоқлик даврининг охирида боланинг саломатлик ҳолати яна бир бор баҳоланади ва қайси саломатлик гуруҳига тўғри келса, ўша гуруҳга ўтказилади. Эрта ёш ва мактаб ёшигача бўлган болалар соғломлик даражаси комплекс баҳоланади ва саломатлик гуруҳларига ажратилади. Соғломлик даражасини баҳолашда қўйидаги ҳолатлар ҳисобга олинади.

1) организмининг функционал ҳолати;

- 2) организмнинг реактивлик ва резистентлик ҳолати;
- 3) боланинг жисмоний, асаб-рухий ҳолати бир меъёрда ёшига мос равишда ривожланиши;
- 4) сурункали ва туғма патологик ҳолатлар.

## **ЭРТА ВА КАТТА ЁШДАГИ БОЛАЛАРНИНГ САЛОМАТЛИК ГУРУХЛАРИНИНГ ТАЪРИФИ**

I гурух – бир йилда юқори нафас йўллари касалликларининг енгил формалари билан 3 мартадан кам касалланган, ёшига мос равишда ривожланган болалар.

II гурух- ўсиш ва ривожланишдан ёшига нисбатан орқада қолаётган, акушерлик анамнези оғир кечган, чала туғилган, эрта неонатал даврида ҳар хил касалликлар (рахит I даражаси, гипотрофия I даражаси, камқонлик олди ҳолати, тимуси катталашган, аденоидлари катталашган, кариес тишлари), бир йилда 4 мартадан ортиқ ўткир респиратор вирусли инфекция (ЎРВИ) билан оғриган, миопиянинг енгил даражаси бўлган болалар.

III гурух- сурункали касалликларнинг компенсатор кечув босқичи, туғма нуқсонларнинг клиник белгиларисиз, организм бирор қисмининг функциясини тўлиқ бажара олмаслик ҳолати бўлган bemorlar. Bундай bemorlarда асосий касалликнинг зўрайиши ва кам ҳолларда кўшимча касалликлар қайд этилиши кузатилади. Bu уларни маҳсус даволаш ва профилактик ишларни ўтказиш йўли билан 1 йилда 2 марта кўрилади.

IV гурух- сурункали касалликларнинг субкомпенсация босқичи, туғма нуқсонлари бўлган bemorlar. Асосий сурункали касалликнинг қайталashi bemor умумий ахволининг оғирлашувига олиб келади. Bундай bemorlarни касалликнинг қайталанишига қарши стационарда даволашни педиатр шифокори ташкил этиб, 1 йилда 4 марта кўради.

V гурухга оғир кечадиган сурункали касалликларнинг декомпенсация босқичида, туғма нуқсонларнинг оғир кўриниши, яъни ногиронликка олиб келувчи касалликлари бўлган bemorlar киради. Bундай bemorlar узлуксиз кузатиб борилади ва уларга болалар муассасаларига бориш рухсат этилмайди.

III–V саломатлик гуруҳидаги сурункали касаллиги бўлган bemor болалар диспансер назоратида бўладилар. Уларни умумий

амалиёт шифокори кўриб боради ва даволаш-профилактика ишларини ўтказади. II саломатлик гурухи хавфли гуруҳ болалари ҳисобланиб, кўп ҳолларда умумий амалиёт шифокори ва бошқа мутахассислар назоратидан четда қоладилар. Шундай қилиб, болалар саломатлигини баҳолаш кўп тармоқли скрининг текширув усули бўлиб, улар V гурухга бўлинади. Бундай bemорларга шифокорлар томонидан маҳсус эътибор талаб қилинади.

### **1.3 КОНСУЛЬТАЦИЯ**

Бу йўналиш бўйича тиббий ёрдамга йилдан-йилга жамоат талаби ошмокда. Ҳозирги кунда янги асбоблар, компьютерлар ҳисобига bemор билан бўлган мулоқот, ҳамдардлик, кўллаб-куватлаш камаймокда. Умумий амалиёт шифокорлари (УАШ) тиббий маслаҳатларни самарали олиб бориши катта аҳамиятга эга, чунки у тиббий ёрдамни биринчи боскичда кўрсатади. УАШ тиббий маслаҳатлар ўтказганларида яхши самара бериши сабаблари қуидагича :

- У узоқ вақт мобайнида bemорни ва унинг атрофидагиларни кузатади.
- Bеморни индивидуал даволайди
- Комплекс даволаш учун чуқур билим талаб этилади.
- Ўзига қулай шароитда – bemорнинг уйида ёки шифокор хонасида даволайди.
- Bемор билан осон мулоқотга киришади.
- Bеморнинг оила аъзоларини яхши билади.
- Керак бўлганда bemорни мутахassisiga юборади.

### **КОНСУЛЬТАЦИЯ ТУРЛАРИ**

Консультация директив ва нодиректив бўлиши мумкин. Директив консультация ўтказганда шифокор bemорга тайёр маслаҳатларни таклиф қиласди. Нодиректив консультация bemорнинг қийинчиликларни ечишига ва тўғри хулоса чиқаришига ёрдам беради. Bемор ўз давосига тўғри тушунган ҳолда ёндашади.

Консультация тиббий ёрдамнинг мустақил тури бўлиб, ўз ичига қуидагиларни олади:

- Шифокор билан bemор ўртасидаги хамкорлик.
- Bеморни ўқитиш.
- Тўлиқ ечимга қаратилган мақсадни аниқлаш.

- Шифокор томонидан ёрдам ва қўллаб-қувватлаш.
- Ишончли муомалани юритиш.

Нодиректив консультация. Консультация усулини танлаш олдиндан шифокорлар муаммоси бўлиб келган. Шифокор bemorning сиқилишини тушуниб, ўз фикрини очиқ-ойдин айтиш билан самарали натижаларга эришиши мумкин. Бу талабларга нодиректив консультация усули жавоб беради. Нодиректив консультация жараёнида шифокор bemorga муаммосини мустақил хал қилишга ёрдам беради. Натижада bemor давога масъулиятли ёндашади.

Директив консультация. Директив ёндашув bemor кучли хаяжонда бўлганда ўз муаммосини ўзи мустақил еча олмайдиган ҳолатларда қўлланади.

## **КОНСУЛЬТАЦИЯ ВА ПСИХОТЕРАПИЯНИНГ АСОСИЙ ТАМОЙИЛЛАРИ**

- Консультациянинг асоси – бир-бирини тушуниш ва ишонч билдириш
- Муҳим қоида – шифокорнинг сир сақлаши.
- Беморни муроқот давомида диққат билан тинглаш.
- Беморнинг оиласий шароитини билиш.
- Ўз эмоционал ҳолатини назорат қилиш.
- Ўзини одатдагидек тутиш.
- Буйруқ бермасдан маслаҳат бериш.
- Керак бўлса консультация усулини ўзгартириш.

### **ТЎҒРИ СУҲБАТ ОЛИБ БОРИШ КОИДАЛАРИ:**

1. Паузани ушлаб туринг.
2. Бемор ўз ҳиссиётларини кўрсатишига имкон беринг.
3. Кўллаб-қувватланг.
4. Қизиқувчанликни намоён этинг.
5. Огоҳлантириб қуйинг.
6. Бемор сизни тўғрилашига имконият беринг.
7. Муроқот қилинг ва хулоса чиқаринг.
8. Тўғри келмаганларини белгиланг.
9. Беморингиз нима ҳис қилаётганини (қўркув, хаяжон, жахл) тушунишга ҳаракат қилинг.

10. Беморни ҳар хил усуллар билан тинчлантиришга ҳаракат қилманг.
11. Ишсизлик сабабларини тушунтириб беринг.
12. Беморнинг дунё қарашларини ҳурмат қилинг.
13. Қуйидаги саволлар сизга ёрдам беради:
  - агар сиз соғлом бўлганингизда ҳаётингиз ўзгариши мумкинмиди?
  - ким ёки нима сизни кўпроқ хавотирга солади?
  - сизнинг қийинчилигингизнинг сабаби нимада?
  - касаллик сизга қандай таъсир кўрсатди?
  - сизнингча ҳаммасини қандай ўзгартириш мумкин?
14. Қўллашдан қочинг:
  - Тайёр ечимдан; ўргатувчи адабиёт бўйича консультация ўтказманг.
  - Шахсий тажрибангиз асосидаги маслаҳатларни берманг, шахсий баҳолаш ва тамойилларингизни bemorга ўтказманг.
  - Давомли ва самарасиз сухбат ўтказманг.
  - Хулоса чиқарманг.
  - Ортиқча саволлар берманг.

### Консультация қоидалари

1. Беморларга фаол ҳолатни олишга имкон беринг.
2. Тушунарли аниқ савол беринг.
3. Беморни тергаманг.
4. Ўз хоҳошингиз ва фикрингизга қараб иш тутинг.
5. Беморни хавотирга соладиган саволларни четда қолдирманг.
6. Тайёр рецептларни берманг.
7. Ҳамма қийинчиликларни тез ҳал этишга ваъда берманг.
8. Аста-секин bemornинг ўзига танқидий ёндашувига эришинг.

## КОНСУЛЬТАЦИЯ БОСҚИЧЛАРИ

Беморни диққат билан эшитинг, кайфиятини баҳоланг, бу босқичда bemornинг гапларига эътибор беринг, тинч эшитинг, таҳлил қилинг, хулоса чиқаринг.

1. Масаланинг мақсадини билиш учун биринчи ечимларни қилинг.
2. Консультацияни баҳоланг. Эсда тутинг: муаммонинг негизини топиш –унинг ечими томонга қўйилган биринчи қадамдир. Bemornинг изтиробларини ҳис қилинг. Изтироблар негизида

таъсиротлар ётишини ёдда тутиңг. Таъсиротлар негизида эса воқеивийлик ётади, бу эса изтироблар сабабидир.

3. Бемор билан қабуллар сонини келишиб олинг, масалан, 1 ой давомида, ҳафтасига 1 марта 1 соатдан.
  4. Даволаш услуби ва стратегиясини аниқлаб олинг.
  5. Белгиланган режа асосида иш олиб боринг.
  6. Беморга уйга вазифа беринг.
  7. Режа натижасини ва коррекцияни баҳоланг.
  8. Охирги натижани баҳоланг.
  9. Консультацияни тугатинг ёки bemorни соҳа мутахассисига юборинг.
- 10.

## **КОНСУЛЬТАЦИЯ МОДЕЛЛАРИ**

ТИМД модели сексуал бузилишлар бўлганда ишлаб чиқилган. Бу модел шифокор аниқ далилларга эга бўлмай, факат bemor сўзларига таянган ҳолдагина қўлланади.

Босқичлари: Т – тўсиқни олиб ташлаш; И – информация; М – маслаҳат , Д – даво.

КАС модели: контрацепция (К), сунъий аборт (А) ва стерилизация (С).

<b>Мумкин</b>	<b>Мумкин эмас</b>
Эшитиш	Беморга тегиш
Тинч ҳолатда қолиш	Асабийлашиш
Қизиқиши юзага келтириш	Бемордан юз ўгириш
Тинчлантириш	Қонфликтни ечишдан бош тортиш
Ўзига ишонган бўлиш	Жуда кўп гапириш
Очиқ бўлиш	Мулохаза қилиш
Бемор учун етарли вақт ажратиш	Ўзини сирли тутиш
Бемор билан доимий учрашиш	Ўзини айбдор ҳис қилиш
Маслаҳатлар билан ёрдам бериш	

Шифокор ва bemor орасидаги ўзаро муносабат тамойиллари:

1. Мажбурий ҳолатни олиб ташлаш.
2. Шошилмаслик.
3. Кам сўраш.
4. Сухбатдан кейин bemor ўзини енгил ҳис қилиши.
5. Тушунарли тилда гапириш.

6. Терминларни кам қўллаш.
7. Аниқ кўрсатмалар бериш.
8. Бутун эътиборни bemорга каратиш.
9. Бўлмайдиган нарсага ваъда бермаслик.
10. Бемор олдида аниқлик киритиш.
11. У сизни тўғри тушунганигини текшириб кўриш.
12. Қайта такрорлашдан қўрқмаслик.
13. Беморда саволлар қолмаганлигига аниқ ишониш.
14. Зарур бўлса, мутахассисга юбориш.
15. Телефон рақамингизни bemорга айтиш.
16. Беморга лаборатор таҳлиллар ва бошқа текширув натижаларини доимо етказиб туриш.
17. Тавсиялар бажарилаётганини назорат қилиб туриш.
18. Қабулга кеч қолганингиз ҳақида bemорни огоҳлантириш.
19. Даволаш самараси бўлмаса, мутахассисга юбориш.
20. Зарурият бўлса bemорни касалхонага ётқизиш.

## **АНАМНЕЗ ЙИГИШ**

Ташҳислаш жараёни анамnez йигищдан бошланади. Анамнезнинг асосий элементларига хозирги касаллик тарихи, боланинг ривожланиш тарихи, бошидан кечирганган касалликлари, оила тарихи, яшаш шароити киради. Анамnez йигища бола ва ота- онадан тўлиқ ахборот олиш учун бир-бирини тушуниш, шунингдек, психотерапевтик самара талаб этилади.

### **1.4. ИММУНОПРОФИЛАКТИКА, РЕЖАЛАШТИРИШ ВА БАЖАРИШ.**

Тиббиётга иммунизация киритилиши билан кўпгина инфекцион касалликларнинг (асосан тепки, шол, вирусли гепатит В, бўғма, қоқшол ва бошқа касалликлар)нинг камайишига ва йўқолиб кетишига эришилди. Тиббиётда кўллашга рухсат этилган эмлаш воситалари тайёрланиш усулига қараб кўпайиш хусусиятига эга бўлган (тирик эмлаш воситалари) ва токсин ишлаб чиқарувчи (токсоидлар) кўпайиш хусусиятига эга бўлмаган эмлаш воситаларига бўлинади.

Силга қарши БЦЖ ва БЦЖ-М вакцинаси янги туғилган гавда вазни 2–2,5 кг бўлган чақалоқларга яrim дозада юборилади. АКДСнинг

бир дозаси – 0,5мл. АДС нинг 1 дозаси ҳам 0,5мл . Бу вакцина АКДСга қарши кўрсатмаси бўлган болаларга қилинади.

### ЭМЛАШ ЖАДВАЛИ

Ёши	Вакцина номи
1кунликда	ВГВ-1
2–5 кунда	БЦЖ-1, ОПВ-0
2 ойлигига	АКДС-1 +ВГВ-2+ ХИБ-1, ОПВ-1
3 ойлигига	АКДС-2 +ВГВ-3+ ХИБ-2, ОПВ-2
4 ойлигига	АКДС-3+ ВГВ-4+ ХИБ-3, ОПВ-3
12 ойлигига	КПК-1
16 ойлигига	АКДС-4, ОПВ-4
6 ёшда	КПК-2
1- синф	АДС-М-5, ОПВ-5, БЦЖ-2
8- синф (14–15 ёш)	БЦЖ-3
10- синф (16 ёш)	АДС-М-6

АДС-Мнинг 1 дозаси (0,5мл), катта ёшдаги кишиларга ҳам қилинади.

ОПВ – орал вакцинаси.

Қизамиққа, тепкига қарши тирик вакциналарни тайёрлаш усули бир хил бўлиб, биргаликда бир шприц орқали юбориш мумкин.

### ЭМЛАШ УЧУН БЕМОРЛАРНИ ТАНЛАШ ВА ЖАВОБГАРЛИК

Тиббиёт ходимларининг кўрсатмага риоя қилмаган ҳолда, асоссиз эмлашни ўтказиши маъмурий жавобгарлик ҳисобланади.

Асосланмаган кўрсатмага қарши қилинган эмлашдан сўнг бирор бир касаллик юзага келса, у ҳолда айбдор суд орқали жавобгарликка тортилади. Эмлаш тиббиёт ходимлари кўригидан сўнг ўтказилади. Санитария-меъёрий қоидаларга риоя қилинмаган ҳолда эмлаш ўтказилса, қонун олдида жавоб берилади. Эмлаш ишларини ўтказища ҳамма қонун-қоидаларга риоя қилинса ва асорати кузатилса, бу тиббиёт ходимини айблашга асос бўлмайди.

## ИММУНОПРОФИЛАКТИКА УЧУН ИШЛАТАДИГАН ВАКЦИНАЛАР

<b>Вакцина турлари</b>	<b>Номи, дозаси, юборилиши</b>	<b>Сақлаш тартиби</b>
Тирик вакциналар	ОПВ ( 1 дозаси – 2 томчи) оғизга томизилади Қизамиққа қарши вакцина 1 дозаси – 0,5 мл тери остига Эпид. паротитга қарши вакцина 0,5 мл тери остига БЦЖ 0,1 мл тери ичига	Ҳамма вакциналарни музлатиш мүмкин; эритилгандан сўнг мүмкин эмас; Вакциналар эритмаси музлатилмайди
Ўлдирилган	Кўйўтал компоненти (АКДС таркибига киради)	Музлатиш мүмкин эмас, +4 <sup>0</sup> С дан +8 <sup>0</sup> С гача ҳароратда сақлаш керак
Анатоксин-лар	АКДС, АДС, АДС-М, АДМ (0,5 мл мушак орасига) Қоқшолга қарши ( 0,5–1,0 мл мушак орасига)	Музлатиш мүмкин эмас, +4 <sup>0</sup> С дан +8 <sup>0</sup> С гача ҳароратда сақлаш керак
Рекомбинант	Гепатит Вга қарши (1 дозаси – 0,5 мл, мушак орасига)	Музлатиш мүмкин эмас, +4 <sup>0</sup> С - +8 <sup>0</sup> С ҳароратда сақланади
Пентавалент	Дифтерия, кўйўтал, қокшол ва ХИБ-инфекцияга қарши	

### ЭМЛАШНИ ЎТКАЗИШГА КЎРСАТМА

- Боланинг ёши эмлаш календари бўйича вақтига тўғри келиши керак.
- Унча яхши бўлмаган эпидемик ҳолат .
- Тиббий муассасага текширтириш мақсадида келган болаларни эмлаш картаси ўрганиб чиқилади: эмлашга қўрсатмаси бўлса, эмлаш ўтказиш учун тегишли жойга жўнатилади.

## ЭМЛАШ ЎТКАЗИШГА ҚАРШИ КҮРСАТМАЛАР

Эмлашга қарши ҳамма күрсатмалар вақтингалик бўлиб, улар вақти-вақти билан қайта кўриб чиқилиши ва шароитга қараб тезда ўтказилиши керак.

### Вақтингалик қарши күрсатмалар

**1. Ўрта оғир ва оғир кечувчи соматик, хирургик ва инфекцион касалликлар.** Эмлаш касал тузалганидан 3–14 кун кейин ўтказилиши керак. Ўткир респиратор касалликлар ва диареянинг енгил кўриниши эмлаш ўтказишга қарши күрсатма бўлолмайди. Сурункали юрак, жигар, буйрак, ўпка касалликлари, шунингдек, қандли диабет ва бошқа эндокрин касалликларига қарши эмлаш касалликнинг ремиссия даврида ўтказилади. Хирургик касалликлар, йирингли яллигланиш касалликлар билан оғриб, тузалганидан 2 ой кейин эмлаш ўтказилади.

**2. Неврологик ўзгаришлари бўлган болалар.** Клиник белгилари кучайиб борувчи касалликлари бўлган bemорлар кўйўтал компоненти бўлган вакцина билан эмланмайди. Неврологик касаллиги барқарап бўлган bemорларга эмлаш календар бўйича ўтказилади. Перинатал энцефалопатияси бўлган болаларда неврологик ўзгаришлар кучайиб боришини эътироф этиш мақсадида мутахассис кўриги тавсия этилади.

**3. Эмлашдан кейин кузатиладиган асоратлар.** Дастребки АКДС вакцинасидан сўнг болада энцефалитик ҳолат, талваса, анафилактик шок, коллапс кузатилса, кейинги эмлашларда кўк-йўтал антигени бўлган вакцина билан эмлаш ўтказилмайди. Бундай bemорларга АКДС ўрнига АДС анатоксини билан эмлаш ўтказилади. Гавда ҳарорати  $40^{\circ}\text{C}$  дан юқори бўлса ва 3 соатдан кўп боланинг қичқириб йиғлаши кузатилса, эпид кўрсатма бўлмаса, кўк-йўтал компоненти бўлган вакцина билан эмлаш ўтказилмайди.

Тирик вирусли вакциналарни эмлашга қарши кўрсатмалар қуидагилардан иборат:

- А) Туғма иммун танқислик ҳолатлари.
- Б) Дори препаратлари қабул қилгандан кеинги иммуносупрессив ҳолатлар:
  - юқори дозада гормон препаратлари билан даволанган bemорлар;

- кортикостероид дори препаратларини маҳаллий ушлаб турувчи дозада қисқа курс билан ( 1м/т.оғир. преднизолон 2 ҳафта ёки 2мг/т.оғир. 1 ҳафтадавомида) даволаниш эмлаш ўтказиш учун қарши кўрсатма бўла олмайди. Агар бемор узоқ муддат кортикостероид препаратлари билан даволанса, бундай ҳолатда болаларни эмлаш, даволаниш курси тугагандан 3 ой кейин ўтказилади. Лейкоз, лимфогранулематоз ва бошқа ўсма касалликлари туфайли нур, цитостатик дори препаратлари билан даволанган bemорлар 6 ойдан сўнг эмланади.

**В) Ҳомиладорлик.**

**Г) Орттирилган иммунотанқислик синдроми билан хасталангандан беморлар махсус эмлаш усули бўйича эмланади.**

**4. Чақалоқ болаларни эмлаш.** Чала туғилган гавда вазни 1800 г гача бўлган чақалоқларга БЦЖ ва вирусли гепатитга қарши эмлаш вақтинчалик ўтказилмайди.

**5. Туғилган куннинг биринчи кунларида касаллиги туфайли эмлаш ўтказилмаган чақалоқлар бўлимдан чиқарилаётганда эмланиши керак.**

**6. Силнинг актив шакли** билан касалланган онадан туғилган чақалоқлар, онадан туғилиши билан ажратиб олинади ва 2 ойдан сўнг БЦЖ билан эмланади.

**7. Сурункали касалликларнинг зўрайган даври** эмлашга вақтинчалик қарши кўрсатма ҳисобланади. Режадаги эмлашлар касалликнинг реқонвалесценция ва ремиссия даврида ўтказилади.

## ҚУЙИДАГИЛАР ҚАРШИ КЎРСАТМАЛАР БЎЛА ОЛМАЙДИ

Касалликлар	Анамнез маълумотлари
<ul style="list-style-type: none"> <li>- перинатал энцефалопатия – неврологик ўзгаришларнинг кучаймаслиги кузатилса</li> <li>-барқарор неврологик ҳолат (болалар церебрал фалажи, Даун ва бошқа касалликлар)</li> <li>- аллергия, астма, экзема ва бошқа аллергик кўринишлар</li> <li>- сурункали юрак, ўпка, жигар,</li> </ul>	<ul style="list-style-type: none"> <li>-чақалоқ давридаги сариқлик</li> <li>- чала туғилиш, кам вазн билан туғилиш</li> <li>-чақалоқнинг гемолитик касаллиги</li> <li>- сепсис</li> <li>- оила органларида эмлашдан сўнг</li> </ul>

<p>буйрак касаллары</p> <ul style="list-style-type: none"> <li>- камқонлик, дисбактериоз</li> <li>- туғма нұқсонлар</li> <li>- гормонлар билан ушлаб турувчи дозада, суртма, аэрозоль қүренишида даволаниш</li> <li>- антибиотиклар билан даволаниш</li> <li>-иммунограммадаги үзгаришлар</li> <li>- үткір респиратор касаллар, субфебрил иситма билан кечувчи диарея</li> <li>- үтказилган радикал ва паллиатив режали операциялар</li> </ul>	<p>асоратларнинг қайд этилиши</p> <ul style="list-style-type: none"> <li>- оилада аллергик, тутқаноқ касалларининг қайд этилиши</li> <li>- оилада фавқулотдаги үлим</li> <li>- қўййутал, қизамиқ, тепки, тасдиқланмаган қизилча -овқатланишининг бузилиши</li> </ul>
--	--

Вакцина турлари	Қарши кўрсатмалар
Ҳамма вакциналар	<ul style="list-style-type: none"> <li>- дастлабки вакцинага кузатилган аллергик реакция ва асоратлар</li> <li>-инфекцион хирургик ва соматик касалларнинг үткір даври (эмлаш бемор тузалганидан 3–14 кун кейин үтказилади)</li> </ul>
Ҳамма тирик вакциналар	<ul style="list-style-type: none"> <li>- иммунтанқислик ҳолатлари (бирламчи иммуносупрессив ҳолат)</li> <li>- ўсма, ўсма олди ҳолати</li> <li>- ҳомиладорлик</li> </ul>
БЦЖ	<ul style="list-style-type: none"> <li>- чала туғилган (гавда вазни 1800г дан кам) болалар</li> <li>- дастлабки эмлашдан сўнг келоидли чандиқ</li> <li>- бош миянинг туғилиш даврида шикастланиши</li> <li>- қон, мия суюқлиги айланишининг 3- даражали бузилиши</li> </ul>
Вирусли гепатитга қарши вакцина	<ul style="list-style-type: none"> <li>- гавда вазни 1800г дан кам бўлган чақалоқлар</li> <li>- овқат маҳсулотларига қўшиладиган ачитқиларни кўтара олмаслик</li> </ul>
Орал полиомиелит вакцинаси	<ul style="list-style-type: none"> <li>-дори препаратларининг иммуносупрессив таъсири</li> <li>-ўсма, ўсма олди ҳолатлари</li> </ul>
АКДС	<ul style="list-style-type: none"> <li>- кучайиб борувчи нерв касалларни</li> </ul>

	- иситмасиз қалтираш (АКДС ўрнига АДС қилинади)
АДС, АДС-М, АД-М	- умуман қарши күрсатмалар йўқ
Қизамиқ ва тепкига қарши вакциналар (КПК)	- аминогликозид дори гуруҳларига кузатилган оғир реакциялар, тухум оқсилига кузатилган анафилактик реакцияллар, хомиладорлик
ХИБ	ВГВ ва АКДСга таълуқли қарши күрсатмалар

## ЭМЛАШДАН СҮНГИ РЕАКЦИЯЛАР ВА АСОРАТЛАРИ

### Эмлашни режалаштириш

Режалаштиришда маълум бир муассаса худудидаги болалар сони, шу ҳудудда яшовчи ҳисобдаги ҳамма болалар сони ва ўтган йилларда эмлаш ўtkазилмаган болалар сони асос қилиб олинади.

**Профилактик эмлашни режалаштиришдан олдин килиниши керак  
бўлган ишлар**

1. Ахолини рўйхатдан ўтказиш.
2. Рўйхатдан ўтганларни 063/у ва 112/у шакллари билан солишириш. Даволаш-профилактика муассасасидаги 064/у шакл билан шу муассаса ҳисобида турувчи катта ёшдаги кишилар сонини солишириш.
3. Қуйидаги инфекцион касалликлар (қизаммиқ, бўғма, кўк йўтал, қоқшол, шол)га қарши ўтказилган эмлашлар ҳолатини ўрганиш.

Хизмат кўрсатиладиган аҳоли сони ва эмланиши керак бўлган болалар сони аниқлангандан сўнг режа тузилади. Эмлаш режаси маҳалла шифокори, картотека ҳамшираси, мактаб ва мактабгача бўлган муассаса ҳамшираси ва шифокори томонидан тузилади. Силга қарши эмлаш даволаш-профилактика муассасалари, яъни туғуруқхона, поликлиника, силга қарши диспансер бош шифокорларига юклатилади. Шаҳар ва туман санитария эпидемиология бўлимлари тузган режа вилоят соғлиқни сақлаш бўлимлари, Тошкент шаҳар соғлиқни сақлаш бошқармаси ва Қорақалпоғистон соғлиқни сақлаш вазирлиги томонидан тасдиқлангандан сўнг ишлатилиши керак бўлган эмлаш

воситаларини аниқлаш учун Республика санитария-эпидемиология бўлимига юборилади.

### Профилактик эмлашни ўтказиш

1. Профилактик эмлашни ўтказиш Ўзбекистон Соғликни сақлаш вазирлиги ва даволаш-профилактика муассасаси бошлиқларига юклатилади.
2. Қайси даволаш муассасасида юқумли касалликларга қарши эмлаш ўтказилса, шу муассаса бош шифокори буйруғига асосан иммунизация бўйича махсус тайёрланган гувоҳномаси бўлган жавобгар шахс тайинланади.

### Эмлашни ўтказадиган тиббий ходим қўйидагиларни билиши керак

- СанПиН бўйича эмлашни ўтказиши ташкиллаштириш.
- Вакциналарни бир жойдан бошқа жойга ташиш, сақлаш, ишлатилган вакцина идишларини заарсизлантириш.
- Эмлашни ўтказиш ва унга боғлиқ бўлган ишларни қайд қилиш.
- Эмлашдан сўнги асоратлар ва ножўя таъсирини назорат қилиш.
- Қанча болаларга эмлаш ўтказилганлигини аниқлаш мақсадида 063/у ва 112/у шаклларни текширган ҳолда 1 ойда бир марта ҳисобот тузи
  - Ш.
- Эмлашдан сўнги асоратлар кузатилганда бирламчи тез тиббий ёрдам кўрсатиш.
- Аҳоли ўртасида иммунизациянинг аҳамияти ва муҳимлиги ҳақида тушунтириш ишларини олиб бориш.
- Эмлашдан олдин бола саломатлигини баҳолаш қўйидагиларни ўз ичига олади: кўрик, умумий аҳволини баҳолаш, болани олиб келган шахсдан боланинг саломатлик ҳолати, олдинги эмлашлардан сўнг кузатилган асоратлар ҳақида сўраб-суриштириш.
- Эмлаш ўтказилмаган ҳолатда унинг сабаблари боланинг ривожланиш тарихига (112/у) ва қарши кўрсатмаларни қайд қилиш журналига ёзиш.
- БЦЖ эмлангандан сўнг асоратлар кузатилса 055/у шаклни тўлдириш.

## **1.5. БОЛАЛАРНИ БОЛАЛАР МУАССАСАСИГА ВА МАКТАБГА ТАЙЁРЛАШ. МАКТАБГА ҚАБУЛ ҚИЛИШ ОЛДИДАН БОЛАЛАРНИНГ АҚЛАН ЕТУКЛИГИНИ БАҲОЛАШ**

1. Болаларни мактабгача бўлган болалар муассасасига тайёрлаш 2 босқичдан, яъни умумий тайёргарлик ва маҳсус тайёргарлик босқичидан иборат. Бу иккала тайёрлаш босқичини умумий амалиёт шифокори ва ҳамшираси амалга оширади.
2. Умумий тайёргарлик – боланинг чақалоқлик давридан умумий қабул қилинган тадбирларни ўтказишдан иборат. Бундай тайёргарликнинг мақсади боланинг жисмоний ва Руҳий ривожланишини тўлиқ таъминлашdir.
3. Маҳсус тайёргарлик боланинг 3 ойлигидан бошланади ва қуйидаги тадбирларни ўз ичига олади: -умумий амалиёт шифокори, соғлом бола хонаси ҳамшираси билан биргаликда болаларнинг жисмоний ривожланиши ва мактабгача бўлган болалар муассасасига тайёрлаш тўғрисида ота-оналар билан сухбат ўтказиш;  
-Болалар болалар муассасасига ўтгунга қадар 2–3 ой давомида диспансер назоратига олиш ва лаборатор текширувдан ўтказиш;  
-уларни саломатлик ҳолати ва охирги диспансер кузатуви натижаларига кўра даволаш;  
-болалар муассасага қабул қилингунга қадар 1–2 ой олдин ўткир касалликларнинг олдини олиш мақсадида организмнинг носпецифик иммун ҳолатини кўтаришга йўналтирилган умумий, маҳаллий чиниктириш ўтказиш. Болани бурун билан нафас олишга ўргатиш, ультрабинафша нурлар, В грух витаминлари ва интерферон билан даволаш;  
-болаларни муассасага қабул қилиш учун ҳужжатлар тайёрлаш: боланинг ривожланиш тарихига болани тайёрланганлиги тўғрисида тўлиқ, маълумот яъни диспансер кузатуви натижалари, соғломлаштириш тадбирлари ўтказилганлиги тўғрисида, мактабгача болалар муассасаси учун маълум бир режа асосида болани мослашиш даврида овқатлантириш, жисмоний чиниктириш, ўткир ва сурункали касалликлар қайталанишининг олдини олиш учун даволаш ва соғломлаштириш режаси кўрсатилган эпикриз ёзиш.

4. Агар бола ўткир касаллик билан оғриган бўлса, у тўлиқ тузалгандан 2 ҳафта кейин болалар муассасасига қабул қилинади.
5. Болалар муассасасига қабул қилиш олдидан 1 ой муддат ичида эмлашлар ўтказилмайди.
6. Хавфли гурӯҳ, сурункали касаллиги бор, туғма нуқсонлари бўлган болаларга болалар муассасасига йўлланма бериш боланинг касаллигига боғлиқ бўлган маҳсус мутахассисларни жалб қилиш билан ҳал қилинади.

## БОЛАЛАР МУАССАСАСИГА ҚАБУЛ ҚИЛИШ УЧУН ТЎЛДИРИЛИШИ КЕРАК БЎЛГАН ҲУЖЖАТЛАР

Болалар муассасасида болага **026/у** шакл ва **063/у** шакл нусхаси тўлдирилади.

### Болаларни мактабга қабул қилиш учун тайёрлаш

Болаларни мактабга тайёрлаш уларнинг мактабгача бўлган давридан бошлаб олиб борилади. Болаларни максимал даражада соғломлаштириш ва мактабга боргунга қадар ҳар хил касалликларни аниқлаш мақсадида улар 3 ва 5 ёшлигига ҳар томонлама чуқур тиббий кўриқдан ўтказилади. Болани мактабга тайёрлигини аниқлаш мақсадида мактабга қабул қилишдан олдин УАШ ва тор мутахассислар томонидан яна бир бор текширувдан ўтказилади. Бунда боланинг гавда узунлиги ўлчанади, асосий клиник таҳлиллар: умумий қон, сийдик, ахлат текширилади. Текширув натижалари, саломатлиги тўғрисидаги шифокор хulosаси боланинг ривожланиш тарихига ва тиббий картасига қайд этилади ва ўкув йилининг бошида мактабга берилади.

## БОЛАЛАРНИ МАКТАБГА ҚАБУЛ ҚИЛИШДА ФУНКЦИОНАЛ ЕТУКЛИГИНИ БАҲОЛАШ

Мактаб ёшидаги етуклиқ – болаларни жисмоний, ижтимоий-руҳий ривожланишининг маълум бир даражага етганлиги бўлиб, бу тизимли ўқитиш ва тарбиялашга боғлиқ зўриқишиларга тайёрлигидир. Боланинг мактабга тайёрлиги жисмоний, ахлоқий, ақлий қобилияtlаридан ташкил топган бўлади.

Мактабга тайёр бўлмаган болалар ўкув дастури талабларини бажара олмайди, натижада боланинг саломатлигига ўзгаришлар кузатилади.

Мактабга қабул қилишдан олдин болаларни жисмоний согломлигини аниқлаш учун психологик текширув

Ҳамма болалар мактабга тайёрлигининг етуклигини аниқлашда психофизиологик текширув қуйидаги мезонлар бўйича ўтказилади:

1. Керн -Йерасик синамаси.
2. Товушни талафуз қилиши.
3. Сўзларни ассоциация қилиш қобилиятини текшириш.
4. Мотометрик синама.

Керн-Йерасик синамаси Зта вазифани ўз ичига олади:

- 1) эркак кишининг расмини чизиш;
- 2) Зта сўздан иборат қисқа жумлани кўчириб олиш;
- 3) нуқталар гурӯхларини кўчириб бериш;

Сўзниңг ассоциацияси тажрибаси

Болага 15та таъсир этувчи сўз таклиф қилинади, боланиңг сўзларни ассоциацияси қобилияти текширилади. Жавоблар мос ва мос бўлмаган жавобларга бўлинади.

Нутқ соғлигини аниқлаш

Сўз талаффУЗИ да нуқсон бор-йўқлигини аниқлаш. Бола расмдаги буюмларнинг номини айтиб бериши керак бўлади.

Мотометрик синама: - “айланани қирқиши” –

Болага бир-бирининг ичига 7 айланана чизилган картон қоғоз берилади. Бола айланалар ичидан қалин қилиб чизилган айланани қирқиб олиши керак.

## **1.6. РЕАБИЛИТАЦИЯ БЎЛИМИНИ ТАШКИЛЛАШТИРИШ**

Реабилитация – давлат, ижтимоий, иқтисодий, тиббий, тарбиявий, руҳий тадбирлар йиғиндиси бўлиб, бола организмининг тўғри ривожланишига тўсқинлик қиласиган патологик ҳолатларни даволашга қаратилган.

- Тугма ва орттилган нуқсонларнинг функционал ҳолатини қайта тиклаш
- Қисқа вақт давомида болани бир меъёрда жисмоний ва руҳий ривожланишини таъминловчи ҳаёт тарзига қайтариш.

Реабилитация тадбирлари ҳамма соғлиқни сақлаш муассасаларида, боланинг яшаш жойида амалга оширилади. Реабилитация тадбирларини касалликнинг эрта босқичида ва узлуксиз ўтказиш керак. Реабилитация дастури махсус характерга эга бўлиб, яъни бола организмдаги патологик, морфологик, функционал ўзгаришларни, хусусиятларни ҳисобга олган ҳолда ўтказилади.

Ўтказилиши керак бўлган реабилитацион дастур боланинг ривожланиш тарихига (ф. 112/у) алоҳида ёзиб қўйилади.

Реабилитация ўтказиш гуруҳига қуйидаги мутахассислар киради:

- А) шифокор
- Б) даволаш-жисмоний тарбия мутахассиси (ДЖТ)
- В) физиотерапевт
- Г) логопед
- Д) ўқитувчи ва бошқалар.

Реабилитация маркази гуруҳи, бемор бола, унинг ота-онаси реабилитациянинг умумий дастури ва ўтказилиш режаси билан тўлиқ таниш бўлиши керак.

Бемор болани реабилитация қилиш З босқичга бўлинади:

- 1) клиникада ўтказиладиган;
- 2) санаторияда ўтказиладиган;
- 3) адаптацион реабилитация.

Бирор даволаш-профилактика муассасасининг махсус реабилитация қилиш марказига қатнашаётган бола учун адаптация босқичи боланинг уйида ўтказилади.

Қайта тиклаш ва даволаш бўлимида қуйидаги касалликлар билан болалар реабилитация қилинади:

- А. Нафас йўли касалликлари асоратлари билан (сурункали зотилжам, сурункали бронхит, бронхиал астма);
- Б. Қулоқ, бурун, томоқ касалликлари асоратлари билан (сурункали тонзиллит, синусит, гайморитлар);
- В. Марказий асаб системаси касалликлари (невритлар, энцефалопатиялар, болалар церебрал фалажи);
- Г. Ҳаракат-таянч органларининг орттирилган ва туғма касалликлари (суюклар синиши, туғма сон-чаноқ суюгининг чиқиши, туғма бўйин қийшиқлик, ясси оёқлик, сколиоз, ЮРА асоратлари).
- Д. Хирургик касалликлар асоратлари билан (қизилўнгачни торайиши, ахлат ва сийдик тута олмаслик, илиостомия, колостомия).

Қайта тиклаш бўлимига йўлланмани даволаш-профилактика муассасалари шифокорлари беради.

Реабилитация бўлими шифокорлари bemorlarни қабул қиласидар ва уларга даво курсини тавсия этадилар.

Қайта тиклаш бўлимида қуидаги хизматлар кўрсатилади:

А. Қайта тиклаш бўлимига юборилган bemorlarни саралаш ва ўз вақтида ҳозирги замон талаблари бўйича реабилитацияни ташкиллаштириш ва ўтказиш.

Б. Кўрсатма билан маҳсус стационарда даволаниш учун йўлланма бериш.

В. Бошқа бўлим шифокорларига қайта тиклаш даво усуллари тўғрисида маслаҳат бериш.

Г. Янги реабилитация усулларини ўрганиш ва амалиётга татбиқ этиш.

Организмни қайта тиклаш давомийлигининг поликлиника босқичи стационар ва санатория босқичларига нисбатан қўпроқ муддатни ташкил этади. Шуни ҳисобга олган ҳолда бола организмининг функционал ҳолатини қайта тиклашда оила органларининг қатнашиши даво самарасини оширувчи асосий омил ҳисобланади.

Қайта тиклаш давоси натижасининг таҳлили бўлим бошлиғи томонидан амалга оширилади. Қайта тиклаш даво натижалари қуидагича баҳоланади.

- А) бутунлай соғайиб кетди;
- Б) аҳволи бир оз яхшиланди;
- В) аҳволи ўзгармади.

Маданли сув заҳиралари даволаш мақсадида ишлатилади. Улар қуидагича қўлланади:

- 1) ичилади ( истемол қилинади );
- 2) ванналар сифатида;
- 3) ингаляция йўли билан;
- 4) ювиш воситаси сифатида.

Маданли сувнинг даво таъсири унинг таркибидаги минерал элементлар ва ионларга ҳамда газ билан тўйинганлигига боғлик.

Маданли сувлар қуидагича бўлади:

совуқ –  $20^{\circ}\text{C}$  гача  
илиқ –  $20^{\circ}\text{C} – 37^{\circ}\text{C}$  гача  
иссиқ –  $40 – 60^{\circ}\text{C}$  гача

Балчик билан даволаш – шифобахш балчиклар таркибида ҳар хил минерал тузлар ва газлар бўлади. Балчиқли аппликациялар организмга умумий ва маҳаллий таъсир кўрсатади.

Болалар ота-оналари билан санаторияларда даволангандা ота-онасиға поликлиникадан даволаниш учун йўлланма (ф-070/у) берилади. Маълумотнома ва даволаниш йўлланмаси иш жойига тақдим этилади.

## БОЛАЛАРНИ САНАТОРИЯ ВА КУРОРТЛАРДА ДАВОЛАШ

Болалар санаторияси – маҳсус даволаш-профилактика муассасаси бўлиб, бемор болаларни босқичма-босқич даволаш ва касаллик натижасида юзага келган асоратларни қайта тиклаш ва ёшига мос хаёт тарзига қайтариш учун хизмат қиласди.

Болалар санаторияси – тиббий ўкув муассасаси ҳамдир, бу ерда даволаш жараёни болани тарбиялаш ва соғломлаштириш билан бирга олиб борилади.

10 хил турдаги ихтисослашган болалар санаторияси мавжуд:

1. Ревматизм билан оғриган болалар учун;
2. Нафас йўлларининг специфик ва носпецифик касалликлари учун;
3. Буйрак ва сийдик йўллари касалликлари учун;
4. Тери касалликлари учун;
5. Асаб-руҳий касалликлари учун;
6. Овқат ҳазм қилиш тизими касалликлари билан оғриган болалар учун;
7. Таянч-харакат тизими фаолияти бузилиши билан кечадиган касалликлар учун;
8. Остеомиелит билан касалланган болалар учун;
9. Носпецифик полиартрит билан оғриган болалар учун;
10. Дизентерияни ўтказган болалар учун.

Болалар санаторияси 2 типда бўлади

- Маҳаллий
- Курорт типидаги санатория

Маҳалий санатория қўйидаги афзалликларга эга:

- Беморларда иқлим ўзгаришига боғлиқлик кузатилмайди.
- Ота-оналарининг яқинлиги.

- Болани узлуксиз кузатиб туриш таъминланади (поликлиника-стационар-санатория бир худудда жойлашганда).

Болага санаторияга даволаниш эҳтиёжи бор-йўқлиги, қайси санаторияга ва йилнинг қайси вақтида даволанишини педиатр шифокор ҳал қилиши керак. Маҳаллий санаторияларга 1 ёшдан катта болалар; курорт типидаги санаторияларга 5 ёшдан катта болалар қабул қилинади.

Давлат корхоналари ёки муассасалари йўлланмани – санатория курортга танлаш комиссияси формани тўлдириб беради. Санатория-курортга танлаш комиссияси болалар поликлиникасида, шифохоналарида, диспансер бўлимларида, шаҳар соғлиқни саклаш муассасаларида ташкил қилинади.

Санатория-курортга даволанишга йўлланма беришдан олдин даволовчи шифокор bemордаги сурункали инфекция ўчоқларини, тишларини даволаши, гижжага қарши даво қилиши, клиник-лаборатория текширишларини ўтказиши керак.

Беморнинг санатория-курортларда даволанишига йўлланма беришда қўйидаги хужжатлар тўлдирилади.

- Санатория-курорт картаси.
- Боланинг 1 ой вақт давомидаги клиник-лаборатория текширув натижалари билан ривожланиш тарихидан кўчирма.
- Терининг юқумли касаликлари йўқлиги ҳақида дерматолог шифокори холосаси.
- З ҳафтадавомида bemornинг инфекцион касалликлар билан мулоқотда бўлмаганлиги ҳақида болалар шифокори маълумотномаси.
- Кўрсатма бўйича бўғма, дизентерия ва бактерия ташувчанликка текширилганлиги натижалари.

Санатория-курортларда даволанишга қарши кўрсатмалар:

- ҳамма касалликларнинг ўткир даври;
- стационарда даволаниши керак бўлган bemорлар соматик касалликлари;
- инфекцион касалликлар;
- тери ва кўзнинг ҳамма юқумли касалликлари;
- камқонликнинг оғир формалари;
- кахексия, амилоидоз;

- силнинг актив шакли;
- энурез қарши кўрсатма ҳисобланмайди.

Бўғма, қизилча билан касалланган bemорлар стационарда даволанганидан сўнг 4–5 ой кейин санатория-курортда даволанишига йўлланма берилади.

Болалар санаториясида бир нечта бўлимлар бўлиб, ҳар хил ёшдаги болаларни бирлаштиради:

I – 3 ёшгacha ( эрта ёш ).

II – 4 ёшдан–6 ёшгacha ( мактаб ёшигacha ).

III – 7 ёшдан катта болалар.

## П ҚИСМ

### **ЭРТА ЁШДАГИ БОЛАЛАР КАСАЛЛИКЛАРИ**

#### **ДИАТЕЗЛАР**

##### **2.1. ЭКССУДАТИВ - КАТАРАЛ ДИАТЕЗ**

Экссудатив диатез (ЭД) тушунчаси 1905 йилда А. Черни томонидан киритилган бўлиб, эрта ёшдаги болалар организмининг ўзига хос реактивлик хусусияти бўлиб, тери ва шиллиқ қаватларининг инфильтратив-дескваматоз яллиғланишга, аллергик касалликларга мойиллигидир. Экссудатив катарал диатез лимфатик тугуллар гиперплазияси (катталашуви), организмда туз ва сув алмашинувининг тез-тез ўзгариб туриши билан характерланади.

Ташҳисот мезонлари:

Анамнез: Онасида меъда-ичак йўли касалликлари қайд этилганлиги, ҳомиладорлик даврида ҳар хил дори воситалари билан даволангилиги, эрта сунъий овқатланишга ўтказилганлиги тўғрисидаги маълумотлар, шунингдек, ота-онасида ёшлигida ЭД қайд этилганлиги аниқланади.

ЭДнинг клиник белгиларини намоён қилувчи асосий омиллар: овқат маҳсулотлари, сигир сути, цитрусли мевалар, қулупнай ва бошқалар. Тухум, қулупнай, лимон, банан, шоколад, балиқ гўшти таркибида эндоген гистаминнинг либираторлари бўлади.

Она сути билан боқилган болаларда ЭДнинг клиник белгилари агар боланинг онаси юқорида кўрсатилган овқат маҳсулотларини истъемол қилган бўлса, юзага чиқиши мумкин.

Клиник мезонлар:

- Теридаги ўзгаришлар: бола ҳаётининг биринчи ойида тери бурмаларида бичилиш, қизариш, бошнинг сочли қисмида қазғоқлар, юз, кулоқ, бўйин атрофида ҳар хил характердаги тошмалар кузатилади.
- Терининг шиллиқ қаватидаги ўзгаришлар, „географик“ тил, чўзилувчи кўз касалликлари, бурун шиллиқ қаватининг яллиғланиши, нафас йўлларининг катарал яллиғланиши, камқонлик белгилари, сийдиқда эпителиал ҳужайралар сонининг ошиши, вақти-вақти билан ич кетиши.

Лаборатор текшируви

1. Умумий қон ва сийдик таҳлили.

2. Ахлатнинг умумий таҳлили.
3. Ахлатни дисбактериозга текшириш  
Даволаш

1. Рационал тўғри овқатланиш, бола бир ёшга тўлгунга қадар она сути билан боқиш муҳим аҳамиятга эга. Овқат таркибида углеводлар миқдорининг кўплиги ЭКД кечишини оғирлаштиради. ЭКД билан касалланган болалар терисида қанд миқдори соғлом болалар терисига нисбатан икки баравар кўплиги аниқланган.

Она истеъмол қиласидиган овқат маҳсулотлари таркибида облигат аллергенлар бўлмаслиги, сигир сути билан овқатлантириши чегаралаш. Овқат рационида мевалар ва нордон сут маҳсулотлари бўлиши керак, чунки улар енгил ҳазм бўлади.

2. Витаминлар. Куруқ экземада З ҳафтадавомида гавда оғирлигига 1000 халқаро бирликда (ХБ) витамин А берилиши яхши натижа беради, лекин бир кеча-кундуздаги миқдори гавда оғирлигига нисбатан 10000 ХБ ошмаслиги керак. В гурӯҳ витаминлари ( $B_6$ ,  $B_5$ ,  $B_{15}$ ) ва витамин Е ҳам даволашда қўлланади.

3. Антигистамин дори воситалари 5–7 кун давомида алмаштириш йўли билан тавсия этилади. Масалан, кетотифен 0,05 мг/гавда оғирлигига кунига 2 марта, магний сульфатнинг 2–5% ли эритмаси 1 чой қошиқдан 3 маҳал ичирилади.

4. Маҳаллий даво: боланинг бошига қиздирилган ўсимлик ёғи суртилади ва бир соатдан сўнг бошини болалар совуни билан ювиб ташланади. Терининг себореяли яллигланиш жойларига интал малҳами суртилади, 3–5% ли олтин гугурт, 3–5% ли олтин гугурт-нафталан кукуни сепилади.

### Профилактикаси

Экссудатив диатезнинг олдини олиш комплекс равишида олиб борилади: боланинг антенатал ривожланиш даврида ҳомиладор онанинг овқат рационида кучли аллерген ҳусусиятига эга бўлган овқат маҳсулотларини, дори воситалари билан даволашни чеклаш керак. Эднинг бирламчи профилактикаси ўтказилмаган болаларда аллергик касалликларнинг ривожланиш даражаси юқори бўлади. Поликлиникада экссудатив катарал диатези бўлган болалар билан қўйидаги ишлар олиб борилади:

1. Овқат кундалиги тутилади.

2. Узоқ муддат она сути билан боқилади, шарбатлар, қўшимча овқатлар муддатидан бир оз кечикириб берилади. Турли хил аллергик ҳусусиятга эга бўлган мева шарбатлари ва овқат маҳсулотлари боланинг кунлик овқат рационидан олиб ташланади. Қизил ва сариқ рангли мева шарбатлари тавсия этилмайди. Экссудатив катарал диатези бор сунъий, аралаш овқатлантириладиган болаларга нордон сут маҳсулотлари берилади. Йилда 1–2 марта дисбактериозга қарши бифидумбактерин ичирилади.

3. Бола бир ёшга тўлгандан сўнг таркибида аллерген ҳусусияти кучли бўлган овқат маҳсулотлари (тухум, балиқ, ҳар хил шириналар, қахва, банан, қора смородина, малина, асал, ёнфоқ, овқат маҳсулотлариға қўшиладиган қўшимчалар, консервалар, аччиқ ва шўр овқат маҳсулотлари) боланинг овқат рационидан олиб ташланади.

4. Уйда гипоаллергенли муҳит ташкил қилинади: ҳафтада 2 марта уйдаги ҳамма нарсалар намланган латта билан артилади, уй ҳайвонлари, аквариум, гулларни бола яшаётган хонада сақламаслик, китобларни ёпиқ шкафларда сақлаш, бола бор жойда кийим-уст бошларни ҳар хил сунъий кир ювиш воситалари билан ювмаслик, ҳайвон юнги ва қуш патларидан тайёрланган ёстиклар бўлмаслиги керак.

5. Даволашда дори воситаларини иложи борича камайтириш ва облигат аллергенли дори воситалари билан даволамаслик керак.

6. Сурункали инфекция ўчоқларини, ўт йўллари дискинезияси, рапит, гельминтозларни, гипотрофия, дисбактериоз ва шунга ўхшаш касалликларни ўз вактида эрта аниқлаш ва даволаш зарур.

### Диспансер кузатуви

УАШ (педиатр) 1 ёшгача бўлган болаларни ҳар ойда 1 марта, 1 ёшдан – 4 ёшгача болаларни ҳар 3 ойда 1 марта, 4 ёшдан катта болаларни йилда 1 марта кўриб бориши керак.

### Реабилитацияси

- Овқат кундалиги тутган ҳолда витаминларга бой рационал овқатлантириш.
- Антигистамин дорилар билан 5–7 кунли алмашув курси билан даволаш
- Фитотерапия
- Маҳсус режа асосида авайлаш усулида чиниқтириш

- Гипосенсибилловчи дори воситалари фонида эмлашни ўтказиш

## **2.2 ЛИМФАТИК-ГИПОПЛАСТИК ДИАТЕЗ**

Туғма ва ортирилган сабабларга күра бола организми реактивлигининг нейроэндокрин, лимфатик системалардаги ўзгаришлар сабабли ташқи мұхитта күникишининг сусайиши, оғир ва сурункалы касаллиklärарга, иммунопатологик ҳолатларга мойиллиги билан характерланади.

Ташқисот мезонлари

### **1. Анамнези**

Антепнатал ривожланиш даврининг оғир кечганлиги, туғилишда гавда оғирлиги ва узунлиги күрсаткичининг юқориилиги, неонатал даврда чўзилувчи қоныюгацион сариқлиқ, йирингли яллиғланиш, постнатал даврда дисбактериоз, энтероколит, зотилжам, бронхлар яллиғланиши ва қайталанувчи ўпка-бронх касаллиklärарини ўтказганлиги.

### **2. Клиник мезонлар**

- Боланинг ташқи кўриниши: меъёрдан ташқари ортиқча тўлалиқ, терининг рангпарлиги, терининг таранглиги суст, кам ҳаракатчан, бўшашган, бўйин ва кўкрак қафаси калта, оёқ-қўллари узун.
- Лимфопролифератив синдром: лимфатик тугунлар, танглай ва ютқин безларининг тил сўрғичлари, жигар ва талоқ бир оз катталашган.
- Буйрак усти беzi функциясининг етишмовчилиги натижасида юзага келган клиник белгилар: коллапс, диспептик ўзгаришлар (қусиш, қайт қилиш, сабабсиз ич кетиши, қориннинг димланиши, қоринда ҳар хил оғриқлар).
- Юрак-қон томир синдроми: юрак тонлари бўғик, систолик функционал шовқин, артериал қон босими пасайган.
- Бўғим синдроми: кам ҳолларда артритлар, миокардит, васкулит.
- Тимуснинг катталашиши натижасида юзага келадиган синдромлар: товушнинг пастлиги, товушнинг йўқ бўлиб кетиши, бола йиғлаганда хўрор қичқиришига ўхшаш товуш, бошини орқага ташлаб ухлаш, сабабсиз йўтал, шовқинли нафас, аралаш нафас етишмовчилиги.

- Гипопластик синдром: юрак, аорта томири, қалқонсимон без, жинсий органлар гипоплазияси.

### 3. Лаборатор ва инструментал текширув натижалари

- Умумий қон таҳлили: лимфоцитлар, тромбоцитлар, лейкоцитлар сони ошган, моноцитлар камайган.
- Сув ва хлор алмашинуви турғун эмас, умумий ёғ ва холестерин миқдори ошган.
- ЭКГда – аритмия, юрак мушакларида моддалар алмашинувининг бузилиши ва блокада белгилари.

#### Даволаш

1. Буйрак усти бези ва тимуснинг етишмовчилиги натижасида юзага келадиган ҳолатларни бартараф қилиш.

2. Она сути билан боқиши. Пархез – енгил ҳазм бўладиган ёғ ва углеводларни чеклаш. Сунъий овқатлантирилганда нордон сут маҳсулотлари бериш. Ичакнинг функцияси бузи лганда 4–5 мг\гавда оғирлигига ёғларни чеклаш. Кўрсатма бўйича облигат аллергенларни чеклаш.

3. Таъсир этувчи омилларни камайтирган ҳолда ётоқ тартиби: болани онаси билан касалхонага ётқизиш афзаллиги, беморни шифокор қўриги ва унга қилинадиган муоложаларни авайлаб ўтказиш, томир, мушак орасига дори воситалари юборишни иложи борича чеклаш.

4. Куз ва баҳор ойларида йилига 2 марта қуидаги дори воситалари билан даволаш керак:

- қисқа муддат десенсибилловчи дори воситалари билан;
- 2 ҳафта давомида иммуностимулятор дори воситалари билан;
- витаминлар A, B<sub>1</sub>, B<sub>2</sub>, B<sub>5</sub>, C, гексавит;
- адаптогенлар (женьшень қайнатмаси, пантокрин, олтинилдиз) артериал қон босими тушиб кетганда;
- тиреоидин;
- тимуснинг катталashiши натижасида ҳаёт учун муҳим органларнинг сиқилиши бўлганда 7–10 кун давомида преднизолон тавсия этиш;

#### Профилактикаси

- Жинсий йўллар билан ўтадиган касалликларни даволаш;
- Ҳомиладор аёлларни тўғри рационал овқатлантириш;
- Болани она сути билан боқиши;
- Бир хил овқат тури билан овқатлантирмаслик;

- Кун тартибини тУЗИ ш;
- Тоза ҳавода юриш;
- Чиникириш;
- Жисмоний тарбия билан шуғуллантириш.

### Диспансер кузатуви

Лимфатик гипопластик диатезли болалар умумий амалиёт шифокори (*педиатр*), эндокринолог, иммунолог билан биргаликда кузатиб борилади, 3 ёшгача йилда 2 марта, 3 ёшдан катта болалар йилда 1 марта мутахассислар томонидан кўрилади. Кузатиш давомийлиги клиник синдромларнинг кузатилиш даражасига боғлиқ. Кўрувда қуйидагиларга эътибор берилади:

- умумий аҳволига;
- жисмоний ривожланишига;
- Ҳаракати ва ўзини тутишига, гипокортицизм белгиларига (куннинг иккинчи ярмида ҳолсиз бўлиши, гавда ҳароратининг пасайиши, пешонасида томчи-томчи тер ҳосил бўлиши, лимфопролифератив синдроми).

Куйидаги текшириш усуллари ўтказилади: умумий қон ва сийдик таҳлили 3–4 ойда 1 марта, қўрсатмага биноан қўқрак қафаси рентгенограммаси, ЭКГ ( 6–8 ойда 1 марта ).

### Реабилитацияси

- Ҳар хил жисмоний ва руҳий зўриқишлиарнинг олдини олиш;
- Бола 3 ёшга тўлгунга қадар маҳсус парваришда бўлиш;
- Юқумли касалликларнинг олдини олиш;
- Буйрак усти бези етишмовчилигини яхшиловчи ва адаптоген дори воситалари билан йилида 2 марта даволаниб туриш;
- Профилактик эмлашларни антигистамин дори воситалари ҳимояси остида ўтказиш.

## **2.3. НЕРВ-АРТРИТЛИ ДИАТЕЗ**

Нерв-артритли диатез – наслдан-наслга ўтувчи моддалар алмашинуви, яъни пурин алмашинуви бузилиши натижасида кўп миқдорда сийдик кислота ажралиши ва бошқа ўзгаришлар; ёғ, углевод алмашинуви, энзим бошқарув етишмовчилиги натижасида кетон таначалари ажралиши ҳисобига кўпгина касалликларга, шу

жумладан таянч ва ҳаракат органларининг, буйрак, ўт пуфаги сурункали касалликларига, гипертензия синдромига мойиллик билан характерланади.

### Ташҳисот мезонлари

**1. Генеологик мезонлар.** Оиласида подагра, буйрак тоши, пиелонефрит, асаб касалликлари, кам ҳолларда қандли диабет, ўт пуфаги яллиғланиш, меъда ва ўн икки бармоқ ичак яра касаллиги, сурункали ўпка ва юрак касалликлари.

**2. Клиник мезонлар.** Асаб – руҳий ҳолати билан боғлиқ бўлган синдромлар: кучли қўзгалувчанлик, уйқусида қўрқиб уйғониб кетиш. Хореяга хос ҳаракатлар.

➤ Моддалар алмашинуви бузилиши билан боғлиқ синдромлар: иштаҳа паст, анорексия, гавда вазнининг жуда секин ортиб бориши, сабабсиз гавда ҳароратини кўтарилиши, транзитор аритмия, юрак тонлари бўғиқ, систолик функционал шовқин.

➤ Конда ацетон миқдорининг ошиши билан боғлиқ синдромлар: кучли, бир неча кун давомида кўп марта қайталанувчи қусиши, организмнинг сувсизланиши, нафас чиқарганда ацетон ҳиди келиши, пешобда ацетон миқдорининг ошганлиги.

➤ Оғриқ симптомлари: қоринда, букувчи мушакларда, бош оғриғи, невралгия, артралгиялар.

### 3. Лаборатор ва инструментал текширув натижалари

- Умумий қон таҳлили – унча юқори бўлмаган лимфоцитоз
- Қон биокимёси – сийдик кислота ошган (1 ойликдан – 1 ёшгача бўлган болаларда – 0,14–0,21 ммол/л), диспротеинемия.
- Сийдик таҳлили: кўп миқдорда урат тузлари, оқсиллар, эритроцитлар, сийдик зичлиги юқори.

### Даволаш

1. Ацетонемик криз ҳолатда енгил парҳез овқатлар – олма, тарвуз, картошка - ҳафтада 1–2 марта тавсия этилади, ацетонли қусиши бўлганда 6–12 соат давомида очлик тавсия этилади ва суюқлик ичириб турилади. Агар қусиши тез-тез қайталанса ва тўхтамаса, у ҳолда венага 5% ли глюкоза, Рингер эритмаси юборилади. Таркибида пурин сақловчи, кўп миқдорда оқсилга бой овқат маҳсулотлари чекланади. Гўшт маҳсулотларини қайнатиб

истъемол қилиш мақсадга мувофиқдир. Колбаса маҳсулотлари, қўзиқоринларни, гўшт, балиқдан тайёрланган қайнатмаларни, кўпчилик ўсимлик маҳсулотларини истъемол қилиш тавсия этилади. Мумкин қадар ўсимлик ва сут маҳсулотларидан тайёрланган овқат маҳсулотлари (сут, сут маҳсулотлари, сабзавот, мевалар, ун, дон маҳсулотлари, асал, шакар, ўсимлик ёғи) тавсия этилади.

2. Яшаш жойида тинчликни сақлаш, боланинг руҳиятига, асаб системасига таъсир қилувчи омиллардан сақлаш.

3. Тинчлантирувчи дорилар: валерияна илдизи, арслонқўйруқ (пустырник), новопассит ва бошқалар.

4. Кучли ривожланган гиперурикемия ҳолатида уродан, этамид, бутадион ва урикодепрессив дори воситалари (аллопуринол, оротат кислота, колхицин) тавсия этилади.

### Профилактикаси

- Кун тартибига риоя қилиш, рационал овқатлантириш, болани руҳиятига таъсир этувчи ҳар хил омиллардан асраш. Бундай болалар мактабда ўқиганларида чет тили, мусиқа, спорт билан шуғуллана олмайдилар.

### Диспансер кузатуви

Нерв-артрит диатези бўлган болаларни умумий амалиёт шифокори педиатр, эндокринолог билан бирга кўриб боради. Диспансер кузатувининг давомийлиги касалликнинг синдромларининг кўринишига боғлиқ. Невропатолог 6 ойда 1 марта текшириб туриши керак. Кўрувда қуидагиларга эътибор берилиши керак: руҳий ҳолати, иштаҳаси, интеллектуал ривожланиши, кўнгли айниб қайт қилиши, вегетоневроз белгилари, аллергик касалликларнинг қайд этилиши, жигар, буйрак, ичакларда кузатиладиган оғриқлар ва бошқалар.

### Реабилитацияси

- Пурин асоси таркибида бўлган марказий нерв системасини қўзғатувчи овқат маҳсулотларини чеклаш.
- Сийдикдаги pH мұхитини меъёрига келтириш.
- Болаларни ортиқча ва кучли таъсир қилувчи омиллардан сақловчи кун тартибини тузиш.

## 2.4. РАХИТ

Рахит - илк болалик даври касаллиги бўлиб, организмда Д витамини етишмаслиги оқибатида ривожланади ва суяк тўқимасида ўзгаришлар, гавда скелетининг деформациялари билан кечади.

### Этиологияси

Қуйидаги сабаблар: ноадекват инсолияция (етарлича қуёш нурида бўлмаслик), Д витаминининг овқат билан организмга кам тушиши, маълабсорбция синдроми оқибатида бола организмида Д витаминининг танқислиги юзага келади. Бундан ташқари, рахит антиконвульсантлар (фенобарбитал ва б.қ.) билан узок даволаш оқибатида ҳам юзага келиши мумкин (бунда, жигар фермент тизимининг индукцияси оқибатида Д витамини метаболизмининг кучайиши кузатилади); 1,25- дигидроксихолекальциферол ишлаб чиқарилишининг тўхташи (касалликнинг Д витаминига боғлиқ шаклидаги етишмовчилигида); фосфорнинг кўп йўқотилиши (гипофосфатемик Д витамини-резистент рахитида, Фанқони синдромида); ишқорий фосфатаза ферменти ишлаб чиқарилишининг камайиши оқибатида ҳам баъзан рахит ривожланиши мумкин. Меъёрда туғилган ва қисман чалалик белгилари билан туғилган, табиий озиқланишда Д витамини танқислиги билан кечадиган рахитнинг асосий сабаби ультрабинафша нурларнинг етишмовчилиги ҳисобланади.

Маълумки, D<sub>3</sub> витамини одам терисида ультрабинафша нурлар таъсирида синтезланади. Организмда Д витаминининг 60га яқин метаболитлари ҳосил бўлади, лекин улардан фақат 1,25-дигидроксихолекальциферолгина кальций ва фосфор алмашинувига фаол таъсир этади. Ушбу метаболитнинг асосий таъсири, ичакларда кальций ва фосфор сўрилишида иштирок этувчи, кальций боғловчи оқсилларни ҳосил қилишдаги иштироки билан намоён бўлади. Д витаминининг танқислиги (айниқса қиш ойларида) ичаклардан кальцийнинг сўрилиши камайишига, қон ва суяк тўқимаси ўртасида кальций алмашинувининг бузилишига олиб келади. Оқибатда юзага келган гипокальциемия иккиламчи гиперпаратиреоз ривожланишига сабаб бўлади. Бу эса ўз навбатида суяк тўқимасидаги кальцийнинг ювилиб чиқишига ва фосфорнинг буйраклар орқали экскрецияси ошишига олиб келади.

Эндоген синтезланган Д витамини билан фақат балиқларгина ўз эҳтиёжини тўла қондира олиши мумкин. Одам организмига эса

озиқ- овқат маҳсулотлари билан қўшимча равища Д витамини тушиб туриши лозим, айниқса қуёш нурларининг терига тушиши кам бўлганда (очиқ ҳавода сайр қилмаслиқ, ҳавонинг чанг билан ифлосланиши ва ультрабинафша нурларни ютувчи бошқа омиллар) организмда Д витамини танқислиги юзага келиш эҳтимоли кўп бўлади.

### Патогенези

1,25-дигидроксиҳолекальциферол етишмовчилиги кальций боғловчи оқсил синтезининг ва кальций тузларининг ичакда сўрилишининг камайишига олиб келади. Тўқималарда цитрат синтези камаяди. Суяк тўқимасининг кальцийни тутиб қолиш (фиксация) хусусияти пасаяди. Юзага келган гипокальциемия оқибатида қалқонсимон без олди безларининг функцияси кучаяди. Паратормон 25-гидрокальциферолдан 1,25- дигидроҳолекальциферол ҳосил бўлишини стимуллайди, бунинг натижасида ичакларда кальцийнинг сўрилиши ва суяк тўқимасидан кальцийнинг ювилиб чиқиши кучайиб, гипокальциемия бартараф бўлади. Аммо суякларда деминерализация юзага келади. Айни пайтда қалқонсимон без гормони – тиреокальцитониннинг фаолияти (бу гормон кальцийнинг суяк тўқимасига киришини стимуллайди) тормозланади. Паратормон буйрак каналчаларида фосфатлар реабсорбциясини камайтиради, натижада гипофосфатемия ривожланади. Гипофосфатемияда, компенсатор реакция сифатида, асаб хужайралари ва мушакларда жойлашган органик бирикмалардан фосфор моддаси қонга ювилиб чиқа бошлайди. Бунинг оқибатида организмда энергия алмашинуви бузилади ва мушаклар тонуси пасаяди. Паратормоннинг таъсири тиреокальцитониннинг таъсиридан юқори бўлганида, суяклардан кальций тузларининг ювилиб чиқиши рўй беради. Натижада суяклар юмшоқ, осон эгилувчан бўлиб, одатдаги статик ва динамик юкламаларга бардош бера олмай қолади. Кальций ва фосфор тузлари остеоид тўқимада тўпланмайди, суякдаги оҳакланиш жараёнлари сусаяди, тоғайнинг меъёрдаги резорбцияси юзага келмайди, остеоид тўқима сўрилиб кетади, метафизларнинг диаметри ошади. Суяк ва тоғайлар ўртасидаги чегара йўқолиб боради. Д витаминининг етишмовчилиги, аминокислоталарнинг пешоб билан чиқиб кетишини кучайтиради, суякнинг асосий таркибий қисми бўлган коллаген структурасининг бузилишига

олиб келади. Бу жараёнлар гипотрофияда, организмда бошқа минерал моддалар (рух, мис, магний ва б.), витаминлар, айниқса С витамини етишмаганда янада қўпроқ намоён бўлади. Рахит касаллиги оқибатида оқсиллар алмашинуви бузи лади. Қондаги аминокислоталар сифати ва сон таркиби ўзгариб кетади, яъни альбуминлар миқдори камайиб, глобулин фракциялари ошиб кетади.

Чала туғилган болаларда рахитга мойиллик юқори бўлади. Тўғилиш арафасида улар организмида минерал моддалар етарлича тўпланмаган бўлади. Айни пайтда уларда соғлом туғилган болаларга нисбатан ўсиш жараёнларининг тезроқ кечиши туфайли, кальций ва фосфорга бўлган талаб ҳам юқори бўлади.

Катталарда кальцийга бўлган суткалик эҳтиёж – 8 мг/кг, мактабгача ва мактаб ёшидаги болаларда – 25 мг/кг, соғлом чақалоқларда – 70–75 мг/кг, чала туғилган чақалоқларда – 200–225 мг/кг ни ташкил этади. Фосфорга бўлган суткалик эҳтиёж соғлом болаларда – 40 мг/кг, чала туғилган болаларда – 110–150 мг/кг га teng. Шуни таъкидлаш керакки, она сути таркибидаги кальций ва фосфор боланинг эҳтиёжларини қондира олмайди.

### Таснифи

Рахит касаллиги даврига, касалликнинг оғирлигига ва кечишига қараб таснифланади.

#### Даври:

- 1) Бошлангич даври.
- 2) Авж олиш даври.
- 3) Тузалиш даври.
- 4) Қолдиқ даври.

#### Оғирлик даражаси:

- 1-** енгил даража (кам ифодаланган симптоматика, асосан, асад ва суюк тизими томонидан);
- 2-** ўрта оғир даража (асад ва суюк тизимидағи бузилишлар, мушак ва қон яратиш тизимидағи ўзгаришлар, нафас, юрак-қон томир ва меъда ичак тизимидағи иккиламчи ўзгаришлар);
- 3-** оғир даража ( юқорида қайд этилган орган ва тизимларда кескин ифодаланган ўзгаришлар кузатилади).

#### Кечиши:

- 1) Ўткир.
- 2) Ўткир ости.

### 3) Қайталанувчи.

Рахит пайдо бўлишида хавф түғдирувчи омиллар:

- 1) ҳомиладорлик токсикозлари;
- 2) экстрагенитал патологиялар;
- 3) чалалик;
- 4) талvasага қарши препаратлар ва глюокортикоидларнинг узоқ қўлланиши;
- 5) меъда-ичак тизими касалликлари.

### Клиникаси

Бошланғич даври. Касаллик 2–3 ойликда бошланади. Болада қўзғалувчанлик, безовталаниш, уйқунинг бузилиши, қўп терлаш, катта лиқилдоқ атрофининг ва чокларнинг юмшоқлиги қузатилади.

Авж олиш даври. Иккинчи ярим йилликда (6 ойликдан сўнг) ривожланади. Суяқдаги ўзгаришлар: краниотабес, “этиқдўзлар” қўкраги, Гаррисон эгатлари, “олимп” пешонаси, рахитик чўтка ва билакузуклар. Психомотор ривожланишдан орқада қолиш. Ички органларда функционал ва морфологик ўзгаришлар қузатилиши мумкин – гепатосplenомегалия, юрак тонларининг бўғиқлашуви, тахикардия, тахипноэ. Ичаклар парези.

Тузалиш даври. Кайфиятнинг яхшиланиши, неврологик ва вегетатив бузилишлар регрессияси.

Колдик асоратлар даври. 2–3 ёшдан кейин қайд этилади. Мушаклар гипотонияси ва скелетдаги барқарор қолдик ўзгаришлар қузатилади. Рахитга ташҳис қўйиш қондаги кальций, фосфор ва ишқорий фосфатазани аниқлашга асосланади.

### Рентгенологик ўзгаришлар

- Остеомаляция ва остеопороз белгилари;
- Остеоид тўқима гиперплазияси.

### Қиёсий ташҳисот

Рахит касаллиги рахитсимон касалликлар билан қиёсий ташҳисот қилинади.

- ❖ I тип Д витаминига боғлиқ рахит (синоним – Д витамины резистент рахити);
- ❖ II тип Д витаминига боғлиқ рахит;
- ❖ Фосфат диабет;
- ❖ Дебре-де Тони-Фанқони синдроми.

**Рахит ва рахитсимон касалликлар клиник манзарасининг  
умумий тавсифи**

Касаллик	Пайдо бўлиш муддати	Бирламчи клиник манзараси	Махсус белгилари
Д-витамини танқислиг и рахити	1,5–3 ойлик	Қўзғалувчанлик, инжиқлик, уйқу бузилиши, терлаш, иштаҳа пасайиши, мушаклар гипотонияси	Суяқдаги ўзгаришлар: краниотабес, пешоначка дўмбоқлари, рахитик чўтка ва билакузуклар, баъзида оёқлар деформацияси. Остеопороз.
Фосфат-диабет	1 ёш 3 ойлик	Оёқлардаги деформациялар, билакларда рахитик билакузуклар оёқ мушаклари гипотонияси	Авж олиб борувчи вирусли деформация, метафизларда кўпол окалсимон деформациялар. Периоститнинг пўстлоқ қавати бир томонлама қалинлашуви ҳисобига, найсимон суюкларнинг қалинлашиши.
Дебре-де Тони-Фанқони касаллиги	2 ёш 6 ойлик – 3 ёш	“Сабабсиз” ҳарорат кўтарилиши. Полиурия, полидипсия, мушаклардаги оғриқлар	Ҳароратнинг кўтарилиши, авж олиб борувчи суюк деформациялари, жигар катталashiши, ич қотиши, суюк тўқимасининг умумий шикастланиши. Буйрак тубуляр ацидози, фосфат-диабет ва рахитга нисбатан кўпроқ ифодаланган остеопороз.
Буйрак тубуляр ацидози	5–6 ойлик – 2–3 ёш	Полиурия, полидипсия, кўзғалувчанлик, инжиқлик, мушаклар гипотонияси, мушакларлаги оғриқлар	Полиурия, полидипсия, мушаклар гипотонияси, адинамия, жигар катталashiши, ич қотиши, оёқларда авж олиб борувчи валгусли деформация, умумий остеопороз, метафиз

		қонтурларининг ноаник бўлиши, рахитик зона кенглиги 2 см. кўпинча суякларнинг қонцентрик атрофияси.
--	--	---

## Шифокор тактикаси

### Даволаш

1. Парҳез. Болани имқон қадар она сути билан овқатлантириш. Она сути ўрнини босувчи озиқлар берилганда, улар таркибидаги Д витамини миқдорини ҳисобга олган ҳолда, Д витаминининг профилактик миқдорини тайинлаш лозим.
2. Патогенетик даво:
  - енгил даражали рахитда Д витамини 45–60 кун давомида кунига 2500 ХБ берилади.
  - ўрта оғирли даражасида эса, 45–60 кун давомида кунига 5000 ХБ берилади.
  - массаж, гимнастика.

## Профилактикаси

### Антенатал профилактика:

- Ҳомиладор аёл шахсий гигиена қоидаларига риоя этиши, тоза ҳавода сайр қилиши керак.
- Тўлақонли овқатланиш, ДЖТ билан шуғулланиш.
- Қиш ва баҳорда ҳомиладорликнинг 32 ҳафтасидан бошлаб, Д витамини 500 ХБ дан ҳар куни, 8 ҳафтадавомида берилади.

### Постнатал профилактика:

- Ҳамма болаларга 500 ХБ дан кунига Д витамини буюрилади: соғлом болаларга 1 ойликдан бошлаб; чала туғилган болаларга 2 ҳафталигидан (тез ўсиши, минерал моддаларга эҳтиёж юқорилигини эътиборга олган ҳолда) берилади. Профилактика куз, қиши ва баҳорда ўтказилади; июндан сентябргача (ёз ойларида) маҳсус профилактика буюрилмайди. Д витамини профилактикаси бола ҳаётининг 1 ва 2 йилларида зарур ҳисобланади.
- Табиий овқатлантириш, етарлича қуёш нурида (офтобда) бўлиш.

Д витаминини назоратсиз қабул қилиш Д витамиnidан заҳарланиш хавфини туғдиради (нефрокальциноз).

Рахит билан оғриган болаларга профилактик эмлашларни ўтказиш мумкин.

## 2.5. СПАЗМОФИЛИЯ

Спазмофилия илк болалик даври касаллиги хисобланади. Бу касалликда организмда рўй берган алкалоз (ишқорий муҳитнинг ошиши) фонида экстрацеллюляр суюқликда ионлашган кальций миқдорининг камайиши хисобига болаларда асаб-мушак тизими қўзғалувчанлигининг ошиши ва талvasага мойиллик пайдо бўлади.

### ПАТОГЕНЕЗИ

Баҳорда қуёш нурлари таъсирида пайдо бўлаётган Д витамини миқдори кам бўлади, ичаклардан кальций кам сўрилади ва айни пайтда кальцийнинг суюкларда тўпланиши ошади. Спазмофилия ривожланишига мойиллик туғдирувчи омилларга кальций тузлари кам овқат маҳсулотларини истеъмол қилиш, Д витамини билан интенсив даволаш, ультрабинафша нурлари билан даволаш киради.

### КЛИНИК МАНЗАРАСИ

Спазмофилиянинг яширин ва яққол шакллари тафовут этилади. Улар бир-биридан патологик жараёнларнинг ифодаланиш даражаси билан фарқ қиласи. Яширин шаклида болалар ташқи қўринишидан соғлом, баъзида семизликка мойил бўлишади. Психомотор ривожланиш меъёрида, рахит аломатлари кузатилади. Қўзғалувчанликнинг юқори бўлиши – чўчиб тушиш, безовталиқ, гиперестезия болада яширин спазмофилияга шубҳа қилишимизга асос бўлади. Қўпроқ учрайдиган симптомлар қуйидагилар:

- Хвостекнинг юз феномени – қулоқнинг олд қисмига, юз нервининг тарқалиш соҳасига секин урилганда оғиз, бурун ва қовоқлар соҳасидаги юз мушакларининг кескин қисқариши юзага келади.
- Труссо феномени – қўлнинг елка қисми 3 минут давомида эластик жгут билан сиқилганда қўл бармоқларида “акушер қўли” қўринишида тиришиб-тортишиб кузатилади.
- Люст феномени – кичик болдир суюги бошчасининг пастки қисмига урилганда товоннинг кескин бурилиши кузатилади.

Яққол спазмофилия бола йиғлаганда, қўрқандада ларингоспазм вужудга келиши билан намоён бўлади. Бунда нафас олиш шовқинли бўлиб, бир неча дақиқага нафас тўхтайди; бола оқариб кўкариб кетади, ҳушини йўқотиши мумкин, баъзида клоник талvasалар кузатилади. Ларингоспазм ҳуружи чуқур нафас олиш билан тугайди, бола йиғлаб, аҳволи яхшиланади ва қўпинча ухлаб қолади. Баъзида нафас чиқариш пайтида нафас тўхтаб қолади (бронхотетания). Оғир ҳолларда юрак тўсатдан тўхташи (юрак тетанияси) оқибатида ўлим рўй бериши мумкин. Бунда қўпинча кафтнинг устки қисмида шиш пайдо бўлади.

○ Карпопедал спазм – оёқ-кўл дистал мушакларининг ўзига хос спазми (“акушер қўли” ва pes equines – оёқ бармоқларининг товон тарафга букилиши) кузатилади.

○ Жуда оғир ҳолларда эклампсия ҳуружлари – ҳушни йўқотиш билан кечувчи клоник-тоник талvasалар кузатилади.

○ Спазмофилияга мойил болаларда одатда асаб қўзғалувчанлигининг ошиши (парестезия, гиперрефлексия) кузатилади.

## ТАШҲИСИ ВА ҚИЁСИЙ ТАШҲИСОТИ

4–18 ойлик болаларда рахитнинг клиник лаборатор белгилари билан биргаликда асаб-мушак қўзғалувчанлигининг ошиши симптомларининг бўлиши спазмофилияга ташҳис қўйишни осонлаштиради. Барча bemорларда алкалоз билан бир қаторда қон зардобида ионлашган кальцийнинг камайиши ( $0,85$  ммоль/л дан паст; норма  $1,1$ – $1,4$  ммоль/л умумий кальций ҳам камайиши мумкин) кузатилади. Кам ҳолларда қон зардобидаги ( $1,75$  ммоль/л дан паст, норма  $2,5$ – $2,7$  ммоль/л).

Спазмофилияни тетания ва талваса ҳуружи билан кечадиган бошқа касалликлардан фарқ қилиш керак. Кўкрак ёшидаги болаларда кам учрайдиган гипопаратиреоидизмда яққол ифодаланган гипокальцемия ва гиперфосфатемия кузатилади. Буйрак остеодистрофиясида қон зардобидаги кальцийнинг камайиши сурункали буйрак етишмовчилигига хос бўлган ацидоз, гиперфосфатемия, азотемия каби белгилар билан бирга кечади. Тетания гипомагнемия оқибатида ҳам келиб чиқиши мумкин.

Спазмофилиянинг эклампсия шаклини турли ёшдаги болаларда учраши мумкин бўлган эпилепсиядан фарқлаш керак;

анамнез маълумотлари, клиник манзара ва ЭЭГ ташҳис қўйишни осонлаштиради.

### Профилактикаси

Баҳор ойларида яширин спазмофилия аломатлари пайдо бўлиши билан кальций препаратларини буюриш керак.

### Даволаш

Ларингоспазм кузатилганда мияда доминант қўзғалиш ўчоғини пайдо қилиш керак. Бунинг учун бурун шиллик пардаси қитиқланади (бурунга пулланади, нашатир спирти ҳидлатилади), терига шапатилаб урилади ёки совуқ сув сепилади, болани силкитиб, вестибуляр тахлилаторни қўзғатиш мумкин. Талваса кузатилганда мушак орасига седуксен 0,5%ли эритмаси 0,1 мл/кг ёки магний сульфат 25% ли 0,5 мл\кг, ГОМК 20% ли 0,5 мл/кг ва албатта шу вақтнинг ўзида кальций глюконат 10% ли 1-2мл/кг венага юбориш керак. Кислород ингаляция қилиш мумкин. Талваса бартараф этилгандан сўнг bemor бола шифохонага ётқизилади.

Сигир сути микдорини озиқ рационида кескин камайтириш керак, чунки унда фосфатлар микдори кўп. Сабзавотлар микдорини ошириш керак.

Кўкрак ёшидаги болаларнинг кальцийга бўлган суткалик эҳтиёжи 50–55мг/кг га teng. 10%ли кальций глюконатнинг 1 мл да 9 мг, 10%ли кальций хлорнинг 1 мл да эса 36мг кальций бор. Кальций препаратларидан ичиш учун 5%ли кальций глюконат эритмаси сигир сутига қўшиб берилади. Кальций хлорнинг қонцентрацияси юқори эритмалари меъда шиллик пардасини шикастлаб, яра хосил бўлишига олиб келиши мумкин. Кальций препаратларини венага жуда тез юборилганда брадикардияга ва ҳатто юракнинг тўхташига сабаб бўлиши мумкин. Спазмофилия билан оғриган bemorларда талваса ҳуружлари тўхтагандан кейин, орадан 3–4 ҳафта ўтиб, D витаминини 2000–4000ХБ дан кунига 2 маҳал буюриши мумкин. Кальций препаратлари билан даволаш ва сигир сутини чеклашни яширин спазмофилиянинг барча белгилари батамом йўқолгунга қадар давом эттириш керак. Бола учун ёқимсиз бўлган муолажаларни (томуқни кўриш, инъекциялар) жуда эҳтиёт бўлиб бажариш керак, чунки бу муолажалар оғир ларингоспазм ҳуужини келтириб чиқариши мумкин.

## **МАЛЬАБСОРБЦИЯ СИНДРОМИ**

### **2.6. Муковисцидоз**

Аутосом-рецессив наслдан-наслга ўтувчи, асосан, нафас, меъда-ичак йўлларининг яллиғланиши билан кечадиган касаллик бўлиб, унинг ривожланиши асосида экзокрин (ташқи) безлар функциясининг бузилиши, электролитлар алмашинуви, бириктирувчи тўқималардаги ўзгаришлар ётади.

### **ТАШҲИСОТ МЕЗОНЛАРИ**

#### *1. Анамнези*

Яқин қариндошларида ва ота-оналарида сурункали бронх-ўпка касалликлари, оиласда муковисцидоздан ўлим қайтилиши, бронх-ўпка касалликларининг қайталаниш ҳолатлари, тавсия этилган давонинг натижаси бермаганлиги ва бошқа маълумотлар.

#### *2. Клиник мезонлар*

Ўпканинг яллиғланиши натижасида юзага келадиган синдромлар:

➤ Пневмоник ўчоқлар, ўпка ателектази, пневмосклерози, зотилжам муковисцидознинг ўпка синдромида асосий ўрин тутади. Оғир қайталанувчи форма эрта ўпка абсцесси ва бронхэкстазлар юзага келиши билан характерланади. Яллиғланиш, асосан, ўпканинг иккала тарафида бўлади. Узоқ муддатли, хуружли кўйкўталга ўхшаш йирингли балғамли йўтал кузатилади. Ўткир нафас ва юрак этишмовчилик белгилари намоён бўлади. Беморда кўкрак қафаси деформацияси қайд этилади.

➤ Ичак функцияси бузилиши натижасида кузатиладиган синдромлар. Иштаха сақланган, меъда ости бези этишмовчилиги белгилари: тез-тез, кўп микдорда, суюқ ёки бўтқасимон, рангсиз ёки олтин рангли ялтироқ ахлат кузатилади. Кўпчилик bemorларда эчкининг ахлатига ўхшаш ахлат ва тўғри ичакнинг ташқарига чиқиб кетиш ҳоллари рўй беради.

➤ Дистрофик ўзгаришлар ва моддалар алмашинувининг бузилиши билан боғлиқ синдромлар: жисмоний ривожланишдан орқада қолиш, тери ости ёғ қавати яхши ривожланмаган, мушаклар гипотонияси, тери қуруқ, қипиқлашган, соchlари қуруқ, синувчан, қўл, оёқ бармоқлари ноғара таёқчасига ўхшаш, тирноқлар – соат шишиласига ўхшаш, тузланган (шўр) бола симптоми.

### *3. Лаборатор ва инструментал текширув натижалари*

Янги туғилған чақалоқлар ахлатида (меконий) альбуминни текшириш.

1. Тер синамаси (тер суюқлигидаги натрий ва хлор міқдорини аниклаш) – 1 ёшгача бўлган болаларда натрий ва хлор міқдори 40 ммол/л, 1 ёшдан катта болаларда 60 ммол/л (меъёрда – 7 ёшгача соғлом болаларда 23 ммол/л, 7 ёшдан катта болаларда – 28 ммол/л ни ташкил қиласди).

2. Тирноқни текшириш синамаси: тирноқдаги натрий міқдори бемор болаларда 80 ммол/кг гача кўтарилади (соғлом болаларда ёшга боғлиқ ҳолда  $27,88 \pm 1,89$  дан  $34,37 \pm 2,4$  ммол/кг гача). Бу синама, асосан, текшириш учун тер суюқлиги етарли бўлмагандан утказилади.

3. Умумий ахлат таҳлили: нейтрал ёғлар кўп, ёғ кислоталар кам.

4. Ўпка рентгенограммаси: пневмония ўчоқлари, ателектазлар, эмфиземалар қайд этилади.

### **Диспансер кузатуви ва реабилитацияси**

Муковисцидоз билан касалланган беморлар диспансер кузатувида бўлиши билан бир қаторда унинг ота-онаси касалликни даволашда дори воситалари: антибиотиклар, муколитиклар, ингаляция воситаларини қандай ишлатишни билиши, тебранма уқалаш, парвариш усулларини ўрганиши мақсадга мувофиқдир.

➤ Мутахассислар кўриши – УАШ (педиатр) ва муковисцидоз

маркази мутахассиси 3 ойда 1 мартадан кам эмас

➤ Кўрувда қуйидагиларга эътибор бериш керак:

- Умумий аҳволи.
- Жисмоний ривожланиши.
- Йўтал характери.
- Ажralган балғам міқдори.
- Иштаҳа.
- Ахлат міқдори ва характери.

➤ Кўшимча текширув усуллари:

- Гавда узунлиги ва оғирлигини ўлчаш.
- Балғамни текшириш.
- Умумий қон, сийдик, ахлат таҳлили.
- Қон биокимёси
- Эхокардиограмма.

- Жигар, ўт пуфаги, меъда ости бези эхограммаси.
- Иммунологик синама 1 йилда 1 марта.
- Асосий соғломлаштириш усуллари:
  - Овқатланиш ва қун тартибига риоя қилиш.
  - Сурункали ўчоклар санацияси.
  - Ҳамма вақт меъда ости бези ферментларини ичишб юриш.
  - Бактерияга қарши дори воситалари билан 2–3 ойда даволаниб туриш.
- Кузатув давомийлилиги – ўспирин шифокорига ўтказилгунга қадар
- Профилактик эмлашлар ўтказилмайди.

## **2.7. ЦЕЛИАКИЯ**

Таркибида глютен оқсили бўлган овқат маҳсулотларини кўтара олмаслик натижасида ингичка ичак шиллиқ қаватида морфологик функционал ўзгаришлар билан мальабсорбция моддалар алмашинувинининг бузилиши ва дистрофик синдромлар билан кечадиган туғма ва ортирилган касаллик.

### **ТАШХИСОТ МЕЗОНЛАРИ**

#### *1. Анамнези*

Касалликнинг биринчи белгилари кунлик овқат рационига таркибида глютен бўлган озиқ-овқат маҳсулотлари киритилгандан 4–8 ҳафта кейин юзага келади. Бу маҳсулотларни бериш тақиқлангандан сўнг bemorda касалликнинг ремиссия ҳолати кузатилади. Юқорида кўрсатилган овқат маҳсулотлари қайтиб истеъмол қилинса, касаллик яна авж олиши мумкин.

#### *2. Клиник мезонлар*

- Мальабсорбция синдроми: кўп микдорда кўпиксимон, очсариқ, ёғлиқ, ялтироқ, сассиқ ахлат бўлиши. Ахлатда қон, йиринг бўлмайди. Ахлат тувакдан қийин тозаланади. Бундай bemorlar қорни катталашган бўлади (псевдоасцит).
- Моддалар алмашинувининг бузилиши ва дистрофия синдроми: жисмоний ривожланишда анча орқада қолиш (гипотрофиянинг 2–3- даражаси), оёқлар ингичка (ўргимчакка ўхшаш), полигиповитаминоз белгилари (тери оқарган, қуруқ, тизза ва бўғимлар атрофида гиперпигментация) кузатилади, оғиз бўшлиғи, тилнинг яллиғланиши, соч рангсиз ва қуруқ, мушаклар

гипотонияси, минерал тузлар алмашинувининг бузилиши симптомлари, карпопедал спазм, айрим bemорларда сужнинг синиши кузатилади.

### *3. Лаборатор ва инструментал текширув натижалари*

1. Умумий қон таҳлили: гипохром камқонлик ҳар хил даражада, ретикулоцитлар сони камайган.
2. Коннинг биокимёвий текшируви – оқсиллар, Са, К, холестерин камайган.
3. Умумий ахлат таҳлили: ёғ кислоталар, нейтрал ёғ, кальцийли совун кўп микдорда, ахлат pH 6,0 дан камайган.

### **Даволаш**

Парҳезли даво: bemор овқат рационидан таркибида глютен бўлган овқат маҳсулотлари олиб ташланади. Гуруч ва маккажухоридан 2 баравар кўп микдордаги сут ёки сувда пиширилган бўтқаларни докадан ўтқазиб берилади. Ичаклар функциясини яхшилаш мақсадида нордон сут маҳсулотлари тавсия этилади.

### **Диспансер кузатуви**

Bемор стационардан чиқарилгандан сўнг диспансер кузатувига олинади ва кенгайтирилган парҳез стол тавсия этилади. Шуни эсдан чиқармаслик керакки, касаллик белгилари кузатилмаган тақдирда ҳам парҳез буюрилади ва умрнинг охиригача кўрсатилган парҳез бўйича овқатланиш керак.

## **2.8. ДИСАХАРИДЛАР ЕТИШМОВЛИГИ**

Дисахаридларнинг ичакдан сўрилиши бузилиши билан кечадиган бирламчи (наслий) ва иккиламчи (ичак касалликлари) касаллик.

### **ТАШҲИСОТ МЕЗОНЛАРИ**

#### *1. Анамнези*

Хаётининг биринчи ойлигидан ичакнинг яллиғланиши билан кечадиган касалликлар фонида ёки антибиотиклар, асосан, аминогликозид дори воситалари билан даволангандан ич кетиши қайд этилиши. Диспептик ўзгаришларнинг сут истеъмол қилиш билан боғлиқлиги (болада ёки яқиндошларида), ичакда сўрилишнинг бузилиши билан кечадиган касалликлар борлиги.

## *2. Клиник мезонлар*

- Мальабсорбция синдроми: суюқ, кўпиксимон, нордон ҳидли, таркибида кўп микдорда ҳаво бўлган ахлат, ичакда ҳаво йиғилиши ҳисобига қорин катталашган.
- Моддалар алмашинуви бузилиши ва дистрофия синдроми: гипотрофиянинг 1–2- даражаси клиник белгилари, витамин етишмовчилиги белгилари, кўп ҳолларда қусиш.
- Стандарт даво усуллари таъсир қиласлиги, bemorning аҳволи овқат рационидан дисахаридлар олиб ташлангандан сўнг яхшиланиши.

## *3. Лаборатор ва инструментал текширув натижалари*

1. Умумий ахлат таҳлили – ахлатни pH муҳити 5,0дан кам; кўп микдорда сут кислотаси, углеводлар.
2. Меъда-ичак йўллари рентгеноскопияси – ичаклар кенгайган, ҳаракати тезлашган, шунинг ҳисобига контраст суюқлик тез ҳаракатланади, йўғон ичак гаустрацияси кучли ривожланган.
3. Умумий сийдик таҳлили – сийдикда лактоза ва қанд микдори вақтинчалик ошган.
4. Парҳезли даво усули самарали.

### *Даволаш*

1. Босқичли парҳез даво касалликнинг асосий давоси ҳисобланади.  
I босқич. Касалликнинг ўткир даврида bemor рационидан сут ва сутли овқат маҳсулотлари бутунлай чекланади, шу билан бирга она сутини ҳам 6–8 соат давомида фақат чой, наъматак дамламаси, олма шарбати, қуруқ мевалардан тайёрланган шарбатлар, тузли эритмалар (оралит, регидрон) билан бирга берилади. Кейин 1–2 кун гуруч шарбати тавсия этилади. Bemorning аҳволи бир оз яхшиланиши билан эмадиган болаларга она сутини соғиб (бир марта соғилган сут микдорининг 2/3 қисми) берилади. Қолган қисми кам лактазали аралашмалар билан овқатлантириш ҳисобига тўлдирилади. Сунъий овқатлантириладиган bemor аста-секин кам лактазали овқатларга ўтказилади.  
II босқич. Bemor токсикоз ҳолатидан чиқарилгандан сўнг овқат рационы кенгайтирилади. Дастреб кам лактазали сутда тайёрланган гуруч бўтқаси, сўнг гречкали бўтқалар берилади. Организмнинг оқсилга бўлган эҳтиёжини қондириш мақсадида

7–10 кундан бошлаб 2 г дан – 100 г гача гўшт маҳсулотларидан тайёрланган овқат тавсия этилади.

III босқич. (даволангандан 2 ҳафта ўтгандан сўнг) овқат ҳазм қилиш яхшиланган даврида сабзавотлардан гулкарам, сабзи, картошка) тайёрланган пюрелар берилади. Овқат рационига қанд ўрнига фруктозага бой овқатлар киритилади.

2. Фермент дори препаратлари – фестал, дигестал, панзинорм, ораза.
3. Витаминалар: В, Е, Д, С.
4. Кальций ва темир дори воситалари.

## 2.9. КАМҶОНЛИК

Камҷонлик – клиник–гематологик симптомлар мажмуи бўлиб, унинг беморда борлиги камҷонликни келтириб чиқарувчи асосий касалликни аниқлашни тақазо этади. Камҷонликни аниқлашда энг қулай ва осон усуслардан бири, бу қондаги Нв миқдорини аниқлашдир. Жаҳон соғлиқни сақлаш ташкилоти (ВОЗ) қабул қилган талаб бўйича Нв миқдори эркакларда 130 г/л дан кам, аёлларда 120 г/л дан кам қайд этилса, камҷонлик ташҳисига асос бўлади.

### Эпидемиологияси

Текширув натижалари шуни кўрсатадаки, камҷонлик кундан кунга кўпайиб бормоқда. Жаҳон соғлиқни сақлаш ташкилоти текширув натижаларига кўра ҳар 5–6 нафар катта ёшдаги одамларнинг бирида камҷонлик кузатилади. Масалан, бола ҳаётининг иккинчи ярим йилида ҳар 4 боладан 1 тасида темир танқислиги камҷонлиги бўлса, ўсмирларда 30–40% ни ташкил этади. Темир танқислиги камҷонлиги, асосан, эрта ёшдаги болаларда кўпроқ қайд этилади.

Камҷонликнинг гемолитик, гипопластик ва ўткир қон кетиши турларида беморлар стационарда даволанади, диспансер назорати УАШ ва гематолог билан бирга олиб борилишини ҳисобга олсак, участка шифокорининг зиммасига асосан темир танқислиги камҷонлигини даволаш ва олдини олиш, диспансер кузатувини ташкил қилиш киради. Камҷонлик кўп ўрганилган касаллик бўлишига қарамай, у бошқа касалликларга нисбатан кўпайиб бормоқда. Оила доирасида касалликнинг моҳияти, асорат келтириб чиқарувчи сабаблар хозирги кунгача муаммо бўлиб қолмоқда.

Темир танқислиги камқонлигининг асосий сабаблари Темир захираси қонда меъёрдан кам бўлиб туғилган болалар хавфли гуруҳлар:

- Чала туғилган болалар, асосан, гавда вазни туғилганда жуда кам бўлган болалар;
- Камқонлиги бўлган оналардан туғилган болалар, асосан, тез-тез туғиши сабабли (бир-биридан 1 ёшгача фарқ қилган фарзандлар);
- Она қорнида ривожланишининг орқада қолиши билан хасталанган болалар;
- Перинатал даврида кўп қон йўқотган чақалоқлар.

Овқатланиш билан боғлиқ сабаблар:

Темир танқислигини келтириб чиқарувчи сабаблардан бири болага темир моддасига бой бўлмаган овқатлар берилиши, натижада организмга темир кам миқдорда кириши.

Хавфли гуруҳлар:

- 1) мосланмаган аралашмалар билан овқатлантирилган болалар;
- 2) қўшимча овқатни кечикириб, асосан, ўсимлик маҳсулотларидан тайёрланган овқатлар истеъмол қилган болалар;
- 3) Сигир сутини ва гўшт маҳсулотларидан тайёрланган овқатларни кўп истеъмол қиласидиган ҳар хил ёшдаги болалар.

Организмда кўп миқдорда темир йўқотилиши ва тўқималарнинг темирга эҳтиёжи юқори бўлган ҳолатлар:

1. Ўткир ва сурункали меъда-ичак касалликлари; сурункали ноинфекцион энтеритлар, муковисцедоз, целиакия, экссудатив энтеропатиялар, дисахарид етишмовчилиги, гиповитаминозлар – асосан, организмда 2-валентли темир танқислигига сабабчи касалликлар.
2. Қон кетиши қайд этиладиган ҳолатлар (мелена, пешоб билан қон кетиши, ҳайз кўришнинг давомийлиги, узайиши, гельминтозлар, ичакнинг юқумли касалликлари, ўスマлар).
3. Ўспириналар.
4. Организмни заҳарловчи омиллар (симоб, қўрғошин тузлари).

Организмдан қон кетишига кўпинча гижжалар сабаб бўлиши мумкин. Бир дона гижжа бир кунда 0,5 мл гача қонни ичакдан

сўриб олиши мумкин, қисман темир қайтадан ичакдан сўрилади, кўп миқдорда темир йўқотилади.

Бола организмидаги гижжаларни йўқотиш йўли билан организмдан темир йўқолишининг олдини олиш мумкин. Узоқ муддат гижжаларга қарши даволанмаслик, организмда темир заҳирасининг жуда камайиб кетишига асос бўлади.

### Патогенези

Касаллик ривожланишининг асосида организмда темир миқдорининг етишмаслиги ётади. Болалар организмининг темирга бўлган эҳтиёжи катталарга нисбатан анча юқори. Бу жараённи қуидагича тушунтириш мумкин: бола 1 ёшга тўлганда қонда 0,5 г; 18 ёшда – 5 г темир бўлиб, яъни шу даврда (1дан 18 ёшгача) 4,5 г темир йиғиши керак. Бола 1 ёшга тўлганда кунлик темирга бўлган эҳтиёжи 0,8–1,0 мг, 1 ёшдан катта бўлган болаларда – 10 мг ни, балоғатга етганда – 12–15 мг ни ташкил қиласди.

Чала туғилган чақалоқларда заҳира ва тўқимадаги темирнинг камлиги ҳомиладорликнинг 2- триместрида 1–1,5 мг ва 3-триместрида эса ҳомилага бир кунда 1,7–2 мг темир керак бўлишига боғлиқ.

Бола ҳаётининг 1- ва 2- ярим йилида керак бўлган темир миқдори бир кунда 1 мг/кг ни ташкил этади. Бола 1 литр она сутини истеъмол қилганда 1,5 мг темир моддаси қабул қиласди, шунинг учун кўп ҳолларда 5–6 ойлигига бола организмida темир танқислиги қайд этилади.

Соғлом эрта ёшли болалар 1 кунда 0,5 мл гача ичакдан қон йўқотиши мумкин, гастроэнтерит, диареяларда қон кетишининг миқдори ошиши мумкин. Грегерсен синамаси ёрдамида меъда ва ичакдан қон кетиши аниқланади. Қон миқдори 15 мл дан ошиши мумкин, бу ҳодиса ичак гельминтлари, лямблиоз, сигир сутини кўтара олмаслик, А витамин етишмовчилиги, дисбактериоз, ичак инфекцияларида кузатилади.

Юқумли касалликлар организмда темир танқислигини юзага келтиради. Бола организмининг кўп органларида, яъни суяк кўмиги, жигар, талоқда темир гемосидерин ва ферритин кўринишида заҳира сифатида сақланади. Темир танқислигининг бошланғич даврларида ўзгаришлар, асосан, тўқималарда бўлади, тўқимадаги темир захираси камаяди. Бу ҳолат зардобда ферритин миқдорининг камайишига олиб келади, кейинчалик

трансферриннинг темир билан тўйиниш даражаси камайишига ва оксидланишнинг сусайишига сабаб бўлади. Айни вактда қон зардобининг темир билан боғланиш хусусияти ошади. Юқорида кўрсатилган ўзгаришлар қондаги темир миқдорининг 11,6 мкмоль\л гача камайишига олиб келади. Шундай темир танқислик камқонлиги белгилари юзага чиққунча қадар тўқимадаги темир етишмовчилигига хос клиник белгилар ҳамма вақт ҳам аниқ намоён бўлавермайди. Шунинг учун темир танқислигини аниқлашда хавфли гурухдаги болаларга эътибор бериш кераклигини таъкидлаб ўтамиз.

Ташҳис:

Белгилар ва симптомлар:

## 1. Анамнези

Нв миқдори 70-80 г/л дан пастга тушмагунга қадар, одатда, камқонлик белгилари намоён бўлмайди. Қондаги Нв қонцентрацияси билан камқонлик белгилари ўртасида ўзаро боғлиқлик йўқ. Аммо Нв миқдори 80 г/л дан пастга тушгач, тўқималарнинг кислород билан таъминланиши бериши камаяди ва шунга алоқадор симптомлар пайдо бўлади.

Сурункали камқонлиқда, эритроцитлар миқдори секин-аста камайиб боради, Нв миқдори ҳам жуда камаяди, аммо организмнинг компенсатор механизmlари ишга тушиши натижасида клиник симптомлар намоён бўлмайди.

## 2. Камқонлиги бор беморларда учрайдиган синдромлар:

➤ Астеноневротик синдром:

Тез чарчаш, кўзгалувчанлик, асабийлашув, кўп терлаш, психомотор ривожланишдан орқада қолиш; ҳолсизлик, астения, апатия, иштаха пасайиши, дикқатнинг сусайиши.

Ёши каттароқ болаларда – бош оғриги, бош айланиши, қулоқларда шовқин (шанғиллаш), кўз олди қоронғилашуви, юракда оғриқ, иштаҳанинг патологик ўзгариши (оҳақ, бор, хом картошка, хом гўшт истеъмол қилиш),

геофагия (кўпроқ лой истеъмол қилиш),  
ногофагия (ортиқча муз, музқаймоқ истеъмол қилиш), ҳид сезишининг патологик ўзгариши (керосин ҳидини яхши кўриши ва бошқалар), дизурик бузилишлар.

➤ Эпителиал синдром:

Тери, шиллиқ пардалар ва қулоқ супрасининг рангпарлиги; тери қуруқ, қипиқланувчан бўлиши; тери, тирноқ ва сочнинг дистрофик ўзгаришлари (рангдор, хира, синувчан, кам бўлиши), оғиз ва тил шиллиқ пардасидаги ўзгаришлар (оғиз бурчакларида яралар, ангуляр стоматит, сўрғичларнинг силлиқлашуви, тилнинг қизариши, атрофик глоссит);

Гастрит, дуоденит, мальдигестия – копрограммада озиқ моддалар чиқиб кетишининг бузилиши аломатлари билан ич кетишининг бузилиши; кўнгил айниши; склеранинг ҳаворанг бўлиши; баъзан тери ранги алебастрсимон- яшил бўлиши, яъни хлороз.

➤ Юрак-қон томир синдроми:

Тахикардия, ҳансираш, артериал гипотония, юрак тонларининг бўғиқлашуви, юрак нисбий чегараларининг кенгайиши, юрак чўққисида функционал систолик шовқин, қон томирлар устида шовқин эшитилиши.

➤ Мушак синдроми:

Мушаклар гипотонияси, тез чарчаш, мушаклар кучсизлиги оқибатида пешоб тута олмаслик, қабзият.

➤ Иккиламчи иммунтанқислик синдроми:

ЎРВИ, зотилжам, ичак инфекцияларининг тез-тез қайталаниши.

Темир танқислигига кам учрайдиган симптомлар: гепатосplenомегалия, битурия (қизил лавлаги егандан кейин пешоб рангининг қизариши), гавдадаги шишлар.

### 3. Физикал текширувлар:

Объектив текширувда bemор соғлом кўринсада, лекин терисининг рангпарлиги ва кўз қоныюнктивасининг оқариши кузатилади.

Гипотиредизмдан сўнг камқонлиги бўлган bemорларда терининг қуруқлиги, товушнинг бўғиқлиги қайт этилса, терида кўкаришлар борлигини, тромбоцитларнинг камайганлиги ёки эритроцитлар гемолизи билан боғлаш мумкин. Камқонлиги бўлган bemорларда терининг сариқлиги, жигар функциясининг бузилиши, витамин В<sub>12</sub> танқислиги, эритроцитлар гемолизига боғлиқ. Рак касаллиги ва инфекциялардан сўнг пайдо бўлган камқонликларда bemорнинг лимфатик тугунлари катталашуви қайд этилади. Камқонликнинг оғир формалари бўлган bemорларда терининг

қуруқлиги, қошиқсимон юпқа тирноқлар, соч тўкилиш белгилари, тил сўрғичлари атрофияси, лаб чеккаларида эрозиялар кузатилади.

#### 4.Лаборатор ташҳисоти:

- Конда ферритин миқдорининг камайиши – 30 нг/мл дан кам;
- Кон зардобидаги темирнинг 77,6 мкмоль/л дан камайиши;
- Сидеробластнинг суюк кўмигига 70% дан камайиши;
- Кон зардобининг темирни боғлаш хусусиятининг 50 мкмоль/л дан юқори бўлиши (меъёра 30,6 – 84,6 мкмоль/л);
- 5 ёшгача болаларда Нв миқдорининг 110 г/л дан камлиги;
- 5 ёшдан катта болаларда Нв миқдорининг 120 г/л дан камлиги. Камқонликни аниқлашнинг осон ва керакли усулларидан бири Сали методи бўйича Нв миқдорини аниқлашдан иборат.

#### Жадвал

Боланинг ёши	Гемоглобин г/л
5 ёшгача	110
Хомиладор бўлмаган аёллар	120
Хомиладор аёллар	110
Эркаклар	130

- Ранг кўрсаткичи – 0,8 дан кам;
- Эритроцитдаги Нв нинг ўртacha миқдори  $80 \text{ фл}/\text{мкм}^3$  дан кам;
- Ретикулоцитларнинг қондаги миқдори ошиши.

#### Таснифи

Камқонликнинг таснифларида энг тарқалган усуллардан бири эритроцитлар ўлчамини аниқлашдан иборат.

Эритроцитларнинг ўлчамига боғлиқ ҳолда камқонлик қўйидагича таснифланади:

- Микроцитар камқонлик – эритроцитларнинг ўрта корпускуляр ҳажми 75–80 фл дан кам.

- Макроцитар камқонлик – эритроцитларнинг ўрта корпускуляр ҳажми – 100 фл дан катта.
- Нормоцитар камқонлик – эритроцитларнинг ўртача ҳажми – 75–80–100 фл га тенг.

Камқонликни келтириб чиқарувчи ва ривожланиш сабаблариға асосланган ҳолда ҳам таснифланади. Эритроцитлар гемолиздан кейинги ва қон кетишидан ҳосил бўлган камқонликлар тафовут этилади.

Суяк қўмигининг регенератор хусусиятига қараб:

- Регенератор – ретикулоцитлар сони – 15–50%, РИ – 1 ёки 2 га тенг.
- Гипорегенератор – РИ – 1 ёки 1 дан кам.
- Гиперрегенератор – ретикулоцитлар сони – 50% дан кўп, РИ – 2 дан кўп.

Гиперрегенератор камқонлик – кўп микдорда эритроцитлар парчаланишининг асосий белгиларидан. Ретикулоцитар индекс РИ-қўйидагича ҳисобланади: гематокрит сонини ретикулоцитлар сонига кўпайтириб, меъёра гематокрит сонига бўлинади.

Масалан, бола 7 ёшда. Гематокрит 20%, ретикулоцитлар сони 2 %, РИ = 2x20: 40 ёки 1 га тенг. Ташҳис: суяк қўмиги функциясининг сусайиши камқонлиги.

Камқонлик қон кетиши ва эритроцитлар гемолизи натижасида юзага келса, РИ 3 га тенг бўлади.

Камқонлик эритроцитлар ишлаб чиқарилишининг сусайиши ёки патологик эритроцитлар ишлаб чиқарилиши натижасида юзага келса, РИ 2 дан кам бўлади.

Ранг кўрсаткич бўйича:

- Нормохромли – 0,8–1,0;
- Гипохромли – 0,8 дан кам;
- Гиперхромли – 1,0 дан юқори.

Оғирлик даражаси бўйича:

- Енгил – Нв микдори 90 г/л гача;
- Ўрта оғир – 70 г/л гача;
- Оғир – 70 г/л дан кам.

### Даволаш

Темир танқислиги ҳолатини даволашда фақат овқатланиш билан чегараланмасдан, темир препаратларини ҳам тавсия этиш лозим.

Темир препаратларини тавсия этишдаги умумий хусусиятлар.

1. Темир препаратлари, асосан, ичилади. Тери орқали юборилганда, кўпгина ножўя таъсирлар (аллергик реакциялар, абсцесслар, флебитлар, гемосидероз) юзага келиши мумкин.
  2. II- валентли темир З валентли темирга нисбатан яхши сўрилганлиги туфайли, шу валентини сақлашни таъминлаш керак.
  3. Темир препаратларини тўлиқ дозада беришдан олдин организмнинг дорини кўтара олиш қобилияти текшириб кўрилади.
  4. Эрта ёшли, яъни 1 ёшгача бўлган болаларга темир препаратлари (ферронат, мальтофер, мальтофал)ни суюқлик кўринишида ҳар хил шарбатларга (олма, лимон шарбати) аралаштириб берилса, иштаҳа билан ичади.
- Катта ёшдаги болаларга темир препаратлари таблетка кўринишида тавсия этилади. Эрта ёшдаги болаларга 5-8 мг/кг дан З га бўлиб берилади.
  - Темир препаратларини овқатланиш ўртасида олма ва цитрусли шарбатлар билан бирга тавсия этиш лозим.
  - Темир препаратларини сут маҳсулотлари ва чой билан бирга ичиш тавсия этилмайди.
  - Темир препаратларини аскорбин кислота ва Е витамини билан тавсия этиш уларнинг терапевтик таъсирини кучайтиради.
  - Темир препаратларини В<sub>6</sub>, В<sub>12</sub>, фолат кислота билан биргаликда, кўрсатма бўлмаса, тавсия этиш мумкин эмас.
  - Темир препаратларини тери ва қон томир орқали юборишдаги кўрсатмалар: энтеритлар, ярали-некротик энтероколит ва бошқа меъда-ичак касалликлари.
  - Темир препаратларини даволаш курси қуидагича аникланади:

120-Нв г/л х (бемор боланинг вазни кг да) x 0,4

Гемоглобин миқдорининг организмда ошиш тезлиги препаратларни ичганга нисбатан венага ва мушак орасига юборилганда юқори бўлади. Темир препаратлари мушак орасига чуқур юборилиши лозим.

Болаларда гавда вазни:

5 кг гача – 0,3 мл,  
5–10 кг – 1,0 мл,  
1 ёшдан – 3 ёшгача – 2,0 мл,  
4–14 ёшли болаларга 3–4 мл кунига 1 марта.

Даволаш курси – 6 – 10. Биринчи юборилган миқдори 1 марталик миқдорининг 1/2 қисми, 2- юборилган миқдори эса 1 марта

юбориладиган миқдорининг 2/3 қисмини, 3- инъекция эса 1 марталик тўлиқ миқдорини ташкил қилиши керак.

Темир препаратлари билан даволангандан сўнг натижалар қўйидагича:

72–96 соатдан сўнг ретикулоцитлар сонининг ва 7 – 10 кундан сўнг Нв миқдорининг ошиши кузатилади.

Нв миқдори меъёрига етганидан сўнг, темир препаратлари билан даволаш 4 – 6 ҳафтадавомида поликлиникаларда олиб борилади.

Камқонлик бошқа бирор касаллик билан бирга келганда ёки камқонликнинг оғир кечадиган шаклларида стационарда даволаниш шарт.

#### Профилактикаси

Ўсиб бораётган ёш организмни тўғри, рационал овқатлантириш камқонликнинг олдини олишда асосий омиллардан биридир. Камқонликнинг олдини олиш ва даволашда кунлик овқат рационида қўйидаги озиқ маҳсулотлари тавсия этилади: гўшт, балиқ, жигар, тухум, кўкатлар, қанд лавлаги ва бошқалар. Рационал овқатланиш билан бир қаторда темирнинг сўрилишини таъминлаш камқонликнинг олдини олишда яна бир асосий омиллардан биридир.

Қўйидаги жадвалда темирни сўрилишига таъсир қилувчи омиллар кўрсатилган.

Сўрилишни яхшиловчи омиллар	Сўрилишни сусайтирувчи омиллар
Гўшт, балиқ, парранда гўшти, денгиз ўсимликлари, таркибида С витамини бўлган маҳсулотлар (мевалар, шарбатлар, картошка, гулкарам)	<ul style="list-style-type: none"><li>❖ Фитатлар (донли маҳсулотлар, юқори навли ун, ёнғоқлар)</li><li>❖ Танинлар (чой, кофе, какао)</li><li>❖ Таркибида кальций бўлган овқат маҳсулотлари (сут ва сут маҳсулотлари)</li></ul>

Камқонликнинг олдини олиш, асосан, туғиш ёшидаги аёллардан бошланади.

Ҳомиладорликнинг 2- ярим йилида ҳамма аёлларга темир препаратларини истеъмол қилиш тавсия этилади. Гемостимулин 1,0 г дан 1 кунда бир марта, охирги 2–3 ойликда қўшимча овқат қўшилгунга қадар.

Диспансер кузатуви.

Камқонликнинг ўрта оғир ва оғир формалари билан касалланган беморлар даволангач, гемоглобин миқдори меъёрдалашгандан сўнг 6 ой мобайнида диспансер кузатуvida бўладилар. Шу давр мобайнида 1 ойда 1 марта умумий қон таҳлили ўтказилади, профилактик эмлашлар 6 ой кейин, умумий қон таҳлили меъёрига тушгач, қилинади.

## БРОНХИТЛАР

### 2.10. ЎТКИР БРОНХИТ

Ўткир, оддий бронхит – бронхлар обструкциясиз, ўпка тўқимаси шикастланиш белгиларисиз кечадиган бронхлар яллиғланиши.

#### ТАШХИСОТ МЕЗОНЛАРИ

##### 1. Анамнези

Касаллик кўп ҳолларда ўткир респиратор инфекциядан сўнг ривожланади.

##### 2. Клиник мезонлар

- Респиратор синдроми - томоқнинг шиллиқ қавати қизарган, ринит, касалликнинг бошланғич даврида қуруқ йўтал, кейинчалик шиллиқ балғам, кам ҳолларда йирингли шиллиқ бўлади.
- Нафас етишмовчилик синдроми - қайд этилмайди, касалликнинг оғир кечиш даврида бир оз кузатилади.
- Ўпка-бронх синдроми – перкутор товуш ўзгаришсиз ёки қутичасимон, дағал нафас, қуруқ, катта ва ўрта катталиқдаги пуфакли нам, нафас олганда эшитилувчи, йўталдан сўнг ўзгарувчи хириллашлар. Кам ҳолларда бир-ярим майда пуфакли нам хириллашлар эшитилади.
- Интоксикация симптоми – тери бир оз оқарган, гавда ҳарорати меъёрда ёки субфебрил ҳолатгacha кўтарилиган. Гавда ҳарорати давомийлиги 2–3 кундан ошмайди. Касалликни адено вируслар ва микоплазмалар чқўзғатса гавда ҳароратининг кўтарилиши 8–10 кунгача давом этиши мумкин.

### 3. Лаборатор ва инструментал текширув натижалари

1. Ўпка рентгенограммаси (зотилжамга шубҳа қилинган ҳамма болалар текширилади), ўпка суратининг кучайиши, ўчоқли соялар қайд этилмайди.
2. Умумий қон таҳлили – лейкоцитлар сони меъёрда ёки бир оз ошган, кам ҳолларда лейкопения, лимфоцитоз, ЭЧТ кўпчилик bemорларда ўзгармайди.

### Таснифи

1. Ўткир оддий бронхит.
2. Ўткир обструктив бронхит.
3. Ўткир бронхиолит.
4. Ўткир облитерацияланувчи бронхиолит.
5. Қайталанувчи бронхит.
6. Қайталанувчи обструктив бронхит.
7. Сурункали бронхит.
8. Сурункали облитерацияланувчи бронхит.

### Даволаш

Симптоматик даво – ўткир респиратор вирусли инфекциянинг 1–2 кунлари бурунга бир кунда 4–6 марта интерферон томизилади. Вирусли бронхитда бактерияга қарши дори воситалари тавсия этилмайди, микоплазма сабабли келиб чиқкан бронхитда эритромицин ёки сумамед буюрилади.

Йўталга қарши дори воситалари: либексин, бронхолитин, фақат қуруқ йўтал бўлганда балғам кўчишини енгиллаштириш учун кўп суюқлик, алтейка дамламаси, бромгексин. Қийнайдиган оғир йўтал қайд этилганда маҳаллий таъсир этувчи гормон препаратлари (бекотид, бекламет) тавсия этилади. Ларинготрахеитда буғли ингаляция, агар патологик жараён чукур кечса, сувли ва 2% натрий хлор, натрий бикарбонат аралашмаси билан ингаляция ўtkазилади. Бронхитларда кўп тавсия этиладиган гистаминга қарши дори воситаларининг таъсир кучининг самарадорлиги аниқланмаган, шунинг учун уларни тавсия қилиш мумкин эмас. Болаларга горчичниклар, банкалар қўйиш тавсия этилмайди, чунки улар бола терисини шикастлайди, кўп ҳолларда терининг аллергик касаллигига сабаб бўлади. Оёққа иссиқ ванналар қилиш томирларда қон айланишини яхшилайди ва яхши таъсир кўрсатади.

## Профилактикаси

Қуидагиларни ўз ичига олади:

- болаларни чиниқтириш;
- рационал овқатлантириш (эмадиган болалар сунъий овқатлантирилган болаларга нисбатан кам касалланадилар);
- вирусли касаллик билан оғриган беморлар билан мулоқот қилмаслик;
- ЎРВИнинг дастлабки клиник белгилари пайдо бўлганда интерферон тавсия этилади.

## Реабилитацияси

- рационал овқатланиш;
- нафасни тиклаш (қорин билан тўлиқ нафас олишни тиклаш, тез-тез нафас олишни тўхтатиш);
- Сурункали инфекция ўчоқларини вақтида даволаш.

## 2.11. ОБСТРУКТИВ БРОНХИТ

Ўткир обструктив бронхит – бронхларнинг обструкцияси Билан кечадиган ўткир инфекцион яллиғланишидир.

### Ташҳисот мезонлари

#### 1. Анамнези

Обструктив бронхит қўпчилик ҳолларда ўткир респиратор вирусли инфекциянинг 2–3 кунидан сўнг ривожланади.

#### 2. Клиник мезонлар

- Респиратор синдром – оғиз тилчаси ва бурун-томуқ шиллиқ қаватининг қизариши, касалликнинг бошланғич даврида қуруқ, кейинчалик нам йўтал, балғам қийин ажралади.
- Нафас етишмовчилиги синдроми – 1 дақиқада 50 марта, кам ҳолларда 60–70 тагача, ёрдамчи мушаклар иштироқида қайд этилувчи экспиратор хансираш, масофадан эшитилувчи хириллаш, оғиз-лаб учбурчагининг кўкариши, ортиқча ҳаракатдан сўнг кучавочи хансираш.
- Бронх-ўпка ва бронхобструктив синдромлар – қутичасимон перкутор товуш, нафас чиқаришнинг узайиши ва қийинлашуви, дағал нафас, қуруқ хуштаксимон, катта ва ўрта катталиқдаги,

йўталганда жойлашишини ва товушини ўзгартирувчи нам хириллашлар. Тахипноэ ҳолатда нафас чиқаришнинг узайиши кузатилмайди.

➤ Интоксиация симптоми – бола брезовта, қулай ҳолатни эгаллашни хоҳлади, гавда ҳарорати бир оз кўтарилиши ёки микоплазмали ва адено вирусли инфекция қўзғатганда юқори бўлиши мумкин.

### 3. Лаборатор ва инструментал текширув натижалари

1. Ўпка рентгенограммаси – ўпка шишган, бронх-томир суратининг кучайиши, ўпка илдизида суюқлик (инфилтрация легочных корней)

2. Умумий қон таҳлили – лейкоцитлар сони меъёрда ёки камайган, кам ҳолларда эозинофиллар сони ошган, ЭЧТ бир оз тезлашган ёки меъёрда.

### Даволаш

1. Ўткир оғир кечиш даврида нафас олишни яхшилаш керак, оғир кечганда – О<sub>2</sub> билан даволаш;

2. Касалликнинг бошланғич даврида интерферон тавсия этилади. Бактерияга қарши дори воситалари даволашда ишлатилмайди. Обструктив синдромни бартараф қилиш мақсадида бронхларни кенгайтирувчи дори воситалари қўлланади.

Симпатомиметик дори воситалари даволаш мақсадида тавсия этилса, яхши натижа беради. Сальбутамол ёки вентолин 0,1 дан\гавда вазнига х 3маҳал.

Алупент 0,1 – 0,3мл м/о га 1 маҳал. Аэрозол кўринишида беротек, сальбутамол, астмопент ва ҳ.к. Юқоридаги дори воситаларининг таъсири 20% болаларда дастлабки қабулдан сўнг юзага чиқади. 80% болаларда эса кейинги инъекциялардан сўнг натижа беради.

Эуфиллин – парентерал, энтерал. Бир марталик дозаси 4-7мг/кг. Симпатомиметик дори воситалари таъсири қилмагандан, эуфиллин венага юборилса, яхши натижа беради. Юқорида кўрсатилган дорилар таъсири қилмаганда кортикостероид дориларни қўллаш яхши натижа беради. Уларнинг 1 марталик преднизолонга нисбатан ҳисобланган дозаси энтерал йўл билан берилганда 2мг\кг, парентералда 5мг/кг.

Оғир обструкция ёки обструкция кучайиб борса (фторотан, масалан, дексаметазон) қисқа муддатли курс билан 1-3 кун

давомида тавсия этиш ва тўхтатиш яхши натижа бериши тасдиқланган.

**3.** Гистаминга қарши препаратлар – аллергиянинг тери кўриниши бўлган болаларга тавсия этилади.

#### Профилактикаси

Обструкция қайталанишининг олдини олиш учун:

- бола яшаётган хонада чекмаслик;
- облигат аллергенлар бўлмаслиги;
- яшаш жойда шароитни яхшилаш;
- аллергик касалликлари бор болаларни 3–6 ой давомида кетотифен ёки задитен билан даволаш.

## 2.12. БРОНХИОЛИТ

Бронхлар ва бронхиолаларнинг обструкцияси ва нафас етишмовчилиги белгилари билан кечадиган ўткир инфекцион касаллик асосан 1 ёшгача бўлган болаларда учрайди.

#### Ташҳисот мезонлари

##### 1. Анамнези

Касаллик кўпчилик ҳолларда вирусли инфекциянинг дастлабки 3–4 кунларида бурун битиши, бурун оқиши, аксириш билан бошланади.

##### 2. Клиник мезонлар

➤ Респиратор синдром – юқори нафас йўлларининг яллиғланиши, қаттиқ – ҳуружсимон йўтал, айrim ҳолларда қийин ажralувчи шиллиқ балғам билан азоб берувчи йўтал, йўтал фонида қусиш қайд этилади.

➤ Нафас етишмовчилиги синдроми – 1 дақиқада 70–90 мартагача, ёрдамчи мушаклар иштироқида экспиратор хансираш, оғиз-лаб учбурчагининг кўкариши, апноэ ҳуружи ва коллапс ҳолати.

➤ Ўпка-бронх ва бронхообструктив синдром – бочкасимон кўкрак қафаси, юқори қутичасимон перкутор товуш, юрак тўмтоқлик чегарасининг қисқариши, жигар ва талоқ пастки чегараларининг силжиши, каттиқ нафас, узайган хуштаксимон нафас чиқариш билан майда пуфакли тарқалган хириллашлар, нафас олишда ва нафас чиқаришда крипитацияланувчи хириллашлар.

➤ Интоксикация симптоми – кучли намоён бўлмайди, гавда ҳарорати субфебрил ёки меъёрда, кам ҳолларда кўтарилиб, аденоvирусли бронхиолитда 6–8 кунгача сакланиб туради.

### 3. Лаборатор ва инструментал текширув натижалари

- Кўкрак қафаси рентгенограммаси – ўчоқли сояларсиз, ўпка сурати кучайган, ўпка илдизи сояси кенгайган ва ёруғлиги ошган. Бронхлар ўтказувчанлигининг бузилиш белгилари, ўпканинг ҳаво билан тўлиши бир хил эмас, кам ҳолларда ателектаз аниқланади, улар вақтинчалик бўлиб, ўз ҳолига қайтади.
- Бронхоскопияда – бронх деворларида балғам бўлаклари ва фибрин қолдиқлари кузатилади.
- Бронхографияда - бронх йўллари торайган.
- Умумий қон тахлили – лейкоцитлар меъёрда ёки камайган, лимфоцитлар сони ошган, айрим ҳолларда нейтрофилли лейкоцитлар бир оз ошган, ЭЧТ бир оз тезлашган.
- Балғамни текшириш – балғам тиник, оқ рангда ёки йириング билан аралашган.
- Қонни биокимёвий текшириш – диспротеинемия, гипогаммаглобулинемия.

## Даволаш

### **2.13. ПНЕВМОНИЯ (ЗОТИЛЖАМ) – ЎПКАНИНГ ЎТКИР ЯЛЛИҒЛАНИШИ**

Ўпканинг инфекцион ўткир яллиғланиши ҳар хил турдаги нафас етишмовчилиги, жойлашган ўпка-бронх синдроми, бир ўчоқли ва сегментли инфильтратив ўзгаришлар билан кечади.

Ташҳисот мезонлари

#### 1. Анамнези

Респиратор инфекция билан боғлиқлиги – шамоллаш омилидир.

#### 2. Клиник мезонлар

➤ Респиратор синдром – ЎРВИнинг клиник белгилари, қаттиқ чуқур йўтал, шилимшиқ ёки шилимшиқ йирингли балғам билан характерланади.

- Токсикоз синдроми – ҳар хил даражада намоён бўлиши мумкин. Уйқусизлик, ҳолсизлик, кам ҳаракатчанлик ёки ўта қўзғалувчанлик, талваса олди ҳолати, бир қатор ҳолларда талваса ҳуружи, иштаха бузилиши, умуман овқат истеъмол қиласмалик, гавда ҳароратининг 5 кундан ортиқ  $38^{\circ}\text{C}$  бўлиш, юқори даражали терини оқариши, гавда ҳароратига зид равишда юрак тахикардияси, юрак тонлари бўғиқли, физиологик рефлексларнинг сусайиши, мушаклар гипотонияси, диспептик ўзгаришлар, эксикоз ривожлангунга қадар гавда вазнининг камайиши, жигар катталашиши.
- Нафас етишмовчилиги синдроми; ёрдамчи мушаклар иштироқи билан кечувчи инспиратор хансираш, бурун-лаб учбурчаги цианози ёки жисмоний зўриқишдан сўнг кучаючи тарқалган цианоз.
- Бронх-ўпка синдроми патологик ўчоқнинг жойлашиши билан боғлиқ. Кўп ҳолларда патологик ўчоқ бир томонлама бўлади. Перкуссияда – яллиғланган ўчоқнинг устида перкутор товушнинг тўмтоқлашуви кузатилади. Яллиғланиш ўчоғи устидан бронхиал ва сустлашган нафас орасида майда пуфакли крипитацияланувчи нам хириллашлар эшитилади. Товуш тебраниши ва бронхлар ўтказувчанлиги яллиғланиш жараёни устида кучайган бўлади.

### 3. Лаборатор ва инструментал текширув натижалари

**1.** Умумий қон таҳлили: лейкоцитлар сони нейтрофиллар ҳисобига кўпайган. Лейкоцитар формула чапга силжиган. ЭЧТ тезлашган ( $20\text{мм}/\text{с}$  дан юқори). Кичик ёшдаги болаларда камқонлик эрта ривожланади.

**2.** Ўпка рентгенограммаси: инфильтратив ўзгаришлар ўчоқда бир ёки бир нечта сегментларда учрайди. Касалликнинг бошланғич фазаси ва тузалиш даврида ўпка суратининг кучайиши, ўпка илдизининг ҳар хил ўзгаришлари кузатилади.

## БОЛАЛАРДА ЗОТИЛЖАМ ТАСНИФИ

1 ойдан катта болаларда зотилжамни касалхонадан ташқари ва касалхона ичи зотилжамга бўлиш мухим ахамиятга эга, чунки бу заарланиш шароитини билдиради ва маълум бир чақиравчига шубха килади. Касалхонадан ташқари зотилжам зотилжамни оддий уй шароитида **маҳрум** бўлишини кўрсатади. Агар зотилжам

касалхонада 72 соатдан ортиқ ёки касалхонадан чиққандан кейин 72 соат мобайнида ривожданган бўлса касалхона ичи зотилжам деб айтилади.

### Даволаш

Стационарга ётқизилгунга қадар даво чоралари.

○ Антибиотикларни танлаш ва тавсия этиш. Ўпканинг чегараланган маълум қисмида локал-физикал ўзгаришлар (локал майда пуфакли крепитацияланувчи нам хириллашлар, перкутор товушнинг қисқариши ва б.) аниқланган bemорларда зотилжам ташҳиси бўлиши тахмини юқоридир. Бундай bemорларга антибиотиклар рентген текшириши ўтказилгунга қадар тавсия этилади. Хозирги кунда кўпинча  $\beta$ -лактамаза чиқаридиган ва шу сабабли ананавий қўлланиладиган антибиотикларга резистентт бўлган микроорганизмлар болалар ва катталарда зотилжам ва унинг асоратларини келиб чиқишига сабаб бўлади. Шунинг учун ўз вақтида болани қийнамасдан даволашни бошидан рационал антибиотиктерапия қўллаш керак. Танлаган антибиотик кенг таъсир доирасига ва кам ножӯя таъсирига эга бўлиши шарт. Хамма этиб ўтилган шартларга цефалоспоринларни III авлоди тўлиқ жавоб беради. Цефалоспоринларнинг афзаллиги шундаки, жуда кўп микро-организмларга, яъни Гр-манфий ва Гр-мусбат, аэроб ва анаэроб микрорганизмларга таъсир қиласди. Цефазим (цефотаксим) кўп текширувларда айниқса нафас йўллари яллиғланишда ўзини самадорлигини исботлаган. Цефазимни кунига 2 маротаба м/о ёки т/и 50-100 мг/тана оғирлига қўллаймиз. Цефограм (цефтриаксон) худди Цефазимга ўхшаб кенг таъсир доирасига эга бўлиб, кунига 1 маротаба боланинг ахволини оғирлига қараб 20-100 мг/тана оғирлига қўлланилади. Болага фақат 1 маротаба инъекция қилиш ҳам онага, ҳам болага, ҳам тиббиёт хамширага қулай бўлади. Цефограм 24 соат давомида ўзини терапевтик концентрациясини хужайралараро суюқликда сақлаб туради.

○ Болаларда 1 марта бўлса ҳам гавда ҳарорати  $38^{\circ}\text{C}$  дан юқори бўлиб, давомийлиги 3 кундан ошса, интоксикация ва нафас етишмовчилиги белгилари кузатилса, бундай bemорларга антибиотиклар рентген хонасига жўнатилгунга қадар буюрилади.

1. Гавда ҳарорати  $38^{\circ}\text{C}$  бўлган, интоксикация ва нафас етишмовчилиги белгилари бўлмаган bemорларга антибиотик ва рентген текшируви тавсия этилмайди.

**2.** Зотилжамнинг ўрта оғир кўринишларида, асоратсиз кечувида уйда касалланган, ёши 6 ойдан катта бўлган болаларга 100000 Б/кг суткада пенициллин тавсия этилади. Агар бола стационарга етиб келгунга қадар 2 қун давомида пенициллин билан даволанган бўлса ва хеч қандай натижа бўлмаса, бундай bemorlariga цефалоспорининг III авлоди Цебанекс (цефоперазон+сульбактам) 40-80 мг/тана оғирлига суткада 2 маротаба м/о ёки т/и буюрилади.

**3.** Ёши 6 ойгача бўлган болаларда грамм-манфий микроблар ва стафилококк аниқланса Цефазим, Цефограм, Цебанекс тавсия этилади.

**4.** Зотилжамнинг деструктив шаклида ва кўп микдорда инфильтратив ўчоқлар бўлганда 2 хил пенициллиназа ферментига чидамли антибиотиклар тавсия этиш керак. Улардан бири – цефалоспорин – Цефазим суткада 2 маҳал венага 50-100 мг/кг; Цефограм 20-100 мг/кг 1 маҳал венага юборилади.

**5.** Ампициллин стафилококкли зотилжамни даволаш учун қўлланмайди. Чунки у микробнинг пенициллиназа ферменти таъсирида парчаланиб кетади.

**6.** Микоплазмали зотилжамни даволашда суткасига 30–50 мг/кг/ эритромицин ёки бошқа макролидлар тавсия этилади.

**7.** Зотилжам қўзғатувчиси кўк йирингли таёқча бўлса, суткасига 30-100 мг/кг Цефдим (цефтазидим) ёки 40–80 мг/кг Цебанекс тавсия этилади.

**8.** Зотилжам ОИТС билан хасталangan болада кузатилса ёки нейтропения билан бирга келса ва бошқа оғир ҳолатларда цефалоспоринларнинг IV авлоди Эфипим (цефипим) суткада 50 мг/кг ҳар 12 соатда буюрилади.

#### Профилактикаси

Ўткир нафас йўллари касалликлари, шу билан бирга ўткир зотилжамнинг бирламчи профилактикасига кенг қамровли комплекс майший-гигиена тадбирлари, ахоли ва болаларнинг соғлом турмуш тарзини яхшилаш, яъни тўғри овқатлантириш, уқалаш, бадантарбия, чиниқтириш, яшаш шароитини яхшилаш бўйича билимини ошириш тадбирлари киради. Маълумки, профилактик эмлашларнинг тўлиқ курсини олган болалар юқумли касалликлар (ўткир ичак инфекцияси, ЎРВИ, зотилжам) билан кам касалланадилар. Пневмококк ва гемофил таёқчага қарши вакцина чет элда ишлаб чиқарилган ва амалиётга тадбиқ этилган.

### **Диспансер кузатуви**

Умумий амалиёт шифокори – 3 ёшгача бўлган болаларни кварталда 2 марта, 3 ёшдан ошган болаларни кварталда 1 марта кўздан кечириб боради. Кузатиш давомийлиги – 1 йил. Кўрувда қўйидагиларга эътибор берилади: боланинг жисмоний ҳолати, йўтал, нафас тури ва перкутор маълумотлар, ўпкадаги хириллашлар.

### **Реабилитацияси**

Куйидаги тадбирларни ўз ичига олади.

- Рационал овқатлантириш;
- Сурункали инфекция ўчоқларини санация қилиш;
- Шифобахш гиёҳлар билан даволаш;
- Чиниктириш ва бадантарбия машғулотлари билан шуғуллантириш.

## **2.14. ТУҒМА ЮРАК НУҚСОНЛАРИ**

Организм учун заарли бўлган ҳар хил омилларнинг ҳомилага, боланинг ривожига таъсири натижасида юракнинг ва катта қон томирларнинг шаклланишида ҳосил бўладиган нуқсонлар.

### **ОЧИҚ (БИТМАГАН) АРТЕРИАЛ НАЙЧА**

Анатомик моҳияти - очиқ (битмаган) артериал найча ўпка артериясини аорта билан боғлаб, ҳомилада қон айланишида мухим ўрин эгаллайди.

### **ТУҒМА ЮРАК НУҚСОНЛАРИ ТАСНИФИ**

<i>Гемодинамика нинг бузилиши</i>	<i>Кўкаришсиз</i>	<i>Кўкариш билан</i>	<i>Кечиши фазаси</i>
Кичик қон айланиш доирасининг бойиши билан	Артериал найча бекилмаслиги, бўлмачалараро тўсиқ нуқсони, қоринчалараро тўсиқ нуқсони	Эйзенмегер комплекси, магистрал катта томирларнинг транспозицияси, умумий артериал устун	Бирламчи адаптация босқичи

Кичик қон айланиш доирасининг камбағаллашув и билан	Үпка артериясининг алоҳида стенози	Фалло касаллиги, уч тавақали қопқоқ атрезияси, үпка артерияси стенози билан томирлар тўлиқ транспозицияси, умумий артериал устун, Эбштейн касаллиги	
Катта қон айланиши доирасининг камбағаллашув и билан	Артерияларнинг алоҳида стенози, Аорта коарктацияси		
Гемодинамикаси бузилишсиз	Декстрокардия, Толочинов-Роже кассаллиги		

### Гемодинамикаси:

- кислородга тўйинган қоннинг бир қисми битмаган артериал найча орқали аортадан үпка артериясига, кейин үпкага ўтади;
- қўшимча қоннинг келиб қуилиши үпка қон томирларида босимнинг ошишига олиб келади;
- үпкадан чап қоринчага ва чап бўлмачага қуйиладиган ортиқча қон туфайли чап қоринча ва бўлмача гипертрофияси вужудга келади;
- катта қон айланиш доирасида қон микдори камаяди.

### Ташҳисот мезонлари

#### 1. Анамнези

Яқин қариндош-уругларида орттирилган ва туғма юрак-қон томир касалликлари бўлмаганлиги, онанинг ҳомилалик давридаги касалликлари (қизилча, қизамиқ, токсоплазмоз), асосан, биринчи З ойлигига; ҳомиладор аёлга радиоактив нурлар, заҳарли кимёвий омиллар таъсири, онанинг токсикозлик даврида парҳезга риоя қиласлиги натижасида гиповитаминоз

ҳолатлари юзага келиши; яхши кечмаган акушерлик анамнези (болани олдириб ташлаш, бола ташлаш), туғилишнинг асоратли кечиши, ота-оналар ўртасидаги ёшда катта фарқ бўлиши, яқин қариндошлик ва бошқалар.

## 2. Клиник мезонлар

- тез чарчаш, ҳаракат қилганда ҳансираш;
- терининг оқариши, бола йифлаганда, ёзилишга тўсилганда танасининг пастги қисми кўкариши;
- бўйин томирларининг тез уриши, баландга сакровчи, тез томир уриши, юрак буқриси, юрак турткисининг кучайганлиги, юрак асосида систолодиастолик силкиниш (титраш);
- юрак чегарасининг чап томонга силжиши;
- ўпка артериясида II тон акценти ва қўшилиб кетиши;
- дағал машина шовқинига ўхшаш, тўш суюгидан чапда, 2-қовурғалар орасидан яхши эшитилувчи, курак суюклари орасига ва бўйин томирлари атрофига узатилувчи узлуксиз систолодиастолик шовқин;
- чап қоринча етишмовчилиги бўйича қон айналишининг бузилиши билан боғлиқ клиник белгилар;
- артериал босим – систолик артериал босим ошиши, диастолик артериал қон босими пасайиши, ҳатто нолга тушиши мумкин.

## 3. Лаборатор ва инструментал текширув натижалари

### Инструментал натижалар

- ФКГда – юқори амплитудали, ромбсимон тўш суюгидан чапда 2-қовурғалар орасида жойлашган систолодиастолик шовқин кузатилади.
- ЭКГда – дастлаб чап қоринча гипертрофияси белгилари, кейинчалик иккала қоринча гипертрофияси белгилари.
- ЭХОКГда – чап бўлмача ва чап қоринча ўлчамишининг катталашуви, митрал қопқоқ тебраниши, амплитудасининг ошиши.
- Рентгенограммада - ўпка томир сурати кучайган, юрак ҳажми чап қоринча гипертрофияси ва чап бўлмача гипертрофияси ҳисобига катталашган, ўпкада босим ошиши натижасида ўнг қоринча гипертрофияси кузатилади.

## **ҚОРИНЧАЛАРАРО ТҮСИҚ НУҚСОНИ**

Анатомик моҳияти - касалликда нуқсон қоринча усти қирраси устида ёки остида, кўпинча қоринча усти қиррасининг пастроғида ёки қоринчалараро түсиқ мембранасида, мушак қисмида жойлашиши мумкин.

### **Ташҳисот мезонлари**

#### **1. Анамнези**

Боталов билан бир хил

#### **2. Клиник мезонлар**

- жисмоний зўриқишдан сўнг чарчаш ва ҳансираш;
- юрак букриси, юрак турткиси кучайган, тўш суяги чап қирраси бўйлаб 3–5 қовурға оралиғида титровчи систолик шовқин;
- I тон юрак чукқисида, систолик шовқин ҳисобига яхши эшитилмайди, ўпка артериясида II тон акценти, тўш суяги чап қирраси бўйлаб III–IV қовурғалар оралиғида қўйпол систолик шовқин яхши эшитилади, бўйин томирларига узатилмайди.

Гемодинамикаси:

- система пайтида қон чап қоринчадан очик бўлмачалар оралиғидаги тешик орқали ўнг қоринчага ўтади;
- чап ва ўнг бўлмачаларда қон миқдорининг кўплиги қоннинг димланишига олиб келади;
- кичик қон айланиш доирасида димланиш белгилари кузатилади;
- катта қон айланиш доирасида қон миқдорининг камайиши кузатилади.

### **Ташҳисот мезонлари**

#### **1. Анамнези**

#### **2. Клиник мезонлар**

- жисмоний зўриқишдан сўнг тез чарчаш ва ҳансираш;
- тери ва кўзга кўринувчи шиллиқ қаватлар оқиш рангда;
- юракнинг нисбий тўмтоқлик чегараси 1–2-қовурғалар оралиғига силжиган, қон томирлар боғлами кенгайган, ўпка артерияси шишган, 2-қовурғалар орасигача юракнинг ўнг қоринча ва бўлмачалар гипертрофияси ва дилатацияси ҳисобига 3–4-қовурғалар оралиғигача кенгайиш.

- аускультацияда тўш суяги чап қирраси бўйлаб 2–3 қовурға оралиғида, кураклар ораси соҳасига таралувчи систолик шовқин, ўпка артериясида II тон акценти эшитилади.

## 2. Параклиник мезонлар

Инструментал ва лаборатория текширув натижалари:

Юрак етишмовчилиги нуқсоннинг катта-кичиклигига боғлик, агар нуқсон катта бўлса, юрак етишмовчилиги белгилари эрта пайдо бўлади.

## 3. Лаборатор ва инструментал текширув натижалари

- ФКГда - маркази тўш суягининг чап томонида, III–IV қовурға оралиғида бўлган систолик шовқин, ўпка артериясида II тон акценти эшитилади.
- ЭКГда чап, кейинчалик ўнг қоринча гипертрофияси юракнинг чап, кейинчалик ўнг бўлимларида димланиш белгилари кўзга ташланади.

Ўпкада босим ошиб боришига боғлик ҳолда ўнг қоринча гипертрофияси белгилари кузатилади.

- ЭХОКГда – чап ва ўнг қоринчалар ҳажмининг катталашуви; қоринчалараро тўсиқ устида товуш йўқолиши кузатилади.
- Рентгенограммада - ўпка сурати қучайган, ўнг ва чап бўлимлар ҳисобига юрак катталашган, ўпка артериясининг букилиш жойи шишган.

## БЎЛМАЧАЛАРАРО ТЎСИҚ НУҚСОНИ

Анатомик тузилиши - ўнг ва чап бўлмачалар ўртасидаги тўсиқда бир ёки бир нечта бекилмаган тешиклар борлиги билан характерланади.

- ФКГда 2–3-қовурғалар оралиғида ромбсимон систолик шовқин, ўпка артериясида II тоннинг кучайиши ва иккига бўлинганлиги.
- ЭКГда - юрак электр ўқининг силжигани, ўнг қоринча гипертрофияси, Гисс тутами ўнг оёқчасининг нотўлиқ блокадаси кузатилади.
- ЭХОКГда – ўнг қоринча ҳажмининг катталашуви.

- Рентгенограммада – артерияларда қон күпайиши ҳисобига ўпка расми кучайган, ўпка илдизининг пульсацияси, юрак соясининг чегараси юракнинг ўнг қоринча ва ўнг бўлмача ҳисобига кенгайган, кардиовазал бурчак юқорига қараб силжиган, аорта ёйи кичиклашган бўлади.

## **ЎПКА АРТЕРИЯСИННИГ АЛОҲИДА СТЕНОЗИ**

Анатомик тузилиши - ўпка артериясининг алоҳида стенози, асосан, ўпка артерияси қопқоқлари соҳасида бўлади.

Гемодинамикаси:

- ўпка артериясига ўнг қоринчадан қон ўтиши қийинлашади;
- ўнг қоринчада босим ошиб кетади;
- ўнг қоринча билан ўпка артерияси ўртасида систолик босимнинг фарқ қилиши;
- ўнг қоринча мушакларининг гипертрофияси ва диастолик босимнинг ошиши;
- ўнг қоринча диастолик босимиning ўнг қоринчада ошиши;
- ўнг қоринча гипертрофияси ва дилатацияси;
- кам ҳолларда овал тешикнинг кенгайиши ва ўнг қоринчадан чап қоринчага қон ўтиши, кўкаришнинг кучайиши кузатилади.

Ташҳисот мезонлари

### 1. Клиник мезонлар

- жисмоний зурикишдан сўнг ҳансираш ва оғир ҳолатларда бемор тинч ётганда ҳам ҳансираш, юрак коронар томирлари қон айланишининг етишмаслиги натижасида юрак атрофидаги оғриқ;
- овал тешикнинг очиқлиги – лаб кўкариши, юрак устида юрак буқри пайдо бўлиши;
- бўйин вена томирларининг буртиши пульсацияси, юрак турткиси кучайган, юрак устида ўпка артерияси жойлашган жойда систолик титраш;
- юрак ҳажми ўнг томонга катталашган;
- Аускультацияда I тон ўпка артерияси устида кучайган, II тон ўпка артериясида сустлашган ёки умуман эшитилмайди, ўпка артерияси устида ўмров суюги (ключица) томон тарагувчи, курак суюклари ўртасида систолик шовқин яхши эшитилади;
- қон босими ўзгармайди.

### 3. Лаборатор ва инструментал текширув натижалари

Тўш суюгининг чап чегараси иккинчи ковурғалар оралиғида.

- ФКГда систолада ромб шаклидаги тебранишлари катта бўлган систолик шовқин ва тебранишлари паст II тон аниқланади.
- ЭКГда юракнинг электр ўқи ўнга силжиган, ўнг қоринча гипертрофияси, ўнг бўлмача гипертрофияси белгилари (II-III ва ўнг кўкрак йўналишларида R тишча юқори бўлиши) кўринади.
- ЭХОКГда – юрак копқофининг стенози ва унинг анатомик тузилиши аниқланади.
- Рентгенда - ўнг қоринча ва ўнг бўлмача гипертрофияси ва дилатацияси ҳисобига юрак соясининг чегараси катталашган, юрак чап чегараси ташқарига силжиган, юрак «голланд шиппаги» (башмак) шаклига ўхшаб кўринади.

## **ФАЛЛО ТЕТРАДАСИ**

Анатомик тузилиши - ўпка артерияси стенози, қоринчалараро тўсиқ нуқсони, аорта декстрапозицияси, ўнг қоринча миокарди гипертрофияси.

Гемодинамикаси:

- ўнг қоринчадан ўпкага веноз қон чиқиши жойи торайганлиги сабабли қоннинг бир қисми ўнг қоринчадан аортага қоринчалараро тўсиқ нуқсони орқали ўтади.
- Аорта қон томирига юракнинг чап қоринчасидан артериал қон, ўнг қоринчасидан веноз қон ўтади. Кичик қон айланиш доирасига кам қон келиши натижасида ўнг қоринчадаги қоннинг бир қисми аортага ўтади ва натижада кўкариш рўй беради.
- Аста-секин компенсатор коллатерал қон айланиш системаси вужудга келади. Катта қон айланиш доираси билан бронх-ўпка қон томирлариаро анастомоз пайдо бўлади.
- Вақт ўтиши билан полицитемия (эритроцитлар  $8 \cdot 10^{12}$ , гемоглобин 250г/л ошади) ривожланади.

Ташҳисот мезонлари

### 1. Клиник мезонлар

- Цианоз бола ҳаётининг биринчи ойларида кузатилиб, кўп ҳолларда бола бир ёшга тўлганда ва ундан кейин жисмоний

зўриқишдан сўнг юзага келади. Беморда жисмоний фаоллик пасайиши, асаб бузилишлари, диспепсия, қичқириб йиғлаш ҳолатлари кузатилади.

➤ Гипоксемик ҳуруж; bemor тўсатдан кўкаради, кучли ҳансираш, юракнинг тез уриши: безовталик, мушаклар гипотонияси пайдо бўлади, bemor ҳушдан кетади. Ҳуружнинг давомийлиги бир неча сониядан 10–12 соатгача давом этади. Мияда қон айланишининг бузилиши ҳам бўлиши мумкин.

➤ Жисмоний ривожлашдан орқада қолади, тирноқлар қалинлашади ва шакли ( соат шишиасига ўхшаш) ўзгаради, бармоқлар ноғора чўпи шаклини олади, баъзан гавданинг ҳамма майда вена томирлари кенгаяди.

➤ Юрак ҳажми катталашади.

➤ Аускультацияда тўш суяги чап қиррасида 2–3- қовурғалар оралиғида дағал систолик шовқин бўлади, шовқиннинг баландлиги ўпка артериясининг қанчалик торайганлигига ва ўнг қоринчадан ўпка артериясининг чиқиш жойи торайишига боғлик.

➤ Кон айланишининг бузилиш белгилари кам ҳолларда кузатилади.

➤ Артериал қон босими меъёрда ёки бир оз пасайган бўлади.

### 3. Лаборатор ва инструментал текширув натижалари:

1. Умумий қон таҳлили – компенсатор полицитемия.

2. Инструментал текширувлар:

- ФКГда – II тон иккига бўлинган тўш суягининг чап чегарасида юракнинг систолик қисқариш даврини эгалловчи ромбсимон ўпка артериялари қопқоқларининг қаттиқ ёпилишидан ҳосил бўлган шовқин кузатилади.

- ЭКГда – юракнинг электр ўқи ўнгга силжиган, R тишлари баланд ва учли, ўнг қоринча гипертрофияси белгилари аниқланади. Ўнг қоринчанинг кучли кенгайиши ва зўриқиши билан боғлик клиник белгилар кузатилмайди.

- ЭХОКГда – аорта декстропозицияси, ўзагининг кенгайганлиги, қоринчалараро тўсиқнинг аорта олди деворига ўтиш жойининг узуклиги, ўнг қоринча чиқиш қисмининг торайганлиги, деворларининг гипертрофияланганлигини кўриш мумкин.

- Рентген текшируvida – юрак ҳажми бир оз катталашган, ўнг қоринча деворларининг гипертрофияси ва юрак узунлиги катталашган, ўпка артерияси жойлашган жой қон чўкиши,

юракнинг чегараси чап томонга силжиган, юрак „голланд шиппаги“ни эслатади.

Ўпка сурати кўп ҳолларда аниқ кўринмайди, аксарият bemорларда кучайган бўлади.

## **АОРТА КОАРКТАЦИЯСИ**

Анатомик тузилиши – аорта коаркцияси аорта томири маълум бир жойининг қисилиб қолишидир. Бу тугма иллатларнинг 7%ини ташкил қилади.

Гемодинамикаси:

- Аорта қисилиб қолган жойининг юқори қисмида систолик ва диастолик босим нормадан юқори.
- Аортанинг қисилиши туфайли юракнинг чап қоринчасига юк тушади.
- Аорта қисилиб қолган жойининг пастги қисмида қон босим паст.
- Қон айланиши коллатерал қон томирлар орқали амалга оширилади.

Ташҳисот мезонлари

1. Клиник мезонлар
  - безовталик, ўсишдан орқада колиш, гавда вазнининг камлиги, иштаҳа йўқ, юрак-ўпка етишмовчилиги белгилари;
  - оёқ қон томирларида томир уриши суст ёки аниқланмайди;
  - чап қоринча гипертрофияси ҳисобига юрак ҳажми катталашган;
  - кўп ҳолларда чап ўмров суюги чукурчаси ва кураклар оралифида систолик шовқин эшитилади;
  - қон босим оёқларда қўллардаги босимга нисбатан паст.
2. Лаборатор ва инструментал текширув натижалари
  - ЭКГда – чап қоринча гипертрофияси белгилари.
  - ЭХОКГда – чап қоринча мушаклари гипертрофияси.
  - Рентгенда – юрак катталашган, аорта ёйида томир уриши, қовурғаларда коллатераллар туфайли ғадир-будирлар кўринади. Ўпка томир сурати кучайган, ўпка артерияси ёйи бўртган.

## Даволаш

**1.** ТЮН ли беморларни кардиоревматолог шифокори ҳисобга олиши ва ҳар Зойда ёки 2-3 ёшгача бўлган болалар ( касалликнинг 1 босқичида) тез-тез, кейинчалик бир йилда 2 марта мунтазам равишда инструментал ва лаборатор текшириш усуллари таҳлили билан текшириб туриши керак.

**2.** Бундай беморлар махсус режим билан овқатланиши, тоза ҳавода кўпроқ айлантирилиши керак. Бола организмини чиниктириш, организм реактивлигини ошириш, ҳар хил инфекцион касалликларнинг юқишини олдини олиш тадбирлари ўтказилиши керак.

**3.** Фожиали ҳолатларнинг олдини олиш мақсадида тез тиббий ёрдам қўрсатилиши керак – ўткир чап қоринча етишмовчилигида – 20%ли спирт билан намланган кислород 15–20 дақиқа давомида берилади.

Ўпка гипертензиясида венага 2,4%ли эуфиллин юборилади ва кардиотроплар (панангин, ККБ, рибоксин, калий оротат), юрак гликозидлари тавсия этилади.

**4.** Бактериал эндокард (юрак ички қаватининг бактериал яллиғланиши, бош мия абсцесси, сурункали зотилжам касалликларининг олдини олиш мақсадида сурункали йирингли ўчоқларни даволаш).

**5.** ТЮН ни даволашнинг бирдан-бир усули жарроҳлик аралашувидир. ТЮНнинг ҳар хил тури учун жарроҳлик усуллари ишлаб чиқилган. ТЮНни жарроҳлик йўли билан даволашнинг энг қулай вақти касалликнинг 2-фазаси, яъни 12–13 ёш ҳисобланади. Касалликнинг терминал фазасида жарроҳлик йўли билан даволаш bemornинг тўлиқ тузалишига олиб келмайди, чунки юрак мушаклари, жигар, ўпка, буйракларда дегенератив ва дистрофик ўзгаришлар кузатилади.

## Диспансер кузатуви

Педиатр, кардиоревматолог касалликнинг фазасига боғлиқ ҳолда кўриб боради:

- 1- фазасида 1 ойда 1 марта.
- 2- фазасида 1 йилда 2 марта.

3-фазасида – 1 йилда 2-3 марта. Қулоқ-бурун-томоқ, тиш шифокори 1 йилда 2 марта, бошқа мутахассислар кўрсатмага биноан кўриб борадилар.

Кузатиш давомийлиги умрнинг охиригача; жарроҳлик йўли билан даволаганда 1–2 йил давомида диспансер назоратида бўладилар.

Беморларни текширишда қўйидагиларга эътибор бериш керак: гавда вазнининг ёшга нисбатан орқада қолиши, тез толиқиши, ҳансираш, терининг кўкариши, жигар катталашганлиги, ҳансираш-кўкариш ҳурожи, юрак тонларининг кучайганлиги, юрак шовқинлари динамикаси, бронх-ўпка касалликларининг кечиш жараёни, қон босими, гавда ҳарорати.

Қўйидаги қўшимча текшириш усуслари ўтказилади.  
Касалликнинг

1-фазасида – ФЭКГ, умумий қон ва сийдик таҳлили 2–3 ойда 1 марта, юрак рентгенограмаси 1–1,5 йилда 1 марта;

2-фазасида – ФЭКГ, умумий қон ва сийдик таҳлили 1 йилда 2 марта, юрак рентгенограммаси 2–3 йилда 1 марта;

3-фазасида – умумий қон ва сийдик таҳлили, ФЭКГ – 1 йилда 3–4 марта ва кўрсатмага биноан.

### Реабилитацияси

Сурункали инфекция ўчоқларини, қўшимча касалликларни яхшилаб даволаш. Юрак мушакларида моддалар алмашинувини яхшиловчи дори препаратлари 1 йилда 1–2 марта буюрилади. Кўрсатмага биноан: парҳез, юрак гликозидлари, сийдик ҳайдовчи, томирни кенгайтирувчи ва симптоматик дори воситалари билан қон айланишининг босқичига биноан даволаш керак. Кўрсатма бўйича аритмияга қарши дори воситалари тавсия этиш, тоза ҳавода 1 кунда 3–4 соат айланиш, касалликнинг 2-фазасида маҳаллий санаторияларда даволаниш лозим.

## **ШАСИДАРЛЫК КАСАЛЛИКЛАРИ**

### **КАТТА ЁШДАГИ БОЛАЛАР КАСАЛЛИКЛАРИ**

#### **I боб. Нафас органлари касалликлари**

##### **3.1. Сурункали пневмония**

Сурункали пневмония – сурункали носпецифик яллиғланиш бўлиб, унинг асосида ўпканинг бир ёки бир неча сегментларида бронхлар деформацияси ва пневмосклерози шаклидаги қайта тикланмайдиган морфологик ўзгаришлар ётади ва ўпка тўқимасида ҳамда бронхларда яллиғланишинг қайталаниши билан ифодаланади.

Ташҳисот мезонлари

##### **1. Анамнези:**

Бир локализацияли такрор пневмония, бошдан кечирилган оғир стафилококкли пневмония, узоқ давом этган сегментар пневмония, айниқса илк болалик ёшида, бронх - ўпка тизими ривожланишининг туғма нуқсонлари, бронхдаги ёт жисм, муддатидан эрта туғилган болаларда ателектазлар, иммун танқислиқ ҳолатлари, ЎСВ дан кейинги бронх-ўпка дисплазияси, мукоцилиар етишмовчилик, кўййутал ва қизамиқнинг оғир шаклини бошдан кечириш.

Шикояти: кўпинча эрталаб кучли йўтал, кечаси йўталганда балғам ажралиш пайдо бўлади, балғамнинг бир кунлик миқдори 20–50 мл дан 100–150 мл гача етади, бронхоэктазларда балғам шилимшиқ ёки йирингли бўлиши мумкин.

##### **2. Клиник мезонлар**

Сурункали интоксикация симптомокомплекси, гипоксия – тез чарчаш, ишлаш қобилиятининг пасайиши, диққатни жамлашнинг бузилиши. Хотиранинг заифлашуви, ранг оқариши, кўзи остида қора доғлар, дистрофия аломатлари, бармоқларда “ногора таёқчалари”, “соат ойнаси” мавжудлиги, кўкрак қафасининг асимметрик деформацияси бўлиши мумкин.

- Бронх-ўпка синдроми: перкуссияда товушнинг локал ва аралаш ҳолда қисқариши. Аускультацияда нафаснинг дағаллашуви, ҳўл ва қуруқ ҳар хил оҳангли ва турли калибрдаги доимий хириллашлар мавжудлиги.

##### **3. Параклиник маълумотлар:**

- 1) қоннинг умумий таҳлили (ҚУТ) – касаллик зўрайганда нейтрофил лейкоцитоз, ЭЧТ – ортиши;
- 2) ўпка рентгенограммасида – бронх-томир расмининг кучайиши, деформацияси, кистали тузилмалар бўлиши мумкин, фиброзли ўзгарган сегментлар кичрайиши;
- 3) бронхоскопия: йирингли эндобронхит манзараси;
- 4) бронхография: бронхиал дараҳт деформацияси, бронхлар дистал қисмларининг кенгайиши, цилиндрик ва халтacha шаклидаги бронхоэктазлар мавжудлиги;
- 5) ташқи нафас функцияси: рестриктив ёки аралаш бузулишлар;
- 6) балғам таҳлили: - нейтрофиллар, макрофаглар, бактериялар (кўпинча антибиотикларга чидамли грамманфий флора) мавжудлиги.

Киёсий ташҳисот:

Сил, бронх-ўпканинг ирсий патологияси, бронх-ўпка тизимининг туғма аномалияси, тизимли касалликларда ўпканинг шикастланиши, қайталанувчи бронхит кабилар билан ўтказилади.

#### *Сурункали пневмониянинг клиник-рентгенологик тавсифи*

Бронх-ўпка шикастланишини нг ҳажми ва локализацияси	Бронхлар шикастланишининг тавсифи	Касаллик даври	Оғирлиги
- сегмент - бўлак	- бронхлар коваги кенгаймаган ҳолдаги деформацияси - бронхоэктазлар - стеноз - эндобронхитнинг тури ва локализацияси	- зўрайиш - ремиссия	- енгил - ўртача оғирроқ - оғир

Даволаш

#### 1. Зўрайиш даврида:

- 1) I даражали токсикозда – умумий тартиб, II даражали токсикозда – ётиб даволаниш режими;
- 2) парҳез – таркиби оқсилга бой овқат, янги сабзавот – мевалар, шарбатлар. Углеводлар ва тузни эҳтиёжнинг ярмигача камайтириш;

3) антибактериал терапия – аниқланган қўзғатувчи ва унинг сезирлигига қараб:

а) қўзғатувчи пневмококк, стрептококк, стафилококк бўлса:

-ампиокс 100–200 мг/кг бир кунда 3 марта м/о;

-цефазолин 50–100 мг/кг бир кунда 3 марта м/о;

б) қўзғатувчи гемофил таёқча ва бошқа грам-манфий бактериялар бўлса:

- цефотаксим (ЦЕФАЗИМ) 50–100 мг/кг бир кунда 2 марта м/о, т/и;

- цефограм 20-100 мг/кг кунига 1-марта м/о, т/и

-цебанекс 40-80 мг/кг бир кунда 2 марта м/о, т/и

в) қўзғатувчи микоплазма, хламидия, легионелла бўлса:

- сумамед 10 мг/кг биринчи куни, сўнг 25 мг/кг 4 кун давомида ҳар куни;

- рулид 2,5–5 мг/кг 2 марта per os

4) физиотерапия:

а) ўткир босқичида: УВЧ № 3–4; микротўлқинли терапия № 6–10; 0,2%ли платифиллин эритмаси билан электрофорез (катарал ҳолатларда, обструктив синдромда); кучли йўталда 0,1%ли дионин эритмаси билан электрофорез;

б) тўхташ босқичида: кальций хлориднинг 2–5%ли эритмаси, қалий йодиднинг 3%ли эритмаси, индуктотермия, озокерит, парафин, қўкрак қафасига УФО № 6–9.

5. Аэрозольтерапия:

I босқич (7–10 кун).

Катарал эндобронхитда: ультратовушли ингаляция: натрий хлорид, натрий гидрокарбонат, натрий борат эритмаси 0,25–2%; 3%ли қалий йодид эритмасининг 1 томчиси 1 мл ингаляция аралашмасига қўшилади; минерал сув 5–10 мл.

Йирингли эндобронхитда: трипсин, химотрипсин 0,01 г pH -8-8,5 ли буфер эритманинг 5 мл да, 10%ли ацетилцистеиннинг сувли эритмаси; глицериннинг 10%ли 5 мл сувли эритмасида 0,01 г ДНК-аза; 0,9%ли 5 мл натрий хлорид эритмасида 0,25 г РНК-аза.

II босқич (10 кун).

Фитонцидлар ингаляцияси: саримсоқпийённинг янги тайёрланган шарбатини 5–10 мл дан 1:50, 1:100 суюлтириб; эвкалипт барглари дамламасининг 1–2 томчисини 5 мл сувда суюлтириб қилинади.

**Антисептиклар ингаляцияси:** 1–3%ли водород пероксид эритмасининг физиологик эритма билан 1:1 аралашмаси, фурацилиннинг 0,02%ли эритмасидан 5–10 мл.

**Антибиотиклар ингаляцияси:** (ампициллин, канамицин, оксациллин, кунлик дозанинг  $\frac{1}{2}$  -  $\frac{1}{3}$  ни – 0,25%ли новокаин эритмасининг 5–10 мл да).

**6) Бронхоскопик санация (йирингли эндобронхитда):**

- фурацилиннинг 0,02%ли эритмаси;
- 5 мл натрий хлориднинг 0,9%ли эритмасида 100000 ТБ полимиксин;
- ҳафтада 1–2 марта 10%ли ацетилцистеин эритмаси.

**7) Муколитиклар ва экспекторантлар:**

- бромгексин: 7 ёшдан кичикларга кунига 4 мг x 3 марта, 7 ёшдан катталарга кунига 8 мг x 3 марта ;
- мукалтин 0,05x3 марта;
- терпингидрат 0,15x3 марта;
- пертуссин 1 ош қошиқда x 3 марта;
- калий йодиднинг 3% ли эритмасидан 50 мг/кг кунига x 3 марта.

**8) Бронхообструктив синдромни бартараф қилиш:**

- эуфиллин кунига 5–6 мг/кг дан, 10–12 мг/кг гача кунига per os, 5–7 кун.

**9) ДЖТ, нафас гимнастикаси, вибрацион массаж билан постурал дренаж кунига 2 марта.**

**10) Витаминотерапия:**

- $B_1$ ,  $B_{12}$  – кунига 10–15 мг;  $B_6$  – кунига 0,01–0,05 мг
- С – кунига 300–500 мг; РР – кунига 10–15 мг

**2. Ремиссия даврида**

**1. Фитотерапия:**

- А.И.Чистякова йифмаси – андиз илдизи, саватчагули гуллари – 30 г; баргизуб барги, тишчўп ўти, туютовон барги - ҳар биридан 1 ош қошиқдан 200 мл сувга; 50 млдан 4–6 ҳафтадавомида кунига 5–6 марта;

- “кўкрак йифмаси” № 1,2,3.

**2. Специфик иммуностимуляция:**

- рибомунил 4 кун 3 ҳафтадавомида, эрталаб 3 таблеткадан, сўнг ойига 4 кун яна 5 ой давомида;
- бронхомунал 3 таблеткадан ҳафтада 4 кун, 3 ҳафтадавомида;

**4) Санаторияда даволаш.**

## СУРУНКАЛИ ПНЕВМОНИЯДА ДИСПАНСЕР КУЗАТУВИ

Диспансер кузатувига лойиқлик	Сурункали пневмонияли болалар Сурункали пневмония сабабли операцияни бошидан кечиргандар
Мутахассислар күриги	Касалликнинг оғирлигига қараб УАШ ва пульмонолог қўрадилар; енгил даражасида – 2–3 ойда 1 марта (ремиссия 12 ой бўлса, ҳар 6 ойда 1 марта); ўртача оғирликда ва оғир ҳолатда ҳар ойда, узок ремиссияда – ҳар кварталда. Пульмонолог, хирургнинг қонсультацияси зарурият бўйича йилига 2 мартадан кам эмас.
Кўрувда аҳамият беринг	Умумий ҳолати, жисмоний ривожланиши, кўкрак қафасининг шакли, ўйтал, балғам, хириллашлар характеристи. Зўрайишнинг такрорланиши ва давомийлиги, қариндошларида нафас органлари касалликларининг мавжудлиги. Қариндошларида ва беморда аллергик касаллик ва реакциялар борлиги.
Кўшимча текширувлар	Касалхонада ҳолатига қараб, термометрия, сил синамаси, қон таҳлили, спирометрия, пневмотахометрия, рентгенография, бронхоскопия, бронхография қилинади. Балғамни флора учун ва антибиотикларга сезувчанлиги аниқлаш учун текшириш.
Самарадорлик кўрсаткичлари	Аҳволининг яхшилиги, зўрайишнинг йўқлиги ёки камайиши, функционал синамалар кўрсаткичи, рентгенологик маълумотларнинг яхшиланиши. Касалликнинг енгил кечишида ва жарроҳлик даволашидан 3-5 йил ўтиб, шу даврда зўрайиш бўлмаганида ҳисобдан чиқариш. Ўртача оғирликдаги ва оғир шаклдагилар ҳисобдан чиқарилмайди.

### 3.2. СУРУНКАЛИ БРОНХИТ

Сурункали бронхит (СБ) бронхиал дарахтнинг шикастланиши, унинг шиллиқ пардаси секретор аппаратининг қайта тУЗИ лиши, яллиғланиш жараёнининг ривожланиши ва бронхлар деворининг анча ичкари қатламларида склеротик ўзгаришлар рўй бериши билан ифодаланади. Аломатларига балғамли ўйтал, ўпкадаги доимо ҳар хил калибрдаги хириллашлар (6 ой давомида), киради. Икки йил

давомида йилига камида 2 марта зўрайиш билан кечади. Болалик ёшида СБ, одатда, ўпканинг бошқа сурункали касалликлари (сурункали пневмония, муковисцидоз, бронх-ўпка дисплазияси, бронхлар ва ўпка ривожланишининг туғма нуқсонлари) аломати, яъни иккиламчи касаллик ҳисобланади. Бу касаллик кўпинча катта ёшдаги болалар ва ўсмирларда учрайди.

### Ташҳисот мезонлари

#### 1. Анамнези

Сўнгги икки йил давомида йилига кам деганда 2 марта бронхитнинг узоқ (2–3 ойлаб) муддатли зўрайиши; 9–10 ой давомида доимий балғамли йўталга шикоят; пассив ва фаол чекишга қўрсатма, bemornining шажарасида бронх-ўпка касалликларининг кўп учраши, экологик ноқулай ҳудудда яшashi.

#### 2. Клиник мезонлар:

Респиратор синдром – ремиссия ва зўрайиш босқичларида маҳсулдор йўтал, шилимшиқ, шилимшиқ-йирингли балғам ажралиши, узоқ давом этган клиник саломатлик даврида ҳам йўтал сакланади, ҳавонинг физик-кимёвий ўзгариши, руҳий-эмоционал, жисмоний зўриқиши, инфекция кабилар билан осонгина кучайиб кетади.

Бронхиал синдром - ўпкада қаттиқ нафас фонида турғун ҳар хил калибрдаги диффуз нам хириллашлар.

Сурункали интоксикация симптомлари турли хил даражада ифодаланади, касаллик зўрайганда баъзан гавда ҳарорати фебрил даражагача, ремиссия даврида эса субфебрил қўтарилиши кузатилади.

#### 3. Параклиник мезонлар:

а) нафас органлари рентгенограммаси - бронх-томир расмининг кучайши, турғун локал ёки диффуз характердаги деформацияси билан;

б) бронхоскопия – ремиссия даврида катарал, катарал-йирингли эндобронхит манзараси, зўрайиш жараёнида эса катарал-йирингли ёки йирингли манзара аниқланади;

в) бронхография – бронх йўлларининг ўзгариши, уларнинг дистал бўлимларида турли даражада кенгайиши.

г) қоннинг умумий таҳлили (ҚУТ) – яллиғланиш белгилари билан бир оз лейкцитоз ёки ремиссия даврида ўзгаришсиз, нейтрофилли лейкоцитоз.

- д) балғамнинг таҳлили – сегмент ядроли нейтрофиллар ва эозинофиллар миқдорининг кўпайиши, макрофаглар сонининг камайиши; секретор иммуноглобулин А миқдорининг камайиши;
- е) қоннинг биокимёвий таҳлили – диспротеинемия, гипогаммаглобулинемия, “+” СРБ
- ё) ташқи нафас функцияси – ўпка вентиляциясининг обструктив ўзгаришлари устунлиги билан аралаш бузилишлар.

Қиёсий ташҳисот:

Бронхиал астма, ўпка сили, сурункали бронхитнинг бирламчи ва иккиламчи шакллари ўртасида ўтказилади.

### 3.3. ПЛЕВРИТ

Плеврит – плевранинг бактериал, вирусли ёки аллергик табиатли ўткир яллиғланиши.

#### Ташҳисот мезонлари

##### 1. Анамнези:

Шикояти: нафас олганда, йўтал пайтида оғриқ пайдо бўлиб, кўпинча қоринга тарқалади, бу ҳолат кўпинча гавда ҳарорати қўтарилиши билан кечади.

##### 2. Клиник мезонлар:

- 1) Сурункали интоксиация симptomокомплекси – гавда ҳароратининг фибрил рақамларгача қўтарилиши, эт увишиши, беҳоллик, бош оғриши, миалгия, тахикардия.
- 2) Ўпка-плевра ўзгариши симтомлари: нафас тезлашиши ва юзаки бўлиши, нафас экскурсияси баъзан асимметрик, шикастланган томонда чекланган; оғриган ёнбошда мажбурий ҳолат; цианоз, овоз титрашининг заифлашиши, катта кўкрак мушакларининг пальпациясида сезувчанлиги (Штернберг симтоми), ўпканинг чегараланган қисми устида перкутор товушнинг бўғилиши, аускультацияда – нафаснинг заифлашуви; плевранинг ишқаланиш овози, нафас тўла эмаслиги, шикастланган томоқдан қарама-қарши томонга кўкс оралигининг силжиш; шикастланган томонда тери бурмаси қалинлигининг ортиши (Винтрих симтоми).

##### 3. Параклиник мезонлар:

- 1) ҚУТ зўрайиши даврида лейкоцитоз, нейтрофил ядроларнинг чапга силжиши, ЭЧТ ортиши;

- 2) ўпка рентгенограммаси – экссудатив плевритда – Соколов-Дамуазо қийшиқ чизиғи шаклида хиралашыши, қуруқ плевритда – плевранинг қалинлашиш белгилари;
- 3) плеврал пункция – серозли, сероз-фибринозли ёки йириングли экссудат олинади;
- 4) плеврал экссудатни бактериал флорага, микобактерияга текшириш – инфекция қүзғатувчисини аниқлаш;
- 5) Ташқи нафас функцияси – гиповентиляция, рестриктив үзгаришлар;
- 6) Кислота-ишқор ҳолати – гипоксия, метаболик ацидоз.

### Қиёсий ташхисот

Үпка ателектази, кенг ёйилган пневмония, ўпка ўсмаси, юрак етишмөвчилигидә қоннинг ўпкада димланиши кабилар билан ўтказилади.

### ПЛЕВРИТЛАР ТАСНИФИ

<b>Тури</b>	<b>Патогенез</b>	<b>Локализация</b>
Қуруқ Экссудатив (серозли, сероз- фибринозли, йириングли, гемморрагик)	1) синпневмоник 2) метапневмоник 3) метастатик 4) симптоматик 5) жароҳатдан сўнг 6) сил	Костал Диафрагмал Парамедиастинал Бўлаклараро Плашсимон Халтачали

### Даволаш

Носпецифик плевритларни даволаш (синпневмоник ва метапневмоник).

1. Тартиб: биринчи кундан бешинчи кунгача – ётиб даволаниш режими, 5 кундан 10 кунгача ярим ётиб даволаниш.
2. Оқсилга ва витаминга бой парҳез, суюқлик ва тузни чеклаш.
3. Плеврал бўшлиқдан экссудат эвакуацияси. Пункцион усул – ҳар куни экссудатни аспирация қилиш ва бўшлиқни антисептиклар (0,02%ли фурацилин эритмаси, 0,1%ли фурагин эритмаси, 1%ли йодинол эритмаси) га 2 г трипсин, химотрипсин қўшиб ювиш.

## Плеврит бўлган болалар диспансер кузатуви реабилитацияси

Мутахассислар кўриги	УАШ ҳар кварталда 1 марта, пульмонолог, фтизиатр, ЛОР шифокори 1 йилда икки марта
Кўрувда аҳамият беринг	Чарчаши, ҳарорати, йўтал, перкутор маълумотлар, ўпканинг хириллаши. Обструкция борлиги, аллергия симптомлари.
Қўшимча текширувлар	Термометрия, қоннинг умумий таҳлили, ташқи нафас фаолияти, ўпка рентгенограммаси – зарур бўлганда.
Асосий йўл	Тўғри овқатлантириш, нафасни тиклаш (тўла қорин нафасини тиклаш. Гипервентиляцияни бартараф этиш).
Асосий соғломлаштириш йўлида	Сурункали инфекция ўчоғи санацияси. Интеркуррент касалликлар даврида махсус профилактика (нафас йўлларини тозаловчи машқлар, фитотерапия, профилактик физиотерапия: иссиқ ванналар, нуқтали сегментар массаж, банкалар), чиниктириш.
Кузатув давомийлиги	1 йил.
Ҳисобдан чиқариш	Патологик клиник симптомлар йўқлиги.
Жисмоний тарбия	ДЖТ, махсус гурух.
Профилактик эмлаш	Зўрайишдан 2 ой ўтганидан сўнг авайлаш усули билан.

Ёпиқ дренаж қилиш (плеврал бўшлиқ бронхиал дарахт билан тулашиб қолганида). Плеврал бўшлиқни антисептиклар ва ферментлар билан кунига 2–3 марта ювиш.

4. Экссудатни экиб олинган микрофлоранинг сезувчанлигини ҳисобга олиб антибактериал терапия ўтказиши.
5. Физиотерапия.
6. Кўкрак қафасининг массажи: вибрацион, вакуумли, умумий.
7. Нафас гимнастикаси.
8. ДЖТ.
9. А, Е витаминлар.

### **3.4. БРОНХИАЛ АСТМА**

Бронхиал астма (БА) – бронхлар ва ўпканинг сурункали касаллиги бўлиб, бронхларнинг обструкцияланиши билан кечади ва унинг асосида бронхларнинг гиперреактивлиги ва нафас йўлларининг сурункали аллергик яллигланиши ётади.

#### **Ташҳисот мезонлари**

##### **1. Анамнези:**

Оғир индивидуал ва оилавий аллергияга мойиллик, кўпинча тунда хансираш, хуштакли хириллашлар, йўтал. Касалликнинг аллерген, вирусли инфекция, жисмоний зўриқиши, ирритантлардан сўнг зўрайиши.

Симптомларнинг йўқолиши аллергенлар элиминациясида ёки бронходилататор қўлланганидан кейин кузатилади.

##### **2. Клиник мезонлари.**

Дарак берувчи давр – ҳуруждан бир неча соат ёки кун олдин бурун битиб қолиши ёки бурундан кўп микдорда, сувдек суюқлик ажралиши, аксириш, йўтал, қичишиш, томоқ қичиши, қонъюнктивит, полиморф тошма, ҳулқ-атвор ва кайфиятда ўзгариш пайдо бўлиши мумкин (болалар анча ҳаракатчан, сергал, ўта ёқимтой ёки аксинча инжиқ, тажовузкор бўлиб қолиши мумкин, баъзи беморлар кам ҳаракат қиласи, бўшашиш, безовталик бошланади), иштаха ва уйқу бузи лади.

Ҳуружли босқич: бўғилиш симптомлари – нафас дискомфорти, беморнинг ҳаво етишмаётганлигини сезиши, тўсатдан кўкрак қафасининг сиқилиши ва бир неча дақиқада зўрайиб кетиши.

- нафас етишмовчилиги синдроми – экспиратор характердаги нафас сиқиши ҳуружи (нафас олиш қисқа, кучли ва чуқур, нафас чикариш секин, титраб-қақшаб бўлади), ўпка чекка қисмларининг шаффофлигининг ортиши, диафрагма гумбазларининг паст туриши, қовурғалар орасидаги масофанинг кенгайиши);
- илдиз расмини кучайиши;
- қон ва балғамда эозинофилия;
- специфик аллергенлар билан тери синамаларининг ижобийлиги;
- синаш давоси –  $\beta_2$  -агонистларнинг юқори самарадорлиги.

Астматик ҳолат: (АХ) нафас етишмовчилиги ривожланиб борадиган оғир давомли ҳуруж, бронхларнинг  $\beta$  - адренергик рецепторлар функционал блоки оқибатида бронходилататорларга резистентлик бўлади.

Астматик ҳолат ривожланишига олиб келувчи омиллар:

- аллергенларнинг салмоқли таъсири, бронхлар ёки ЛОР органлар инфекцияси;
- ингаляцион  $\beta_2$  - агонистлар дозасининг кўпайиб кетиши;
- гормонга боғлиқ бўлиб қолган беморларда глюкокортикоидларнинг нотўғри берилиши ёки тезда тўхтатилиши.

Астматик ҳолат мезонлари:

- БА ҳуружининг камида 6 соат давомида тўхтамаслиги;
- бронхларда дренаж функциясининг бузилиши;
- гипоксемия ва гиперкапния;
- симпатомиметикларга резистентлик.

АҲ нинг оғирлик даражасига қараб З босқичи фарқ қилинади (А.Г.Чучалин, 1997)

I босқич – нисбий компенсация – бўғилиш ҳуружи узоқ вақт бартараф бўлмаслиги билан характерланади. Бемор хушини йўқотмайди, мос, мажбурий ўтириш ҳолатини олади. Кўмаклашувчи мушаклар кучли иштирокидаги ҳансираш. Йўтал самарасиз.

Перкуссияда – қутича товуши, аускультацияда – нафаснинг заифлашуви, ҳамма бўлимларга ўтади, қуруқ хириллашлар кўп.

II босқич – декомпенсация – бронхообструкциянинг зўрайиб бориши билан ифодаланади. Ўпкада дистанцион хириллашлар сақланган ҳолда нафаснинг «мозаик» ўтиши ёки жуда заифлашуви («гўнг» ўпка). Кўкрак қафасининг эмфизематоз шишиши, нафас экскурсияси сезилмайди. Пульс заиф, АБ пасайган.

III босқич – гипоксик, гиперкапник кома – жуда оғир ҳолат, эс-хушнинг бузилиши, неврологик ўзгаришлар билан ифодаланади. Нафас сийрак, юзаки, парадоксал. Пульс ипсимон, гипотония, коллапс.

### Бронхиал астма таснифи

1. Шакли:

- атопик;
- атопик бўлмаган (инфекция билан боғлиқ, аутоиммун, аспиринли астма, психоген).

2. Кечиши даврлари:

- зўрайиш;

- ремиссия.

3. Кечиш оғирлиги:

- енгил;

- ўртача оғир;

- оғир.

4. Асоратлари:

- ателектаз;

- пневмоторакс;

- тери ости ва медиастинал эмфизема;

- ўпка етишмовчилиги;

- ўпка юрак.

### Қиёсий ташҳисот

Аллергик бронхит, сурункали пневмония, муковисцидоз, бронх-ўпка аспергиллёзи, трахеобронхиал дарахт ковагидаги бегона жисмлар, нейроген ва психоген генездаги нафас бузилишлари билан ўтказилади.

### Даволаш

1. Тартиби-аллергенга нисбатан эҳтиёт бўлиш, иложи борича аҳамиятга эга аллергенларни тўла элиминация қилиш.

2. Бронхиал астманинг ўткир даврида бронхлар ўтказувчанигини тиклашга йўналтирилган даво амалга оширилади.

Бронхиал астма ҳуружини бартараф қилиш учун  $\beta_2$  – адренорецепторларга танлаб таъсир қилувчи симпатомиметик дорилар аэрозоллари (беротек, сальбутамол, тербуталин, кленбутерол)нинг ингаляцияси буюрилади, самарадорлиги етарли бўлмаган ҳолларда, дорининг аэразолли дозаси ингаляцияси 15 дақиқадан сўнг такрорланади.

Терапевтик самара, одатда, 10–15 дақиқадан сўнг бошланади ва ингаляциядан 1 соат кейин максимал даражага етади.

БА нинг атопик бўлмаган шаклида, тунги азобли йўталда, ўпкада нам хириллашлар кўп бўлганда, симпатомиметикларни қабул қилиб бўлмагандан ингаляцион ҳолинолитиклар буюрилади. Атровент (ипратропиум бромид) 1 доза = 0,02 мг, 20–30 дақиқадан кейин самараси бошланади, таъсири 4–8 соат давом этади; 7 ёшгacha бўлган болаларга 1 дозадан кунига 2–3 марта, 7 ёшдан катта болаларга 2 дозадан кунига 2–3 марта. Беродуал ( 1 доза =

фенотерол 0,05 мг + ипратропиум бромид 0,02 мг): 7 ёшгача бўлган болаларга 1 дозадан кунига 3 марта, 7 ёшдан катталарга 2 дозадан кунига 3 марта.

Оғир хуружларда селектив симпатомиметиклар (ёки  $\beta_2$  – қисқа вақт таъсир қилувчи агонистлар) ингаляцияси буюрилади. Самараси 3–5 дақиқадан сўнг бошланади, таъсири 4–6 соат давом этади. Беротек -100 (фенотерол) ингаляция дозаси 100 мкг; вентолин (альбутамол) 1 дозада 250 мг.

Кўлланиши: 1–2 дозадан кунига 4 марта гача. Агар биринчи ингаляция хуружни бартараф қилмаса, 10 дақиқадан сўнг ингаляцияни тақорлаш мумкин.

Эҳтиёж бўйича  $\beta_2$  - агонистлар қўллашнинг тезлашиши астманинг кечиши ёмонлашганлигидан дарак беради ва яллиғланишига қарши давони кучайтиришни талаб қиласди.

Симпатомиметиклар (альбутамол, бриканил) таблетка ҳолида ёки шарбат (спиропент, кленбутерол) буюрилганда бронхиал астманинг енгил ва ўртacha оғирликдаги хуружларида бронхларнинг ўтказувчанилиги қайта тикланиши мумкин.

Бронхиал астманинг оғир хуружи тери остига адреналин юборилганда ҳам бартараф бўлиши мумкин. 0,1%ли адреналин эритмаси 0,005 мл ҳар ёшига тери остига юборилади: қарши қўрсатма: хуружнинг 4 соатдан ортиқ давом этиши, дорининг (анамнестик маълумотлар бўйича) самарасизлиги, гормонга боғлиқ астма. Агар адреналин юборишга қарши қўрсатма бўлса, у ҳолда эфедрин гидрохлориднинг 5%ли эритмасини 0,1 мл/ ҳар ёшига, аммо 1 мл ортиқ эмас м/o, 12 ёшдан катта болаларга 100–150 мл физиологик эритмага 0,3–1 мл қўшиб венага томчилаб юборилади. Бундай ҳолларда алупентнинг 0,005%ли эритмасини 0,1 мл/ ҳар ёшига тери остига ёки мушак орасига юбориш ҳам яхши самара беради.

Бронхиал астманинг енгил ва ўртacha оғир хуружларида шошилинч терапия эуфиллин буюришдан бошланиши мумкин; унга  $\beta_2$  - агонистлар ингаляциясининг самарасизлиги ( $\beta_2$  - аренорецепторлар асоратининг оқибати), вирус-бактериал инфекция қўзғатган хуруж; илк болаликдаги БА қўрсатма бўлиши мумкин. Эуфиллин 2,4%ли эритмада буюрилади (ампулада 10 мл); тўйиниш дозаси 4 ёшгача болаларга 0,25 мл/кг; 4 ёшдан катталарга 0,2 мл/кг. Препаратни 70–100–150 физиологик эритмага қўшиб венага томчилаб юборилади. Бир маромда сақлаб турувчи

доза венага томчилаб: 6 ойликкача болалар учун 0,2 мл/кг/соат, 6 ойликдан – 16 ёшгача 0,25 мл/кг/соат ни ташкил қиласи. Эуфиллин самара берганда кейинги 3 кунда бир маромда сақлаб турувчи доза (таб. 0,15 г) кунига 4–6 мг/кг да 4 марта овқатдан сўнг ичилади.

Нафас етишмовчилиги кучайиб борганида преднизолон 1–4 мг/кг дозада ёки гидрокортизон 7 мг/кг дозада венага юборилади.

*Астматик ҳолатнинг I босқичида* эуфиллиннинг 24 мг/кг кунлик дозаси инфузияси билан даволаш ўтказилади; нафас етишмаслиги кучайиб борганда эуфиллин глюокортикостероидлар билан қўшиб венага юборилади. Агар қўрсатилган даво етарлича самара бермаса, у ҳолда кунига 1,0–1,5 мг/кг преднизолон ичилади, айни вақтда у 1 мг/кг дозада венага юборилади.

*Астматик ҳолатнинг II босқичида* бронхлар ўтказувчанлиги тикланиши учун эуфиллин венага томчилаб юборилади, преднизалоннинг кунлик дозаси 3–5 мг/кг гача кўпайтирилади, унинг 1,5–2,0 мг/кг дозаси ичишга буюрилади, қолган миқдори венага тез ёки томчилаб юборилади.

*Астматик ҳолатнинг III босқичида* ўпка вентиляциясини меъёрда сақлаш ҳамда гипоксемия ва гиперкапниянинг хавфли даражасини бартараф қилишга йўналтирилган реанимацион тадбирлар амалга оширилади. Уларга ўпканинг сунъий вентиляцияси, инфузион терапия (эуфиллин, 5%ли глюкоза эритмасини, коллоид эритмаларни венага юбориш), глюокортикостероидларнинг катта дозасини (преднизолон кунига 6–10 мг/кг) қўллаш киради; юрак етишмовчилиги ривожланган ҳолларда юрак гликозидлари берилади.

Бронхиал астма зўрайганда, балғам ажралиши сусайганда, бронхлар обструкцияси аломатлари узоқ вақт сақланиб турганида балғам кўчирувчи воситалар (калий йодид, бисольвон, термопсис, ипекакуана, сенега дамламалари) буюрилади.

Муколитиклар: бромгексин (др. 0,004 г) 2–5 ёшли болаларга – кунига 4 мг 2 марта, 5–10 ёшлиларга 4 мг дан 3 марта; 10 ёшдан катталарга 8 мг дан 3 марта берилади.

Экспекторантлар: мукалтин (таб. 0,05 г) 7 ёшгача болаларга  $\frac{1}{2}$  дан 3 марта, 7 ёшдан катталарга 1 таб. дан 3 марта; терпингидрат (таб. 0,25 г) 2–5 ёшли болаларга 0,1 г дан 3 марта, 5 ёшдан катталарга 0,15 г дан 3 марта, ҳар куни; кўкрак элексири ҳар ёшига 1 томчидан кунига 4–5 марта.

Аллергия аломатларини даволаш: тавегил (таб. 0,001 г)  $\frac{1}{2}$  -1 таблеткадан кунига 2 марта, супрастин (таб. 0,025 г)  $\frac{1}{2}$  -1 таблеткадан кунига 2 марта; кларитин (таб. 0,005 г)  $\frac{1}{2}$  -1 таблеткадан кунига 2 марта берилади.

Нафас қийинлашиш ҳуружи бартараф қилинганидан сўнг бронхоспазмолитиклар билан даволаш (симпатомиметиклар, эуфиллин ва улар комбинацияси) 7–10 кун давом этади.

Глюокортикоидлар парентерал (мушак орасига ёки венага ичига) қўлланганда улар инъекцияси ҳуруж бартараф этилганидан сўнг бекор қилинади.

Преднизолон билан даволаш ичилади астматик холатнинг ифодаланиш даражасига қараб 10 кундан 14 кунгacha давом этади.

Бронхиал астманинг оғир бўлмаган ҳуружлари игнарефлекстерапия, электроакупунктура, лазеротерапия усуллари билан бартараф қилиниши мумкин.

Бронхиал астманинг зўрайиши тез-тез такрорланиб турадиган болаларни ҳуруждан чиқаришда рецидивга қарши даволаш ўтказилади. Бронхиал астма ҳуужининг камдан-кам учраши, унинг енгилроқ кечиши ва касалликнинг ремиссиясига қуидагилар ёрдамида эришиш мумкин:

Кромолин - натрий (интал) -0,02 г кунига 3–4 марта ингаляция шаклида, 6–9 ой давомида;

- кетотифен (задитен) 0,025 мг/кг кунига 2 марта 6–9 ой давомида ичилади;

- аллергоглобулин 5 мл мушак орасига – 5 инъекция ва улар оралиғи 3 кун.

- аллергияга қарши иммуноглобулин 1–2 мл дан мушак орасига 5–инъекция ва улар оралиғи 4 кун.

- организмдан секин ажralадиган теофиллин дори шакллари (теопек, дурофиллин, теостат, теодур). Теопекнинг кунлик дозаси 15–19 мг/кг дан 2 марта қабул қилинади, 3–4 ҳафта давом этади, зарурат туғилса, даволаш узокроқ давом эттирилади.

Ажralиш механизми назорат қилинадиган сальбутамол сақловчи волмакс препарати рецидивга қарши таъсир кўрсатади. Дорининг кунлик дозаси 6–8 мг, 2 бўлиб қабул қилинади, даволаш муддати 2–4 ҳафта. У бронхлар ўтказувчанинг тикланишига ёрдам беради.

Дитек (беротек ва интал сақловчи комбинацияли препарат) буюрилганида ҳам ремиссияга эришиш мумкин, уни кунига 3–4 марта 1–2 ингаляция қилинади, даволаш 1–2 ой давом эттирилади.

Болаларда бронхиал астма ҳуружларининг сонини камайтириш, уларнинг кечишини енгиллаштириш ва касаллик ремиссиясига эришишга игнарефлекстерапия, электроакупунктура, лазертерапия, гистамин-электрофорези ёрдам беради. Бронхиал астма ҳуружлари тез-тез такрорланганида, юқорида кўрсатилган даволаш самара бермайди, бу вақтда касаллик ремиссиясига эришиш мақсадида глюкокортикоидлар (бекотид, бекломет, бекодиск) аэрозолини 1–4 ингаляциясини кунига 2–4 марта буюрилади, 3–6 ой давомида даволанади.

Бронхиал астма оғир кечадиган ва ҳусусан гормонга боғланиб қолган болаларда бронхоспазмолитиклар, глюкокортикоидлар аэрозоллари билан даволаш самара бермаганида глюкокортикоидларни ичиш тавсия этилади.

Касалликнинг ремиссия босқичида сабаб-аҳамиятга эга бўлган аллергенлар аниқланганида 3 йил давомида специфик иммунотерапия ўтказилади.

Маиший сенсибилизация билан боғлиқ атопик бронхиал астмада специфик иммунотерапия йил давомида амалга оширилади. Гуллар чанглари билан боғлиқ астмада специфик иммунотерапия мавсумдан олдин ўтказилади.

Инфекцион аллергик бронхиал астмада специфик иммунотерапия ўтказиш учун стандарт бактериал аллергенлар ёки аутовакциналардан фойдаланилади.

Олдини олувчи даволаш ва специфик иммунотерапия бронхиал астма билан касалланган болалар учун индивидуал тУЗИ лган реабилитацион дастурларнинг амалга оширилиши, нафас машқлари, динамик ва статистик жисмоний машқлар, массаж, чиниктириш, санаторияда даволаш, сурункали инфекция ўчоқларини санация қилишга йўналтирилган усуллар қўлланиши ва атроф муҳит соғломлаштирилиши касалликнинг узоқ муддатли барқарор ремиссиясига эришишга ёрдам беради.

## II боб

### Овқат ҳазм қилиш органлари касалликлари

#### 3.5. Сурункали эзофагит

Сурункали эзофагит – қизилўнгач шиллик пардасининг яллиғланиши – дегенератив шикастланиши бўлиб, кейинчалик патологик жараён қизилўнгачнинг шиллик пардаси остидаги қатламга тарқалиши билан ифодаланади. Бу жараён қизилўнгачга ҳар хил шикастловчи омилларнинг қайта-қайта ва узоқ таъсиридан, айниқса гастроэзофагал рефлексдан кейин ривожланади.

#### Ташҳисот мезонлари

##### 1. Анамнези:

Яра касаллигига, гастродуоденитга, овқат аллергиясига кўрсатма борлиги, кимёвий ёки қизилўнгачнинг термик таъсиrlаниши, гастроэнтерологик касалликка мойиллик, руҳий-эмоционал ҳаддан ташқари зўриқиши, нурдан шикастланиш.

##### 2. Клиник мезонлар:

Оғриқ синдроми – овқат еганда ёки ундан сўнг, тез юрганда, юрганда, чуқур нафас олганда тўш орқасида ёки юқори эпигастрит соҳасида сиқаётганга ўхшаш ёки ачитадиган оғриқ пайдо бўлади. Оғриқ орқага, белга, стенокардияни эслатиб турувчи кўкрак қафасининг чап ярмига тарқалади.

Диспептик синдром –энгашганда, оғир нарса кўтарганда, ётганда, кофе ичгандан, ёғлиқ қ овқат истеъмол қилгандан сўнг кучаядиган жигилдон қайнаши, эпигастрит соҳасида тўлалик сезиш ёки тўш орқасида юмалоқ нарса тургандек ҳис қилиш ва унинг кекиргандан ёки истеъмол қилинган овқатнинг озроқ микдорини қайт қилиб ташлагандан кейин йўқолиши, овқат истеъмол қилаётганда тиқилиши ёки йўтал пайдо бўлиши, баъзан қусиш, ундан сўнг ўзини енгил сезиш, эрозияларда қон билан қусиш, ич қотишга мойиллик.

##### Параклиник мезонлар:

А) эндоскопия – қизилўнгач терминал қисми шиллик пардасининг гиперемияси, эдемаси (шиши), бурмаларининг қалинлашиши, эрозияси ва яраси, камдан-кам ҳолларда шиллик парда рангининг хираги ва қонтакт қонаши, кардиал ёриқ кўринади.

Б) pH метрия - қизилўнгач ичидаги нарсаларнинг кислота томонга силжиши, pH нинг 4,0 ва ундан ҳам кам бўлиши

## Этиология ва патогенези

Ўткир эзофагитлар қизилўнгач шиллиқ пардасининг иссиқ овқат ва ичимлик, кимёвий моддалар (йод, кучли кислоталар, ишқорлар)дан таъсирланиши натижасида, ўткир инфекцион касалликлар (қизилча, бўғма, сепсис ва х.к.)да, ўткир фарингитлар, гастритлар ва б. да ривожланади.

Ярим ўткир ва сурункали эзофагитлар фаол меъда ширасининг қизилўнгачга кўтарилиб чиқиши (рефлюкс) натижасида пайдо бўлади, бу ҳодиса қизилўнгач кардияси етишмаслигидир, бу эзофагит рефлюкси деб аталади, ва кўпинча диафрагманинг қизилўнгач ўтган коваги чуррасида кузатилади. Бундай ҳолат қизилўнгач шиллиқ пардасига қайноқ, дағал ва аччиқ овқатлар таъсир қилганида рўй беради, кўпинча бурун-ҳалқум ва меъданинг сурункали яллигланиш касалликлари билан бирга қўшилиб кетади. Клиник манзараси. Ўткир катарал эзофагитда ютинганда оғриқ, орқада ачишиш, баъзида дисфагия қайд қилинади.

## Болаларда эзофагитлар таснифи

Кечиши бўйича	Шиллиқ парданинг ўзгариши бўйича	Касаллик даври (сурункали эзофагит учун)
Ўткир	Катарал	Зўрайиши
Ярим ўткир	Эрозив	Субремиссия
Сурункали	Геморрагик	Ремиссия
Рефлюкс - эзофагит	Некротик	

Геморрагик эзофагитда қон қусиш ва мелена бўлиши мумкин. Сохта мембраноз эзофагитда фибрин пардали массанинг (қизилча ва бўғмада) бўлиши характерлидир.

Ярим ўткир ва сурункали эзофагитда жигилдон қайнаши, тўш орқасининг ачишиши, баъзида оғриқ, дисфагия қайд қилинади; рефлюкс-эзофагитда bemor олдинга энгашганида кусади ва бу жараён горизонтал ҳолатда кучаяди.

Асоратлари: қон кетиши, қизилўнгачнинг структураси (торайиши) ва чандиқли қисқариши (охиргиси диафрагманинг қизилўнгач ўтган коваги аксиал чуррасининг ҳосил бўлишига олиб

келади).

Даволаш. Бирга қўшилиб келадиган эзофагитларда асосий касалликни даволаш зарур. Ўткир эзофагитда авайлайдиган парҳез №1 буюрилади: овқат бўлак-бўлак қилиб 7 марта гача, оз-оз миқдорда берилади, сут ичиш, дағал ўсимлик клетчаткасили, аччик, тўйинган бульон, экстрактив моддалар, ёғлар, цитрус мевалар, шоколад, кофе б. ларни истеъмол қилиш чекланади.

Кечки овқат ухлашдан 2–3 соат олдин истеъмол қилинади.

Кун тартиби: ухлаётганда кўрпа-тўшакнинг бош томони баланд бўлиши керак, овқат истеъмол қилгандан сўнг олдинга энгашмаслик, ётмаслик, кечаси овқат емаслик, қаттиқ белбоғ ишлатмаслик, семириб кетмаслик, седатив, бетаблокаторлар, транквилизаторлар, теофиллин қабул қиласлик керак.

Антирефлюкс терапия: овқатдан олдин  $\frac{1}{2}$  -1 таб. церукал ичиладиёки 0,5%ли эритмасидан 1 мл м/о юборилади. Кунига 3 марта овқатдан олдин 0,005 г цисаприд берилади.

Адсорбентлар, антацидлар, ўраб оловчи дорилар курси 1–1,5 ой. Маалокс овқатдан кейин кечасига 1 таб., алмагель овқатдан сўнг кечасига 1 чой қошиқ – 1 десерт қошиқ; фосфалюгель овқатдан сўнг кечасига 1 пакети; викалин ва викаир овқатдан сўнг 1 таб кунига 3 марта; де-нол овқатдан сўнг 1 таб кунига 3 марта. Ранитидин 150 мг дан кунига 2 марта (эрталаб ва кечқурун); гастроцепин 2,5 мг дан кунига 2 марта.

Махаллий анестетиклар: 0,25%ли новокаин 15–20 мл дан илиқ ҳолида кунига 3–4 марта; анестезин (0,3) 1 таб. кунига 3 марта.

Спазмолитиклар курси 1–2 ҳафта: платифиллин 1 таб.дан кунига 3 марта; ношпа  $\frac{1}{2}$  - 1 таб.дан кунига 3 марта.

### Диспансер кузатуви

1. Мутахассисларнинг текшириш оралиғи: педиатр биринчи йили ҳар кварталда, иккинчи йили йилига 2 марта, ундан кейин 14 ёшга киргунча ҳар йили 1 марта. Гастроэнтеролог йилига 2 марта, зўрайганида касалхонага ёткизилади.

2. Қўшимча текширишлар: фиброэзофагогастродуоденоскопия, қизилўнгач ичи pH - метрияси йилига 2 марта.

3. Соғломлаштириш тадбирлари: парҳез, тартиб, тоза ҳавода сайр қилиш, сурункали инфекция ўчғи санацияси, асаб-рухий ҳаддан ташқари толиқишини, салбий эмоцияларни бартараф қилиш.

4. Жисмоний гуруҳи: 1–2 йил давомида тайёрлов гурухи.

5. Профилактик эмлаш: профилактик даволаш курси ўтказилгандан сўнг 1–1,5 ой кейин.

6. Санатория – курортларда даволаниш: ремиссия даврида меъда – ичак профилидаги санаторияда.

### **3.6. Сурункали гастрит**

Сурункали гастрит полизиологик касаллик бўлиб, унинг асосини меъда шиллиқ пардасидаги диффуз (кенг тарқалган) ёки ўчоқли яллиғланишли-дистрофик ўзгаришлар ташкил қиласди. Айни вактда меъданинг секретор ва ҳаракат функциялари бузи лади.

#### **Ташҳисот мезонлари**

##### **1. Анамнези:**

Алиментар бузилишлар (овқатнинг тўла-тўқис бўлмаслиги, сифатсизлиги, дағаллиги, овқат истеъмол қилиш оралиғининг узоқлиги, қуруқ овқат ейиш, шошиб овқатланиш), овқатдан заҳарланиши бошдан кечириш, овқат аллергияси, дориларни узоқ муддат тез-тез қабул қилиш, узоқ давом этган психо-эмоционал зўриқиши, овқат ҳазм қилиш органлари касалликлари бўйича ирсий мойиллик.

##### **2. Клиник мезонлар:**

Оғриқ синдроми – овқатдан кейин анча давом этадиган зирқираб турадиган оғриқ, тунги, очликдаги оғриқ, овқат қабул қилиш билан боғлиқ бўлмаган ва жисмоний зўриқишдан кейин пайдо бўладиган оғриқлар. Ўртача жадалликдаги оғриқлар эпигастрал соҳага ёки киндикдан юқорига тарқалади. Пальпация қилинганда эпигастрал ва пилородуоденал соҳаларда оғриқ ва шу зонадаги мушакларнинг таранглостиши аниқланади.

Диспептик синдром – жиғилдон қайнаши, ҳаво билан, овқат билан кекириш, баъзан қусиши, меъдада дискомфорт сезиш, иштаҳанинг бузилиши, оғиздан нохуш ҳид келиши, тилни қулранг караш қоплши.

Астено-невротик аломатлар намоён бўлади.

##### **3. Параклиник мезонлар:**

А) эндоскопия – меъда шиллиқ пардасининг гиперемияси ва шиллиқ парда эдемаси (шиши), бурмаларнинг қалинлашиши ёки атрофияси, баъзи жойларда ўчоқли гиперплазияси, эрозияли шикастланишлар.

Б) меъда ширасини текшириш – шилимшиқ модда ҳосил бўлиши, меъда секрецияси ҳажми, меъда шираси кислоталигина нинг ўзгариши.

### Даволаш

Комплекс, дифференциация қилинган, ҳар бир беморга алоҳида. Сурункали секретор етишмовчиликли гастритда тўла қимматли оқсиллар ва витаминларга бой, механик, кимёвий жиҳатдан авайловчи парҳез буюрилади. Зўрайиш даврида ўринкўрпа қилиб ётилади, №1 парҳезда ўртача 2 ҳафта бўлиб, астасекин №2 парҳезга ўтилади, бунга шира ажралишини кучайтирувчи гўштли овқатлар, балиқли бульонлар, сабзавот ва мева шарбатлари, лимон, ёғсиз сельдь, икра, чучук пишлок, творог, кефир, сариёғ, қаймок, кунгабокар мойи, тухум, қотган оқ нон, қуритилган нон, натурал кофе, чой ва б.лар киради. Дағал клетчаткали овқатлар, ёғлиқ қ гўшт, янги нон, пиширилмаган сут, қаттиқ ва эритилган пишлоклар, қонсервалар, сирка, гармдори, ханталлар берилмайди. Бундай парҳез 2 ой давом этади.

*Helicobacter pylori* бактериялари аниқланганида антибактериал хусусиятга эга бўлган де-нол дориси буюрилади (бир ой давомида кунига 2–3 марта оч қоринга 1 таблеткадан ҳамда метронидазол (трихопол), фуразолидон ёшига қараб берилади.

Минерал сувлар: натрий хлорид, натрий гидрокарбонатли сувлар, ичиш тавсия этилади. Мактабгача ёшдаги болаларга шишли газсиз минерал сувни овқатдан 20–30 дақиқа олдин 100 мл дан кунига 3 марта ва мактаб ёшидаги болаларга 30–40 кун давомида кунига 3 марта 150 мл дан ичиш маслаҳат берилади, йил мобайнида 2–3 курс ўтказилади.

Оғриқ пайдо бўлганида спазмолитиклар қўлланади: папаверин, но-шпа; ҳолинолитиклар: платифиллин, атрофин, метацин. Кўрсатма бўйича седатив воситалар: валериана, триоксазин, элениум, седуксен, димедрол ва ҳ.к. Сурункали инфекция ўчоқлари (сурункали тонзиллит, синусит, тишлар кариеси) санацияси ўтказилиши шарт. Санаторийда даволаниш тавсия этилади.

### Диспансер кузатуви

Касаллик зўрайганда беморни шифокор биринчи йили ҳар кварталда кўриб боради, ундан кейинги йили 6 ойда 1 марта, ундан

кейинги йиллари йилига 1 марта кўради. ЛОР ва стоматолог йилига 2 марта, невропатолог йилига 1 марта, хирург оғир рефлюкс-гастритга кўрсатма бўлганда кўради. Қоннинг умумий таҳлили (ҚУТ), кенгайтирилган копрограмма қилинади, нажасда яширин қон борлиги текширилади. Эндоскопия ўтказилади, гижжа ва лямбилиялар текширилади. Баҳор ва кузда профилактик даволаш ўтказилади. Фитотерапия, физиомуолажалар, антацидлар, рефлюкс-гастритда антирефлюкс терапиялар шулар жумласидандир.

### **3.7. Сурункали гастродуоденит**

Гастродуоденит меъда антрапал қисми ва ўн икки бармоқ ичакнинг сурункали яллиғланиш касаллиги бўлиб, овқат ҳазм қилиш йўлининг шу қисмлари шиллик пардаси эпителийси регенерациясининг бузилиши, секретор ва мотор функцияларнинг ўзгариши билан кечади.

Ташҳисот мезонлари:

#### **1. Анамнези:**

Гастроэнтерологик касалликка мойиллик, овқат аллергияси, ҳар хил органлар ва тизимларнинг (эндокрин, сийдик ажратувчи, юрак-томир) сурункали патологияси, психовегетатив бузилиши хақида кўрсатмалар мавжуд.

#### **2. Клиник мезонлар:**

А) оғриқли абдоминал синдром – оғриқ ўртача интенсивликда баъзан кучли, кечки (овқат истеъмол қилинганидан 1–2 соат ўтганда), кечаси бўлади. Камдан-кам ҳолларда овқат истеъмол қилаётганда ёки овқат истеъмол қилган заҳоти ёки эрта ва кечиккан оғриқлар бирга пайдо бўлади. Эрта оғриқ эквиваленти болаларнинг тезда тўйиб қолиш сезгиси ҳисобланади. Оғриқ пилороуоденал соҳада, киндик атрофида ёки эпигастрал соҳада бўлади. Оғриқ синдроми февраль-март ойларида ва эрта кузда кучаяди. Пальпацияда оғриқ меъда ва ўн икки бармоқ ичак проекцияси жойида аниқланади.

Патологик жараённинг ўт йўллари, меъда ости бези, ичакка тарқалганлик аломатлари бўлиши мумкин.

Б) Диспептик синдром меъда ва ўн икки бармоқ ичакнинг, асосан, ҳаракат ва секретор функциялари бузилиши билан боғлиқ бўлиб, кўнгил айниши, кекириш, камдан-кам бир марталик овқатни қайт қилиш, ич қотиши ёки ичнинг бекарорлиги, полифекалияси ва

овқатнинг сездирмай ўтиб кетиши каби аломатлар билан ифодаланади.

В) Астеновегетатив синдром – толиқиши, лоҳаслик, бош оғриши, ранг оқариши, юрак-томир тизими (ЮТТ) нинг функционал бузилиши, неврозга ўхшаш ҳолат, полигиповитаминоз белгилари билан ифодаланади.

### 3. Параклиник мезонлар:

-қон таҳлили: жараён узок давом этганида эритроцитлар сони ва гемоглобин миқдорининг камайиши, эрозив шаклида қон зардобида гастринни кўпайиши қайд этилади;

меъда ва ўн икки бармоқ ичак эндоскопияси – шиллиқ парданинг кенг ёйилган ёки чегараланганд үзгаришлари аниқланади.

Шиллиқ парда шикастланишининг қуидаги шакллари фарқ қилинади:

- *юзаки гастродуоденит* – диффуз гиперемия, шиллиқ пардани шиши, бурмаларининг бир оз қалинлашгани, баъзан оқимтири караш учрайди;

- *гипертрофик гастродуоденит* – шиллиқ парда шишган, гиперемияли, донали кўринишда, майда нуқтали қон қуилганлиги аниқланади. Ичак бўшлиғидаги суюқлик хира, таркибида фибрин иплари бор;

- *эрозив гастродуоденит* – шиллиқ парданинг гиперемияланган фонида кўп сонли, камдан-кам якка ҳолдаги эрозиялар кузатилади, уларнинг ўлчами 0,5 см гача, туви текис, кулранг караш билан қопланган бўлади;

- *субатрофик (атрофик) гастродуоденит* – меъда ва ўн икки бармоқ ичакнинг шиллиқ пардаси оқарган, бурмалар юпқалашган, текисланган, томирлар расми кучайган.

Гастродуоденитнинг ҳамма шаклларида дуоденогастрал рефлюкс аломатлари: қорин бўйнининг очилиб қолиши, рентгеноскопияда меъда қалинлиги, рельефининг үзгариши, меъда ва дуоденит ҳаракатининг бузилиши аниқланади.

Меъда секрециясини текшириш – гиперсекреция ва гиперацидлик, камдан-кам ҳолларда кислотанинг меъёрда ҳосил бўлиши ёки гипоацидлик аниқланади.

## Гастродуоденитлар таснифи (Б.Г.Апостолов бўйича)

Вариант	Функционал–морфологик таснифи (куйидаги маълумотлар бўйича)			Касаллик даври
	ФГДС	Биопсия	Меъда секрецияси	
Пилородуо–денит (антродуо–денит )	Юзаки Гипертрофи к Эрозив	Атрофиясиз Атрофик А) ўрта атрофия	Кучайган Меърида Камайган	Зўрайиши Субремис сия Ремиссия
Гастродуо–денит Дуоденит –кенг ёйилган -чегараланган (бульбар)	Атрофик	Б)яққол атрофия		

### Даволаш

1. Авайлайдиган парҳез – 1, 1а, 1 б стол икки ҳафта давомида, сўнг аста-секин (6–8 ҳафта ичида) одатдаги парҳезга ўтилади.
2. Гиперсекрецияда –антацидлар («меъда ва ўн икки бармоқ ичак яра касаллигини даволаш»га қаранг).
3. Витамин U (метаметилсульфонил хлорид) 1 ҳафта давомида кунига 2 марта 0,05 г ўсимлик дорилари (чаканда – облепиха) ёғи овқатдан олдин 2–4 мл дан, мойчечак, ялпиз, бўйимодарон дамламалари берилади.
4. Оғриқ пайдо бўлганида спазмолитиклар: папаверин 10–20 мг кунига 2–3 марта 2%ли эритмаси 0,5–1,5 мл мушак орасига, но-шпа 20–40 мг кунига 1–3 марта буюрилади.
5. H. pylori ни даволаш учун даволаш жадвалидан фойдаланилади («меъда ва ўн икки бармоқ ичак яра касаллигини даволаш» га қаранг).
6. Гипосекрецияда – ўрнини босувчи терапия.

## **Меъдада овқат ҳазм бўлишини яхшиловчи дорилар**

№	Дорининг номи	Дозаси
1.	Абомин	$\frac{1}{2}$ таб. овқат билан
2.	Ацедин-пепсин	$\frac{1}{4}$ -1 таб. кунига 3 марта
3.	Пепсин	0,05–0,3 кунига 3 марта 1–3%ли хлорид кислота эритмасида
4.	Меъда шираси	3–10 мл овқат билан 2–3 марта

### **Диспансер кузатуви**

Шифокор касаллик зўрайганида биринчи йили ҳар кварталда, сўнг 6 ойда 1 марта – 2 йил давомида, ундан кейинги йиллари – йилига 1 марта текширади, ЛОР ва стоматолог йилига – 2 марта, невропатолог йилига – 1 марта, хирург керак бўлганида кўрувдан ўтказадилар.

Коннинг умумий таҳлили (ҚУТ), кенг копограмма, нажасда яширин қон борлиги текширилади, 6 ойдан сўнг ва зўрайганда 1 йилдан кейин эндоскопия, гижжалар ва лямблиялар текширилади.

Ҳисобдан чиқарилмайдилар, 14 ёшга етганларида ўсмиirlар шифокорига ўтказиладилар. Профилактик эмлашлар клиник ва эндоскопик ремиссия даврида амалга оширилади.

## **3.8. МЕЪДА ВА ЎН ИККИ БАРМОҚ ИЧАКНИНГ ЯРА КАСАЛЛИКЛАРИ**

Сурункали касаллик бўлиб, меъда ва ўн икки бармоқ ичак шиллиқ пардасининг яраланиши билан ифодаланади. Касаллик турли хил клиник манзара билан намоён бўлади, зўрайиш ва ремиссия даврлари билан кечади.

### **Ташҳисот мезонлари**

#### **1. Анамнези:**

Овқат ҳазм қилиш органлари касалликлари бўйича генеалогик анамнез мавжудлиги, яра касаллиги ривожланишида иштирок этувчи бир ёки бир неча омиллар мажмуига кўрсатмалар, ярадан олдинги ҳолат: овқатланиш тартибининг бузилиши, овқатнинг миқдори ва сифат жихатидан қўпол бузилиши, сурункали инфекция ўчоқлари, интоксикациялар, паразитлар, аллергик ва бошқа йўлдош касалликлар; узок давом этган салбий-эмоционал таъсиrlар

(оиладаги, мактабдаги ихтилофлар, қўшимча зўриқишлиар).

## 2. Клиник мезонлар:

### 1. Оғриқли синдром ва диспепсия:

Яра меъдада жойлашганда – дағал, ёғлиқ қ овқат ёки хом сабзовотлар истеъмол қилганидан 25–30 дақика ўтганда аниқ ритмда эпигастрия соҳасида илк оғриқ пайдо бўлиши, ҳаво билан кекириш, иштаҳанинг камайиши, овқат истеъмол қилган замоноқ қусиши, қорин деворининг антрап қисмида турғун оғриқ проекцияси, тўсатдан пайдо бўлган оғриқ йўқолганидан кейин ҳам сақланиб қоладиган оғриқ; меъдадан яширин қон кетиш белгилари, кислота ҳосил бўлиши меъёрдан пасайган ҳолда фермент ҳосил қилиш функциясининг кучайиши.

Яра ўн икки бармоқ ичакнинг пиёзчасида жойлашганда – оғриқ анча кучли, наҳорда (оч қоринда) пайдо бўлади, овқат истеъмол қилинганда камаяди, бироқ орадан 1,5–2 соат ўтгач яна рўй беради, кечаси кенг соҳага тарқалади ёки киндиқдан бир оз юқорироқда, пилородуоденал соҳада ёки қовурғалар остида бўлади, bemor сариқ-яшил рангли шилимшиқ қусади, нордон кекиради, жигифилдони қайнайди, иштаҳаси бузи лади ёки кучаяди, қабзият, пилородуоденал соҳа пальпация қилинганида оғриқ кузатилади; кўпинча патологик жараён ўт йўллари, ичак, жигар, меъда ости безига ҳам тарқалади.

Яра постбульбар соҳада жойлашганда наҳорда оч қоринда кесаётган ёки санчиқли характерда кучли оғриқ бўлиб, белга, қориннинг ўнг томонига тарқалади, ярага қарши даво қилинишигалашга қарамай 1 ой давомида кечаси кучли оғриқ тутади; кўпинча дуоденал қон кетиши, перфорация, пенетрация, стенозлар, перивисцеритлар кузатилади.

2. Астеновегетатив синдром: уйқунинг бузилиши, эмоционал лабиллик, тез чарчаш, жizzакилиқ, локал гипергидроз, артериал гипотензия, брадикардия, қизил дермографизм.

### 3. Параклиник мезонлар:

А) Меъда ва ўн икки бармоқ ичакнинг барийли масса билан рентгеноскопияси. Яра касаллигининг рентгеноскопик белгилари ҳақиқий ва билвосита бўлади.

Хақиқий белгиларига: яра тешигининг девори билан бирга яллиғланиши, меъда қонтурининг чандиқли деформацияси, бурмачаларнинг «тешик» йўналиши ёки яра чандиғи томон радиал қонвергенцияси киради.

Билвосита белгилариға: меъда тонусининг ўзгариши, ўн икки бармоқ ичак контрасти стази ёки унинг тезликда бўшаб қолиши, маълум жойида ичак шиллиқ пардаси рельефининг бузилиши, локал оғриқ, пилороспазм, меъда мушакларининг маҳаллий циркуляр спазларининг пайдо бўлиши, наҳорда сектетор суюқлиқ даражаси мавжудлиги ва б. киради.

Б) Эндоскопия: шиллиқ парданинг ҳар хил ўлчамли, шаклли ва чуқур тубли дефекти аниқланади, туби фибрин билан қопланган, йўлдош касаллик сифатида гастрит, гастродуоденит, дуоденогастрал рефлюкс, яра-чандиқли деформация белгилари учрайди.

В) Меъда секрециясини текшириш: хлорид кислота ва пепсиннинг, айниқса, секрециянинг базал босқичида гиперсекрецияси.

### Қиёсий ташҳисот

Яра касаллигини меъда-ичак йўлининг юқори қаватидаги бошқа касалликлардан фарқлаш ўтказилади: диафрагманинг қизил-ўнгач коваги чурраси, гастродуоденит, панкреатит; ўт йўллари касалликлари; буйрак патологияси, Золлингер-Эллисон синдроми, меъда ва ўн икки бармоқ ичакнинг ўткир яралари шулар жумласига киради.

### Даволаш

- Гастритдаги каби парҳез.
- Даволашда меъда ширасининг кислоталилигини пасайтириш етакчи ўринни эгаллайди.

Антациidlар – яххиси суюқ ҳолидаги; сўрилмайдиган алюминий ёки висмут билан (овқатлангандан 1–3 соат ўтгач 4–6 хафтадавомида кунига 4–6 марта.

### Антациidlар

№	Препарат (дори)	Таркиби	Дозаси
1	Альмагель	Алюминий гидрооксид магний оксид	бир ичишга $\frac{1}{2}$ - 2 чой қошиқ
2	Альмагель А	Юридагининг ўзи + анестезин	бир ичишга $\frac{1}{2}$ - 2 чой қошиқ
3	Алюмаг	Алюминий ва магний гидрооксид	бир қабулга 1 таб.

4	Викалин	Висмут нитрат, магний ва натрий гидрокарбонат	ҳар қабулга 1–2 таб.
5	Гастал	Алюминий ва магний гидроксид, магний карбонат	ҳар қабулга 1–2 таб.
6	Маалокс	Алюминий ва магний гидроксид	ҳар қабулга 1–2 таб. 5 мл суспензия
7	Фосфалюгель	Алюминий фосфат, пептин, агар	½ пакетини овқатдан олдин

3. Секрецияни тўхтатувчи воситалар анча қулай ва ишонарли: Н<sub>2</sub> – блокаторлар 3–4 ҳафтадавомида кунига 3 марта берилади. Уларни узоқ муддат (кечаси -1 доза) бериш рецидивлар сонини камайтиради. Блокаторларни бериш аста-секин тўхтатилиди.

4. Простагландинга ўхаш – мизопростол (кунига 2–4 марта 0,2 мг 4–6 ҳафтадавомида) дан фойдаланилади.

5. Яра ва эрозияларнинг битишига сукральфат ёрдам беради: ½ таб.дан кунига 4 марта.

6. H. pylori ни йўқотиш учун бир неча даволаш жадваллари таклиф қилинган.

7. Оғриқ пайдо бўлганида спазмолитиклардан фойдаланилади (папаверин 20–40 мг кунига 3–4 марта, 2%ли эритмаси 0,5–1,5 мл м/о, но-шпа 20–40 мг кунига 1–3 марта).

#### Секрецияни тўхтатувчи воситалар

№	Препарат (дори)	Дозаси
Меъданинг Н <sub>2</sub> рецепторлари блокаторлари		
1	Циметидин (Тагамет)	15–30мг/кг/кунига овқатдан сўнг (1/2 доза кечасига)
2	Ранитидин (Зантак, Язитин)	кунига 2–6 мг/кг ичиш; кунига венага 1–3 мг/кг
3	Фамотидин	кунига кечасига 0,3–0,6 мг/кг
4	Роксатидин (Роксан)	катталарга кунига 0,15 г
Н <sup>+</sup> , К <sup>+</sup> АТФ - аза блокаторлари		
5	Омепразол	10–20 мг кунига 1 марта
6	Ланзопразол	10–30 мг кунига 1 марта
M – холинорецепторлар блокаторлари		
7	Атропин	0,25 мг кунига 1–2 марта
8	Платифиллин	1 – 3 мг овқатдан олдин
9	Апрофен	20–30 мг/кунига ичиш ёки т/o (п/к)

Амоксициллинни ампициллин, эритромицин, тетрациклин билан алмаштириш мүмкін. Хеликоцинни (0,75 амоксициллин + 0,5 метронидазол) қўллаш қулай.

Чизма	Висмут субцитрат кунига 1-2 таб.	Амоксициллин кунига 100 мг/кг	Метронидазол кунига 20 мг/кг	Секрецияни тўхтатувчи воситалар
1	28 кун	18–28 кун	1–10 кун	H <sub>2</sub> -блокаторлар 28 кун
2	28 кун	28 кун	18–28 кун	Ранитидин 28 кун
3	–	14 кун	–	Омепразол 14 кун
4	–	28 кун	28 кун	–

### Диспансер кузатуви

Мутахассислар кўриги	Шифокор – биринчи йилда мобайнида кварталда 1 марта, сўнг 6 ойда 1 марта, ундан кейинги йиллари йилда 1 марта; Стоматолог ва ЛОР –йилига 2 марта; Невропатолог – кўрсатмага қараб; Санатория-курортда даволаш – яра дефекти эпителий билан қопланганида ва асоратлар йўқлигига.
Кўрувда аҳамият беринг	Умумий ҳолати, эпигастрал ва пилородуоденал соҳадаги оғриққа шикоятлар, улар иррадиацияси ва ритми, диспептик ҳолатлар, ич келиши характеристи, пальпацияда эпигастриядаги оғриқ ва мушакларнинг фаол ҳимоясига.
Текширув усуллари	Нажасда яширин қоннинг таҳлили, кенгайтирилган копограмма Даволашдан кейин 6 ой ва 1 йил ўтганида – ФЭГДС, қоннинг умумий таҳлили ва биокимёвий таҳлили.

Ҳисобдан чиқариш	Ҳисобдан чиқарилмайди. Ёши 14 га етганида ўсмирлар шифокорига ўтказилади
Профилактик эмлаш	Яра дефекти битганида

### 3.9. Сурункали панкреатит

Меъда ости безида тобора зўрайиб борадиган яллиғланишли-дегенератив жараён бўлиб, унинг охирги босқичида ациноз ҳужайралар ўрнини бириктирувчи тўқима эгаллашининг кучайиб бориши билан ифодаланади ва безнинг экзокрин ва эндокрин функцияси пасайиши билан бирга кечади.

Сурункали панкреатитларнинг бирламчи, иккиламчи, ирсий қайталанувчи шакллари фарқ қилинади.

Бирламчи панкреатит бу патологик жарён бўлиб, меъда ости бези тўқимасининг ўзини бирламчи яллиғланиши ривожланиши билан боғлиқ.

Иккиламчи панкреатит – болаларда кўп учрайди. Унинг реактив ва интоксиацион турлари фарқланади.

- *реактив панкреатит* меъда ости бези билан қўшни органларнинг сурункали касалликлари (меъда, ўн икки бармоқ ичак, ўт ажратувчи йўллар) фонида пайдо бўлади.

- *интоксиацион панкреатит* умумий касалликлар, заҳарланишлар, инфекцион моддалар алмашинуви бузилиши, инфекцион касалликлар натижаси ҳисобланади.

Ирсий қайталанувчи панкреатит муайян оилаларда кўпинча илк болаликда учрайди, аутосом-доминант типда авлодга ўтади ва яллиғланиш реакцияси унча ифодаланмасдан, меъда ости безида фиброз ривожланиши билан намоён бўлади.

### Ташҳисот мезонлари

#### 1. Анамнези:

Овқат ҳазм қилиш органлари (меъда яраси, гастродуоденит, холецистит, ўт ажратувчи йўллар дискинезияси ёки аномалияси)нинг сурункали касалликларига, аллергияга, ирсий мойилликка, овқатнинг мос эмаслигига, моддалар алмашинуви патологиясига, муковисци–дозга, оғир умумсоматик касалликларга, қорин жароҳатига, бактериал вирусли касалликлар ва

интоксикацияларни бошидан кечирганлигига кўрсатмалар бор.

## 2. Клиник мезонлар:

Оғриқли синдром – ўткир хуруж сифатида пайдо бўлади ва бир неча соат давом этади. Қайталанувчи шаклида эса кунлаб давом этади ёки доимий, кучли, зирқираб оғрийди, доимий оғриқли панкреатит синдромида оғриқ узок давом этади. Кўпинча оғриқ ҳаддан ташқари тўйиб овқат еганда, ёғлиқ овқат ва ширинликлар истеъмол қилинганда кузатилади. Оғриқ локализацияси безнинг шикастланган жойига боғлиқ, безнинг бошчаси шикастланганда – оғриқ киндикнинг юқори ўнг томонида, безнинг гавдаси шикастланганда – эпигастрал соҳада, думи шикастланганда – чап қовурға остида пайдо бўлади. Оғриқлар ўраб оловчи характерга эга.

Дисспептик синдром – иштаҳа бузилиши, кекириш, кўнгил айниши, турғун метеоризм, ёғлиқ, гўштли, ширин овқатларни кўнгил тортмаслиги, сўлак ажралишининг ортиши, ич қотишга мойиллик ёки ич қотишини ич кетиш билан алмашиниб туриши билан характерланади.

Астеник синдром – беҳоллик, гавда вазннининг камайиши, гиповитаминоз аломатлари, тез чарчаш, қўпинча бош оғрифи, эмоционал ҳолат билан ифодаланади.

## 3. Параклиник мезонлар:

- А) сийдик таҳлили – диастаза фаоллигининг ортиши;
- Б) қон биокимёси: амилаза фаоллигининг ортиши;
- В) копrogramma – яллиғланиш элементлари йўқлигига стеаторея, креаторея, аминорея;
- Г) УЗИ -безнинг ҳаммасида ёки бирон қисмида ўлчовлари ва зичлигининг ўзгариши, меъда ости безнинг оҳакланиш ҳодисаси;
- Д) рентгенологик текширишлар – панкреатин шираси ажраладиган йўллар бўйича тошлар ёки паренхиманинг оҳакланиши кўринади, экран назоратида аниқланадиган безнинг катталашгани ва оғриқли, Одди сфинктерининг етишмовчилиги, папиллит, дуоденит, дивертикулит хос.

## Болаларда сурункали панкреатитлар таснифи (Ж.П.Гудзенко, 1976)

Бирламчи Иккилам- чи	<p>Сурункали такрорланувчи панкреатит</p> <p>Доимий оғриқли синдром</p> <p>Сурункали панкреатит (яширин)</p> <p>Сурункали комулёз панкреатит</p> <p>Сурункали холепанкреатит</p> <p>Муковисцидоз билан хасталанган болаларнинг сурункали кистозли панкреатити</p>	<p>Ташқи секретор функцияси:</p> <p>А) меъёрда</p> <p>Б) гиперсекретор тип</p> <p>В) гипосекретор тип</p> <p>Г) обтурацион тип</p> <p>Ички секретор функцияси:</p> <p>Инсуляр аппарат гиперфункцияси</p> <p>Д) ингулятор аппаратни гипофункцияси</p>	Зўрайиши, Субремис- сия Ремиссия
----------------------------	---	--	---

### Даволаш

1. 3–5 кун давомида ўрин-кўрпа қилиб ётилади.
2. Парҳез: 1–3 кун ҳеч нарса емаслик, сўнг аста-секин парҳез кенгайтирилади (Певзнер бўйича № 5 стол).
3. Оғриқ синдроми пайдо бўлганда ва қайт қилганда эпигастрал соҳага ях қўйилади.
4. Спазмолитиклар биринчи 3 кунда парентералқўлланади, сўнгра ичиш тавсия этилади.
  - Но-шпа 2%ли эритмаси 1–2 мл м/о кунига 1–2 марта.
  - Папаверин 2%ли - эритмаси 0,5–1 мл м/о ёки т/о кунига 1–2 марта.
  - Платифиллин 0,2%ли эритмаси 1-2 мл т/о.
5. Ганглиоблокаторлар – кучли оғриқларда ва спазмолитиклар самараасизлигига
  - Галидор 2,5%ли эритмаси 1–2 мл м/о ёки в/и кунига 2 марта.
  - Бензогексоний 2,5%ли эритмаси 0,25–0,5 мл м/о.
  - Пентамин 5%ли эритмаси 0,25 – 0,5ли м/о ёки қуёш чигаси соҳасига ионофорез шаклида; уни 2%ли новокаин эритмаси билан алмаштириб турилади.
6. Диуретиклар 3 кун давомида – лазикс 2–4 мг/кг
7. Инфузион терапия 5–7 кун давомида:

- 10%ли глюкоза эритмаси 200–400 мл инсулин билан 5 г глюкозага 1 ТБ ҳисобида;
- физиологик эритма 200–400 мл дан;
- реополиглюкин, альбумин, неокомпенсан 10 мл/кг дан;
- аскорбин кислота 50–100 мг дан.
- кокарбоксилаза 50 мг дан
- 4%ли натрий гидрокарбонат (рН7,28).

8. Меъда ости бези яққол шишганида преднизолон қунига 2 мг/кг қисқа курс.

9. Гиперамиаземиянинг ўткир даврида протеолиз ингибиторлари:

- контрикал, трасилол, гордокс бемор ҳолатининг оғирлигига қараб қунига 1–2 марта венага 10–25000 ТБ томчилаб.

- 5%ли эпсилон-аминокапрон кислота 50 мл дан.

10. Ўринбосар терапия (тикланиш даври):

- Панкреатин, мезим-форте, панзинорм, фестал, дигестал, ораза, - 1 таб. ёки драже 5–6 ой давомида қунига 3–4 маҳал.

## 2. Тикланиш даврида:

- Ҳолестаз ва ўт йўллари гипертониясида – 20% сорбит, ксилит 30–50 мл 7–10 кун эрталаб оч қоринга ичилади;
- 25%ли магний сульфат 10–15 мл қунига 3 маҳал, 7–10 кун мобайнида;
- Холеретиклар
- Дуоденогastrал рефлюксда, қабзиятда, кекиришда – мотилиум 1 капсуладан 3 маҳал; церукал  $\frac{1}{2}$  таб. овқатдан олдин.

## **Сурункали панкреатит бўлган болаларнинг диспансер кузатуви.**

Мутахасси слар кўриги	Стационардан сўнг 1-йили – шифокор кварталда 1 марта, 2 йил мобайнида 1 йилда 2 марта, кейинги йиллари йилига 1 марта. ЛОР ва стоматолог кўриги йилига 2 марта.
Клиник- лаборатор текширувл	Умумий аҳволини баҳолаш. Оғриқ синдроми, диспепсик ҳолатни, қорин пальпациясини аниқлаш. Амилазани аниқлаш мақсадида қон таҳлили ҳар 6– 12 ойда, копrogramma 1 йил мобайнида ҳар

ар	кварталда, кейинги йили йилига 2 марта, кейинчалик йилига 1 марта. Кондаги қанд миқдорини ва қанд эгри чизигини йилига 1 марта ўтказилади.
Рецидивга қарши даво	Пархез : сурункали ўчоклар санацияси. Гастродуоденал зона йўлдош касалликларини даволаш, травмалар, вирусли инфекциялар профилактикаси. Ташқи секретор етишмовчилик белгиларида- ферментлар ёрдамида ўринбосар терапия. ЎРВИ дан сўнг 10 кун давомида фермент, 1 ой давомида – поливита–минлар, ўт хайдовчи биопрепаратлар. Фитотерапия. Минерал сувлар, ДЖТ. Жисмоний тарбия машғулоти – тайёрлов гуруҳида, 1 йилдан кейин – асосий гуруҳда. Проф эмлашлар хуружидан сўнг 1,5 ойдан кейин.
Самара дорлик мезон лари	Жисмоний ривожланиш кўрсаткичи меъёрда.
Рўйхат дан чиқариш	Рўйхатдан чиқарилмайди

### 3.10. СУРУНКАЛИ ЭНТЕРОКОЛИТ

- ингичка ва йўғон ичакнинг яллиғланиш касаллиги бўлиб, шиллик қаватининг дистрофик ўзгариши, функциясининг бузилиши.

Патологик жараённинг жойлашуви	1.Колит: а) тотал; б) тифлит; в) трансверзит; г) проктосигмоидит 2. Энтерит 3. Энтероколит
Морфологик ўзгариш характерлари	Катарап Катарап-геморрагик Эрозив-ярали Перивисцерит кўринишида

Кечиш фазалари	Авж олиш Ремиссия
Кечиш тури	Рецидивли Узлуксиз-рецидив
Функционал бузилиш характери	Мотор фаолиятининг бузилиши Хазм функциясининг бузилиши Сўрилиш функциясининг бузилиши

Клиник кўринишида мотор функциясининг бузилиши устунлиги (қабзият ва ич кетиш). «Спастик колит» ёки «йўғон ичак дисфункцияси» термини ўрнига «Таъсирланган йўғон ичак синдроми» деб номланади.

## ТАШҲИСОТ МЕЗОНЛАРИ

### 1. Анамнези:

ОИИ (салмонеллёз, дизентерия, энтеро- и ротавирусли инфекция, колиэнтерит), дисбактериозга кўрсатма, паразитар касалликлар овқат аллергияси: алиментар бузилишлар, дорилар қабул қилиш, туғма ёки орттирилган ферментатив етишмовчиликлар, неврологик бузилишлар, овқат ҳазм қилиш органларининг сурункали касалликлари, иммун бузилишлар, ичак аномалиялари.

2. Клиник мезонлар: оғриқ синдроми – киндик атрофига ва корин бўйлаб, ҳуружсимон дефекциядан кейин, газлар кетгандан кейин пасаяди: сут, сабзавот, мева совук ичимликлар қабул қилгандан кейин оғриқ кучаяди. Кўпинча куннинг иккинчи ярмида кечаси, жисмоний зўриқишдан кейин юзага келади. Ингичка ичак зараланиши учун чўзилувчан, тортувчи оғриқ хос, кучли, ҳуружсимон- йўғон ичак учун, корин пальпациясида ичак қовузлоқлари бўйлаб оғриқ таркалади.

Диспептик синдром – нажаснинг бузилиши ич кетиши кўринишида кўпроқ кечаси безовта қиласи. Қабзият билан алмашиниб келади. Тўлиқ бўшай олмаслик ҳисси, ахлат лентасимон ёки қўй юмалоғига ўхшаш кўринишда, метеоризм, корин қулдираши куннинг иккинчи ярмида безовта қиласи.

- Умумий энтерал симптомлар – гавда вазни камайиб, бўй ўсишининг орқада қолиши, тери қуруқлиги, тирноқларнинг синувчанлиги, соч тўкилиши, полигиповитаминос белгилари,

анемия, электролит бузилиши, оқсил минерал алмашинувининг бузилиши.

### 3. Параклиник мезонлар:

- Умумий қон таҳлили- Нв, лейкоцитларнинг пасайиши, ЭЧТ тезлашиши;
- Копрограммада – ахлат шаклининг ўзгариши, яллиғланиш элементлари, йодофил флора, овқат ҳазм қилишнинг бузилиши;
- Ахлат экишда – дисбактериоз;
- Ректо- и колоноскопия – шиллик қават ўзгариши- полип, яра, чандиқлар, эрозия аниқланиши;
- Рентгенологик текшириш (ирригоскопия) – ичак моторикаси– нинг бузилиши, аномалия ва бошқа органик бузилишлар.

### Қиёсий ташҳисот

Инфекцион характердаги касалликлар (дизентерия, сальмо–неллёз, иерсиниоз), лямблиоз, дисахаридаз етишмовчилиги, муковисцидоз, аппендицит, ичак аномалиялари, носспецифик ярали колит, Крон касаллиги, ичак дискинезиялари билан ташҳислаш.

### Даволаш

#### 1. Ярим ётоқ тартиби.

2. Парҳез –№ 4А, 4Б, 4В стол. Касалликнинг авж олиш даврида тўла қимматли парҳез, оқсил, ёғ, углеводлар меъёрда ош тУЗИ озгина, механик ва кимёвий таъсирловчиларни чеклаш. Шунингдек, ичакда бижгиш ва ачиш жараёнларини кучайтирувчи маҳсулотлар шўр, дудланган қовурилган овқатлар, қора нон, янги сут маҳсулотлари, қатиқ, гўшт ва балиқнинг ёғлиқ қисмлари, карам, нўхат, ловия, редиска, саримсоқ пиёз)ни тақиқлаш. Ҳамма овқатлар қайнатма ёки буғда пиширилган ёки қирғичдан ўтказилган бўлиши керак (4Б парҳез). Парҳезга амал қилиш муддати индивидуал қатъий. 4В парҳезга 2–4 ҳафтадан кейин ўтилади (нажас меъёрда оғриқ синдроми йўқолган ёки пасайган, диспептик ҳолат йўқолган). Агар кўп ич кетиш безовта қилса, авайлайдиган парҳез қўлланади.

3. Антибактериал препаратлар кенг таъсир доирасига эга бўлса овқатдан кейин 3 маҳал энтеросептол, кунига 2–3 маҳал 1 таб.дан мексаформ, 7–8 кун эритромицин, сульфасалазин (таб. 0,5г, болаларга 5–7 ёшдан 0,25–0,5г; катталарга 7 ёшдан 0,5 г кунига 3–6

маҳал) берилади. Зарурат туғилса дозани суткасига 5 г ошириш мүмкин. Ушлаб турувчи доза: 2–4 ой мобайнида суткасига 1–1,5г. Антибиотиклар эҳтиёткорлик билан қўлланади.

4. Йўғон ичак флорасини меъёрдалаштирувчи припаратлар: колибактерин, бифидумбактерин, бактисубтил 10–15 дозадан кунига 3 маҳал, бифинол 4–6 дозадан кунига 2–3 маҳал, интестопан 7–8 кун 1 таб.дан кунига 2–3 маҳал.

5. Фермент препаратлари: абомин 1 таб.дан кунига 2–3 маҳал, панкреатин 0,5–1г дан кунига 3–4 маҳал, полизим, панзинорм, миксазен, фестал, дигестал кунига 1–2–3 таб. 2–4 ҳафта мобайнида панкурмен йилига 3–4 курс.

6. Ўраб олувчи, сўрувчи препаратлар: крахмал оқ тупроқ (смекта кунига 1/2–1 пакет), висмут. Ўтлар (мойчечак –150–200мл клизма шаклида № 8–10 марта, эвкалипт ва б.) – ичилади ёки микроклизма ва шамчалар сифатида ишлатилади.

7. Аналъгезиялар, ҳолинолитиклар ва ганглиоблокатор препаратлар: метацин, платифиллин, новокаин, атропин ва б.

8. Қабзиятда — ўсимлик ёғидан микроклизма, шунингдек, балиқ ёғи ва наъматак ёғидан ( $35\text{--}40^{\circ}\text{C}$  гача иситиб 1 та клизма 25–30 мл 8–10 марта), облепиха, Шостаков бальзами, прополис ( 10–15 мл клизма) яримга-ярим ўсимлик ёғи билан 8–10марта.

9. Витаминлар гуруҳи В, РР, С парентерал 15–20 кун, перорал – витамин А, рибофлавин мононуклеотид, фолат кислота.

10. Антигистамин препаратлар: димедрол, супрастин, тавегил, фенкарол, диазолин ва б., 2 ҳафта мобайнида.

11. Физиотерапевтик даво касаллик даврига боғлиқ: ҳурож даврида – қоринга қуруқ иссиқ, грелка; ремиссияда – озокерит, парафин, диатермия.

12. Касалликнинг ремиссияи даврида санаторий-курортларда даволаниш тавсия этилади. Ичакнинг функционал ҳолатига боғлиқ ҳолда минерал сувлар ичиб туриш лозим.

13. Касалликнинг ремиссия даврда жисмоний машқлар билан шуғулланиш тайинланади.

## **Сурункали энтероколити бўлган болаларни диспансер кузатуви**

Мутахас-сислар кўриги	Педиатр – 1 йилда кварталда 1 марта, сўнг 2 йил давомида йилига 2 марта, кейинчалик йилда 1 марта. Оғир формасида ҳар ойда. ЛОР ва стоматолог кўриги йилда 2 марта. Невропатолог ва хирург – кўрсатмага кўра. Гастроэнтеролог – йилда 1–2 марта.
Кўшимча текширувла р	Копrogramma –биринчи йили ҳар кварталда, сўнг 6 ойда 1 марта. Нажасни яширин қонга – ярали колитда ҳар кварталда ва кўрсатмага кўра. Дисбактериоз, гельминтлар, лямблияга 6 ойда 1 марта.
Жисмоний тарбия гуруҳи	Биринчи йили –максус тайёрлов. 2–3 йилдан сўнг асосий (яра колити ва Крон касаллиги бор bemорлардан ташқари).
Профилакти к эмлаш	Тўлиқ ремиссия даврида ҳуруждан 2–8 ой кейин.
Рўйхатдан чиқариш мезонлари	Касалликнинг клиник-лаборатор белгилари йўқлигига ҳууждан 3–4 йил кейин.

## **III БОБ. ЖИГАР ВА ЎТ АЖРАТУВЧИ ТИЗИМ КАСАЛЛИКЛАРИ**

### **3.11. ЎТ ЙЎЛЛАРИ ДИСКИНЕЗИЯСИ**

Ўт пуфаги функционал ҳаракатининг ва ўт йўлларининг бузилиши натижада ўн икки бармоқ ичакка ўт суюқлиги келишининг издан чиқиши.

#### **ТАШХИСОТ МЕЗОНЛАРИ**

##### **1. Анамнези:**

Невротик ҳолатлар, энцефалопатия, меъда сурункали касалликлари, ўн икки бармоқ ичак касаллиги, жигар, меъда ости бези, ичак касалликлари, ўт пуфаги ва ўт йўллари аномалияси, ЛОР органлар ўчиқли инфекциялари, дисбактериоз, паразитлар, инвазиялар, овқат аллергиялари, эндокрин бузилишлар, физик активликнинг етишмовчилиги алиментар бузилишлар аниқланади.

##### **2. Клиник мезонлар:**

А) оғриқ синдроми – овқатистеъмол қилгандан 20–30 дақиқадан кейин ўнг қовурға остида оғриқ пайдо бўлади. Иррадиацияланмайди, ҳар хил интенсивликда ва давомийликда. Оғриқ давомийлиги ва характеристи дискнезия турига боғлиқ: гипертоник ва гиперкинетик турида оғриқ санчувчан, ҳуружсимон, сиқувчан характеристеда, кўпинча қисқа манфий эмоцияга алоқадор бўлади, жисмоний зўриқишида оғриқ, тенг баравар камаяди. Гипотоник ва гипокинетик турда доимий, тўмтоқ, симилловчи характеристерда бўлади.

Б) Диспептик синдром – кўнгил айниши, хиқичок тутиши, жигилдон қайнаши, ОИТда органик патология бўлганда оғизда аччиқлик ҳисси. Ўт пуфагида димланиш бўлганда ва ичакка етарли етиб бормаганда қабзият кузатилади.

##### **3. Параклиник мезонлар:**

А) УЗИ: ўт пуфагининг тез ёки секин бўшашиши, ўт пуфаги димланиши, деворининг гомоген зичлашиши кўринишида ўт пуфаги ёки йўллари аномалияси.

Б) холецистография: ўт пуфаги ҳаракат функциясининг

бузилиши, қонцентрацион функциясининг билинарсиз ўзгариши, аномалияси.

В) дуоденал зондлаш: нонуштадан кейин Одди сфинктери очилишининг бузилиши, ўт пуфаги ҳажми ва ўт фракциясининг тезлиги ошиши.

Г) қонни биокимёвий текшириш жигарнинг функционал ҳолатини баҳолаш имқонини беради, етишмаслигига 4 та синдром кузатилади:

- гепатоцитларнинг некрозгача парчаланиши-цитолизи ( АлТ, АсТ ошиши, зардобда Fe ошиши);
- мезенхимал яллиғланиш (юқори молекуляр глобулинлар, иммуноглобулинлар ошиши, тимол синамаси мусбат, ЭЧТ тезлашган);
- холестаз (ишқорий фосфатаза активлиги ошиши, холестерин микдори ошиши, ўт кислота ва боғланган билирубин кўрсаткичлари ошиши);
- гепатоцеллюляр етишмовчилик (зардобда альбумин, холестерин, протромбин, проқонвертин пасайиши).

Қиёсий ташҳисот

Сурункали ҳолецистохолангит, ўт-тош касаллиги, гастродуо-денит, яра касаллиги, сурункали гепатит, сурункали панкреатит билан қиёсий ташҳис ўтказилади.

### **Болаларда ўт йўллари дискинезияси таснифи (Э.И. Дружинина, 1980)**

<b>Дискинезия турлари</b>	<b>Ўт йўллари моторики</b>	<b>Ўт пуфаги қонцентрацион функцияси ҳолати</b>	<b>Жигар функционал ҳолати</b>
Гипертоник	сфинктер спазми	бузи лмаган	сақланган
Гиперкинетик	сфинктер етишмовчилиги	бузи лмаган (бузилиш даражасини ҳолеграфия маълумотлари ёрдамида	сақланмаган (холестаз, цитолиз, мезенхимал-яллиғланиш ёки айрим функциялар
Гипотоник			
Гипокинетик	ўт пуфаги гипертонияси		

	ўт пуфаги гипотонияси жигар ичи йўлларида ўт димланиши.	кўрсатинг) и бузилиши)
--	---	---------------------------

Поликлиник босқичида асосий соғломлаштириш йўллари:

1. Парҳез № 5–6 ой давомида, кейинчалик кенгайган ҳолатда;
2. Дискинезиянинг гипотоник ва гипокинетик типида:
  - ўт ҳайдовчи дорилар 3 ой давомида 10–14 кундан
  - сорбит, ксилит билан тюбаж 4–5 марта, ҳафтада 1 марта.  
Даволаниш 1 йилда 2 марта;
  - ўнг қовурға равоғи ости соҳасини магний электрофорези қилиш 10–12 марта. 1 йилда 1 марта;
  - витаминалар В1, В2, В6 керакли дозаларда. 2 ҳафта мобайнида.  
Даволаш курси 1 йилда 2 марта;
  - ДЖТ
3. гипертоник ва гиперкинетик турларида :
  - Ўт ҳайдовчи чой 6 ой давомида ҳар ойда 2 марта;
  - седатив препаратлар 2 ҳафтадавомида. Даволаш курси йилига 2 марта;
  - иссиқ физиомуолажалар 10–12, йилига 2 марта;
4. санаторий-курортларда даволаш.

### Ўт йўллари дискинезияси бўлган bemорларда диспансер кузатуви

Мутахассислар кўриги	Кузатув давоми й лиги	Жисмон ий гуруҳи	Профилактический этиап	Рўйхатдан чиқариш мезонлари
Педиатр – 6 ойда 1 марта. ЛОР,	2 йил	1- 6 ойда тайёрлов,	Оғриқ синдром	Оғриқ синдроми,

стоматолог, невропатолог – йилда 2 марта; хирург – күрсатма бўйича; гастроэнтеролог - 1 йилда 1 марта күрсатма бўйича		кейин асосий	и йўқолга ндан кейин рухсат берилад и	холестаз, ичак функцияси бузилиши белгилари йўқ
--	--	-----------------	---	--

### **3.12. СУРУНКАЛИ ХОЛЕЦИСТИТ (ХОЛЕЦИСТОХОЛАНГИТ)**

Ўт пуфаги ва ўт йўлларининг бактериал, вирусли ва нобактериал этиологияли яллиғланиши. Кўпинча иккиламчи бўлиб, дискинетик бузилишлар фонида ривожланади. Бундан ташқари, ўт йўллари аномалиялари, ўт пуфаги коллоид таркиби бузилиши, айрим гижжа инвазиялари сабаб бўлади.

#### **ТАШҲИСОТ МЕЗОНЛАРИ**

##### **1. Анамнези:**

Бошдан кечирилган оғир касалликлар (сепсис, эпидемик гепатит, ичак инфекцияси) қўзғалишнинг даврийлигини кўрсатади; аллергик ҳолатлар ўт пуфаги аномалияси, асосан, бўйин қисмида, ўт-тош касаллиги, моддалар алмашинувининг бузилиши, иммунодефи–цит ҳолатлар, сурункали меъда, ўн икки бармоқ ичак ва меъда ости бези касалликлари, дизбактериоз, бошдан кечирилган ўткир холецистит, паразит тухумлари топилиши, инфекция ўчоқлари, сил инфекциясини юқтириш.

##### **2. Клиник мезонлар:**

**А) Оғриқли абдоминал синдром** – ўнг қовурға равоги остида ва эпигастрияда узок ҳуружсимон оғриқлар пайдо бўлади кам ҳолларда номаълум жойларда, кўп ҳолларда совук, ёғлиқ, қовурилган овқатлар, тухум, аччиқ, газли суюқликлар истеъмол қилганда кузатилади. Баъзан асаб бузилишларидан кейин жисмоний зўриқища чўчиш бўлади. Оғриқ ўнг елкага, умров ва куракка тарқалади. Пайпастлагандаги кориннинг ўнг юқори квадратида Шофффар зонасида ва Керра нуқтасида оғриқ кузатилади, Ортнер, Мерфи симптомлари мусбат.

**Б) Диспептик синдром** – кекириш, қусиш, күнгил айнаши, оғизда ёкимсиз таъм, метеоризм, қабзият.

**В) Астеновегетатив синдром** – субфебриллитет, бош оғриги, қўзғатувчанлик, ҳолсизлик, тез чарчаш.

### Сурункали холецистит таснифи (Е.М. Лукъянова, 1986)

Ўт пуфагининг зарарланиш формаси	Кечиши	Даврийлиги
Холецистохолангит	Рецидивланувчи	Кўзғалиш
Холецистит	Латент	Нотўлиқ ремиссия
Холангит		Тўлиқ ремиссия

### 3. Параклиник мезонлар:

- умумий қон таҳлили – анемия, лейкоцитоз чапга силжиган. ЭЧТ тезлашган;
- қон биокимёси – панкреатит билан бирга амилаза активлигининг ошиши. Холестазда билирубиннинг ошиши, холестерин, ишкорий фосфатазалар, ДФА синамаси, СРБ, фибриноген В ошиши кузатилади, β-липопротеид пасайиши аникланади;
- УЗИ – ўт пуфагининг деворининг қалинлашиши, тошлар, умумий ўт йўлининг ўзгариши, ўт пуфаги ҳажмининг ўзгариши;
- холография – ўт пуфаги размерини ўзгариши, қонцентрацион функциясининг бузилиши.

### Қиёсий ташҳисот

Ўт йўллари дискинезияси, ҳолелитиаз, гастродуоденал зона касалликлари меъда ости бези касалликлари билан.

### Даволаш

1. Кўзғалиш даврида касалхонада ёки поликлиника шароитида мактабга бормасдан, 2–4 ҳафта давомида даволаниш.
2. Аёвчи тартиб, қўзғалиш даврида ўрин-кўрпа қилиб ётиш.
3. Парҳез – Певзнер бўйича №5 стол – холестеринга бой, экстрактив маҳсулотларни чеклаш, 5–7маҳал овқатланиш,

таркибида оқсил, ёғ, углеводлар сақловчи озик-овқатлар ёшига мос ҳолда берилади. Пархез камида 1йил сақланади. Касалликнинг биринчи кунлари кўнгил айниши, қусиши кучли бўлса, кисел, бўтқалар, минерал сувлар тавсия этилади.

4. Кучли оғриқ ҳуружларида спазмолитик терапия: 2%ли но-шпа 5–12 кун давомида суткада 1–2 маҳал 0,5 – 1мл ёки но-шпа таблеткаси  $\frac{1}{2}$ –1 таб. З маҳал берилади. Кучли оғриқ ҳуружларида нош-па +0,2%ли платифилин эритмаси (0,5–1мл)+50% Анальгин эритмаси (0,5–1мл 12 ёшли бола учун) қилинади. Максиган, спазмолгон, спазмолин хам оғриқсизлантирувчи таъсирга эга. Агар оғриқ қолмаса, 0,1%ли атропин эритмаси 12 ёшга 0,5 мл қилинади. Умумий ҳолатини яхшилаш учун но-шпа, никошпан, белладонна препаратлари, папаверин ичирилади. Спазмолитик препаратлар bemornining умумий аҳволи ва АБ назоратида буюрилади.

5. Кучли қўзғалиш даврида антибактериал терапия 7–10 кун давомида микрофлора сезувчанлини аниқлаган ҳолда. Сурункали холецистит (холецистохолангит) энг маъқул келадиган антибиотик – бу цефалоспоринларни III авлодига мансуб – Цефограм (цефтриаксон) ва Цебанекс (цефоперазон+сульбактам), чунки бу антибиотиклар кенг таъсир спектрига эга бўлиб, 40% цефограм ва 75% цефоперазон ўт орқали ажралиб, бу патологик яллиғланишни даволайди. Цебанексни қўллаганда даволашни самарадорлиги ошади, бемор тез кунда тузалиб, касалликни сурункали кечуви кузатилмайди. Шундай экан, касалликларни тез ва осон енгиш учун замонавий дори воситаларидан кенг фойдаланиб антибиотикотерапияни рационал қўллашга интилайлик.

6. Ўт хайдовчи препаратлар 1 ой давомида:

- Гипотонияда – магний сульфат 25%ли эритмаси иссиқ ҳолда 1 чой қошиқ – 1 дес. ўртача қошиқдан кунига 3 маҳал;
- Ксилит, сорбит 10–20% эритмаси кунига 20–30 мл 2–3 маҳал овқатдан 30 минут олдин ичилади;
- Юқоридагилар билан тюбаж қилинади;
- Чин холеретиклар – аллохол 1 таб.дан кунига 3 маҳал, холензим 1 таб.дан кунига 3 маҳал, никодин (0,5г)1 таб. Дан кунига 3 маҳал, оксифенамид (0,25) 1 таб.дан кунига 3 маҳал, ҳолагол 5 томчини қандга томизиб кунига 3 маҳал ҳамишабаҳор ўти (10 г 200,0 сувга) 50 мл дан кунига 3 маҳал овқатдан олдин.

7. Ўт суюқлиги қуюқлашганда, холестазда: маккажүхори попуги қайнатмаси 1–1,5 ой давомида 5 томчидан кунига 3 маҳал, ўт ҳайдовчи чой (1 ош қошиқ йиғмани 200.0 қайнаган сувда 30 мин. давомида дамлаб) – 1–1,5 ой давомида 1/2 стакандан кунига 3 маҳал.

Антибактериал даво билан биргаликда жигар соҳасига индукто-терапия, диатермия, УВЧ, парафин аппликацияси, озокерит, уй шароитида – дамланган сулидан апликация қилиш, қумдан илиқ апликация қилиш. Йил давомида 2–3 марта физиодаво ўтказиб турилади. Узоқ муддат давомида ўт ҳайдовчи терапияга, минерал сувлар, витаминлар, гигиеник гимнастика, ДЖТ, кейинчалик-ҳаракатли ўйинлар, спорт билан шуғулланишга аҳамият бериш керак. Агар бемор ахлатида лямбливия топилса фуразолидон, трихопол ёки тинидазол препаратларини 3 кунлик, 3 курс 5–7 кун интервал билан даволанади.

### **Сурункали холециститли беморларни диспансер кузатуви**

Мутахассислар кўриги	Педиатр – 1 йилда кварталда 1 марта. Стоматолог ва ЛОР йилига 1 марта, бошқа мутахассилар кўрсатма бўйича.
Текшириш усуллари	Йилига 1–2 марта УҚА: 1 йилда 1 марта қон биокимёси. УЗИ ва бошқа инструментал текширувлар кўрсатма бўйича.
Рўйхатдан чиқариш	Камида 3 йилдан кейин.
Профилактик эмлаш	Хуруждан 6 ой кейин.
Жисмоний тарбия гуруҳи	Тайёрловчи

### **3.13. СУРУНКАЛИ ГЕПАТИТ**

Жигар касалликлари гуруҳига кирадиган, қўзғатувчиси турлича бўлиб, морфологик ўзгаришлари турли даражали, камида 6 ой давом этадиган касаллик.

## Сурункали гепатит таснифи (Лос-Анжелес, 1994)

Этиологияси	Фаоллик даражаси*	Сурункалика үтиш даражаси**
Вирусли	Минимал	Йўқ
Автоиммун	Кам ифодаланган	Кучсиз
Дорига боғлиқ	Кучсиз	Бир оз
Криптоген	Яққол	Оғир Цирроз

\*- некротик белгилар яққол бўлганда аниқланади.

\*\*- фиброз ифодаланганда аниқланади.

Сурункали вирусли гепатит кўпинча В, С, Д вируслари қўзғатади (HBV, HCV, HDV). Жигардаги клиник- морфологик ўзгаришлар хужайраларда вирус репликацияси, иммунологик бузилиш, орган ва тўқималарда иммунопатологик ўзгариш билан боғлиқ.

Сурункали атоиммун гепатит патогенези асосида номаълум этиологияли иммунологик механизmlар ётади. В, С, Д гепатитнинг серологик белгилари кузатилмайди.

Сурункали дорига боғлиқ гепатит – жигарнинг яллиғланиш касаллиги бўлиб, тиббий қўрсатма бўйича терапевтик дозада дориларнинг токсик таъсирига ҳамда ҳар бир дорини юбориш йўли ва синқразиясига боғлиқ.

Сурункали криптоген гепатит – гепатитга хос морфологик ўзгаришлар вирус атоиммун ва дорилар сабаб бўлмагандан юзага келади.

### ТАШҲИСОТ МЕЗОНЛАРИ

#### 1. Анамнези:

Ўткир вирусли гепатитни бошдан кечирганлиги, вирусли гепатитли бемор билан мулоқотда бўлганлиги ёки HBs Ag аниқланиши, пешобнинг тўқ рангга кириши ва ахлатнинг рангизланиши, дори-дармонлар билан даво олганлиги, ирсий мойиллиги, атоиммун касаллик билан касалланганлиги.

#### 2. Клиник мезонлар:

- Астеновегетатив синдром – холсизлик, яққол сезиларли бўшашганлик, иш қобилиятининг пасайиши, неврозлик ипохондрия, озиш.

- Геморрагик синдром – бурун қонаши ва бошқа жойдан қон кетиши, петехиялар, кўп менархе.

- Оғриқ синдроми – ўнг ёнбош соҳасида оғриқ, жисмоний зўриқишдан кейин кучайиши, овқатга боғлиқ бўлмагна оғриқ.

- Гепатолиенал синдром – жигар катталашиши ва зичлашиши, талоқнинг сезиларли катталашиши.

- Диспептик синдром – овқат ва дори моддалар қабул қилгандан сўнг кўнгил айниши, қусиш, анорексия, диария ва қабзият.

- Енгил жигар етишмовчили синдроми – уйқучанлик, қон қуйилишлар, ўтиб кетувчи сариқлик, асцит, холестаз белгилари (тери қонаши, қонда билирубин, холестерин, ишқорий фосфатазалар миқдорининг юқорилиги), “жигар белгилари” (пальмар эритема, томир юлдузчалари).

- Жигардан ташқари белгилари – иммун ва хужайра генезига эга бўлган артралгиялар, иситма, панцитопеник синдромлар.

### 3. Параклиник мезонлар:

- 1) қон биокимёси: боғланмаган билирубин, холестерин юқори, гипоальбуминемия, гипергаммаглобулинемия, трансаминаза ва тимол синамаси (+), вирус репликацияси белгилари (HBV, HCV, HDV серологик маркерлар (+)).

- 2) умумий қон тахлили-ЭЧТ юқори, лейкоцитоз, тромбоцитопения;

- 3) коагулограмма – қон ивиши бузи лган;

- 4) УЗИ – жигар ва талоқ катталашган, зичлашган;

- 5) компьютер томография – жигар структураси ўзгарган.

Қиёсий ташҳисот

Ўткир гепатит, ёғли ва пигментли гепатоз, реактив гепатит, гемолитик анемия турлари билан.

Даволаш

**1. Қўзғалиш даврида ярим ётоқ тартиби.**

**2. стол № 5-парҳез, ёшига мос ҳолда. Касалликнинг фаол фазасида**

оқсил 10–15% оширилади (творог ва қайнатилган гүшт ҳисобига). Глюокортикоидлар берилганда (мушак оқсиллари парчаланиши ҳисобига) оқсил 30–50% га оширилади. Оқсилни чеклаш терминал ҳолатга олиб келади. Касалликнинг нофаол фазасида ўсимлик мойи ҳисобига ёғлиқроқ овқатлар берилади (суткалик рационини 15 % ташкил қилиши керак).

**3.** Аутоиммун ўзгаришлар вирусли гепатит В, С, Д да, оғирлик даражасидан қатъи назар, ноактив рекомбинант интерферон билан даволанади:

- Велферон, интерферон А, роферон – 4 ёшгача бўлган болаларга 500 минг ХБ 14 кун давомида кунига 2 маҳал, кейин 1 млн ХБ 5,5 ой давомида ҳафтада 3 марта; 4 ёшдан катталарга дозаси 2 марта кўпайтирилади.

**4.** Аутоиммун ўзгаришлар билан кечадиган сурункали гепатит В, С, Д да (гаммаглобулинемия 23% ва ундан юқори) дастлабки преднизолон терапия ўтказилади:

- 1–2 ҳафта – преднизолон (таб. 0,005г) 0,6 мг/кг/сут;
- 3 ҳафта – преднизолон 0,45 мг/кг/сут;
- 4 ҳафта – преднизолон 0,25 мг/кг/сут.
- 2 ҳафталик гавдаффусдан сўнг интерферонотерапия 5 млн ХБ дан 4–6 ой давомида ҳафтада 3 марта.

**5.** Аутоиммун гепатитда – иммуносупрессив терапия (глюокортикоидлар, цитостатиклар):

- Преднизолон (таб.) 1–3 мг/кг дан берилади.
- Азатиоприн (таб. 0,05г) 0,002 г/кг/сут 3–4 марта, 6–12 ой давомида.

**6.** Гепатопротекторлар:

- эссенциале 1 ой давомида овқат билан 1 капсуладан кунига 3 маҳал ёки 10–15 кун давомида 5% ли 10 мл глюкозани венага юбориш;
- легалон, карсил, силибинин 2–3 кун мобайнида кунига 1 драже (0,035 г) дан 3 маҳал овқатдан кейин;
- силибор 1 таб. (0,04г) дан кунига 3 маҳал 2–3 ҳафта;
- ЛИВ-52 1 таб. дан кунига 3 маҳал 2–3 ҳафта;

- сирепар (фл. 10 мл) 2 мл дан м/о ёки венага ҳар куни, № 10–12.

**7. Липотроп препаратлар 1 ой давомида:**

- липой кислотаси 1 таб. (0,025г) дан кунига 3 маҳал овқатдан кейин;
- липамид 1 таб. (0,025г) дан кунига 3 маҳал овқатдан кейин;
- холин хлорид 20%ли эритмаси 1 чой қошиқдан кунига 3 маҳал.

**8. Витаминтерапия 1 ой давомида:** ретинол ацетат 1 таб./капс. (3300ХБ) кунига 3 маҳал ёки ёғлиқ эритма (100минг. ХБ/мл) 1–2 томчидан кунига 2 маҳал;

- токоферол ацетат 1 капс. дан кунига 2 марта ёки 10%ли эритмаси кунига м/о 1 мл;
- тиамин бромид 1 таб. (0,0026г) дан кунига 1 маҳал ёки 6%ли эритмаси м/о 0,5–1 мл дан. № 10;
- пиридоксин гидрохлорид 1 таб. (0,01г) дан кунига 1–2 марта ёки 5%ли эритмаси м/о, т/о 0,5–1 мл дан. № 10;
- витамин С 0,1 г дан кунига 3 маҳал ёки таксофит – витамин С 1таб. ни 1 стакан сувга солиб ичиш;
- никотинамид 1 таб. (0,025г) дан кунига 3 маҳал овқатдан кейин;
- поливитаминалар кунига 1 маҳал.

**9. Ўт ҳайдовчи терапия:** холеретиклар (аллохол 1 таб.дан 3 маҳал овқатдан кейин, ҳолензим 1 таб.дан, дегидроҳол кислота 1 таб. (0,2г)дан 3 маҳал ёки ҳологон ва б.), холекинетиклар (Демьянов тюбажи, сульфат кислота, сорбит, ксилит, тухум сариғи ва б.), ўт ҳайдовчи ўтлар (ҳамишабаҳор гулчалари, маккажухори попуги, наматақ, пижма ва б.) дамламаси. Ҳафтада бир-икки марта тюбаж қилинади. Холеретикларни 1 ойда 2 ҳафталик курс билан қўллаш тафсия этилади. Ўт ҳайдовчи терапияни узоқ муддат қўллаганда қон яратувчи органлар фоалияти назорат қилиб турилади, чунки анемиянинг ривожланиш хавфи бўлиши мумкин.

**10. Минерал сувлар билан даволаш 1 йилда 2–3 марта ўтказилади.** 2–3 мл/кг 3 марта иссиқ ҳолатда овқатдан 10–15 минут олдин меъда шираси секрецияси паст бўлганда ва секрецияси 1- соатларда

юқори бўлган ҳолларда берилади. Курортларда даволаш сурункали персистирланувчи гепатитнинг нофаол фазасида мумкин. Минерал сувлар билан даволангандага бошқа ўт ҳайдовчи дорилар берилмайди.

### **Сурункали гепатитли беморларни диспансер кузатуви**

Мутахассислар кўриги	Шифокор ҳар кварталда активлик даражасига боғлиқ ҳолда. ЛОР ва стоматолог – 1 йилда 1 марта , хирург кўрсатма бўйича.
Текширув усуллари	УҚА 3 ойда 1 марта, қон биокимёси текшируви 6 ойда 1 марта, сийдик ва ўт пигментининг таҳлили 2–3 ойда бир марта.
Жисмоний тарбия гурухлари	Асосий
Профилактик эмлаш	1 йилдан кейин эпид кўрсатма бўйича болани тайёрлагандан сўнг.

## **IV БОБ. ЮРАК-ҚОН ТОМИР КАСАЛЛИКЛАРИ**

### **3.14. РЕВМАТИЗМ**

Ревматизм (Сокольский-Буйо касаллиги) – бириктирувчи түқиманинг токсикоиммунологик касаллиги бўлиб, ўткир инфекция (А гуруҳдаги β-гемолитик стрептококк) таъсирида юрак-қон томир системасига заар етказади.

***Кисел-Жонс-Нестеров ташҳисот мезонлари:***

**Асосий:** кардит, полиартрит, хорея, ревматик тугунчалар, ҳалқасимон эритема, ревматик анамнез, ревматизмда ўтказилган давонинг самарадорлиги.

**Кўшимча:** гавда ҳароратининг кўтарилиши, бўғимда оғриқ, лейкоцитоз, ЭЧТ ошиши, стрептококк инфекция, серологик ва биокимёвий ўзгаришлар, капиллярлар ўтказувчанлигининг ошганлиги, чарчаш, қоринда оғриқ, бурун қонаши.

**Ревматизмнинг таснифи (А.И. Нестеров, 1964)**

Фаол-лиги	Клиник-анатомик заарланиши		Кечиши	Қон айланишининг бузилиши
	Юрак	Бошқа органлар		
Фаол (1, 2, 3 даража) Нофаол	1) ревмокардит бирламчи: а) клапан нуқсонсиз б) клапан нуқсони билан 2) қайталанувчи ревмокардит 3) яққол бўлмаган юрак ўзгаришлари	полиартрит, серозит (плеврит, перитонит, абдоминал синдроми), хорея, энцефалит, менингоэнцефалит, церебрал васскулитлар, асад ўзгаришлари пневмония,	ўткир ўткирроқ давомий қайталанувчи чўзилган латент	ҚАЕо ҚАЕ1 ҚАЕ 2А ҚАЕ 2Б ҚАЕ3

	4) ревматик миокардиоклероз	тери зараланиши, ирит, иридоциклит, тиреоидит		
--	-----------------------------	---	--	--

### Даволаш

1. Функционал синамалар назорати остида ётоқ режимини кенгайтириш;
2. Гипоаллерген пархез; ҚАЕ 2Б-3 даражасида – 7-стол (түзсиз); ҚАЕ 2А даражасида – 5-стол; ҚАЕ 0 даражасида – 10-стол.
3. Пенициллин қатори антибиотиклари: бензилпенициллин (фл. 0,25; 0,5; 1; 5; 10 млн ТБ) 100 минг б/кг/ сут; ампициллин (фл. 0,25; 0,5; 1; 2 г) 1–4 г/сут; карбенициллин (фл. 1 г) 1–6 г/сут.
4. Цефалоспоринлар: Цефазим (цефотаксим) (фл. 0,25; 0,5; 1; 2 г) 1–2 г/сут; Цефограм 20-100 мг/кг м/о ёки т/и, Цебанекс 40-80 мг/кг м/о ёки т/и, цефазолин (фл. 1г) 1–6 г/сут.
5. Макролид: эритромицин (фл. 0,3 г; таб. 0,2; 0,25; 0,5 г) 0,4–1 г/сут; азитромицин, сумамед (таб. 0, 125 г; капс. 0,5 г; сироп фл. 5 мл 0,1 г,0,25–0,5 г/сут.
6. НЯҚП: аспирин (таб. 0,1; 0,25; 0,3; 0,325; 0,5 г) 0,2 г/ёшига/сут 2г; индометацин (таб. 0,025; 0,5 г) 0,001-0,003 г/кг/сут; ибупрофен (таб. 0,2; 0,4; 0,8 г) 0,01-0,04 г/кг; диклофенак-натрий, вольтарен, ортофен (таб. 0,025; 0,1 г; фл. 1 мл 0,025 г) 0,002- 0,003 г/кг/сут.
7. Юқори активлик даражасида (3): преднизолон (таб. 5 мг)-1 мг/кг/сут 2-3 ҳафта аста-секин камайтириш.
8. Кечиши чўзилишига мойиллик бўлса: делагил (таб. 0,25г), плаквенил (таб. 0,2г) 100–400 мг/сут 3–12 ой.
9. Юрак гликозидларини тўйинтириш дозаси: дигоксин (таб. 0,25 мг) 0,03–0,1 мг/кг.
10. Сийдик хайдовчи: лазикс 1–2 мг/кг ичишга, м/о, гипотиазид 2–3 мг/кг; верошпирон 2–3 мг/кг.

11. Панангин 1 таб. дан кунига 1–3 марта.

12. Витамин В, С.

### Реабилитацияси

1. Сурункали инфекция учогини санациялаш

2. 5 йил давомида ҳар йили бициллинопрофилактика ўтказиш

➤ Бициллин-1 600000 Б м/о, 2 ҳафтада 1 марта – 7 ёшгача; 1 200 000 Б м/о, 4 ҳафтада 1 марта – 7 ёшдан катталарга;

➤ Бициллин-5 750 000 Б м/о, 2 ҳафтада 1 марта; 7 ёшдан катталарга – 1500000 Б м/о, 4 ҳафтада 1 марта.

3. Ўткир интеркурент касалликлар қўшилса 10 кун давомида яллиғланишга қарши препаратлар қўлланлади.

4. Ангинада пенициллин билан даво 10 кун давомида.

5. Жисмоний тарбия машғулотлари: хуруждан кейинги биринчи йилда – ДЖТ; иккинчи йили – махсус гурӯҳ; учинчи йили – тайёрлов; тўртинчи йили – асосий, мусобақалардан озод қилинган ҳолда. Бешинчи йил – асосий гурӯҳ.

### Ревматизми бор болаларнинг диспансер кузатуви ва реабилитацияси

Мутахассислар кўриги	Хуруждан кейин 3 ой давомида ҳар ой; кейин ҳар кварталда бир марта 9 ой давомида; 1 йилда 2 марта педиатр, кардиоревматолог, невропатолог кўриши керак. Стоматолог, ЛОР – 2 марта. Окулист – 3–6 ойда бир марта.
Кўрувда аҳамият беринг	Ангина ЎРВИ тез-тез бўлишига, чарчаш, хансираш, хомсемизлик, жигарнинг катталashiши. Юрак уриб кетиши, бўғимларда оғриқ, пульс, К/Б, юрак чегаралари тонларининг баландлиги, ритм бузи лганлиги, юракдаги шовқин, гиперкинез, бурун қонаши, абдоминал синдром.
Қўшимча текширувлар	УҚА – 3 ойда 1 марта: бир йиллик кузатувда. Кейин 1 йилда 2 марта: УҚА,

	СРБ қон таҳлили ,сиал кислотаси, АСЛ-0, АСТ, умумий сийдик таҳлили, ФКГ. Юрак рентгенограммаси 3 проекцияда. ЭхоКГ, функционал синамалар.
Асосий соғломлаштириш йўллари:	Сурункали инфекция ўчоқлари санацияси. Интеркурент касалликларни 10 кун ЯҚНП ва антибиотиклар билан даволаш. Бициллинопрофилактика. Кунига 3–4 соат очик ҳавода бўлиш, қуёш нурида тобланиш, санатория-курортларда даволаниш.
Кузатув давомийлиги	5 йил, агар юрак нуқсонлари шаклланса – ҳар доим.

### 3.15. АРИТМИЯ

Аритмия – юрак ритми ва ўтказувчанлигининг юрак қисқаришларининг ва юракнинг асосий функциялари ўзгаришида камералар муносабатининг вақтинчали бузилиши.

Юракда асосий функциялари ўзгарганда юзага келади:

- автоматизм: синусли тахи- ва брадикардия;
- қўзғалувчанлик: экстрасистолия, пароксизмал тахикардия;
- ўтказувчанлик: блокадалар;
- қисқарувчанлик: альтернировчи ва парадоксал пульс;
- комбинирланган аритмиялар: синус тугунидан, қоринчалардан вақтдан олдин қўзғалиши, А- В диссоциацияси.

#### Аритмиянинг асосий клиник шаклари таснифи (Н.М.Шевченко, А.А. Гросс, 1992)

1. Вақтдан олдинги комплекслар (экстрасистолия, парасистола):

- қоринча усти
- қоринча

2. Юрак ритмининг эктопик тезлашиши:

- бўлмача

➤ АВ боғланишлар ритми

➤ идиовентрикуляр

### 3. Тахиаритмиялар:

➤ қоринча усти: (синусли тахикардия; бўлмача тахикардияси; титроқ аритмия, АВ тахикардия-1) тугунли ва 2) кўшимча ўтказувчи йўллар);

➤ қоринча: тахикардия, титраш ва қоринчалар фибрилляцияси.

### 4. Синус тугуни дисфункцияси:

➤ синусли брадикардия;

➤ 2-даражали синоатриал блокада ;

### 5. АВ бузилиш ва қоринчалараро ўтказувчанликнинг бузилиши:

➤ АВ блокада;

➤ қоринчалараро блокада;

➤ қоринчалар олди қўзғалиши.

### Даволаш

1. Гипокалиемияда – калий препаратлари: панангин (аспаркам) ½-1 таб.дан кунига 2–3 маҳал.

2. Гиперкалиемияда – 10%ли кальций хлорид 5–10 мл м/о.

3. Рибоксин, инозие-Ф (таб. 0,2 г) ½-1 таб.дан кунига 2–3 маҳал;

4. ККБ 50–100 мг м/о № 20–30; пиридоксин гидрохлорид 0,001–0,0025 г/сут ёки 6%ли эритмасидан 0,5–1 мл дан м/о, № 15–30;

5. Хинидин (таб. 0,1 г) 0,1–0,5 г/сут; новокаинамид (амп. 10%–5 мл; таб. 0,25 г) 0,01–0,03 г/кг/сут; аймалин (амп. 2,5% – 2 мл; таб. 0,05 г) в/и томчилаб 100 мл 0,9%ли натрий хлорид эритмасида, ичишга 1/8–1 таб.

6.  $\beta$ -адреноблокаторлар: обзидан, анаприлин, пропранолол (таб. 0,01; 0,04 г; амп. 0,1% – 5мл) 1–2 мг/кг/сут.

7. Реполяризацияни пасайтирувчи препаратлар: амиодарон, кордарон (таб. 0,2 г; амп. 1 мл = 0,05 г) 8–10 мг/кг/сут; орнид (амп. 1 мл = 0,05 г) 2–4 мг/кг/сут м/о ёки в/и;

8. Кальций каналларини блокловчи: верапамил, изоптин, финоптин (таб., др. 0,04; 0,08; 0,12; амп. 1 мл=2,5мг) 20–40 мг тил остига; в/и 1–3 мл (1–3 мг/кг/сут);

### ***Пароксизмал қоринчалар усти тахикардияси:***

1. Седатив препаратлар: корвалол, валокордин, валериана, арслонқұйруқ (пустырник) 1 томчидан/ёшига ёки седуксен, элениум, тазепам ½-1 таб.дан кунига 1 марта.
2. Панангин ½-1 таб. кунига 1 марта.
3. Адашган нервни рефлектор құзғатиши.
4. 15–30 мин. давомида нафи бүлмаганда – верапамил (изоптин) 1/2–1 таб. (20–40 мг) тил остига эзилган ҳолда қўйилади.
5. 40–60 мин. давомида нафи бүлмаганда – строфантин 0,05% в/и 0,05–0,1 мл/ёшига 0,5 мл дан 10–20 мл физиологик эритмада.
6. Қайталувчи хуружларда – изоптин ёки кордарон ярим дозасида 1–2 ой давомида ҚБ ва ЭКГ.

### ***Аритмияси бор болаларнинг диспансер кузатуви ва реабилитацияси***

Мутахассис лар кўриги	Йилида 2 марта – педиатр, ЛОР, стоматолог. Кардиоревматолог –йилида 1–2 марта, кўрсатма бўйича – психоневролог, эндокринолог, гинеколог.
Кўрувда аҳамият беринг	Шикоятлари: тез чарчаш.АБ, пульс кўрсаткичлари, юракдаги ўзгаришлар динамикаси, жисмоний зўриқтириш. Асосий синдромни ажратиш : кардиал, невротик, астеник, вегето-дистоник.
Кўшимча текширув-лар	Йилида 2 марта: умумий қон таҳлили, умумий сийдик таҳлили, ахлат таҳлили:; ФКГ; функционал синама (30 секундда 20 марта ўтириб туриш,); вегетатив тонусни текшириш, кардиоинтервалография.
Асосий соғломлаштириш йўллари	1.Сурункали инфекция ўчоғини санация қилиш 2.Интеркуррент касалликларни даволаш 3.Кардиотрофик препаратлар йилда 1–2 марта кўрсатма бўйича 4. Невротик синдромда седатив препаратлар 5.Вегетодистонияда: ➤ ваготоник турида: беллоид, белладонна,

	<p>атропин, бўйин соҳасига Са билан электрофорез;</p> <p>➤ симпатикотоник турида: магнезия билан электрофорез, в/блокаторлар (обзидан, индерал)-кўрсатма бўйича.</p> <p>6. Тоза хавода юриш, сузи ш, циркуляр душ, даво ванналари.</p> <p>7. Санатория-курортда даволаш: Крим, Қора денгиз, Кавказ тоғларида.</p>
Кузатув	2 йилдан кам эмас, юрак ритми бузи лганда – доимий кузатув.
Жисмоний тарбия	Юрак ритми бузилганда - озод қилиш. Токсик формаларида 1- йили -тайёров гурухларида, кейинчалик ҳолатига қараб.
Профилактика өмлаш	Мумкин

### Касалхонага ётқизишга кўрсатма

Шошилинч	Режали
<ul style="list-style-type: none"> <li>- Гемодинамика бузилиши</li> <li>- Реанимацион кўрсатма</li> </ul>	<ul style="list-style-type: none"> <li>- Аритмия, 1- марта аниқланганда, қониқарли ҳолатда</li> <li>- даволаш самараси бўлмаганда (оғир аритмия)</li> <li>- хирургик даво керак бўлганда.</li> </ul>

### 3.16. ВЕГЕТО - ТОМИР ДИСТОНИЯСИ

ВТД – экзоген ва эндоген этиологияли омиллар таъсирида қон томирлар реактивлиги ва тонусининг ўзгариши, вегето қон томир аппаратини тугма ва ортирилган функционал ўзгарувига сабаб бўлади.

Ташҳисот мезонлари

1. Анамнези:

Вегетатив дисфункциялар, соматик патологиялар ва перинатал ривожланиш, қонституционал- туғма ва психо-эмоционал омиллар, пубертат давридаги эндокрин ўзгаришлар билан боғлиқ.

## 2. Клиник мезонлар:

a) Кардиоваскуляр симптом – кардиалгия, юракнинг тез уриши, юрак соҳасида дискомфорт, аритмия, гипертензия ёки юқори sistолик гипертензия ; тери мармарсимон, ҳолсизлик, унинг кучайиши, бош айланиши, хушдан кетиш.

b) Меъда-ичак симптомлари - иштаха пасайиши, ўт йўллари дискинезияси, ичаклар дискинезияси.

c) Респиратор бузилишлар симптоми– ҳаво етишмаслик ҳисси, нафасдан тўймаслик, буғилиш ҳисси, хансираш.

d) Неврологик симптомлар– бош оғрифи, кўпинча узоқ давом этувчи, кўнгил айнаши, қайт қилиш, терморегуляциянинг ўзгаришлари (субфебриллитет, яллиғланиш белгиларисиз фебриллитет, эмоционал лабиллик, кайфият тушиши, уйқу бузилиши); стабил микро ўчоқли симптомлар ва вегетатив лабиллик (рефлекслар кўтарилиши, енгил анизорефлексия, қовоқ, тил учи ва қўллар тромори, тери гипергидрози, дермографизм ), неврологик статусда ўчоқли бузилишлар йўқлиги.

## 3. Параклиник мезонлар:

1) Вегетатив реактивликни текшириш (клино-ортостатик синови, рефлексоген зоналар қўзғалиши, Чермакнинг кўз- юрак рефлекси, синокардиал рефлекс, фармакологик ва функционал синовлар (иссик, совуқ), вегетатив нерв системаси фаолиятининг таъминланиши (10 минутли клиник-ортостатик синов, кардиоинтер-валография);

2) реоэнцефалография – қон томир тонусини, томир деворининг эластиклигини, қон билан тўлишини кўрсатади;

3) электроэнцефалография – ритмнинг дезорганияси ва десин-хронизацияси аниқлайди;

4) вегетатив тонусни аниқлаш А.М.Вейн (1981) томонидан ишлаб чиқилган ва жадвал ёрдамида болалар ёшига мослаштирилган.

## Болаларда вегетатив тонусни анықлаш

<b>Мезонлари</b>	<b>Симпатикотоник</b>	<b>ВНС нисбий мувозанат</b>	<b>Ваготоник</b>
<b>1</b>	<b>2</b>	<b>3</b>	<b>4</b>
Тери : ранги	оқарган	норма	қизаришга мойил
Қон томир сурати	ўзгармаган	ўзгармаган	мармарсимон, қўл-оёқларда цианоз
Ёғланиш	пасайган	норма	ошган, хуснбузар
Тер ажралиши	камайган ёки ошган	норма	ошган, гипергидроз, кафт, товон, қўлтиқдан тер ажралиши
Дермографизм	оч пушти, оқ	қизил, нотурғун	қизил, турғун
Шишларга мойиллиги	ўзгармаган	ўзгармаган	хос

### **Терморегуляция**

Гавда ҳарорати	Гавда ҳароратининг ошишига мойил	норма	пасайган
Совук қотиши	йўқ	хос эмас	ошган
Дим хоналарни кўтара олмаслик	қониқарли	қониқарли	ёмон
Инфекциядаги ҳарорат	юқори	37,5-38° С	субфебрил, узоқ
Гавда вазни	озишига мойиллик	норма	семизликка мойиллик
Иштаҳаси	ошган	норма	пасайган
Чанқаш	ошган	йўқ	йўқ

### **Юрак-қон томир тизими**

Юрак	узайган	норма	пасайиши,
------	---------	-------	-----------

қисқариш тезлиги			нафас аритмияси, тахикардия, жисмоний зўриқиши
Систолик ҚБ	норма ёки ошган	норма	пасайган
Диастолик ҚБ	норма ёки ошган	норма	Норма ёки пасайган
Юрак уриши	хос	хос эмас	баъзан
Кардиалгия	бўлиши мумкин	хос эмас	баъзан
Бош айланиши	бўлмайди	бўлмайди	хос

### ***Нафас тизими***

Нафас тезлиги	норма ёки ошган	норма	пасайган, нафаси чукур
Хансирашга шикояти, «Нафас олиш чиқариши»	хос эмас	хос эмас	хос

### ***Меъда ичак йўли***

Сўлак ажралиши	хос эмас	хос эмас	хос
Корин оғриғига ва кўнгил айнишига шикояти	хос эмас	хос эмас	хос
Ичаклар моторикаси	атоник қабзиятларга мойил, перистальтика сусайган	норма	спастик қабзият, метеоризмга мойиллик, ич кетиши, ОҚТ дискинезияси, кечки пайт газ хосил бўлишининг кучайиши

Сийдик чиқаруви	қисқа ва күп	норма	тез-тез кам-камдан
Энурез	бўлмайди	бўлмайди	тез
Аллергик реакциялар	кам	кам	тез-тез
Лимфатик тугун, бодом безлари, аденоидлар катталашуви	бўлмайди	кам-кам	хос
Кечки пайтда ва кечқурун оёқ оғриғи	бўлмайди	бўлмайди	тез -тез
Қорачиқ	кенгайган	норма	торайган
Бош оғриғи	бўлади	кам-кам	хос, мигренга хос
Темперамент	кайфият ўзгарувчан	босиқ	босиқ, апатик, депрессия, неврастения
Жисмоний фаоллиги	эрталаб ошган	старли	пасайган
Рухий фаоллик	хаёлпараст, чалғувчан, кечқурун фаоллиги юқори	норма	фикрини жамлаш қобилияти яхши. Куннинг иккинчи ярмигача фаол
Уйқу	кеч ухлайди, эрта туради, безовта	уйқуси яхши	чуқур, узок
Вегетатив юрак, пароксизмлар	қон босими кўпинча кўтарилган, тахикардия, ҳарорат кўтарилган, қалтираш, кўркув хисси	йўқ	кўпинча хансираш, кўп терлаш, қоринда оғриқ, қусиш, бош оғриғи, қон босим тушган, ҳарорат

			пасайган
<b>ЭКГ маълумотлари</b>			
ЮҚС	тахикардия	норма	брадикардия
Синусли аритмия	бўлмайди	кам бўлади	хос
P п,ш амплитудаси	юқори	одатдагидай	пасайган
T I, II, V-5 тишлар	текислашган, 2 фазали, тинч ҳолатда ва турганда манфий	норма	баланд, ўткирлашган
S-T интервали	тинч ҳолатда ёки клиноортосина- масида ўрта чизикдан паст	норма	ўрта чизикдан юқори

### ВТД синдромининг таснифи(Н.А. Белоқонъ ва б., 1987)

ВТД келиб чиқиши:	<ul style="list-style-type: none"> <li>➤ бирламчи</li> <li>➤ иккиламчи (биринчи ўринда сурункали соматик касаллик туради)</li> </ul>
Олиб келувчи этиологик омиллар:	<ul style="list-style-type: none"> <li>➤ МНТ нинг резидуол органик касалликлари</li> <li>➤ невротик ҳолат</li> <li>➤ пубертрат давр</li> <li>➤ жароҳат олгандан кейинги давр</li> <li>➤ қонституционал вегетатив дисфункция</li> <li>➤ сурункали декомпенсацияланган тонзиллит ва бошқалар</li> </ul>
Вегетатив тонуси бўйича:	<ul style="list-style-type: none"> <li>➤ ваготоник</li> <li>➤ симпатикотоник</li> <li>➤ аралаш</li> </ul>

	<ul style="list-style-type: none"> <li>➤ эйтония: ваготоник белгилар 4 тадан кўп эмас; симпатикотоник эса 2 тадан кўп эмас</li> </ul>
Организмда жойлашуви:	<ul style="list-style-type: none"> <li>➤ ўт чиқарув йўллари, ичак дискинезияси</li> <li>➤ артериал гипо- ёки гипертензия</li> <li>➤ нафас неврози</li> <li>➤ функционал кардиопатия</li> </ul>
Кечиши:	<ul style="list-style-type: none"> <li>➤ перманент</li> <li>➤ пароксизмал</li> <li>➤ латент</li> </ul>

### Қиёсий ташҳисот

Вегетатив дистония сабабини аниқлаш учун биринчи навбатда висцерал тизимнинг органик патологиясини инкор қилиш керак.

### Даволаш

1. Вегетатив дистония сабабига таъсир қилиш: сурункали инфекция ўчоғи, асад-рухий зўриқишиларни йўқотиш; қонституционал ва пуберват етишмовчиликда умумқувватловчи ва чиниқтирувчи муолажалар.

2. Эмоционал ҳолатни яхшилаш: психотерапия, седатив препаратлар (валериана, арслонқуйрук, мойчечак); кичик транквили-заторлар (тазепам, феназепам); вегетонияда психостимуляторлар (лимон дамламаси, женьшен илдизи, радиола, аралия, элеутерококк экстракти, дуплекс, сидиокарб).

3. Вегетотроп воситалар пароксизм вақтида симптомларни ҳисобга олиб берилади:

симпатикотонияда – марказий ва периферик холинолитиклар (анаприлин, традикор, вискен): аскорбин ва глютамин кислота, сиднокарб; β-адреноблокаторлар; β-адреноблокаторлар (пирроксан), ганглиоблокаторлар (ганглерон, пенталгин);

➤ ваготонияда – марказий ва периферик холинолитиклар (амизил, циклодол), ганглиоблокаторлар, симпатик тонусни

стимулловчи воситалар (кофеин, кальций препаратлари, сиднокарб),

➤ аралаш пароксизмларда: беллоид, беллатаминал, белласпон.

4.Баъзи симптомларни коррекциялаш: астенияда – сиднокарб, ацефен; гипервентиляция бузилишида – нафасни даволаш машқлари; вестибуляр бузилишларда – стугeron, дедалон, торекан.

5.МНТ да моддалар алмашинувини яхшилаш – аминалон, пирацетам, энцефабол, церебролизин, глицин;

6.Микроциркуляция ва томир тонусини яхшилаш – трентал, кавинтон, стугeron, сермион, ксантинал никотинат;

7.Массаж, ДЖТ, сув муолажалари, иглорефлекстерапия, электрдаволаш (электртүрүк, дори билан транскраниал электростимуляция).

### **Вегето-томир дистониясили болаларни диспансер кузатуви ва реабилитацияси**

Мутахассислар кўриги	Педиатр, ЛОР, стоматолог 1 йилда 2 марта. Кардиоревматолог –1 йилда 1-2 марта; психоневролог, эндокринолог, гинеколог - кўрсатма бўйича.
Кўрувда аҳамият беринг	Шикояти, тез чарчаш, вегетатив тонуснинг келиб чиқиши, ҚБ кўрсаткичи, пульс, юракда ўзгаришлар, улар динамикаси. Жисмоний зўриқишига реакцияси. Асосий синдром ва вегетатив таъминлаш вариантини ажратиш.
Кўшимча текширувлар	Йилда 2 марта : умумий қон ва сийдик тахлили; ахлатни гижжа тухуми ва содда паразитларга текшириш; ЭКГ, функционал синама зўриқиши билан (30 секундда 20 та ўтириб туриш); вегетатив тонусни текшириш; кардиоинтервалография
Асосий соғломлаштириш йўллари	1) сурункали инфекция ўчоғи санацияси – 2) интеркуррент касалликларни даволаш 3) кардиотрофик воситалар йилда 1–2 курс

	<p>4) невротик синдромда седатив препаратлар:</p> <ul style="list-style-type: none"> <li>- ваготоник типда: беллоид, белладонна, бўйин-елка соҳасига атропин кальцийли электрофорез;</li> <li>- симпатикотоник типда: магнезияли электрофорез, в/ блокаторлар (обзидан, индерал).</li> </ul> <p>5) тоза ҳавода кўпроқ бўлиш, чўмилиш, даволовчи ванналар, циркуляр душ</p> <p>6) санатория-курортларда даволаш. Крим, Қора денгиз, Кавказ санаторияларда.</p>
Кузатув давомийлиги	2 йилдан кам эмас. Юрак ритмининг турғун бузилишларида- болаликнинг бутун даврида.
Жисмоний тарбия	Юрак ритмининг бузилишларида ва гипертоник кризда спорт мусобақаларидан озод этиш.
Профилактик эмлаш	Қарши қўрсатмалар йўқ.

# **В БОБ. БИРИКТИРУВЧИ ТҮҚИМАНИНГ ЗАРАРЛАНИШИ БИЛАН КЕЧАДИГАН ДИФФУЗ КАСАЛЛИКЛАР**

## **3.17. СИСТЕМАЛИ ҚИЗИЛ ЙОГУРУК**

Системали қизил югурук - этиологияси ноаниқ, системали аутоиммун ревматик касаллик бўлиб, иммун-бошқарув механизми-даги генетик нуқсон асосида ривожланади. Бунда ядро таркибига нисбатан кенг спектрли органоспецифик аутоантителолар ва иммун комплекслар куп миқдорда ишлаб чиқарилади ва улар түқиманинг иммун яллигланишига ҳамда ички органлар функцияларининг бузилишига олиб келади.

### **ТАШХИСОТ МЕЗОНЛАРИ**

#### **1. Анамнези:**

Ирсий мойиллик, яқин қариндош, эгизакларнинг касалликлари ва HLA тизими бўйича алоҳида касалликларнинг маркерлари аниқланиши, трансплацентар ўтадиган сурункали узлуксиз инфекция, секинлик билан таъсир этадиган вируслар (ретровируслар). Қуйидагилар ҳал қилувчи омил ҳисобланади: стрессли вазиятлар, совкотиш, гиперинсоляция, оқсил ва кимевий препаратларни нотўғри қўллаш.

#### **2. Клиник мезонлар:**

СКЮни ташхислаш белгиларига (Америка ревматологлар асоциацияси мезонлари, 1982) қуйидагилар киради: эритематоз «капалак», дискоид тошма, фотодерматит, оғиз бушлиги шиллиқ қаватларида яралар, артрит, серозит (плеврит, перикардит), буйрак ва марказий асад тизимининг жароҳатланиши.

Клиник белгиларнинг қолганлари ва кўп учрайдиганлари (гавда ҳарорати ошиши, дистрофия, лимфоаденопатия ва б.) қўшимча мезонларга киритилиши лозим.

Юқорида қайд этилган 8 та мезондан болаларда ташхислаш учлиги (тери синдроми, артрит, полисерозит) эътиборни ўзига тортади:

**Тери синдроми:** ўз ичига 28 хил тошмаларни (эритеатоз даглардан то оғир буллёз ўзгаришларгача) олади. Патогномоник белги бу «капалак» – бурун усти ва атрофида эритема. Сурункали кечишида 25% bemорларда гиперемия, инфильтрация, фолликуляр гиперкератоз ва чандиқли атрофия билан кечадиган дискоид ўчоқлар пайдо бўлади. Болаларда кўпинча оғиз бўшлиғи шиллиқ

қаватларининг нуқтали геморрагияли энантемаси ва эрозияси учраб, оғриқсиз еки овқат истеъмол қилинаётганда оғриқ билан кечади. Бу жараённинг зўрайишида энантемалар оқ чандиқларга айланади. СҚЮ да қўп ҳолларда теленгиоэктазия ва тери қуруқлиги, диффуз соч тўкилиши, тирноқнинг деформацияси ва синиши каби умумий трофик ўзгаришлар учрайди.

**Люпус-артрит** қўпинча транзитор интенсив («морфинли») артralгия, миалгия билан бирга кузатилади. Полиартритда эса майда, ўрта бўғимларнинг асимметрик заарланиши (бармоқ, кафт-билак ва болдир-оёқ панжаси бўғимлари), кам ҳолларда – йирик бўғимларнинг заарланиши рўй беради. Синовиал суюқликда – ревматоид артритдан фарқли ўлароқ – ёпишқоқлик даражаси юкори, кам миқдорда, LE- гавдачалар бўлиши мумкин. Рентгенологик текширишда бўғим тирқиши қисқариши, остеопороз аниқланади.

**Полисерозитлар** СҚЮнинг эрта симптомларидан бири бўлиши мумкин ва қўпинча адгезив перикардит қўринишида намоён бўлади: интенсив кардиалгия, тахикардия, юрак товушининг бўғиқлиги, хансираш ва перикарднинг нодоимий ишқаланиш шовқини. Плеврит – икки томонлама, қайталанувчи, фибринозли қуруқ ёки хўл. Кам ҳолларда перитонит ва периепатит бўлади.

**Кардиал синдром.** СҚЮ учун Либман-Сакснинг сўгалли эндокардит, кейинчалик митрал клапан етишмовчилиниң ривожланиши билан кечиши: юрак чўққисида дағал систолик шовқин, унинг чап қўлтиқقا ўтиши, I товушнинг сусайиши, ўпка артериясида II товуш акценти, рентгенологик - юракнинг «митрал» қонфигурацияси характерли.

**Томир заарланиши синдроми.** Қўпинча дигитал капилляритлар, коронарит, кам ҳолларда - аортит. Ҳар тўрттадан бир bemорда хуруж вақтида васкулитнинг аломати сифатида оёқлар тромбофлебити кузатилади. Мезентериал артериит СҚЮда абдоминал кризнинг сабабчиси бўлади.

**Буйрак синдроми.** Люпус - нефритнинг миллий таснифи (В.В. Серов ва ҳаммуаллифлар, 1980) асосида 7 хил морфологик ўзгаришлар ётиб (ўчиқли пролиферативдан то фибробластик ўзгаришгача), улар динамик жараённинг даврлари сифатида қаралади. И.Е Тарееванинг таснифига асосан нефритнинг қуйидаги формалари ажратилади: тез ривожланадиган (2–3 йил) – 10–20%;

нефрит нефротик синдроми билан – 30–40%; нефрит кучайган сийдик синдроми билан – 30–35%; нефрит минимал сийдик синдроми еки субклиник протеинурия (сийдикда оқсил 0,5г. дан кам) билан. Люпус-нефрит активлигининг клиник-лаборатор белгилари: протеинурия  $> 1$  г/суткада; эритроцитурия 1 мл сийдикда  $> 10000$ . цилиндрлар гиалинли, донадор 1 мл сийдикда 250  $>$  қон зардобида креатининнинг ошиши; коптокча фильтрациясининг сусайиши.

Меъда-ичак йўли (МИЙ)нинг заарланиши ҳар иккинчи bemорда учрайди. Шикоятлар-кўнгил айниши, иштаҳа йўқлиги, жигилдон қайнаши кабилар. Қорин соҳасидаги турли хил оғриқлар МИЙ нинг у ёки бу соҳасидаги патологик жараённи кўрсатади ҳамда абдоминал кризда жарроҳ қўригининг зарурияти туғилади.

Нейролюпус СҚЮли болаларнинг ҳаммасига хос бўлиб, мигрендан то энцефаломиелополирадикулоневритгача. Нейролюпусни ташҳислаш учун катта мезонлардан бири ёки кичик мезоннинг бири ва ЭЭГ, сцинтиграмма, церебрал агниографияда ёки цереброспинал суюклика (оқсил  $> 0,5\text{--}1,0$  г/л, плеоцитоз, босимнинг ортиши) ўзгариш мавжуд бўлиши керак.

### Системали қизил югурук кечишининг клиник кўринишлари (Насонова В.А., 1972–1986)

- Касалликнинг кечиш таърифи: ўткир; яrim ўткир; сурункали; қайталанувчи полиартрит, югурук синдроми, Рейно, Шегрен, Верльгоф синдромлари.
- Жараённинг даври ва фаоллик даражаси:  
Фаол даври

Фаоллик даражаси: юқори (III),

ўрта (II),

минимал (I)

Нофаол даври (ремиссия)

- Заарланишнинг клиник-морфологик таърифи:

Терида: «Капалак» симптоми, капилляритлар, экксудатив эритема; пурпурা; дискоидли югурук ва б.

Бўғимларда: артрактика; ўткир, яrim ўткир, сурункали полиартритлар.

Сероз кобиқларда: полисерозит (плеврит, перикардит) қуруқ, адгезив, хўл; перигепатит; периспленит.

Юракда: миокардит; эндокардит; митрал клапани етишмовчилиги.

Ўпкада: ўткир, сурункали пневмонит; пневмосклероз.

Буйракда: люпус-нефрит нефротик ёки аралаш тури ; сийдик синдроми.

Асаб тизимида: менингоэнцефалополирадикулоневрит; полинев-рит.

### 3. Параклиник мезонлар:

1) қоннинг умумий таҳлили – ЭЧТнинг ошиши, лейкопения, гипохром анемия, тромбоцитопения, СРО(С реактив оқсил) ошиши;

2) сийдикнинг умумий таҳлили - протеинурия, гематурия, лейкоцитурияниң ифода этилиши югуруқ нефритининг клиник-морфологик кўринишига боғлиқ.

3) биокимёвий тадқиқотлар - биокимёвий кўрсаткичларнинг ўзгариши хос эмас ва улар ички органларнинг заарланиш даражасига ва касаллик даврига боғлиқ.

4) иммунологик тадқиқотлар – гипергаммаглобулинемия, Ig G, Ig M кўтарилиши, антинуклеар омиллар мавжудлиги, антинуклеар антителолар;

5) бошқа лаборатор ўзгаришлар – LE-гавдачалар мавжудлиги (lupus erythematosus да), иммун бирималар, ревматоид омиллар.

### Қиёсий ташҳисот:

СКЮни биритиравчи тўқиманинг заарланиши билан кечадиган бошқа диффуз касалликлар, неопластик жараёнлар, сепсис, септикопиемиялар билан киесий ташҳис утказилади.

### Ташҳис эталони:

СКЮ, ярим ўткир кечиши, II фаоллик даражаси, терининг «капалак» кўринишидаги заарланиши, эндокардит, полиартралгия, полиневрит.

### Даволаш

1.1. Парҳез, оқсил ва витаминларга бой, туз ва енгил ўзлаштириладиган углеводларни чеклаш. Парҳез коррекцияси буйрак ва юрак функциялари бузилганда олиб борилади.

1.2. Юқори фаоллик даражасида қатъий ётоқ тартиби ва беморнинг ҳолатига мос равишда функционал текширувлар натижаси асосида бу тартиб кенгайтирилиб борилади

1.3. Ўпка, юрак, бўғим функцияларини яхшилаш мақсадида шифобахш жисмоний тарбия муолажалари.

2.1. Глюкокортикоидлар:

а) юқори фаоллик даражасида – преднизолон 2–5 мг/кг/сутка, 3 маҳал биоритмга мос равища. Жараённинг сўниб боришига билан мос равища дозаси 5–10 мг/суткагача камайтирилади.

б) касалликнинг энг юқори фаоллигига – пульс-терапия: метипред в/и 600–800 мг/сут.гача 2–3 кун мобайнида, кейинчалик – 1 маҳал ҳар 3 ойда.

2.2. Ностероид яллигланишга карши препаратлар – касалликнинг минимал фаоллик даражасида, бўғим синдромида.

3.1. Иммунодепрессантлар ташхис қўйилган кундан бошлаб бир неча йил мобайнида

3.2. 4-аминохинолин қаторидаги препаратлар – СҚЮнинг минимал фаоллик даражасида – 1–3 йил.

3.3. Иммунограмма натижалари асосида – тимактид, тимозин - альфа (табл. 0,25 г) 1/4-1 табл. тил остига 1 маҳал № 5–7.

3.4. Плазмаферез – 3 сеанс 5 кун оралатиб, кейинчалик – 1 маҳал 3 ойда, пульс-терапия билан биргаликда.

3.5. Гемосорбция.

3.6. Гипербарик оксигенация № 7–10.

4.1. Микроциркуляцияни равонлаштирувчи препаратлар:

- курантил, дипиридамол, персантин (др.0,025; 0,075 г) 1 ой давомида кунига 0,025 г дан 2–3 маҳал;

- ксантина никотинат (табл.0,15 г) 1 табл.дан кунига 2–3 маҳал, курс –1 ой;

- трентал, пентоксифиллин, агапурин, ралофект, дартелин, тидоф-лекс, флекситал (табл., др. 0,1; 0,2; 0,4).

г) 0,1–0,4 г дан кунига 2–3 маҳал, курс –1 ой.

4.2. Седатив терапия – МАТ жароҳатланганда ва нейроциркулятор дистонияларда.

4.3. Нефропатияни даволаш ("Гломерулонефрит" бўлимига қаранг).

4.4. Қон айланиши етишмовчилигини даволаш.

4.5. Антибактериал терапия – глюкокортикоидларнинг юқори дозаси ва цитостатиклар билан даволаганда, бактериал инфекциялар қўшилганда.

#### **4.6. Анаболик препаратлар - дистрофия ривожланганда:**

- ретаболил (амп. 5% – 1 мл) 0,4 мг/кг м/о 1 маҳал 3–4 ҳафтада №5, глюокортикоидлар дозаси камайтирилган ёки муолажадан олиб ташланган даврида берилади.
- калий оротат (табл.0,1; 0,5 г) 0,25–0,65 г дан қунига 2–3 маҳал, 2–3 ҳафта мобайнида.

**Реабилитациянинг поликлиник босқичи:**

##### **1. Меъёрни ушлаб турувчи терапия:**

- a) Преднизолон 5–10 мг/сут. ёки нестероид яллиғланишга қарши препаратлар даволовчи дозанинг 1/3–1/2 қисми , узоқ муддат давомида (3–5 йил ва ундан ҳам кўп – кўрсатмага мувофиқ);
- б) Цитостатиклар даволовчи дозасининг 1/3-1/2 қисми ёки 4-аминохинолин қатори препаратлари даволовчи дозасининг 1/2 қисми.

##### **2. Парҳез терапия.**

3. Микроциркуляцияни равонлаштирувчи препаратлар ( 4.1 га қаранг), 1 ойдан йилига 2–3 марта.

##### **4. Шифобахш жисмоний тарбия.**

5. Сурункали инфекция ўчоғини даволаш, интеркуррент касалликларни антибиотиклар билан 10 кун давомида даволаш, касалликнинг ўткир даврида глюокортикоидлар дозасини ошириш.

## ДИСПАНСЕР КУЗАТУВИ

Мутахассислар күриги	Кардиоревматолог ҳар ойда. Педиатр кварталда 1 марта. Кардиоревматологик марказ кварталда 1 марта. Қолған мутахассислар – күрсатмага бўйича.
Кўрувда аҳамият беринг	Ички органларнинг ҳолати, тери ва шиллик қаватларнинг ҳолатига, буйрак функцияси, интеркуррент касалликларнинг учраш тезлиги ва сурункали инфекция ўчоғи.
Кўшимча текширувлар	Клиник ва биокимёвий таҳлиллар – ҳар ойда . Заарланган органларни чуқур текширув, йилига камида 2 марта. Иммунологик текширувлар йилига камида 2 марта ва кўрсатмага мувофик.
Асосий соғломлаштириш йўллари	Базис терапияни систематик равишда қўллаш. Стационарда даволаш йилига камида 2 марта. Инфекция ўчоқларини радикал санация килиш. Заарланган тизим ва органларнинг функционал ҳолатига мос тартиб ва парҳез. Гиперинсоля–ция, совқотишининг олдини олиш, наф бермагандага оқсил ва кимёвий препаратларни юбормаслик.
Диспансер кузатуви самарадорликлик мезонлари	Органларнинг прогрессив равишда заарланиши кузатилмайди. Рецидивнинг камайиши ва бўлмаслиги. Жараённинг фаоллик даражаси ошмаслиги ёки камайиши. Беморнинг функционал ҳолати, ишлаш кобилияти, умумтаълим мактабларида ўқиш имқонияти. Болалар кузатиб борилади.
Профилактик эмлаш	Профилактик эмлашдан озод этиш, нофаол даврида эпид. кўрсатмаларга мувофик, индивидуал тартиб асосида.

### **3.18. ЮВЕНИЛ РЕВМАТОИД АРТРИТ**

Бириктирувчи тўқима заарланиши билан кечадиган диффуз касалликлардан бири бўлиб, асосини иммун-патологик жараён ташкил қиласди. Аксарият bemорларда ациклик чўзилувчан ва сурункали кечиш тусини олиб, суяқ, бўғим ва мушак тизимини жароҳатлайди (А.А.Яковлев,1987). «Ревматоид артрит» термини 100 йил олдин Carrod (1892) томонидан киритилган.

#### **ТАШХИСОТ МЕЗОНЛАРИ**

##### **1. Анамнези:**

Вирусли инфекцияга, айниқса Эпштейн-Бар вирусига ахамият берилади, жараёнда парвовирусларнинг ҳам иштирок этиши мумкин. Ревматоид артритга оиласвий мойиллик 24–47% ни ташкил қиласди.

##### **2. Клиник мезонлар:**

Бўғим синдроми - болаларда кўпроқ йирик ва ўрта бўғимлар умуртқа поғонанинг бўйин қисми эса катталарга нисбатан камроқ шикастланади. Хасталик қўл ва оёқлар майда бўғимларининг шикастланиши билан бошланади. Яллиғланишнинг ўзига хос ҳамма белгилари, симметрик заарланиш, эрталабки карахтлик, бўғим деформацияси кабилар кузатилади. Бўғим соҳасидаги мушаклар эрта атрофияга учрайди. Боланинг умумий бўйи ва скелетнинг алоҳида соҳаларининг ўсиши орқада қолади.

Рентгенологияда - юмшоқ тўқиманинг қаттиқлашиши ва остеопороз эрта аниқланади, кейинчалик эса суяқ-тоғай деструкцияси ва суякланиш ядроларининг бузилиши кузатилади.

Ретикуло-эндотелиал тизимнинг заарланиши: лимфоаденопатия, гепатомегалия.

Кўзнинг заарланиши: увеит, иридоциклит, кератит, склерит, катаракта.

МАТ нинг заарланиши: ўзгарувчан, бекарор кайфият, депрессия, суткалик гавда ҳарорати ритмининг ўзгариши, вазомотор бекарорлик, қўл ва оёқларда парастезиялар, пай рефлексларининг ва сезувчанликнинг дистал типи бўйича сусайиши.

Бўғим-висцерал турида жараёнга у ёки бу ички органлар ва тизимлар қўшилиб, секин-аста амилоидоз ривожланиб боради. Энг оғир тури - Стилл касаллиги бўлиб, унга кўп ички органларнинг

заарланиши, лимфоаденопатия, гепатосplenомегалия, тез авж оладиган полиартрит, иммуногенезнинг чуқур заарланиши, қоннинг оқсил таркиби ва моддалар алмашинувининг ўзгариши, ногиронлик хосдир.

Аллергосептик тури (Вислер-Фанкони аллергосепсиси)га учта симптом хос. Биринчи, – антибиотиклар ва ҳароратни туширувчи дориларга рефрактер бўлган нотўғри турдаги иситма. Иккинчи – қайталанувчи аллергик тошмалар ва учинчи – бўғим синдроми, бу хасталик бошида барқарор бўлган қайталанувчи полартралгия кўринишини олади. Қон таҳлилида ўткир даврга хос кўрсатгичлар (гипохром анемия, диспротеинемия) яққол намоён бўлади,. Қонда ёки синовиал суюқликда ревматоид омил (РО) аниқланиши (серопозитив тури) мумкин. РО нинг эрта аниқланиши ва юқори кўрсаткичлари ревматоид артритнинг нохуш кечишидан далолат беради ва қайталаниш, кенг тарқалган васкулитнинг ривожланиш эҳтимоли бор. Болаларда қўпинча серонегатив тури учрайди. Касаллик катта ва ўрта бўғимларнинг заарланиши билан кечиб, болдир суюги бошчасининг асептик некрози ривожланади. Эрталабки карахтилик суст ифодаланади, ревматоид тугунчалар бўлмайди.

Кўп тизимларнинг заарланиши жараённинг тез авж олишига олиб келади.

### 3. Параклиник мезонлар:

а) қоннинг умумий таҳлили - гипохром анемия, нейтрофил лейкоцитоз, ЭЧТ ошиши;

б) қоннинг биокимёвий таҳлили - сиал кислоталарининг кўпайиши, мусбат С-реакти, оқсил, диспротеинемия (оқсил қўпол дисперс фракциясининг қўтарилиши);

в) қон зардобида ёки синовиал суюқликда мусбат ревматоидли омил, IgM, IgG ларнинг ошиши, Т-лимфоцитлар камайиши;

г) рентгенологик текшириш: бўғим атрофи остеопорози, бўғим бўшлиғига суюқлик йиғилиши, периартикуляр тўқиманинг қаттиқлашиши, суюк нуксонлари, суюк анкилози, суюк ўсишининг бузилиши.

## Даволаш

### 1. Ностероид яллигланишга қарши препаратлар:

а) арилпропион кислотадан келиб чиккан:

- ибупрофен 0,01–0,04 г/кг/сут. 3–4 марта;
  - напроксен (напроксин) 1 табл.дан (0,25) кунига 2–3 маҳал;
  - ансейд 1 табл.дан (0,1) кунига 1–2–3 маҳал.
- Антикоагулянтлар, бета-блокаторлар, гипотензив препаратлар, антидепрессантлар билан қўшиб бериш мумкин.
- б) арилсирка кислоталари 2–3 мг/кг/сут 2–4 марта:
- диклофенак-натрий (реводин, вольтарен, ортофен, наклофен) 1 табл. (0,025 г), 1 амп. – 2,5% –3,0 мл;
  - вольтарен-ретард 1 табл. (0,1) кунига 1–2 маҳал.
- Ацетилсалицил кислота ва антикоагулянтлар қўшиб бўлмайди.
- в) индол ва инденсирка кислота препаратлари 1–3 мг/кг/сут:
- индометацин (метиндол) 1 табл. (0,025);
  - сулиндак (клиниорил) 1 табл. (0,1; 0,15; 0,2; 0,3).
- г) салицил кислоталар препаратлари 0,2 г/йил ёшига/сут:
- ацетилсалицил кислота (аспирин) 1 табл. (0,25; 0,5);
  - долобит (дифлунизал) 750-1500 мг/сут;
  - аспизол 1 фл. 1,0 г м/о, в/и изотоник эритмада.

д) Оксикамлар: пироксикам, изоксикам, судоксикам, роксикам – 1 табл. (0,01) кунига 2–3 маҳал.

## 2. Глюокортикоидлар:

а) бўғим-висцерал турининг юқори фаоллик даражасида, терапия самарасизлигида – преднизолон 1–2 мг/кг/сут.;

б) бўғим турида:

- гидрокортизон бўғим/ичига 5дан то 150 мг гача 1 маҳал 5–7 кунда №3–5;
- дипроспан 0,1–1,0 мл 2–3 мл физиологик эритмада;
- кеналог (триамцинолон ацетонид) 6 ёшдан катта болаларга 2,5–15 мг дозада, кеналог – 10 (1 мл=10 мг), кеналог-40 (1 мл=40 мг).

3. Аминохинолин препаратлари: плаквенил, делагил, резохин ва бошқалар 1 маҳал кечки овқатдан сўнг. 7 ёшгача – 100 мг (1/2 табл.), 7 ёшдан кейин – 200 мг (1 табл.), 14–15 ёшдан сўнг 200–400 мг (1–2 табл.). Самара кузатилганда қувватлаб турувчи дозага, яъни 50% тенг дозага ўтилади.

4. Салазиндан ишлаб чиқилган: салазопиридазин, сульфасалазин – 1 табл. (0,5) кунига 2–4 маҳал.

5. Олтин препаратлари :

а) ауронафин, аурофан, голдар дозада 0,1 мг/кг/сут, астасекин

то 0,2 мг/кг/сут. гача оширилади; 1 табл.=0,003 г.

б) кризанол 5% м/о 0,5–1,0–2,0 мл (17–34 мг металл олтини)  
хафтада 1 марта ( курсига 1–1,5 г олтин).

6. Д-пеницилламин, купренил (1 капсула = 0,15), артамин (1 капсула = 0,05; 0,15; 0,25) дозада 10 дан то 25 мг/сут. гача қувватлаб турувчи доза – 5 мг/сут.

7.Юқори фаол даражада ва кенг тарқалган турида:

а) хлорбутин (лейкеран) 0,05–0,1 мг/кг/сут 6 ой ва ундан күп (1 табл.= 0,002; 0,005 г).

б) метотрексат 5–10 мг/кв.метр тана юзасига хафтада 1 маҳал 1

йил давомида ва ундан күп:

в) азатиоприн (1 табл.=0,05 г) 0,002 г/кг/сут. 3–4 марта 1–2 ой давомида, кейин 50% дозада.

8.Яллигланишга, маҳаллий шишга қарши ва сўрилтирувчи таъсирга эга ферментлар мажмую бўлган препаратлар :

- вобэнзим (др.) 2–6 драже кунига 3–4 маҳал, 1–2 ой, кейин 1–4

драже кунига 3 маҳал, 3–6 ой давомида;

- мульсал (др.) 2–4 драже кунига 3–4 маҳал, 1–2 ой.

9. Физиомуолажалар:

- бўғимларга УВЧ, СВЧ ;

- фонограф гидрокортизон, калий йодид, новокаин билан;

- магнитотерапия;

- лазертерапия;

- димексид, гидрокортизон, гепарин аппликациялари;

-уқалаш жароҳатланган кисмига, умумий уқалаш- нофаол даврда ва I фаоллик даражасида

- Санатория-курортларда даволаниш нофаол даврда ва I фаоллик даражасида.

- механотерапия минимал фаоллика.

10.Жарроҳлик усулида даволаш нофаол даврда–  
синовиалэктомиядан то эндопротезлашгача.

11. Ётоқ тартиби- юқори фаоллик даражасида, секинлик билан  
кенгайтириш, шифобахш жисмоний тарбия;

- парҳез;

- касаллик борасида бемор ва ота-оналарининг билим савиясини

oshiresh.

- сурункали инфекция ўчоғини аниқлаш ва даволаш, интеркуррент касалликларни ҳам даволаш.

### Реабилитациянинг поликлиник боскичи:

1. Кувватлаб турувчи (поддерживающая) терапия:

- базис терапия ( 3–6 та препарат)
- яллиғланишга карши (1 та препарат даволаш дозасининг 1/2–1/3 кисми оғриқ синдромидан 1 соат олдин.

2. Физиомулажалар, жарроҳлик давоси (9–10 га қаранг).

## РЕВМАТОИД АРТРИТ БИЛАН КАСАЛЛАНГАН БОЛАЛАРНИ ДИСПАНСЕР КУЗАТУВИ ВА РЕАБИЛИТАЦИЯСИ

	Ревматоид артрит, бўғим тури	Ревматоид артрит, бўғим- висцерал тури
Мутахассислар кўриги	Шифокор йилига 2 маҳал, кардиоревматолог 3 ойда 1 марта. Окулист, оториноларинголог, стоматолог йилига 2 марта, кўз шикастланганда ва аминохинолинлар билан даволаётганда 3 ойда 1 марта. Ортопед йилига 2 марта. Қолган мутахассислар кўрсатма бўйича.	Кардиоревматолог 2–3 ойда 1 марта ва кўрсатма бўйича. Окулист, оториноларинголог, стоматолог йилда 2 марта. Қолган мутахассислар кўрсатма бўйича.
Кўрувда аҳамият беринг	Холсизлик, ҳарорат, эрталабки карахтикнинг давомийлиги ва функционал ҳолатнинг қолган белгилари; яллиғланиш, деформация; тери ости қавати мушак, лимфатик тугунлар, жигар, талок кўз, юрак-томир ва бошқа тизимлар ҳолати.	Холсизлик, ҳарорат, гавда вазнининг ошмаслиги, мушак атрофияси, тошмалар, бўғим синдроми. Лимфатик, гепатолиенал тизимнинг жароҳатланиши, қолган органлар ва кўзнинг ҳолати.

Қўшимча текширув-лар	<p>1. Умумий қон таҳлили, ЭЧТ га сиал кислотасига, протеинограмма, сийдик таҳлили – 3 ойда 1 марта.</p> <p>2. ФЭКГ, иммун текширув йилда 2 марта.</p> <p>3. Бўғимларни рентгени – йилда 1 марта.</p>	<p>1. Умумий қон ва сийдик таҳлили ойда 1 марта.</p> <p>2. Коннинг ЭЧТ га, сиал кислотага, протеинограмма – 2–3 ойда 1 марта.</p> <p>3. Иммун текширув ва ФЭКГ йилда 2 марта ва кўрсатма бўйича.</p>
Асосий соғломлаштириш йўллари	<p>1. Сурункали инфекция ўчоини;</p> <p>2. Интеркуррент касалликни даволаш.</p> <p>3. Ностероид ва аминохинолин препараллар билан узок муддат даволаш.</p> <p>4. Уқалаш – умумий ва бўғимга.</p> <p>5. Физиомуолажалар.</p> <p>6. Санатория-курортларда даволаш.</p> <p>7. Симптоматик даволаш.</p>	<p>1. Сурункали инфекция ўчоини, интеркуррент касал-ликни даволаш.</p> <p>2. Ностероид ва аминохинолин препаратлар билан узок муддат даволаш.</p> <p>3. Глюкокортикоидла, иммунодепрессантлар – кўрсатма бўйича қувватлаб турувчи дозада.</p> <p>4. Уқалаш, шифобахш жисмоний тарбия, физиомуолажалар.</p> <p>5. Симптоматик даволаш.</p>
Кузатув давомийлиги	Камида 5 йилдан кейин ва таянч-харакат аппаратининг функцияси бузи лганда терапевтга ўтади.	Кузатувдан олинмайди, терапевтга ўтади.
Жисмоний тарбия	ЛФК еки маҳсус гурӯхда	шифобахш жисмоний тарбия, маҳсус гурӯх.

## **VI БОБ. АРТРИТЛАР**

Таянч-харакат аппарати заарланиши номенклатурасига 100 дан зиёд касалликлар киритилган (1971).

Болаларда бўғим жароҳатланишининг кўп учрайдиган турларини 4 та гурухга бўлиш мумкин:

1. Ўткир ва сурункали касалликларда реактив артритлар;
2. Специфик артритлар;
3. Артритлар – бириктирувчи тўқиманинг диффуз яллиғланиши кўриниши;
4. Остеохондропатиялар.

### **3.19. РЕАКТИВ АРТРИТ**

Реактив артрит (РА)-бўғимда яллиғланиш билан кечадиган касаллик бўлиб, у ёки бу инфекция билан боғлиқ, аммо бўғим бўшлиғида на микроорганизм ва на унинг антигени топилмайди. Болаларда таянч-харакат аппарати заарланишининг 50% ни РА ташкил қиласди.

РА нинг этиопатогенезида 3 омил аҳамият касб этади:

1. яллиғланиш жараёнини кўзғатган микроорганизмнинг таърифи;
2. бирламчи инфекция ўчоғининг жойлашиши (масалан, сийдик чиқариш йўлларида ва жинсий органларда);
3. микроорганизмнинг ҳолати, ирсий мойиллик.

### **ТАШҲИСОТ МЕЗОНЛАРИ**

I. Анамнези:

1–4 ҳафта олдин ўткир респиратор инфекция, энтероколит, сийдик чиқариш йўллари ва жинсий органларнинг ўткир хасталиги (вульвит, цистит, пиелонефрит ва б.), оғиз, бурун, ҳалқумдаги сурункали инфекция ўчоғининг хуружи, гижжа инвазиясини бошидан кечирган.

II. Клиник мезонлар:

1. Артритик симптомокомплекс: йирик ва ўрта бўғимларнинг асимметрик заарланиши: шиш, оғриқ, маҳаллий ҳарорат қўтарилиши, заарланган бўғим усти териси гиперемияси, фаолиятнинг бузилиши. РА учун эрталабки карахтлик ва заарланишининг кўчиши хос эмас. Одатда, асосий касалликни даволаганда бу симптомлар 1–2 ҳафта ичидаги ўтиб кетади.

2. Инфекцион яллиғланиш симптомлари: тери ва шиллик қаватларнинг рангпарлиги, регионар лимфатик тугунларнинг катталашиши, гавда ҳароратининг күтарилиши (күпинча субфебрил), қоннинг ўрта миёна яллиғланиш реакцияси.

3. Қолдик асоратлар симптомлари: артритдан олдин ривожланган ўткир қасалликнинг: қуруқ йўтал, ҳалқум орқа деворининг донадор гиперемияси, бўйин лимфатик тугунларнинг катталашиши (ЎРВИ дан кейин); иштаҳанинг пасайиши, кўнгил айнаши, ахлати узгарувчан, дисбактериоз симптомлари, сийдик ажралишининг бузилиши, микропротеинурия, лейкоцитурия, микрогематурия, субфебрил гавда ҳарорати (пиелонефритдан сўнг).

### III. Параклиник мезонлар:

а) бўғим рентгенограммасида – периартикуляр тўқиманинг қаттиқлашиши, бўғим бўшлиғида суюқлик.

б) бўғимнинг пункцияси – асептик яллиғланиш.

#### Қиёсий ташҳисот

Ревматоидли артрит, ревматизм, остеохондропатия, остеомиелит билан ўтказилади.

## РЕАКТИВ АРТРИТНИНГ ЎХШАШ КАСАЛЛИКЛАР БИЛАН ҚИЁСИЙ ТАШҲИСИ

Белгилар	Реактив артрит	Ревматоид артрит	Сил артрит	Пертес қасаллиги
Энг кўп шикаст-ланадиган бўғим	Болдири-оёқ панжаси, тизза, тирсак	Тизза, болдири-оёқ панжаси, лучезапястный	Тос-сон кафтости	Чаноқ-сон
Эрталабки карахтлик	Йўқ	Одатда	Йўқ	Йўқ
Тунги қичқириқлар	Бўлиши мумкин	Кузатилади	Хос	Бўлмайди
Абсцесс ва оқмалар	Бўлмайди	Бўлмайди	Хос	Бўлмайди
Бўғим учida остеопороз	Кузатилмайди	Хос	Ўчоқли	Кечки даврда
Суяқда деструкция ўчоғи	Йўқ	Псевдокисталар	Кузатилади	Фрагментация

Туберкулин синама	-	+	+	+
Синовиал суюқлиқда нейтрофил- лар күпроқ учраши	Йўқ	Кўпроқ учрайди	Кам учрайди	Йўқ
Синовиал суюқлиқда ревматоид омил	Одатда бўлмайди	Мусбат	Йўқ	Йўқ

Ревматик касалликларнинг замонавий таснифида РА куйидаги гуруҳларга бўлинади:

- энтероколитдан сўнг (постэнтероколитли)
- урогенитал
- ўткир бурун-ҳалқум инфекциясидан сўнг;
- ўчоқли сурункали инфекцияда;
- гижжа инвазиясида;
- Эмлашдан сўнг.

#### Даволаш

1.Инфекция ўчоғини даволаш;

2.Ажратиб олинган қўзғатувчига қарши антибиотикотерапия:

- а) Пенициллин қатори: бензилпенициллин 100 минг бирл/кг/сут, ампициллин 1,0–4,0 г/сут; карбенициллин 1,0–6,0 г/сут.
- б) Цефалоспоринлар: Цебанекс (цефаперазон+сульбактам) суткада 40-

80 мг/сут кунига 2 маротаба м/о ёки т/и.

3. РА нинг постэнтероколитик турида - энтероколитни даволаш.

а)диареяга қарши препаратлар:

- имодиум 1 капсуладан кунига 2–4 маҳал;
- неостопан 1 табл.дан кунига 3–4 маҳал;
- фуразолидон 0,05 кунига 4–6 маҳал;

б) Антиоксидантлар – витамин А, Е, С;

в) Етишмаётган меъёрда микрофлора ўрнини тўлдирмоқ:

- бифидумбактерин 1–5 дозада кунига 2–3 маҳал, овқатдан олдин;
- бификол 1–5 дозада кунига 2 маҳал;
- лактобактерин 1–5 дозада кунига 2 маҳал;

-колибактерин 1–5 дозада кунига 2 маҳал.

4. Гижжали реактив артритда – гижжага қарши препаратлар:

- вермокс, мебендазол (табл. 0,1 г) 1 табл.дан кунига 2 маҳал 1–3 кун;
- декарис, левамизол (табл. 0,05; 0,15 г) 2,5 мг/кг дан кунда 1 марта кечқурун;
- комбантрин, пирантел (табл. 0,125; 0,25 г; суспензияси ичишга фл. 5 мл=0,25 г) 10 мг/кг кунига 2 маҳал 1–3 кун;
- пиперазин адипинат (табл.) 1–2 табл.дан кунига 1–2 марта 1–5 кун.

5. Урогенитал реактив артритларда – санация инфекция ўчоғида, даволаш гинеколог ёки уролог ҳамкорлигида.

а) микробларга карши:

- нитроксолин, 5-НОК (табл. 0,05 г) 0,05–0,1 дан кунига 3–4 маҳал;
- налидиксия кислотаси, невиграмон (табл.) 0,5–0,1 дан кунига 3–4 маҳал;
- фурадонин (табл.) 0,05–0,1 дан кунига 3–4 маҳал;
- уробесал (табл.) 1 табл.дан 3–4 кунига маҳал;
- уросульфан (табл.) 0,5–1 г дан кунига 3–4 маҳал.

Даволаш давомийлиги индивидуал ҳал килинади. Уросептик курслари ҳар 5–7 кунда алмаштириб турилади.

б) Сийдик чиқариш йўллари дезинфекцияси, сийдик ажралишини яхшилаш:

- фитолизин по 1 чой қошиқдан – 100 мл сувда кунига 3–4 маҳал;
- арчагул (толокнянка) барги қайнатмаси (10:180) 1 чой қошиқдан – 1 ош қошиқгача кунига 5–6 маҳал;
- сийдик ҳайдовчи гиёҳлар гиғмаси (10:200) 1 чой қошиқдан – 1 ош қошиқгача кунига 3–4 маҳал.

6. Ностероид яллиғланишга қарши препаратлар – 1–3 ой.

7. Аминохинолин қатори ва салазиндан олинган препаратлар.

**Реабилитациянинг поликлиник босқичи**  
**(Ревматоид артритга қаранг)**

1. Қувватлаб турувчи терапия – базис терапия (3–6 та препарат);

- яллиғланишга қарши (1 препарат даволи дозасининг 1/2–1/3 қисми, оғриқ синдромидан 1 соат олдин).

2. Физиомуолажа, жарроҳлик йўли билан даволаш (9–10 қаранг).

3. Умумий муолажалар (11 га қаранг).

## **РЕАКТИВ АРТРИТ БИЛАН ОГРИГАН БОЛАЛАРНИ ДИСПАНСЕР КУЗАТУВИ ВА РЕАБИЛИТАЦИЯСИ**

Мутахассислар кўруви	Кардиоревматолог – 3 ойда 1 марта ҳууждан сўнг биринчи йили, 2 – йилига 6 ойда 1 марта. Ототиноларинголог ва стоматолог – 1 йилда 2 марта. Қолган мутахассислар кўрсатма бўйича.
Кўрувда аҳамият беринг	Ҳолсизлик, гавда ҳарорати, тошмалар, бўғимларда яллиғланиш белгилари, лимфатик тугунлар, жигар, талоқ, юрак-қон томир тизими ва бошқа органлар ҳолати.
Кўшимча текширувла р	Қон, сийдик таҳлили- 1-йили 3 ойда 1 марта, биокимёвий таҳлил - йилда 2 марта; 2-йили- 6 ойда 1 марта. ФЭКГ, бўғим рентгенограммаси, иммунологик текширувлар кўрсатма бўйича .
Асосий соғломлаштириш йўллари	<ol style="list-style-type: none"> <li>1. Асосий касалликни даволаш.</li> <li>2. Сурункали инфекция ўчоини даволаш.</li> <li>3. Интеркуррент касалликни даволаш ва сиенсибилизацияга қарши препаратлар 2–3 кун мобайнида, ностероид препаратлар 10–14 кундан 1–2 ойгача.</li> <li>4. Физиомуолажа ва уқалаш бўйича.</li> <li>5. Адаптоген ва биостимуляторлар- кўрсатма бўйича.</li> </ol>
Кузатув давомийлиги	Орган ва тизимларда заарланиш ва бўғимда яллиғланиш бўлмаганда ва таянч-харакат функцияси тиклангандан кейин – 2 йил мобайнида.

## VII БОБ. ГЕМОРРАГИК КАСАЛЛИКЛАР

### 3.20. Геморрагик васкулит

Геморрагик иммун микротромбоваскулит, Шенлейн-Генох касаллиги - тизимли вазопатия бўлиб, унинг негизида майдада қон томирларнинг умум иммунокомплексли гиперергик яллиғланиши етади ва тери, бўғимларда, ички органларда транссудатив-геморрагик узгаришлар кузатилади.

### ТАШҲИСОТ МЕЗОНЛАРИ

#### I. Анамнези:

Танглайдаги инфекция ўчиғи (кўпроқ стафилококкли), бошидан инфекция ўтказганлиги тўғрисида маълумот, профилактические эмлашлар, дори-дармонларга аллергия, совкотиш, эндоген метаболитлар билан сенсибилизацияси. Касаллик ўткир бошланиб, гавда ҳарорати 38–39 С гача кўтарилади, умумий ҳолсизлик, иштаҳанинг пасайиши, қайд қилиш аломатлари кузатилиши мумкин. Бирнеча соатдан сўнг касалликнинг бошқа белгилари намоён булади. Геморрагик васкулитга (биринчи марта кузатилганда) кўп синдромлар хосдир.

#### II. Клиник мезонлар:

1. Тери синдроми: тошмалар догосимон-папула ёки майдада папула-геморрагик кўринишида бўлиб симметрик жойлашган, олдинига оёклар, қўллар (ёзилувчи, бўғим олди соҳаларида), думба кетма-кетлигига тошиб, камроқ ҳолларда бел, кўкрак ва жуда кам ҳолларда бўйин, юз соҳаларида кузатилади. Тошма элементлари рангпар қавариб турган тери юзасидан кўтарилиб туради, босиб кўрганда йўқолиб кетмайди, катталаги 0,3–0,5 см дан 1–2 см гача. Ранги қип-қизил, кейинчалик тўқлашиб боради. Сўнгра рангпар бўла бошлайди, ўзидан кейин пигментация қолдиради, 2 ҳафта ўтгач йўқолади. Тошмалар интенсивлиги касалликнинг оғирлик даражасига мос келади. Оғир ҳолларда буллёз-геморрагик элементлар кузатилиши мумкин. Баъзи ҳолларда бошнинг соч қисмида, қовоқ, лаб, бармоқ, товон соҳаларида ҳам рўй бериши мумкин.

2. Бўғим синдроми кўпроқ тери синдроми билан хасталикнинг биринчи хафтасидаёқ кузатилади, бунда тизза болдир-оёқ панжаси, билак бўғимлари, кафт усти зарарланади. Турли даражадаги синовит хосдир. Артритнинг хамма белгилари: шиш, гипертермия, тери ҳарорати кўтарилиши, оғриқ ва вақтинчалик куатилади.

3. Абдоминал синдром: тери-бўғим синдроми асосида кузатилиб, баъзи ҳолларда тери синдромидан олдин ҳам келиши мумкин. Қорин соҳасида кучли оғриқ тўсатдан бошланиб, бураб-бураб огрийди ( болалар тиззалини коринга келтирган ҳолда, кучоқлаб безовта бўлиб ётишади). Тили қуруқ, караш билан қопланган. Қорин бирмунча кўпчиган, пайпаслаганда оғриқли. Кайт қилиш кунига 10–15 мартағача. Оғриқ туфайли bemor овқат ва сувдан воз кечади. Нажаси суюқ, кунига 10 мартағача, қон аралашма бўлиши мумкин.

4. Буйрак синдроми, одатда, хасталикнинг 3–4 хафтасида гематурик нефрит кўринишида кечади.

5. Висцерал ўзгаришларнинг симптомокомплекси: бош оғриғи, талваса, парезлар, субарахноидал, мия ичига қон қуишлиши белгилари, кардиопатиялар, лимфоаденопатиялар, панкреатит, орхит белгилари, шишлар, Рейно синдроми.

### III. Параклиник мезонлар:

а) умумий қон таҳлили: лейкоцитоз, нейтрофилёз, лейкоцит формуласининг чапга силжиши, ЭЧТ ошиши; эозинофилия ва анемия бўлиши мумкин;

б) сийдик таҳлили: ўтиб кетадиган микрогематурия, альбуминурия;

в) коагулограмма: ДВС босқичлари кузатилади. Кўпроқ сурункали гиперкоагуляция алмати- қуишиш вақти ошиши; рекальцификация, тромботест, гепаринга зардоб толерантлиги вақтининг тушиши; фибриноген миқдори ошиши.

г) қон биокимёси: гипоальбуминемия, гипер  $\alpha_2$ - ва гамма- глобулинемия.

д) иммунограмма: дисимму ноглобулинемия, комплемент, криоглобулинларнинг ошиши.

### Киёсий ташхисот

Гранулематозли васкулит (тугунчали периартериит, Вегенер гранулематози), Рейно синдроми, криопротеинемия каби касалликлар билан олиб борилади.

Ташхис эталони: геморрагик васкулит, тери-бўғим- абдоминал кўриниши, III фаоллик даражаси, ўткир кечуви.

### **ГЕМОРРАГИК ВАСКУЛИТ ТАСНИФИ (А.С. Калинченко, 1968)**

Синдромлар	Фаоллик даражаси	Кечиши	Касалликнинг якуни
Тери	I	Ўткир (30–40 кун)	Тузалиш
Бўғим	II	Ярим ўткир (2 ой ва ундан кўп)	Сурункали шаклга ўтиши
Абдоминал	III	Сурункали (1,5 йилдан 5 йилгача) Кайталанувчи (хуружи 2–3 йил ичida кузатилади)	Сурункали нефритга ўтиши
Жигарли			
Мия			
Кардиал			

### **Даволаш**

- 1.1. Очлик 1–3 кун ичida(чидашга боғлиқ).
- 1.2. Гипоаллерген парҳез.
- 1.3. Ҳаракат фаоллиги чегараланади (ўрин-кўрпа қилиб ётиш 2–3 ҳафта).
- 1.4. Тозалаш клизмалари.
- 1.5. Энтеросорбентлар:
  - актив кўмир 5–6 табл.дан кунига 3–4 марта 2–3 кун.
  - смекта (1 пакет – 3 г порошок) 3 г кунига 2–3 марта 5–6 кун.
- 1.6 Инфекция ўчоғини даволаш.
- 2.1. Гепарин (фл. 5 мл=5000 ТБ) 200–300 ТБ/кг/сут. қорин тери остига кунига 4–6 инъекция, курс – 2–3 ҳафта, дозаси камайтириб борилади ва кунига инъекция сони сақланади. Фаоллик даражаси юқори бўлганда сутка мобайнида гепарин т/и юборилади, қоннинг қуюлиш тизимини текширган ҳолда.
- 2.2. Микроциркуляцияни яхшиловчи ва ангиопротекторлар:

- курантил, дипиридамол, персантин (др. 0,025; 0,075) 1–3 мг/кг/сут. Ичишга, 1 ой мобайнида;
- трентал, пентоксифиллин, агапурин (др. 0,1; 0,4 г) 0,05–0,1 г қунига 3 марта, 1 ой мобайнида.

3.1. Гистамин, Н-рецептор блокаторлари, терапия муддати индивидуал ҳал қилинади, ҳар бир препарат 5–7 кунга тавсия этилади:

- тавегил, фенистил (табл. 0,001 г) 6 – 12 ёш болаларга 0,5–1 мг қунига 2 маҳал;
- супрастин (табл. 0,025 г) 1/2–1 табл.дан қунига 2 маҳал;
- диазолин (др. 0,1 г) 0,02–0,05 г дан қунига 1–3 марта;
- пипольфен, дипразин (табл. 0,005; 0,025 г) 3–4 ёш- 5 мг 3 марта; 5–6 ёш – 7,5 мг 3 марта; 7–9 ёш – 10 мг 3 марта; 10–14 ёш – 15 мг 3 марта;
- фенкарол (табл.0,01; 0,025 г) 3 ёшгача – 0,005 г 2–3 марта; 3–7 ёш – 0,01 г 2 маҳал; 7–12 ёш – 0,01–0,015 г 2–3 маҳал; 12 ёшдан катта – 0,025 г 2–3 маҳал.

3.2. Семиз хужайра мембранасини барқарорлаштирувчи препаратлар: курс – 4–6 ҳафта:

- кетотифен, задитен, астафен (табл. 0,001 г) 3 ёшгача – 0,025 мг/кг; 3 ёшдан катта – 1 мг 2 маҳал.

4.1. Преднизолон (амп. 1 мл=30 мг; табл. 0,005 г) 1–3 мг/кг/сут. т/и биринчи –3 кун III фаоллик даражасида, сўнгра ичишга 10–14 кун.

4.2. Ностероид яллиғланишга карши препаратлар:

- вольтарен, ортофен, диклофенак (табл. 0,025; 0,05 г) 1 ёшдан катта 0,5–2 мг/кг/сут. 2–3 маҳал, курс – 5–6 ҳафта гача.

5. Иммунодепрессантлар – терапия самарасиз бўлганда

- азатиоприн (табл. 0,05 г) 1–2 мг/кг/сут., курс –1–3 ой;
- хлорбутин, лейкеран (табл.0,002; 0,005 г) 0,1 мг/кг/сут., курс –1–2 ой.

6. Рутин (табл.) 0,02 г дан қунига 2–3 марта;

- аскорутин (табл.) 1/2-1 табл.дан қунига 2–3 маҳал 2–3 ҳафта;
- лагохилус опьяняющий (табл. 0,2 г) 1/2–1 табл. 2-3 маҳал қунига, курс – 2–3 ҳафта .

7. Но-шпа (табл. 0,04 г) 1/2–1 табл.дан қунига 2–3 маҳал;

- папаверин гидрохлорид (табл. 0,01; 0,04 г) 3 қунига 4 ёш – 0,005–0,01 г; 5–6 ёш – 0,01 г; 7–9 ёш – 0,01–0,015 г; 10–14 ёш –0,015–0,02 г қунига 2–3 марта;

- баралгин, спазмалгон, триган, максиган, андипал (табл.) 1/2-1 табл.дан 2–3 маҳал кунига, коринда оғриқ бўлганда;
- пенталгин (табл.) 1/2–1 табл. 2–3 маҳал кунига;
- новокаин 1% 1 чой қошиқдан – 1 ош қошиқгача кунига 2–3 маҳал.

Реабилитациянинг поликлиник боскичи:

- 1.Ўта чўзилган ва сурункали жараёнда, буйрак заарланганда ногиронликни расмийлаштириш.
- 2.Эмлашдан 1 йилга озод этиш.
3. Гипоаллерген парҳез бутун диспансер кузатуви давомида.
- 4.Кайталанувчи кўринишда фаоллик даражаси I дан ошмаган тақдирда амбулатория шароитида даволанади: ностероид ялигланишга қарши препаратлар, ангиопротекторлар, томирлар уtkазувчанлигини камайтирадиган ва микроциркуляцияни баркарорлаштирадиган препаратлар маҳаллий педиатр ва гематолог назорати остида.

### **ДИСПАНСЕР КУЗАТУВИ**

Мутахассислар кўриги	Маҳаллий шифокор – 1–2 ойда 1 марта, гематолог – 2 ойда 1 марта, стоматолог, ЛОР – 6 ойда 1 марта.
Кўрувда аҳамият беринг	Геморрагик тошма, бўғиндаги оғриқка, жигар қора талоқ, юрак-қон томир тизими ҳолати, нажаснинг ранги(кора), сийдик (гематурия), бурун ёндош бўшлиқлари, тишлар, муртаклар ҳолати.
Қўшимча текширувлар	Умумий қон таҳлили- йилда 2 марта; коагулограмма – гематолог кўрсатмаси бўйича; сийдик таҳлили- 3 ойда 1 марта ва ҳар УРК ўтганда; нажас таҳлили гижжага ва қонга.
Асосий соғломлаштириш йўллари	Ёшга мос кун тартиби; гипоаллерген парҳез, А, С, Е ва В груух витаминалари билан тўйинган.
Кўрув давомийлиги	5 йил мобайнида; хуруж қайд этилмаса, bemor назоратдан чиқарилади.
Профилактик эмлаш	Камида 2 йил мудатга тақиқланади.

### **3.21. ТРОМБОЦИТОПЕНИЯЛАР**

Тромбоцитопениялар – ёшига нисбатан тромбоцитлар сони кам бўлиши билан кечадиган касалликлар гуруҳи.

Тромбоцитопениялар таснифи (Н.П. Шабалов, 1982)

**БИРЛАМЧИ ТРОМБОЦИТОПЕНИК ПУРПУРА:**

- I. Идиопатик тромбоцитопеник пурпурा (ИТП) – Верльгоф касаллиги.
- II. Тугма тромбоцитопеник пурпурা.
- III. Изоиммун тромбоцитопеник пурпурা;
- IV. Чакалоклардаги транзитор тромбоцитопеник пурпурा, ИТП билан касалланган оналардан туғилган – туғма трансиммун.

**ИККИЛАМЧИ (СИМПТОМАТИК) ТРОМБОЦИТОПЕНИЯЛАР ВА ТРОМБОЦИТОПЕНИК ПУРПУРА:**

- I. Аутоиммун касалликларидағи тромбоцитопениялар.
- II. Аллергик касалликлардаги тромбоцитопениялар ва тромбоцитопеник пурпуралар.
- III. Юқумли касалликларнинг авж олиш даврида (цитомегалия, сув чечак, қизилча, септик эндокардит ва б.);
- IV. Коагулопатиялар.
- V. Қон тизими касалликларида.
- VI. Токсик тромбоцитопеник пурпуралар.
- VII. Портал гипертензия ва гиперспленизм билан кечадиган ҳолатларда.
- VIII. Ирсий моддалар алмашинувининг аномалияларида.
- IX. Қон томирларнинг туғма аномалияларида.
- X. Нурланиш касалликларида.

**ТАШҲИСОТ МЕЗОНЛАРИ:**

- I. Анамнези:

Эрта ёшда касаллик белгилари бўлмайди; ирсий тромбоцитопенияга хос морфологик лаборатор белгилар йўқ; қариндошларда касалликнинг клиник ва лаборатор белгилари кузатилмаган.

- II. Клиник мезонлар:

1. Тромбоцитопеник геморрагик синдром: терига қон күйилиши (экхимозлар, петехиялар), шиллик қаватлардан, меъда-ичак йўлидан қон кетиши (гематурия, қон туфлаш).
2. Гепатомегалия ва кам ҳолларда спленомегалия.
3. Лимфоаденопатиялар.
4. Артралгиялар.

### III. Параклиник мезонлар:

- а) қоннинг умумий таҳлили – тромбоцитлар сони кам, қоннинг плазма омиллари ўзгармаган, тромбоцитлар ўлчами катталашган, пойкилоцитоз, кам ҳолларда постгеморрагик анемия, лейкоцитоз, эозинофилия.
- б) суюк илиги таҳлили – мегакариоцитлар миқдори ошган ёки нормада, ўлчами катталашган, ёш шакллари.
- в) кораталок текшируви – лимфоид тўқима гиперплазияси, фолликуллар марказининг кенгайиши; ёш лимфатик элементлардан кенг перифолликуляр зонанинг пайдо бўлиши;
- тромбоцитларда гликоген, лактатдегидрогеназа, глюкоза-6-фосфатдегидрогеназанинг миқдори ва нордон фосфатазанинг фаоллиги камаяди.
  - Дьюк, Айви услублари бўйича қон ивиши вақти чўзилган, ретракция – камайган.
  - Диксон услуби бўйича антитромбоцитар гавдачалар булиши.
  - кортикостероидлар терапиясининг самара бериши.

Қиёсий ташҳисот:

Лейкоз билан боғлиқ симптоматик турлари, системали қизил югурук, сурункали гепатит.

Ташҳис эталони:

Идиопатик тромбоцитопеник пурпураси мусбат иммуносинамалар билан, ўткир кечуви, бурундан қон оқиши, нам тери синдроми, постгеморрагик анемия, хуруж даври.

### **Болаларда идиопатик тромбоцитопеник пурпураси (Н.П. Шабалов, 1982)**

Кечиши	Пурпурани- нг клиник кўриниши	Иммуноло- гик синамалар	Давр	Салбий асоратлар
Ўткир (6 ойгача) Сурунка-	Нам пурпураси (тери)	Мусбат Манфий	Хуруж (криз); Клиник	Постгеморра- гик анемия, Постгеморра-

ли 1.Хуружл ар кам 2.Хуружл ар кўп 3.Доим қайтала- нувчи	синдроми ва қон кетиши) Курук пурпурा (тери синдроми)		ремиссия; Клинико гематолог ик ремиссия	гик энцефалопатия ва бошқалар
---	---	--	---	-------------------------------------

### Даволаш

- 1.1. Ўрин-кўрпа қилиб ётиш – криз вақтида.
- 1.2. Гипоаллерген парҳез; 1 стол – ичакдан қон кетганда.
- 1.3. Томир ўтказувчанлигини камайтирувчи препаратлар: - дицинон, натрий этамзилат (табл. 0,25 г; амп. 2 мл 12,5%ли эритмаси) 1/2–1 табл.дан кунига 2–3 маҳал, 1–3 ҳафта ; в/и или м/о 1–4 мл дан кунига 1–2 маҳал. Зарурат бўлганда, плазмада доимий микдорини ушаш учун в/и га юбориш билан бирга ичишга ҳам берилади.  
 - адроксон, карбазохром (амп. 1 мл 0,025%ли эритмаси) м/о ёки т/o чакалокларга – 0,5–1 мл дан суткада 1маҳал; ундан катта болаларга 1–2 мл дан суткада 2–4 маҳал;  
 - рутин (табл. 0,02 г) 1 табл.дан кунига 2–3 маҳал аскорбин кислота билан биргалиқда – 0,05 г дан кунига 2–3 маҳал, 2–4 ҳафта ;  
 - аскорутин (табл.) 1/2–1 табл.дан кунига 2–3 маҳал 2–4 ҳафта ;  
 - кальций глюконат (табл.0,5 г) 1/2–1 табл. дан кунига 3 маҳал овқатдан олдин, 1–2 ҳафта.

1.4. Тромбоцитларнинг агрегация ва адгезиясини барқарорлаштирувчи препаратлар:

- серотонин адипинат (амп. 1 мл 1%ли эритмаси) в/и томчилаб, минутига 30 томчи, тезликда 100–150 мл 0,9%ли натрий хлорид эритмасида, 0,005 г дан бошлаб, секинлик билан доза оширилади (0,01 г гача). Катта ёшдаги болаларга берилади.

Қарши кўрсатмалар: бронхиал астма, буйрак касалликлари, гипертония, Квинке шиши. Нохуш таъсир- қоринда оғриқ, АБ кўтарилиши, юрак соҳасида оғриқ, нафас олиш қийинлашуви, кўнгил айниши, диарея, диурез камайиши.

1.5. Аминокапрон кислота (порошок, гранулалар 60 г) 0,5–2 г дан кунига 3–5 маҳал ширин сувда эритиб ичилади), 6–8 кун.

2.1. Глюкокортикоидлар:

- преднизолон 2–5 мг/кг/сут. 1–2 марта в/и 2–3 кун, кейин- 1–2 мг/кг сут. 1–3 ой мобайнида, доза камайтириб борилади.

## 2.2. Иммунодепрессантлар – иммун турларда

- винкристин (амп. 0,5мг) в/и 0,05–0,075 мг/кг дан қунига 1 маҳал, 7 кун, курс 5–7 инъекция;

- циклофосфан (фл. 0,2 г) в/и 1–2 мг/кг қунига 1 маҳал, 5 кун, курс 5–7 инъекция.

## 2.3. Иммуноглобулиналар:

- пентаглобин (амп. 10, 20 мл) 3–5 мл/кг, фақат 50 мл дан ошмаслиги керак, в/и томчилаб, соатига 8 мл тезликда, 3 кун мобайнида, курсни 1 ҳафтадан сўнг такрорласа бўлади.

## 3.1. Маҳаллий гемостатик терапия:

- бурун қонаганда – 48 соатга олдинги ёки орқа тампонада килиш, тампонларга дицинон, адроксон ёки тромбин шимдириш;

- олинган тиш ўрнидан қон кетганда – дицинон, адроксон ёки тромбин шимдирилган тампон қўйиш, гемостатик губка қўллаш;

- бачадондан қон кетганда – ҳайз кўриш даврини контрацептив препаратлар билан мўътадиллаштириш, 3–4 ҳафта мобайнида;

- ичакдан қон кетганда – кровохлебка настойи (6,0:200,0) 1 ош қошиқдан қунига 3–4 маҳал; коктейл – дицинон 12,5% – 2–4 мл, барий бўтқаси –200,0; тромбин – 1амп., аминокапрон кислота 5% – 2–3 мл; олма шарбати – 50 мл.

## 4.0. Эритроид қаторидаги хужайраларда метаболик жараённи барқарорлаштирувчи препаратлар:

- кальций пантотенат (табл. 0,1) 1–3 ёшга – 0,05–0,1 г дан қунига 2 маҳал; 3–14 ёшга – 0,1–0,2 г дан қунига 2 маҳал, курс – 2 ҳафта ;

-литий карбонат (табл.0,3г) 10–14 ёшга – 0,015 дан қунига 2 маҳал, курс – 2 ҳафта ;

-магний оксида (табл. 0,5 г. пор.) 0,1–0,2 г дан қунига 2 маҳал, курс – 4 ҳафта гача;

- натрий аденоzinтрифосфат (амп. 1мл 1%ли эритмаси) 1 мл м/o №20–30;

- пиридоксин гидрохлорид (табл. 0,002; 0,01 г) 0,005–0,02 г дан қунига 2 маҳал, курс – 4 ҳафта.

## 5.0. Спленэктомия.

Кўрсатмалар: bemor ҳаётига хавф туғдирадиган қон оқиши, ТП нинг ўткир кечиш даврида; қонсерватив терапиянинг самарасизлигида, пурпуранинг сурункали кечишида.

## Реабилитациянинг поликлиник боскичи:

1. Диспансер кузатуви – бутун хаёт давомида.
2. Профилактик эмлашлар 1 йил муддат ичида ман этилади.
3. Жисмоний тарбия дарсидан 6–12 ойга озод этилади.
4. Тромбоцитопения 3 ой сақланса, ногиронлик расмийлаштирилади.
5. Ман этилади: УФО, дезагрегантлар, эҳтиёткорлик билан тавсия этилади – нитрофуран, пенициллин қаторидаги ҳамда антигистамин препаратлар.
6. Фитотерапия: гемостатик таъсири бўлган доривор ўтлар Гипоаллерген пархез, оқсил физиологик нормада.
7. Кўрсатма бўйича (тромбоцитларнинг камайиб бориши кузатилса) 4- пунктда курсатилган препаратлар.

## **ИДИОПАТИК ТРОМБОЦИТОПЕНИК ПУРПУРА БЎЛГАН БОЛАЛАРНИ ДИСПАНСЕР КУЗАТУВИ ВА РЕАБИЛИТАЦИЯСИ НАЗОРАТИ**

Мутахассислар кўриги	Шифокор 3–6 ойда 1 марта, гематолог – 3–6 ойда 1 марта, стоматолог, ЛОР йилда 2 марта, хирург – спленэктомияни ҳал қилиш учун.
Кўрувда аҳамият беринг	Шикоятлар, умумий ҳолат, ҳуруж тезлиги ва оғирлик жиҳати, криз вақтида геморрагик синдромнинг кечиши, ички органларга қон қуишлиши билан боғлиқ янги симптоматика, жигар, кораталок ҳолати, қўзғатувчи омиллар.
Қўшимча текширувлар	Умумий қон таҳлили- тромбоцитлар сони билан, қон қуишлиш вақти, қон кетиш вақти 1–3 ойда ҳар 2 ҳафтада 1 марта, кейин 9 ойда – ҳар ойда, кейин ҳар 2 ойда ва ўтказган инфекциядан сўнг, кейинчалик йилда 2 марта. Сийдик таҳлили, нажасни гижжага текшириш йилда 2 марта.
Асосий соғломлашти- риш йўллари	1. Ёшига мос тартиб 2. Пархез: консерва маҳсулотлар, колбаса, пишлок, какао, кофе, шоколад кабиларни истеъмол қиласлиқ, гўштли овқатларни меъёрида ейиш. Фойдали – тухум сарифи ва исмалоқдан тайёрланган овқат маҳсулотлари. 3. Жисмоний тарбия – 3–4 ойга озод этилади, кейин эса маҳсус гурӯҳ.

## **VIII БОБ. СИЙДИК ЧИҚАРИШ ТИЗИМИ КАСАЛЛИКЛАРИ**

### **НЕФРИТ**

Нефрит - иммунологик жараён асосида ривожланадиган, буйракнинг мустақил бирламчи касаллиги бўлиб, унда гломерула ва тубулоинтерстициал компонентлар teng жихатда намоен бўлади.

Гломерулонефрит - буйракнинг ортирилган полиэтиологик касаллиги бўлиб, унга кўпроқ коптокча интерстициясининг иммунологик яллигланиши хос ва буйрак тўқимасининг исталган компонентида бу патологик жараён кузатилиши мумкин.

Хозирги вақтда бирламчи (ёки идиопатик) ва тизимли (ёки иккиламчи) гломерулонефритлар ажратилади.

Бирламчи гломерулонефрит буйрак тўқимасига турли хил инфекцион, аллергик ва бошқа омиллар таъсирида ривожланади.

Иккиламчи гломерулонефрит бириктурувчи тўқиманинг заарланиши билан кечадиган диффуз касалликларда (системали кизил югурук, Шелейн-Генох пурпураси, тугунчали периартериит, вакулитлар, Берже касалигига, ревматизм ва б.) да кузатилади.

### **3.22. БИРЛАМЧИ ГЛОМЕРУЛОНЕФРИТ**

#### **ТАШҲИСОТ МЕЗОНЛАРИ**

##### **I. Анамнези:**

Аллергик реакцияларга моийллик, организм иммунологик реактивлигининг сусайиши, қариндошларда буйрак ва юрак-қон томир тизими касалликлари қайд этилиши, бошдан кечирилган стрептококкли касалликлар (тонзиллит, стрептодермия, скарлатина, сарамасли яллигланиш ва б.) ва ундан кейин ( 3–4 ҳафта ўтгач стрептококкли антиген стимуляцияси) юзага келган ренал ва экстрапенал клиник-лаборатор белгилари бўлган касалликлар катта аҳамият касб этади.

## БОЛАЛАРДА БИРЛАМЧИ ГЛОМЕРУЛОНЕНЕФРИТНИНГ ТАСНИФИ

(Винницаада Умумиттифоқ симпозиумда қабул қилинган, 1976)

Тури	Фаоллик	Буйрак функцияси ҳолати
Ўткир гломерулоненефрит ўткир нефротик синдром билан; нефритик синдром билан; фақат сайдик синдроми билан; нефротик синдром гематурия ва гипертония билан. Сурункали гломерулоненефрит нефротик тури; аралаш тури; гематурик тури;	Давлар: 1. Бошлангич кўриниши 2. Қайтиш 3. Сурункали гломерулоненефритга ўтиши	1. Буйрак функцияси бузи лмаган 2. Буйрак функцияси бузи лган 3. ЎБЕ (ўткир буйрак етишмовчилиги)
Яrim ўткир гломерулоненефрит (злокачественный)	1. Хуруж 2. Қисман, ремиссия (частичная) 3. Тула клиник-лаборатор ремиссия	1. Буйрак функцияси бузи лмаган 2. Буйрак функцияси бузи лган 3. СБЕ (сурункали буйрак етишмовчилиги)
		1. Буйрак функцияси бузи лган 2. СБЕ (сурункали буйрак етишмовчилиги)

### II. Клиник мезонлар:

1. Экстрапенал симптомлар касалликнинг ўткир ва сурункали кечишининг турли хил кўринишларни белгилаб беради. Бунда бош оғрифи, кўнгил айниши, қайт қилиш, қорин ва бел оғрифи симптомлари, олигурия кейинчалик полиурия билан, аллергик реакциялар ва б. кузатилади.

Шишлар гломерулоненефритнинг вариантига кура турли даражада бўлади:

- гематурик вариантда - шишлар қўп эмас, асосан, юзда; олигурик фазада, бел соҳасида, оёқларда, қориннинг олд қисмларида яққол

намоён бўлиши мумкин; тезда ўтиб кетади ва улар коптокча фильтрациясининг сусайиши ҳисобига рўй беради.

- нефротикда эса - шишлар куп, таркалган, фақат юзда эмас, балки бўшлиқларда ҳам: асцит, анасарка; шишлар пайдо бўлганда олигурия кузатилади, шишлар мўътадил бўлиб, бир неча кун ичидаги кўпаяди; шишлар гипопротеинемия ва онкотик босимнинг пасайиши ҳисобига ривожланади.

- аралаш варианта – шишлар турли хил даражада (юз керкишидан то перифирик ва бўшлиқ – гидроторакс, гидроперикард, асцит каби шишларгача) бўлади ва туз-сув алмашинувининг бузилиши, гипопротеинемия ҳисобига ривожланади.

Артериал гипертензия ҳам касалликнинг турига боғлиқ:

- гематурик турида – артериал босим бир оз (ёшига нисбатан 15–20 мм симоб устунидан кўпроқ); бу қисқа муддатда (олигурия даврида) гиперволемия ҳисобига рўй беради. Кам ҳолларда гипертоник энцефалопатия (эклампсия) талваса, куриш фаолиятининг ўткир бузилиши ва йўқолиши билан кечиши мумкин.

- нефротик турида – артериал босим ўзгармайди, кам ҳолларда олигурия даврида қисқа муддатда унча юқори бўлмаган гипертензия кузатилиши мумкин.

- аралаш турида - артериал босим юқори ва мўътадил ва қонуний равишда ангиоретинопатия ривожланади. Жараён оғир ва нохуш кечади.

### III. Параклиник мезонлар:

(Сийдик синдроми ва буйракнинг заарланиш даражаси белгиланади):

а) Сийдик таҳлили:

-гематурик турида:

-хар хил даражадаги гломерулляр эритроцитурия (макрогематуриядан то кўриш майдонида 10–15 та эритроцитлар бўлиши), узок муддат сақланиб, аста-секин камаяди;

-протеинурия унча юқори эмас (1г/л) ёки йўқ;

-асептик (эозинофил, лимфоцитлар) лейкоцитурия, кўпинча олигурия даврида;

-нефротик турида:

-протеинурия анча юқори (3–20 г/л гача);

-эритроцитурия (гломеруляр) ўртача. 10–20 та эритроцит қўриш майдонида, кўпроқ касалликнинг биринчи 10–14 кунида ёки умуман бўлмайди;

-асептик лейкоцитурия лимфоцит ва эозинофиллар устунлиги билан;

-цилиндрурия – ўзгаришлар протеинурия билан баравар кечади.

-аралаш турида:

-протеинурия юкори, кўпинча носелектив, 3 г/сут.дан ортик;

-эритроцитурия (10–15 та эритроцитдан то макрогематуриягача);

-асептик лейкоцитурия;

-цилиндрурия - донадор, гиалинли, баъзида терминал (одатдагидан кенг) цилиндрлар, камроқ гавдачали (хужайрали);

б) Фильтрацион клиренсни текшириш - камайиши патологик жараёнга боғлиқ.

в) Коннинг биокимёвий таҳлили:

-протеинограмма - гипоальбуминемия юкори, нефротик ва аралаш турида  $\alpha$ - ва  $\gamma$ -глобулинлар миқдори ортган;

липидограмма – нефротик турида ўткир даврида ва аралаш турида хамма даврларида умумий липид ва унинг фракциялари (холестерин,  $b$ - липопротеин, фосфолипидлар) кескин ошган;

-азот чиқарувчи функция – мочевина, креатинин, сийдик кислота қўрсаткичлари гематурик ва нефротик турларида, олигоанурик фазасида бирмунча ошган, аммо аралаш гломерулонефритда кескин қўтарилиган ва узоқ муддат сақланади;

г) реабсорбцион клиренс (сув ва глюкозага нисбатан) – нормада ёки бирмунча камайган;

д) коагулограмма – ўткир даврда гиперкоагуляция белгилари.

Ташҳис эталони:

Сурункали гломерулонефрит, аралаш тури, хуруж даври, сурункали буйрак етишмовчилиги.

### Даволаш

Тартиб: экстрапенал белгилар яққол намоён бўлганда – 7–14 кун ўрин-кўрпа қилиб қатъий ётиш, кейин экстрапенал белгилар ва макрогематурия бартараф этилгунча яна 3–4 ҳафта ётиш. Протеинурия 1 г/л гача ва эритроцитлар қўриш майдонида 30 гача бўлганда ўриндан туришга рухсат берилади.

Парҳез шишлар, гипертензия ва буйрак ҳолатига боғлиқ: ўткир гломерулонефритнинг биринчи кунларида – олигурия ва

шишларда – «енгил пархез» оқсил ва туз чекланади. Индивидуал пархез буюрилади – гүштсиз, творогсиз, тусиз овқат. Гуручли ёки гречкали бўтқа мураббо ёки шакар билан, сабзавот бўтқаси, шўрваси; гренкалар, лимон шакар билан. 2–3 қунидан – тусиз ва гүштсиз овқат: оқсил 1–1,5 г/кг, ёғ 2,5–2,8 г/кг, углеводлар 13–15 г/кг, туз 0,5–1 г/сут., калория – 2000–2400 суткасига. Сурункали гломерулонефритда хуруж даврида тусиз пархез буюрилади: гематурик турида 1–2 ҳафтага, нефротик ва аралаш турида – 2–4 ҳафтага. Шишлар йўқолиб, АБ нормага келганда, сийдик ва қон таҳлиллари яхшиланганда пархез кенгайтирилади. Аввал гушт кушилади, 1 ҳафтадан кейин туз (1г дан то 3г/сут). Гематурик турида пархез тез кенгайтирилади, аммо нефротик ва аралаш турида жуда эҳтиёткорлик билан. 1,5–2 ой утгач боланинг ёшига мос равища маҳсулотларга туз қўшилади, таркиби ва калорияси мос бўлиши керак.

Суюклик касалликнинг фаол даврида диурезга мос равища берилади ва бошланишда диурез миқдорига 0,3–0,5 л ёки 0,25 л м<sup>2</sup> гавда майдонига кушилади. Касалликнинг бошлангич даврида витаминлар тавсия этилади: В1, Ва, Вб, РР, А, Е, В15 (поливитаминалар кўринишида булиши мумкин "Пангексавит", "Аэровит", "Олиговит", "Юникап" ва б.).

Яллиғланиш медиаторлари ва аллергия фаоллигини тусувчи препаратлар максадга муюфик булади:

- налкром (натрий кромолин) – 1 капс. (0,1 г) қунига 2–4 маҳал 2–3 ой;
- кетотифен, астафен, задитен (капс, табл. 0,001 г) – 0,025 мг/кг қунига 2 маҳал, 8–12 ҳафта;
- димедрол, пипольфен, супрастин, тавегилларни қисқа курс билан алмашлаб ўтказиш ( 1/2 – 1 табл. қунига 2 – 3 маҳал).

1. Этиотроп антибактериал терапия: пенициллин гурухи препаратлари, баъзида - эритромицин, олеандомицин. Нефротоксик антибиотиклар ман этилади!

Гематурик турида – ёшига мос дозада, нефротикда доза 20 – 50% оширилади, аралаш турида – ёшига мос дозадан 20 – 30% камайтирилади.

2. Кўп компонентли, патогенетик терапия гломерулонефрит даврига, оғирлик даражасига, тури ва синдромига мос равища индивидуал берилади.

### 2.1. Глюкокортикоидлар.

Кўрсатма: УГН нефротик синдром билан, айниқса чўзилган кўринишида; СГН нефротик тури хуружида, яrim ўткир, заарли гломерулонефритда.

Карши кўрсатмалар: СГН да буйракнинг парциал функцияси кескин бузилганда; азотемияга мойиллик; ўзгармас гипертензия; СБЕ. Преднизолон (табл. 0,005 г) 1–2–2,5 мг/кг/сут. дозада берилади, максимал муддат – 4–8 ҳафта, кейин бўлиб-бўлиб, ўзгарувчан схема асосида 6–12 ой давомида берилади;

### 2.2. Цитостатиклар.

Кўрсатмалар: СГН нинг нефротик турида гормонорезистентлик; СГН нинг гормонга боғлиқ нефротик турининг тез-тез ҳуруж қилиши; СГН аралаш тури.

Карши кўрсатма: СБЕ, анемия, лейкопения, тромбоцитопения.

- хлорбутин (табл. 2; 5 мг) – 0,15–0,25 мг/кг/сут 4–8 ҳафта мобайнида, аста-секин қувватлаб турувчи дозага ўтиб даво дозасининг 1/2 кисми 6 ой давомида берилади;
- азатиоприн, циклофосфан (табл. 0,05 г) – 2–3 мг/кг/сут. 4–8 ҳафта кейин 6 ой давомида ½ қисмига ўтилади.

### 2.3. Ностероид яллиғланишга қарши.

Кўрсатмалар: УГН фақат сийдик синдроми билан, СГН нинг гематурик тури (АБ нормада ва шиш бўлмагандан); «тўла бўлмаган» нефротик синдром (протеинурия 1–2 г/сут. дан кўп эмас, шишлар бўлмаган, лаборатор кўрсаткичлар бирмунча силжиган).

Карши кўрсатма: гломерулонефритнинг ўта фаоллиги, ўткир ва сурункали буйрак етишмовчилигига (ЎБЕ, СБЕ).

- аспирин (табл. 0,1; 0,25; 0,5 г) – 25–50 мг/кг/сут. 3 маҳал овқатдан кейин, катталар дозасидан кўп бўлмасин, курс 4–6 ҳафта ;
- индометацин, индоцид, метиндол, ортофен, вольтарен (табл. ва капс. 0,025 г) – 1/2 терапевтик дозада, 7 кун

давомида (1–1,5 мг/кг), кейин – 2–3 мг/кг/сут., 2–4 ҳафта давомида, кейинчалик доза камайтирилиб, 3–6 ой давомида бериб борилади.

#### 2.4. 4-аминохинолин қатори препаратлари:

Кўрсатмалар: экстрапенал ўзгаришсиз факат сийдик синдромида (окулист кузатуви остида, чунки тўр парда ва мугуз парда заарланиши мумкин)

- делагил (табл. 0,25 г) – 5–6 мг/кг/сут., 3–6 ой давомида;
- плаквенил (табл. 0,2 г) – 4–5 мг/кг/сут., 3–6 ой давомида.

### 3. Антитромботик препаратлар:

#### 3.1. Тўғри антикоагулянтлар.

Кўрсатма: гиперкоагуляция; қон зардобида фибриннинг парчаланган маҳсулотлари ошган, фибриноген сатҳи камайган вақтда буйрак функциясининг тезлик билан тушиши; ДВС, шиш синдромлари, гиперлипидемия. Гепарин килинади – 150–250 ТБ/кг/сут. тери остига, қорин соҳасига кунига 2 маҳал, қон қўйилиш вақти ва коагулограмма натижалари назорат қилиб турилади. Курс давомийлиги 2–4–6 ҳафта. Гломерулонефритнинг ўткир даврида, шишлар ва буйрак етишмовчилиги бўлган bemorларга гепаринни венага, электрофорез йўли билан буйрак соҳасига юбориш, тил тагига томчилаб ёки ингаляция йўли билан юбориш мумкин. Курс гепарин ҳар дозасини секин-аста камайтириб бориб тутатилади.

#### 3.2. Антиагрегантлар.

##### а) Тромбоцитлар агрегациясига тўсқинлик қилувчи препаратлар:

- аспирин (2.3. қаранг);

- дипиридамол, курантил, персантин (табл., драже 0,025 ва 0,075 г) – 2–3 мг/кг/сут. кунига 3 маҳал, 2–3ой, баъзида – 6 ойгача.

##### б) Эритроцитлар агрегациясига тўсқинлик қилувчи препаратлар:

- трентал, агапурин, пентоксифиллин (табл., драже 0,1 г) -

1,5–5 мг/кг/сут. 2–3 юборища.

#### 4. Диуретиклар.

Кўрсатма: яққол шиш синдроми ва олигурия. Кўпинча лазикс (фуросемид) берилади – 1–3–5 мг/кг/сут. 1–2 юборища, в/и ёки м/о (амп., 2 мл 1% ли эритмаси=20 мг) 3–5 кун;

- верошпирон (табл. 0,025 г), альдактон (табл. 0,05 г ва капс. 0,1 г), практон (табл. 0,05 г) – 50–200 мг/сут., курс – 7–8 кундан 3–4 ҳафтагача;
- гипотиазид (табл. 0,025, 0,1), дихлортиазид (табл. 0,025 г) 25–100 мг/сут., курс – 3–4 ҳафтагача; зарурат бўлганда шу дозада 2–5 кунда 1 марта берилиши мумкин.
- кам ҳолларда бринальдикс (табл. 0,01 г), клопамид (табл. 0,025 г), триамтерен (капс. 0,05 г), урегит (табл. 0,05 г), диакарб (табл., 0,25 г) берилади доза индивидуал, самарадорлигига қараб танланади, курс – 1–3 ҳафта;
- эуфиллин (табл. 0,015 г) – ичишга 0,01–0,02 г кунига 2–3 маҳал; в/и томчилаб 2,4%ли эритмаси – 1 мл/ёшига натрий хлорид изотоник эритмасида;
- паст молекуляр плазма ўрнини босувчи (гемодез, реополиглюкин ва б.) – 5–8 мл/кг в/и томчилаб суткада 1 маҳал.

## 5. Гипотензив препаратлар:

Доза индивидуал, АБ назоратида танланади.

### 5.1. Нейротроп антиадренергик препаратлар:

- резерпин (табл. 0,1 ва 0,25 мг), раунатин (табл. 2 мг) – 0,1–0,4 мг/сут.;
- изобарин, октадин (табл. 25 мг) – 10–12 мг суткада 1 – 2 маҳал;
  - метилдофа, альдомет, допегит, экибар (табл. 0,15 г) – 100 – 120 мг суткада – 2 маҳал;
  - анаприлин (табл. 0,01 и 0,04 г), пропранолол, индерал, (табл. 0,01, 0,04 г), пропранур (табл. 0,04, 0,08 г), обзидан (табл. 0,04 г), бетакеп (капс. 0,08) – 0,5 – 0,6 мг/кг.

### 5.2. Комбинация (фиксация қилинган) препаратлар:

- адельфан, адельфан-эзидрекс, трирезид – ёшига мос, резерпинга нисбатан ҳисобланади (0,1 мг/сут.).

### 5.3. Периферик вазодилататорлар:

- апрессин, депрессан, гидралазин (табл., драже 0,01; 0,025 г) 10 мг дан кунига 1 – 2 маҳал.

### 5.4. Ангиотензин ферменти ингибиторлари:

- каптоприл (капотен), ангиоприл (табл. 0,025; 0,05 г), тензиомин (табл. 0,05; 0,1 г), ацетен (табл. 0,025 г), катопил (табл. 0,025; 0,05; 0,1 г) – 1–2 мг/кг/сут. ичишга.

### 5.5. Кальций иони антагонистлари:

- верапамил (др. 0,08), лекоптин (др. 0,04; 0,08; 0,12), финоптин (др. 0,04; 0,08), изоптин (др. 0,04), фаликард (табл. 0,04; 0,08) – 4 ёшгача 0,02 г 2–3 маҳал; 14 ёшгача –0,04 г дан кунига 2–3 маҳал овқатдан 30 дақиқа олдин.

#### 6. Мембраностабилизация қилувчи ва антиоксидантлар :

- димефосфон, эссенциале, ретинол ацетат, токоферол ацетат .

#### 7. 4-аминохинолин қатори препаратлари: глюкокортикоидлар ва иммуносупрессантлар ( 2.4. га қаранг).

#### 8. Иммунокоррекция.

а) СГН нинг нефротик ва аралаш турида фаолликнинг энг актив даврида:

- лейкоцитар интерферон (амп. 2 мл ҳажмда) - интраназал еки ингаляция 0,25 мл кунига 2 маҳал 2–3 ҳафта давомида;

- лизоцим (фл.50; 100; 150 мг) – 2 мг/кг/сут. м/о кунига 2 маҳал ёки 2–10 мл 0,05%ли эритмаси ингаляция кўринишида 2 ҳафта давомида (тухум оқсилини ўзлаштира олмагандан ман этилади);

б) жараён сўнгандаги:

- глицирам - 1 табл. (0,05 г) дан кунига 2 маҳал, курс – 4 ҳафта ва ундан кўп (буйрак функцияси бузи лганда тақиқланади);

- элеутерококк, пантокрин настойкалари ва б. 1 томчидан ёшига, курс – 3–4 ҳафта ;

- продигиозан (0,005%ли эритмаси, амп. 1 мл=50 мкг) м/о 5 та юборилади: биринчиси – 0,1–0,2 мл (препарат ўзлаштирилиши кузатилади), иккинчиси – 0,5 мкг/кг/сут. учинчи–бешинчиси – 1 мкг/кг/сут. инъекция ораси 2–4 кун.

#### 9.1. Сурункали инфекция ўчогини даволаш.

#### 9.2. Сафро ҳайдовчи ( холестазда):

- аллохол - 1 табл.дан кунига 2–3 маҳал, 10–14 кун давомида;

- никодин (табл. 0,5 г), оксафенамид (табл. 0,25) – 1 табл.дан кунига 3 маҳал, 10–14 кун;

- ксилит, сорбит, минерал сув, тухум сарифи, ўсимлик мойи билан тюбаж ҳафтада 1 марта.

#### 9.3. Фермент препаратлари (меъда ости бези етишмовчилигига)

- фестал, дигестал, энзистал, панзинорм, панцитрат ва б. – 1 др. дан кунига 3 маҳал овқат вақтида 10–14 кун.

#### 9.4. Биопрепаратлар (бактисубтил, лактобактерин, колибактерин ва б.) ичак дизбиоценозида.

## **БОЛАЛАРДАГИ ЎТКИР ГЛОМЕРУЛОНЕФРИТДА БҮЙРАК ЕТИШМОВЧИЛИГИНИ ДАВОЛАШ**

Пархез: оқсил ва туз чекланади, углевод ва ёғи бўлган маҳсулотлар берилади.

Гломерулонефрит терапияси касаллик турига боғлиқ ва қатъий индивидуал.

Асосий синдромлар:

### **Олигурия**

Инфузион терапия (ҳажми умумий суюклик ҳисобига мос булиши керак). Лазикс (фуросемид) 1–3–5 г/кг сут. (баъзида кўпроқ) вена ичига, мушак орасига, ичишга. Реополиглюкин, 10%ли глюкоза эритмаси ёки плазма, альбумин (кам ҳолларда)

Эуфиллин 2,4% 0,12–0,8 мл/кг в/и.

Трентал 3–5–8 мг/кг сут. в/и томчилаб.

Гепарин 200–500 ТБ/кг сут. в/и, т/o.

Витамин С, кокарбоксилаза в/и.

### **Азотемия**

Инфузион терапия.

Диуретиклар.

Ишқорли ичимликлар.

Содали суппозиторийлар. (Кўнгил айнигандан, қайт қилганда меъдани содали эритма билан тозалаш.)

### **Ўпка шиши**

Инфузионон терапия.

Кислород, спирт билан тўйинган ёки антифомсилан.

Преднизолон 1–3 мг/кг в/и.

Промедол в/и ёки седуксен м/о. ГОМК в/и аста-секин(2–3 минут давомида) 70 мг/кг 10–20%ли глюкоза эритмасида.

Жгутлар (оёқ ва қўлга).

Юрак гликозидлари (тахикардияда).      Периферик вазодилататорлар.

### **Гиперкалиемия**

Глюкоза эритмаси 20–40% инсулин билан в/и (1 ТБ инсулин 4–5 г глюкозанинг қуруқ моддасига).

10%ли кальций хлорид эритмаси ёки кальций глюконат 10%ли эритмаси в/и, калий чиқарувчи диуретиклар (лазикс, гипотиазид).

## Гипертензия

Дибазол в/и, м/о.

Раунатин.

Лазикс, гипотиазид ва бошқа диуретиклар.

Периферик вазодилататорлар.

Клофелин, допегит, изобарин.

Бета-адреноблокаторлар.

Ганглиоблокаторлар.

## БИРЛАМЧИ ГЛОМЕРУЛОНЕФРИТ БҮЛГАН БОЛАЛАРНИ ДИСПАНСЕР КУЗАТУВИ ВА РЕАБИЛИТАЦИЯСИ

Мутахассислар күриги	Шифокор – түлиқ клиник-лаборатор ремиссияда 3–6 ойда 1 марта, түлиқ бўлмаганда 1–3 ойда 1 марта; ЛОР, окулист, стоматолог йилда 2 марта, кўз заарланганда ва аминохинолинлар билан даволанганда – окулист ойда 1 марта. Бошқа мутахассислар кўрсатма бўйича .
Кўрувда аҳамият беринг	Умумий аҳволи, шишлар, АБ, инфекция ўчоfiga.
Қўшимча текширувлар	1. Умумий қон таҳлили 2–4 ҳафтада 1 марта. 2. Нечипоренко ойда 1 марта. 3. Коннинг клиник таҳлили 2–6 ойда 1 марта. 4. Коннинг биокимёвий таҳлили (мочевина, креатинин, холестерин, кальций, калий, протеинограмма 6–12 ойда 1 марта. 5. Эндоген креатинин клиренси – йилда бир 6. Зимницкий синамаси 3–6 ойда 1 марта.
Асосий соғломлаштириш йўллари	1. Сурункали инфекция ўчиғи санацияси. 2. Интеркуррент касалликларни даволаш. 3. Стационардан сўнг даволаш ишларини давом эттириш (қуидаги препаратлар билан): преднизолон 1–3 мг/кг сут. ҳар 3 кунда 4 кунлик танаффус билан (нажасни қонга текшириб бориш); цитостатиклар (хлорбутин, циклофосфамид, азатиоприн) $\frac{1}{2}$ терапевтик дозада; курантил 5–10 мг/кг (пульс назоратида) ва фенилин (7мг/кг).

	<p>4. Гормон ва аминохинолин препаратлари билан узок муддат қувватлаб турувчи терапия (кўрсатмага мувофик).</p> <p>5. Фаоллик ошиши ва хуружнинг олдини олиш – 2 ҳафталик преднизолон курси (1–3 мг/кг) интеркуррент касаллик қўшилганда биринчи 2 йилда, 7–10 кунлик антибиотик курси, 2–3 ҳафталик витамин курси А, Е, В6.</p> <p>6. Симптоматик терапия – фитотерапия.</p> <p>7. Физиомуолажалар</p> <p>8. Санатория-курортларда даволаниш.</p>
Кўрув давомийлиги	5 йил камида хуруж кайд этилганда ва буйрак функцияси ўзгарганда кўрув давом эттирилади.
Профилактик эмлаш	Тўлиқ ремиссиядан сўнг 5 йил муддатга озод этилади.

### 3.22. ЦИСТИТ

Цистит - сийдик пуфагининг шиллиқ қаватидаги микроблияллиганиш ёки иммунопатологик жараён.

#### ТАШҲИСОТ МЕЗОНЛАРИ:

##### I. Анамнези:

Организм резистентлигининг тушиши; буйракнинг токсик (препаратли) заарланиши, сийдик йуллари катетеризацияси; вульвовагинит; тубулопатиялар; ирсий ва орттирилган моддалар алмашинувининг бузилиши; меъда-ичак йўли дисфункциялари; қабзиятга мойиллик.

##### II. Клиник мезонлари:

- Оғриқ синдроми: қовуқ соҳасида оғриқ, доимий, санчиқли, пальпацияда қорин девори таранглашган.
- Дизурия синдроми - тез- тез (поллакурия) ва кам порциядан оғриқ билан сийиш; сийдик ушлаб тура олмаслик.

##### III. Параклиник мезонлар:

- сийдик таҳлили - тиниқ эмас, нейтрофилли лейкоцитурия; протеинурия, бактериурия, эритроцитурия (ўзгармаган), яssi эпителий ҳужайралари.
- сийдикни экиш - патоген флора, кўпроқ ичак таёқчалари.

в) қон таҳлили - нейтрофилли чапга силжиган лейкоцитоз, ЭЧТ ошиши.

г) экскретор урография - тош, аномалиялар, ўсимталар.

д) цистография – қовуқ-сийдик йўли рефлюкси.

Киёсий ташҳисот:

Вульвит, вульвовагинит, фимоз, баланит, пиелонефрит.

Ташҳис эталони:

Ўткир ўчоқли, геморрагик цистит.

### ЦИСТИТ ТАСНИФИ

Кечиши бўйича : ўткир (факат шиллиқ қават заарланади);

сурункали (шиллиқ қават ва унинг ости соҳалари заарланади).

Майдони бўйича : ўчоқли, диффуз.

Морфология бўйича: катарал, йирингли, геморрагик, грануляр, буллёз, некторик, инкрустация бўлган.

Даволаш

1. Тартиб - ўткир даврда ўринда ётиш, кейин ётиб-туриш, ўзни эҳтиёт қилиш.

2. Парҳез – сутли ва ўсимлик маҳсулотларидан тайёрланган овқатлар.

3. Антибиотикотерапия: ярим сунъий пенициллинлар, III авлодга мансуб цефалоспоринлар: Цефазим (цефотаксим) суткада 50-100 мг/кг 2 мартаға бўлиб м/о ёки т/и юборамиз, Цефограм (цефтриаксон) касаллик оғирлига қараб 20-100 мг/кг кунига 1 маротаба қилинади, Цебанекс (цефоперазон+сульбактам) – анамнезида илгари антибактериал даво олиб ва натижага бўлмаган ҳолатларда – суткада 40-80 г/кг 2 маротага бўлиниб м/о ёки т/и юборилади; ўткир даврда 5-7 кунлик курс билан ичишга ёки парентерал – нитрофуранлар (фурагин, фурадонин, фуразолидон ва б.) жараён сўнганда 3-5 мг/кг сут. 4 маҳал, 5-7 кун (ичишга, ректал, электрофорез 1%ли эритмаси қовуқ соҳасига).

4. Кўп 1,5-2 л гача суюқлик ичиш.

5. Тез-тез сийиш.

6. Кўрсатма бўйича алмашинув нефропатиялар (оксалат-кальцийли кристаллурия, уратурия, фосфатурия) коррекцияси – парҳез ва дорилар билан.

7. Маҳаллий даволаш, цистит қўринишига боғлиқ равишда:

- катарал ва геморрагикда – наъматак, чаканда (облепиха) мойи 10–15 мл дан, синтомицин эмульсияси 5 мл дан 1 маҳал №10 инстилляцияси;
- у билан биргалиқда мойчечак (ромашка), эвкалипт қайнатмаси билан микроклизмалар, ҳар куни №10.

8. Физиомуолажалар: кальций хлорид билан электрофорез қовуқ соҳасига кун оралатиб, № 7–10; шу соҳага озокерит, парафинли аппликация №7–10, Кузнецов бўйича диадинамик токлар, кун оралатиб № 7–10.

9. Фитотерапия: ялпиз, сули дамламаси 2–3 ҳафта .

10. Сурункали инфекция ўчоғини, интеркуррент касалликни даволаш.

#### Реабилитациянинг поликлиник боскичи:

1. Антибактериал терапия;
2. Фитотерапия: доривор ўсимликлар дамламалари билан 10 кундан 2–3 ойгача.
3. Физиомуолажалар нефролог ва физиотерапевт кўрсатмаси бўйича.
4. Профилактик эмлаш – 3 йилга озод этилади.
5. Маҳаллий санаторийларда даволаниш:
  - тўлиқ клиник-лаборатор ремиссиядаги цистит;
  - метаболик узгаришлар ва хуруж бўлмагандан.

## **ІХ БОБ. ЭНДОКРИН КАСАЛЛИКЛАР**

### **3.24. ҚАНДЛИ ДИАБЕТ**

Қандли диабет – патологик ҳолатнинг гетероген гурухи бўлиб, унга абсолют ёки тахминий инсулин етишмовчилиги билан боғлиқ бўлган сурункали моддалар алмашинувининг бузилиши асосидаги гипергликемия хос.

#### **ТАШХИСОТ МЕЗОНЛАРИ:**

1. Диабетнинг белгилари мавжуд гликемия даражаси 11,1 ммоль/л дан ошган.
2. Диабетнинг клиник белгилари бўлмаганда, диабет ташхиси қўйидаги ҳолларда қўйилади:
  - 2 марта оч қоринга олинган капилляр қонда глюкоза миқдори 7,8 ммоль/л дан ошиқ бўлса;
  - стандарт глюкозатолерант синамада оч қоринга 6,7 ммоль/л дан ошиқ, глюкоза (1 кг гавда вазнига 1,75 г, фақат 75 г дан ошмаган) истеъмол қилгандан кейин 11,1 ммоль/л дан ошиқ бўлганда. Глюкозага толерантлик бузилганда қонда қанд миқдори оч қоринга 6,7 ммоль/л дан кам, глюкоза истеъмол қилгандан кейин эса 7,8 дан 11,1 ммоль/л гача бўлганда.

Клиник синдромлар ва уларнинг лаборатор маркерлари:

1. Гипергликемия синдромига қонда глюкоза миқдори ошиши хос бўлиб, оч кориндаги меъёрда миқдори глюкозооксиди ёки ортотолуидин услуби билан ўлчангандан 3,3 дан 5,5 ммоль/л гача бўлади ҳамда гликозилларган гемоглобин ( $\text{HbA1c}$ ) фракцияси 6% дан ошиши кузатилади. Клиник белгилари: овқатдан сўнг уйқу келавериши ва ўткинчи кўриш қобилиятининг бузилиши.

2. Глюкозурия синдроми кўп ҳолларда гипергликемия 8,8 ммоль/л дан ошган вақтда юзага келади. Полга тушган сийдик доги ёпишқоқ, «крахмалланган кийим» симптоми, ташқи жинсий органлар соҳасида қичишиш, полиурия, бу эрта ёш болаларда энурез билан бирга келади.

3. Сувсизлик синдроми ва электролит алмашинувининг бузилиши – полидипсия, тери ва шиллиқ қаватларнинг қуриши, тўқима тургори ва кўз косаси тонуси пасайиши, гипотония. Лаборатор белгилари: гематокрит кўтарилиши, қон зардобида

натрий миқдори 135 ммоль/л дан, калий эса 3,5 ммоль/л дан камайиши, ЭКГ да гипокалиемия белгилари.

4. Астеник синдром энергетик очлик ва электролитларни йўқотиши ҳисобига ривожланади. Ақлий ва жисмоний қобилият сусайган, ҳолсизлик, дармонсизлик, эмоционал аднамия.

5. Оқсил камайиши синдроми энергия манбай сифатида аминокислоталар ишлатилиши сабабли рўй беради: гипоальбуминемия, ўсиш секинлашиши, мушак дармонсизлиги, жароҳатнинг ёмон битиши, йирингли ва кандидозли касалликларга мойиллик.

6. Полигиповитаминосиндроми: тери, соч, тирноқ трофикаси бузилади, гиперкератоз, ангуляр стоматит, глоссит, хейлоз.

7. Ёғ алмашинувининг бузилиши: инсулин етишмовчилиги натижасида ёғ тўқималарида липолитик жараённинг устунлиги гиперлипидемияга, гавда вазнининг камайишига, ксантохромияга, жигарнинг ёғ инфильтрацияси олиб келади.

8. Кетоацидоз синдроми: ёғ ва кетоген аминокислоталар утилизацияси бузилиши сабабли кетогенез жараёни кучаяди. Натижада қон зардобида кетон гавдачалари миқдори кўпаяди, сийдикнинг ацетонга реакцияси мусбат бўлади. Гиперкетонемия ўз навбатида метаболик ацидозни келтириб чиқаради: лаборатор белгилари: қоннинг pH 7,3 дан паст. Клиник белгилари: нафас чиқарганда ацетон ҳиди келиши, ҳолсизлик, апатия, бош айланиши, бош оғриғи, «диабетик юз қизиллиги», юрак соҳасида оғриқ, Куссмаул нафаси, анорексия, Соркин-Альгаузен гематоренал синдроми (лейкоцитоз, нейтрофилез, протеинурия ва сийдик чўқмасида лейкоцитлар, цилиндрлар, эритроцитлар); абдоминал синдром (коринда оғриқ).

Оғирлик даражаси диабетнинг кечиши ва асоратларнинг мавжудлиги билан белгиланади:

I даража – парҳез ёрдамида нормогликемия ва аглюкозурия бўлса;

II даража – углевод алмашинуви инсулин ва қанд туширувчи перорал препаратлар ёрдамида барқарор бўлса;

III даража – инсулин резистентлик, кетозга мойиллик ва асоратлар булиши билан белгиланади.

**КАНДЛИ ДИАБЕТНИНГ КЛИНИК ТАСНИФИ**  
**(М.И. Балаболкин, 1989)**

<p><b>А. Диабетнинг клиник формалари:</b></p> <ol style="list-style-type: none"> <li>1. Инсулинга боғлиқ диабет</li> <li>2. Инсулинга боғлиқ бўлмаган диабет</li> <li>3. Кандли диабетнинг бошқа турлари</li> <li>4. Ҳомиладор аелларда диабет (гестацион)</li> </ol>	<p><b>Б. Диабетнинг оғирлик даражаси:</b></p> <ol style="list-style-type: none"> <li>1. Енгил (I даражаси)</li> <li>2. Ўрта (II даражаси)</li> <li>3. Оғир (III даражаси)</li> </ol>
<p><b>В. Компенсация ҳолати:</b></p> <ol style="list-style-type: none"> <li>1. Компенсация</li> <li>2. Субкомпенсация</li> <li>3. Декомпенсация</li> </ol>	<p><b>Г. Диабетнинг ўткир асоратлари:</b></p> <ol style="list-style-type: none"> <li>1. Кетоацидоз кома</li> <li>2. Гиперосмаляр кома</li> <li>3. Гипогликемик кома</li> <li>4. Лактацидотик кома</li> </ol>
<p><b>Д. Диабетнинг кечки асоратлари:</b></p> <ol style="list-style-type: none"> <li>1. Микроангиопатия (ретинопатия, нефропатия)</li> <li>2. Макроангиопатия</li> <li>3. Нейропатия</li> </ol>	<p><b>Е. Бошқа тизим ва органларнинг заарланиши:</b> энтеропатия, гепатопатия, катаракта, остеоартропатия, дермопатиялар ва б.</p>
<p><b>Ж. Терапия асоратлари:</b></p> <ol style="list-style-type: none"> <li>1. Инсулин терапияси – маҳаллий аллергик реакция, анафилактик шок, липодистрофия)</li> <li>2. Перорал қанд миқдорини туширувчи препаратлар (аллергик реакция, меъда-ичак йўли функцияси бузилиши)</li> </ol>	

Компенсация фазаси – диабет белгилари йўқ, жисмоний, жинсий, ақлий ва интеллектуал ривожланиш ёшига мос, гликемия даражаси 10 ммоль/л гача, глюкозурия алоҳида порцияларда 1% дан кўп эмас, липид алмашинуви меъёрда, НъАс1 миқдори 1 дан 8% гача.

Субкомпенсация – гликемия 10 ммоль/ л гача, суткалик глюкозурия, озик - овқат маҳсулотининг қандли қиймати 10% атрофида, НъАс1 10% дан ошмаган.

Декомпенсация – кетозсиз, кетоз билан ва кетоацидоз билан кечиши мумкин.

#### IV. Параклиник мезонлар:

- гликозил гемоглобин (НъАс 1) ни аниқлаш;
- қоннинг биокимёвий таҳлили: холестерин,  $\square$ -липопротеидлар, мочевина, оқсил ва фракциялари, билирубин, трансаминазалар, калий, натрий;
- эндоген креатинин клиренси бўйича коптока фильтрациясини аниқлаш;
- сийдикнинг Зимницкий синамаси суткалик қанд ва оқсил экскрецияси ҳисоби билан;
- буйракнинг динамик синтиграфияси;
- жигар синтиграфияси;
- оёқларни реовазографияси.

#### Даволаш

1. Парҳез №9. Суткалик калорияда углеводлар 60%, ёғлар 24%, оқсил 16% бўлади. Нонушта, пешин ва кечки овқат қунлик калориянинг 25% ни, иккинчи нонушта, аср овқати – 10%, иккинчи кечки овқат – 5% ни ташкил килади. Кетозда ёғлар рациондан олиб ташланади ва углеводлар фруктоза ҳисобига (1 чой қошиқда 2–3 маҳал асал) оширилади.

#### 2. Инсулинотерапия

Суткалик инсулин дозаси:

Касалликнинг биринчи йили кетоз бўлмаганда 0,3–0,5 ТБ/кг, кейинги йили – 0,6–0,8 ТБ/кг, ўсмирларда 1ТБ/кг гача тери остига. Кун мобайнида суткалик дозанинг 50% узоқ таъсир этувчи препаратлар (хомофан, протафан НМ, хумулин Н) 2 маҳал нонуштадан олдин ва ётишдан олдин;

- 50%- қисқа таъсир этувчи препаратлар 3 маҳал нонуштадан, пешин ва кечки овқатдан олдин. Кейинчалик доза индивидуал гликемия ва глюкозурия даражаси назорати остида белгиланади.

2.2. Компенсация бўлган кетоацидозда суткалик доза 1 ТБ/кг гача қисқа таъсир этувчи препаратлар асосий берилиш вақти ўрталарида қилиниши ҳисобига оширилади.

2.3. Кетоацидоз декомпенсациясида 0,1–0,25 ТБ/кг ҳар 3–4 соатда гликемияни назорати остида килинади.

3. Жисмоний тарбия тайёрлов гурухида- енгил ва ўрта оғир даражасида, шифобаҳаш жисмоний тарбия – оғир даражада.

4. Диабет асоратларини даволаш:

4.1. Диабетик ретинопатия: а) парҳезда ёғ, асосан, ҳайвон ёғи чегараланади, липотроп маҳсулотлар (творог, сули, треска, ёғсиз қўй гўшти), мевалар берилади; б) витаминлар – кокарбоксилаза, тиамин бромид, пиридоксин хлорид, цианкобаламин; аскорбин кислота, рутин, токоферол ацетат, пангамат кальций, никотин кислота; в) анаболик моддалар – нероболил, неробол, дианобол, метиландростендиол; г) ангиопротекторлар- продектин, пармидин, ангинин; д) ретинопатиянинг II–III даражасида:

-дицинон, этамзилат, доксиум, трипсин, лидаза.

4.2. Диабетик нейропатия:

а) витаминлар В1, В6, В12, кокарбоксилаза; б) глютамин кислота; в) прозерин;  
г) физиомулажалар – индуктотермия №10–12, УВЧ, ультратовуш нур билан даволаш.

4.3. Диабетик нефропатия: а) СБЕ белгиларида парҳез - оқсилни 50 г/сут. гача, тузни 4–5 г сут. гача чегаралаш; б) микро-, макроальбуминурияда ангиотензин ингибиторлари – капотен, каптоприл; в) дезагрегантлар: курантил, дипиридамол, трентал, микристин; г) антиоксидантлар: токоферол ацетат, ретинол ацетат; д) диуретиклар; е) гиперкоагуляцияда гепарин 100–150 ТБ/кг/сут.

4.4 Жигар ёғ дистрофияси: а) холестеринга бой маҳсулотлар чегараланади, липотроп маҳсулотлар тавсия этилади; б) витаминлар; в) липотроп препаратлар – метионин, липой кислота, липамид; г) гепатопротекторлар: легален, ЛИВ 52, карсил, сирепар; д) сафро ҳайдовчи – аллохол, жўҳори попуги қайнатмаси, никодин; е) физиомулажа – жигар соҳасига озокерит аппликацияси, индуктотермия.

4.5. А. Кетоацидоз: парҳез, инсулинотерапия, ишқорий суюқликлар ичиш, натрий гидрокарбонат билан (300 мл) клизма, регидратация – кетозда регидрон, 0,9%ли натрий хлорид эритмаси ичишга, декомпенсацияда вена ичига; витаминотерапия, гипокалиемияда – панангин, аспаркам.

Б. Кетоацидотик кома: а) инсулин қисқа таъсирли м/о ёки в/и 150–300мл Рингер ёки натрий хлорид 0,9%ли эритмасида 0,1 ТБ/кг дозада; б) ошқозонни ювиш 5%ли натрий гидрокарбонат эритмаси билан меъдани якунида 100 мл эритма меъда ичидан қолдирилади;

в) кислородотерапия; г) 4% натрий гидрокарбонатни 300мл илик эритмаси клизма қилинади; д) биринчи соаттарда 0,9%ли натрий хлорид эритмаси 37 С даражасигача иситилган ҳолда 20 мл/кг ҳисобида венага юборилади, унга кокарбоксилаза 100–200мг. 5 – 5 мл аскорбин кислота қўшилади; е) инсулинотерапия: м/о юборилганда ҳар соатда 0,1 ТБ/кг дозада; в/и юборилганда 0,1 ТБ/кг/соат (ёки 0,2 ТБ/кг/соат дозагача кўпайтириш мумкин) дозада суюқликка қўшилади. Гликемия 14 ммоль/л гача тушганда инсулин миқдори 0,05 ТБ/кг/соат гача камайтирилади. Гликемия 10 ммоль/л гача тушганда тери остига 0,1–0,25 ТБ/кг ҳар 4 соатда ҳисобида қилинади; ё) инфузион терапия: суюқлик миқдори 50–150 мл/кг/сут. 1 ёшгача болаларда суюқликка бўлган ўртacha эҳтиёж суткасига 1000 мл, 1–5 ёшда – 2000 мл, 10–15 ёшда – 2000–3000 мл. Биринчи 6 соатда суткалик миқдорнинг 50%, кейинги 6 соатда – 25%, қолган 12 соатда 25% юборилади. Гликемия 14 ммоль/л дан ошиқ бўлганда Рингер ёки физиологик эритмаси, кам бўлганда – Рингер ёки физиологик эритма 5%ли глюкоза эритмаси билан 1:1 нисбатда юборилади. pH 7,2 дан паст бўлганда натрий бикарбонат 2,5 мл/кг ҳисобида в/и га томчилаб 1–3 соат давомида қўйилади. Гипокалиемияда даво бошланганидан 2–3 соат ўтгач 10%ли калий хлорид – 1,5–3 мл/кг юборилади. ж) гипотония ва шок белгиларида 5%ли альбумин, ёки плазма ўрнини босувчи эритмалар 10–20 мл/кг ҳисобида; 10% ли кофеин эритмаси (0,5–1 мл), 1% мезатон билан (0,15–0,6 мл) алмашиб ҳар 3–4 соатда берилади; з) цианкобаламин, пиридоксин; и) антибиотиклар ёшига мос дозада 7 кун давомида.

5.1. Постинъекцион гипертрофик липодистрофияда – уқалаш, индуктотермия, ультротовуш.

5.2. Гипогликемияда: енгил ўзлаштириладиган углеводлар (1–2 бўлак қанд, асал – 1–2 чой қошиқ, оқ нон – 50 г); ҳушсиз бўлганда 40%ли глюкоза в/и га 80 мл гача тез юборилади; агар ҳушига келмаса 0,1% ли адреналин 0,5 мл тери остига; глюкагон (фл.0,001г) м/о 1 мг; преднизолон в/и 1мг/кг 300 мл 5% ли глюкозада; ҳушига келса – бўтқа, картошка пъюреси.

**ҚАНДЛИ ДИАБЕТИ БҮЛГАН БОЛАЛАРНИ ДИСПАНСЕР  
КУЗАТУВИ**

	<b>Инсулинга боглиқ қандлы диабет</b>	<b>Глюкозага толерантликни нг бузилиши</b>	<b>Қандлы диабетта тасдиқланган хавфи бүлганс гурух</b>
Мутахассисла р күриги	Эндокринолог хар ойда, окулист, стоматолог, фтизиатр 6 ойда бир марта	Эндокринолог 3 ойда бир, окулист 6 ойда бир марта	Эндокринолог йилда бир марта
Күрүвда аҳамият беринг	Умумий ахволи, гавда вазни, диабет симптомлари, гипогликемия, инсулин қилинган ўрни, жигар, жинсий ривожланиш, қизларда вульвит, овқатланиш тартиби, пархез, инсулин инъекцияси техникаси	Жисмоний ривожланиши, айниңса гавда вазни, диабет белгилари, тери, шиллик қаватлар (чишқон, вульвит), жигар холати.	Глюкозага толерантликн инг бузилишида бүлганидек
Қўшимча текширувлар	Гликемияни хафтада 4 марта (оч коринга), тушлиқдан, кечки овқат-дан ва уйкудан олдин 7– 10 кунда бир. Сийикда қанд ва ацетон 3та порцияда: 1-порция соат 9– 14 гача	Базал гликемия, суткалик сийикда қанд, глюкозага толерантлик тести ойда бир. Базал гипергликемия бўлса овқатдан 2 соат ўтгач гликемияни аниқлаш	Худди шулар

	2- 14–19 гача 3- 19–9 гача, қонда холестерин, НъАс1 6 ойда бир, Манту синамаси йилда 2 марта		
Асосий соғломлаштириш иш йўллари	Парҳез- инсулин- витаминотерапия, липотроп препаратлар, шифобахш жисмоний тарбия, инфекция ўчофини, интеркуррент касалликни даволаш, санатория- курортларда даволаниш	Худди шулар	Парҳез билан даволаш
Диспансер кузатув самарадорлиги	Боланинг яхши хис килиши, углевод алма- шинувининг максимал нормага келиши, гипо-гликемия ва кетоацидоз йўқлиги, НъАс1 10% дан кўп эмас, жисмоний ва жинсий ривожи ёшига мос, томирларда асорати йўқлиги	Глюкозага толе- рантлик тести нормада, қайта ўтказилган тест яхши чиқса 1 йил-дан сўнг кузатув тўхтатилади	Худди шулар
Кўрув давомийлиги	Доимий	КД га ирсий мойиллик бўлса, доимий	Ирсий мойилликда доимий

### **3.25. ГИПОТИРЕОЗ**

Гипотиреоз - турли касаллар натижасида калқонсимон без функциясининг патологик равишда сусайиши ҳисобига юзага келадиган синдром.

#### **ГИПОТИРЕОЗ ТАСНИФИ**

I. Юзага келиш вақти бўйича:

- A) тутма;
- B) ортирилган.

II. Заарланиш даражаси:

- A) бирламчи ( калқонсимон без заарланганда);
- B) иккиламчи ( гипофиз заарланганда);
- B) учламчи ( гипоталамус заарланганда).

III. Гипотиреозни оғирлик даражаси:

- A) енгил;
- B) ўрта оғирликда;
- B) оғир.

#### **ТУҒМА БИРЛАМЧИ ГИПОТИРЕОЗ**

I. Анамнези:

Ҳомиланинг ҳаракатланиш фаоллиги сусайган, муддатидан ўтиб туғишлиқ, чақалоқнинг дастлабки вазни катта бўлиши (4000 г атрофида) киндик қолдиги тушиши кечикади, физиологик сариқлик ҳам давомли, эмизишида қийинчилик, иштаҳа пастлиги, ютиш қийинлиги, гавда вазни ортиши ва бўйнинг ўсиши орқада қолади, қабзият, кўп ухлаш, ҳолсизлик.

II. Клиник мезонлар:

1. Терининг трофит ўзгариш синдроми: тери қалин, дағал, қуруқ, оч сариқ рангда (каротинемия ҳисобига), мармар чизгилари билан, қипикланиш ва ушлаганда совук. Юз, қовоқ, тилнинг шишиши, кўз ёригининг кичрайиши, бурун усти суюгининг яссиланиши, умров ости соҳасида, товонда ва қўлнинг юза қисмида ёстиқча каби шиллик шишлар (муциноз), тери ости ёғ қатламларининг ҳам шиши кузатилиши мумкин. Соч қуруқ, синувчан ва тўкилишга мойил, бошнинг соч соҳаларида пешана, қовоқларда терининг себореяси. Тирноқлар синувчан, ёриқлар билан, секин ўсади.

2. Висцерал ўзгаришлар симптомокомплекси: юрак товушлари сустлашган, брадикардия. АБ систолик ҳисобига

пастлашган. Юрак чегаралари кенгайган. Юрак түгма нуксонларини эслатувчи систолик шовқин, специфик даво натижасида йўқолади. Нафас стридорли, «хуррак» сингари, оғиз атрофи цианози, юқори нафас йўлларининг катарал яллиғланишга, ўчоқли зотилжамга мойиллиги. Товуш пайлари, тил ва лабларнинг қалинлашиши ҳисобига овоз паст, бўғиқ.

3. Мушак гипотонияси симптомокомплекси: қорин катта, туртиб чиқкан, киндик чурраси ва тўғри мушакларнинг ажралганлиги билан, бел лордози, думба соҳаси туртиб чиқкан ва тизза яrim букилган. Кўпинча қабзият ва метеоризм кузатилади.

4. Психомотор ривожланишда орқада қолиш симптомоком–плекси: эмоционал-руҳий соҳада бузилиш, болалар пассив, одамови, фикр юритиши секинлашган, атрофга аҳамиятсиз. Бошини тутиши, ўтириш, юриш ва нутқнинг пайдо бўлиши кечикади. Даволанмагандага интеллектнинг олигофрения даражасигача бузилиши кузатилади.

5. Ўсиши ва суяк тизими ривожининг орқада қолиши: скелетнинг инфантил пропорцияси, хондродистрофияга яқин: узун суяклар қалин, калта, юз соҳаси суяклари ривожи орқада қолади (бурун усти суяги яссиланган, кенгайган, бурун қалта ва кенг, икки куз орасидаги масофа кенгайган – гипертелоризм). Катта ликилдоқ узоқ муддатгача битмайди, тишлар кеч чиқади.

6. Жинсий ривожланишда орқада қолиши: тухумдон ва бачадон дисфункцияси, тухум гипоплазияси, жинсий безлар ривожи орқада қолади, гипогликемияга мойиллик.

### III. Параклиник мезонлар:

а) қон зардобида ТТГ, тироксин-Т4, трийодтиронин-Т3 миқдори пасайган;

б) рентгенограммада - билак-кафт усти бўғими- скелетнинг суякланиш нуқталари ривожи орқада қолган, эпифизар дисгенез; в) ЭКГ - Р, R тишчалар вольтажининг пастлиги, Т тишчанинг инверсияси, ўтказувчанликнинг сусайиши, синусли брадикардия;

г) Ахиллов рефлекси вақтининг чўзилиши ( 30 сониядан кўп);

д) қоннинг биокимёвий таҳлили – гиперхолестеринемия, зардоб темири, микроэлементлар, витаминалар миқдори камайган;

е) қоннинг умумий таҳлили – анемия лимфоцитоз.

Иккиламчи- учламчи туғма гипотиреоз.

Кўпроқ пангипопитуитаризмни намоён бўлиши. Бунда интеллектнинг орқада қолиши ва гавда тузилиши диспропорцияси

кузатилмайды. Зардобда Т3 ва Т4 паст, аммо ТТГ нормада ёки паст. Башқа белгилари худди бирламчи гипотиреозга ўхшаган.

### Орттирилган гипотиреоз

Интеллект сақланган, юқорида келтирилган белгилар яққол намоён бўлмайды.

Қиёсий ташҳисот:

Рахит, Даун касаллиги, хондродистрофия, церебро-гипофизар нанизм, туғма жароҳат, турли генезли сариқлик билан ўтказилади.

## ДАВОЛАШ

Тиреоид гормонлар индивидуал танланган дозада:

- L- тироксин, ТИРО-4 (табл. 0,05; 0,1; 0,2 мг) эрталаб оч қоринга 25–50 мкг/сут. дан бошлаб, доза қўпайтириб борилади.
- тиреоидин (табл. 0,05; 0,1 г) – эрта ёшдаги болага 10–15 мг/сут., катта ёшдагиларга 30–40 мг/сут. ҳар ҳафтада 10–15 мг га қўпайтирилади;
- трийодтиронин (табл. 20; 50 мкг) – бошланғич доза 5 мкг, ҳар 2–3 кунда 5 мкг дан қўпайтирилади;
- тиреотом.

# **Мундарижа**

## **I қисм. Бирламчи тиббий ёрдамни ташкил қилиш**

1.1. Оила тиббиёти асослари. Оилавий поликлиника ва қишлоқ врачлик пунктида ишни ташкил қилиш. Құлланиладиган хужжатлар. Касаллик варақаси.....	4
1.2. Профилактика. Профилактика турлари. Соглом болаларни диспансер кузатуви. Саломатлик гурухлари. Саломатлик. Холатини баҳолаш.....	13
1.3. Консультация .....	17
1.4. Иммунопрофилактика. Режалаштириш ва бажариш .....	21
1.5. Болаларни болалар муассасига ва мактабга тайёрлаш. Мактабга қабул қилиш, олдиdan болаларнинг ақлан етуклигини баҳолаш .....	29
1.6. Реабилитация бўлимини ташкиллаштириш .....	31

## **II қисм. Эрта ёшдаги болалар касалліклари**

### **Диатезлар**

2.1. Экссудатив-катарал диатез.....	37
2.2. Лимфатик-гипопластик диатез .....	40
2.3. Нерв-артритли диатез .....	42
2.4. Рахит .....	45
2.5. Спазмофилия.....	51

### **Мальабсорбция синдроми**

2.6. Муковисцидоз.....	54
2.7. Целиакия.....	56
2.8. Дисахаридлар етишмовчилиги .....	57
2.9. Камқонлик .....	59

### **Бронхитлар**

2.10. Ўткир бронхит .....	68
2.11. Обструктив бронхит.....	70
2.12. Бронхиолит.....	72
2.13. Пневмония (зотилжам). Ўпканинг уткир яллигланиши .....	73
2.14. Туғма юрак нүқсонлари.....	77

## **III қисм. Катта ёшдаги болалар касалліклари**

### **I боб. Нафас органлари касалліклари**

3.1. Сурункали пневмония.....	88
3.2. Сурункали бронхит .....	92
3.3. Плеврит.....	94

3.4. Бронхиал астма .....	97
<b>II боб. Овқат хазм қилиш органлари касалликлари</b>	
3.5. Сурункали эзофагит .....	104
3.6. Сурункали гастрит .....	107
3.7. Сурункали гастродуоденит.....	109
3.8. Меъда ва ўн икки бармоқ ичакнинг яра касалликлари .	112
3.9. Сурункали панкреатит .....	117
3.10. Сурункали энтероколит .....	121
<b>III боб. Жигар ва ўт ажратувчи тизим касалликлари</b>	
3.11. Ўт йўллари дискинезияси .....	126
3.12. Сурункали холецистит (холецистохолангит).....	129
3.13. Сурункали гепатит.....	132
<b>IV боб. Юрак-қон томир касалликлари</b>	
3.14. Ревматизм .....	138
3.15. Аритмия .....	141
3.16. Вегето-томир дистонияси .....	144
<b>V боб. Бириктирувчи тўқиманинг заарланиши билан кечадиган диффуз касалликлар</b>	
3.17. Системали қизил югурук .....	153
3.18. Ювенил ревматоид артрит.....	160
<b>VI боб. Артритлар</b>	
3.19. Реактив артрит .....	166
<b>VII боб. Геморрагик касалликлар</b>	
3.20. Геморрагик васкулит.....	171
3.21. Тромбоцитопениялар .....	176
<b>VIII боб. Сийдик чиқариш тизими касалликлари</b>	
3.22. Бирламчи гломерулонефрит .....	181
3.23. Цистит .....	192
<b>IX боб. Эндокрин касалликлар</b>	
3.24. Қандли диабет .....	195
3.25. Гипотиреоз.....	203

Буюртма № 60. Адади 100 нусхада.  
Келишилган нархда.

Босмахона манзили: ООО «GEO FAN POLIGRAF» 100170, Тошкент,  
И. Мўминов кўчаси, 13-уй.